





int. sc. 1 pl. 3.



- APR 2006





SCOTUS ACADEMICUS

SEU

Universa Doctoris Subtilis Theologica
DOGMATA

R. P. F. CLAUDII FRASSEN. Ord. Min. de Observantia
Sacrae Theologiae Doctoris.

JUSSU

R.^{MI} P. MAGISTRI F. CAROLI JACOBI ROMILLI
Sacrorum Rituum Congregationis Consultoris,
ac totius Ordinis Minor. Conventualium
Ministri Generalis iterum edita,
ET IN XII. TOMOS DISTRIBUTA.



TOMUS III.

Tractatum tertium DE SANCTISSIMAE TRI-
NITATIS MYSTERIO *complectens.*



ROMÆ.

Apud ROCCHUM BERNABÒ, Anno MDCCXX.

SUPERIORUM LICENTIA.

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

DIVO BONAVENTURÆ

Seraphico Ecclesiæ Doctori

Theologorum Minoriticæ Familiæ

Antesignano Magistro;

Cujus ardentem Charitate Doctrinam,

& perspicuitate Lucentem

Amant, ac mirantur omnes,

Qui

Cœlestem sapientiam assequi cupiunt;

Subtilissima Scotici acuminis argumenta

Altissimū Individuæ Trinitatis Mysteriū

pervestigantia

Jure meritoque sistuntur.



I N D E X

DISPUTATIONUM, ARTICULORUM, SECTIONUM, ET QUÆSTIONUM,

Quæ in hoc Tertio Tomo
continentur.

TRACTATUS TERTIUS.

*De Adorando divinæ Trinitatis My-
sterio?* pag. I.

DISPUTATIO PRIMA.

*De Existentiâ, Origine, & Prin-
cipiis divinarum Personarum.*

ARTICULUS I. *De Existentiâ trium
divinarum Personarum in unitate
essentiæ.* 26

QUÆSTIO I. *An, & quomodo Trinitas,
& æqualitas Personarum in unitate
divinæ Essentiæ probari possit adver-
sus Judeos?* 27

QUÆSTIO II. *An mysterium Trinitatis
detegit, & probari possit ratione natu-
rali à Philosophis?* 32

QUÆSTIO III. *An, & quomodo suppo-
sita divina revelatione, probari possit
divinæ Trinitatis mysterium adver-
sus repugnantes Philosophos?* 41

QUÆSTIO IV. *An reverà tres tantum
sint divinæ Personæ realiter distin-
ctæ, & unus Deus?* 47

QUÆSTIO V. *An Filius, & Spiritus
sanctus reverà sint Deus, & Patri
æternò consubstantialis.* 62

APPENDIX *An unitas trium divinarum
Personarum consubstantialitatis vo-
cabulo à sanctis Patribus rectè expli-
cata fuerit?* 71

ARTICULUS II. *De Origine, & Pro-*

cessione divinarum Personarum. 74

QUÆSTIO I. *An sint reales in Deo per-
sonarum Processiones?* 75

QUÆSTIO II. *Quos sint divinæ Procef-
siones, & qualiter invicem distin-
guantur?* 84

QUÆSTIO III. *Quid, & quales sint di-
vinæ Processiones?* 94

QUÆSTIO IV. *An, & quæ Processio sit
in divinis generatio?* 106

ARTICULUS III. *De Principiis ob-
jectis, & terminis divinarum ema-
nationum.* 118

QUÆSTIO I. *Quenam sint immediatæ
principia emanationum divinarum.*
pag. 119

QUÆSTIO II. *Cujusnam objecti cognitio-
nem, & amorem divinæ processiones
presupponant?* 124

QUÆSTIO III. *Qui, & quales sint di-
vinarum processionum termini?* 135

QUÆSTIO IV. *Quomodo fiant divinæ
processiones an liberè vel naturaliter*
pag. 143

DISPUTATIO SECUNDA.

*De Proprietatibus Constitutivis, di-
stinctivis, & Notificativis divinarum
Personarum.* 115

ARTICULUS I. *De Personis, hypo-
stasibus, & subsistentiis divinis.* 152

QUÆSTIO I. *An, & quomodo ratio Per-
sonæ Deo conveniat?* 155

QUÆ-

I N D E X.

<p><u>QUAESTIO II. An, & quibus proprietatibus divinae Personae in esse personali constituentur, & distinguantur?</u> pag. 160</p> <p><u>QUAESTIO III. An sint in Deo tres subsistentiae relatae personales, & una absoluta?</u> 171</p> <p><u>ARTICULUS II. De Relationibus divinarum Personarum constitutis?</u> pag. 176</p> <p><u>QUAESTIO I. An omnes Relationes divinae ad intra sint reales?</u> 177</p> <p><u>QUAESTIO II. Quenam relationes sint divinarum personarum constitutivae?</u> pag. 186</p> <p><u>QUAESTIO III. An Relationes sint formaliter infinitae, & perfectae?</u> 191</p> <p><u>ARTICULUS III. De Notionibus divinis.</u> 197</p> <p><u>QUAESTIO UNICA An, quot, & quales sint divinarum personarum notionis?</u> 197</p>	<p><u>QUAESTIO II. An, & quomodo prima Persona conveniat nomen, & ratio ingenti?</u> 207</p> <p><u>QUAESTIO III. An, & quomodo Pater dicatur Principium, Causa, Author, & Fons in divinis?</u> 210</p> <p><u>ARTICULUS II. De Propriis secundae Personae characteribus?</u> 214</p> <p><u>QUAESTIO I. An nomen, & ratio Verbi soli Filio divino conveniat?</u> ibid.</p> <p><u>QUAESTIO II. An, & quomodo Verbo divino competat ratio Imaginis?</u> 223</p> <p><u>QUAESTIO III. An, & quomodo ratio Sapientiae Filio divino conveniat?</u> pag. 223</p> <p><u>ARTICULUS III. De Persona Spiritus Sancti.</u> 227</p> <p><u>QUAESTIO I. An reverà Spiritus sanctus à Patre Filioque procedat?</u> 227</p> <p><u>APPENDIX De additione particulae Filioque ad Symbolum Nicenum.</u> pag. 537</p> <p><u>QUAESTIO II. Utrum Spiritus sanctus distinguatur realiter à Filio, & ab ipso non procederet?</u> 240</p> <p><u>QUAESTIO III. Quinam sint proprii, & appropriati sancti Spiritus characteres?</u> 249</p> <p><u>APPENDIX De Missionem divinarum Personarum.</u> 254</p>
--	---

DISPUTATIO TERTIA.

De Divinis Personis in particulari.

ARTICULUS I. De Praeellentia primae divinae Personae.
203

QUAESTIO I. An, & quomodo nomen Patris prima Persona conveniat?
pag. 204



TRA-

1

TRACTATUS TERTIUS.

DE ADORANDO DIVINÆ TRINITATIS MISTERIO.

P R Æ F A T I O N C U L A.



BYSSUS *reverà* abyssum invocat, & nox nocti indicat scientiam; cum ab ardua Deitatis essentialiter in se subsistentis, & operantis investigatione, ad ineffabile Trinitatis arcannum lustrandum, & illustrandum dogmata Theologica methodus evocat, & inducit. Enim verò adorandam Trinitatem, mysterium Divinitatis in fastigiis, non immeritò dixit S. Cyrillus; quia ut scitè, sapienterque loquitur mysticus Dionysius, nullibi sublimior, nullibi profundior Deitas esse potest, quàm cum distribuitur unicè, dividitur singulariter, & efficitur multiplex, non recedens ab uno. *Inde cap. 13. libri de divinis Nominibus, colligit grande hoc mysterium esse profusum mortalium obtutibus impervium:* Nulla enim, inquit, monas, aut trias, neque numerus, neque unitas, aut fecunditas, neque quidquam aliud eorum, quæ aut sunt, aut cognita sunt, arcanam illud lumen, omniaque superantis Divinitatis, quod rationem omnem, mentemque vincit, enuntiat: Nec ejus nomen est, neque ratio; sed in iis ad quæ aditus non patet secreta est. *Hinc egregiè S. Augustinus lib. 1. de Trinit. cap. 3. pronuntiat, Ubi queritur unitas Trinitatis, Pater, Filius, & Spiritus sanctus, nec periculosius alicubi erratur, nec laboriosius aliquid queritur, nec fructuosius aliquid invenitur.*

*Satis itaque nobis adhuc mortalibus esset cælestes illos Seraphinos in terris adumbrare, qui divinam Trinitatem mystico sanctitatis Trisagio æternum quidem inclamant: at quid illa sit, quibusve præcellentis fulgeat, ne verbulo quidem aperiant, Sufficeret equidem credentibus Dei sermo, inquit S. Hilarius lib. 2. de Trinit. qui in aures nostras Evangelistæ testimonio, cum ipsa veritatis suæ virtute transfusus est, cum dicit Dominus, EUNTES NUNC DOCETE OMNES GENTES BAPTIZANTES EOS IN NOMINE PATRIS, &c. . . sed compellimur Hæreticorum blasphemantium vitis illicita agere, ardua scandere, ineffabilia eloqui, incoacta præsumere, & cum sola fide experi, quæ præcepta sunt oportet, adorare scilicet Patrem, & venerari cum eo Filium, sancto Spiritu abundare; cogimur sermonis nostri humilitatem ad ea, quæ inenarrabilia sunt extendere, & in vitium vitiò coartamur alienò. *Inde quibusdam interpositis religiose non minus, quàm eleganter insert, Pet. &c. scientia est sic Deum (Trinum in unitate) scire ut licet non igituribilem, tamen inenarrabilem scias; credendus est, intelligendus est, adorandus est, & his officiis cõtendus est.**

Unde etiam in explicando divinæ Trinitatis arcano ea nobis non est mens, ut claram illius notitiam assequi, & exteris expendere tentemus; inanis enim esset

Tom. III. p. 14

præsumptio, & irritus labor: sed ut face fidei præeunte aperiamus, quid de eâ Scripturæ sacra referent, quid Oecumenica Concilia doceant, quid sancti Patres loquantur; tum Latini, maximè S. Hilarius lib. 12. S. Augustinus lib. 15. S. Fulgentius adversus objectiones Arianorum: S. Anselmus lib. de Processione Spiritus sancti: Richardus Victorinus libris sex: Tum Græci, in primis S. Athanasius ubique, S. Basilii in lib. contra Eunomium, S. Nazianzenus in quatuor Orationibus de Theologia: S. Nyssen quatuor Orationibus de Trinitate: S. Cyrillus lib. 7. Dialogorum: S. Chrysostomus Homiliis quinque de visione Isaia, & Damaſcenus lib. de fide. Quid demum scholastici Doctores, maximè Franciscana familiae lumina, nempe irrefragabilis Aletis, seraphicus Bonaventura, & subtilis Scotus unanimi consensu probaverint, & docuerint.

Hoc autem, ut compendio, seu perspicua methodo impleamus, præsentem Tractatum quatuor Disputationibus absolvemus, quarum prima divinarum Personarum existentiam, originem, & principia referet. Secunda, earum principia constitutiva, distinctiva, & notificativa explicabit. Tertia, proprios cuique divina Personæ characteres aperiet: Quarta denique communes earum proprietates explanabit.

At salicem auspici laboris successum, ut à Deo bonorum omnium largitore consequi mereamur, prius interpellandus est, & in auxilium advocandus, illis ipsis verbis, quibus eum inelamavit S. Dionysius lib. de mystica Theologia dicens, Trinitas, Eternitas, Divinitas, ac Bonitas superior, ac præstantior Christianorum Theologiæ dux! Dirige nos ad ignotissimum, splendidissimumque, ac summum mylticorum scriptorum divinarum cacumen, in quo simplicia, & absoluta, inmutabiliaque Theologiæ mysteria abstrusa sunt, præfulgent silentii obscura decantis caligine. Addit S. Hilarius circa finem libri primi de Trinitate. Summum est oratum tribuere, & quesitum adesse, & patere pulsatum. Torpemus enim quodam naturæ nostræ pigro stupore, & ad res tuas intelligendas, intra ignorantie necessitatem ingenii nostri inbecillitate cohibemur: sed Doctrinæ tuæ studium ad sensum nos divinæ cognitionis instituit, & ultra naturalem opinionem fidei obedientia provehit. Expectamus ergo, & trepidi hujus cæpti exordia incites; & profectum accrescente confirmes, & ad consortium, vel Prophetalis, vel Apostolici spiritus voces: ut dicta eorum non alio, quàm ipsi locuti sunt sensu apprehendamus... Tribuas ergo nobis verborum significationem, intelligentiæ lumen, dictorum honorem, veritatis fidem: & præsta, ut quod credimus, & loquamur, &c.

Ut autem appareat, qui fuerint hujus adorandi mysterii Impugnatores infensissimi. quique strenuissimi Propugnatores, sequentem Hæreticorum adversus sacrosanctam Trinitatem militantium indicem: Nec non, & Conciliorum tam Generalium, quàm Provincialium divinum hoc mysterium asserentium, & explanantium appendicem, jam ab aliquibus non vulgaris nominis Theologis selectam, novissimè verò à nostro Baronio (viro utique de litteris, & ordine Seraphico ob ingentem eruditionem, & insignem pietatem bene merito) hic adscribere placuit: quatenus hujus adorandi mysterii investigator è limine conspiciat, quas vitæ salutis, quaque tramite tutâ currere debeat.

INDEX HÆRETICORUM

ADVERSUS ADORANDUM TRINITATIS MYSTERIUM

IN SANIENTIUM.

1	ANNO CHRIST. 57	S IMON cognomento pariter, & exercitio Magus, princeps hæreticorum, inter alia dicebat se esse Deum, qui in Samaria apparuit ut Pater, in Judæa ut Filius, in Gentibus ut Spiritus sanctus.	<i>Alf. 19. Irenæus lib. 1. c. 20.</i>
2	167	G NOSTICI, autore Carpocrate, vel, secundum alios, Nicolao, juxta aliquos etiam Valentino, docuerunt dualitatem, non Personarum, sed naturarum in Divinis.	<i>Iren. c. 24. Ang. b. ref. 6.</i>
3	180	M ONTANI à contra asseruerunt in Deo unitatem non Essentiz tantum, sed Personarum.	<i>Hier. Ep. ad Marcell. Tert. contra Praxeam.</i>
4	200	P RAXEAS, unum Deum non aliter putavit credendum, quam si ipsum eundemque, & Patrem, & Filium, & Spiritum sanctum dicat.	
5	219	H ERMOGENES, in Deo unam dumtaxat Personam posuit.	<i>Idem lib. contra Her- mog.</i>
6	220	M ONTANUS PHRYX, (unde Cataphryx) docuit, & jactavit se esse Paracletum: & (quod mireris) tantam insaniam tanto viro, Septimio Tertulliano persuasit.	<i>Conc. Nic. I Arian. di- sp. contra Arian.</i>
7	230	A RIUS Diaconus Alexandrinus, docuit Filium Dei esse creaturam; non esse coeternum Patri, non coessentialem; idemque à fortiori de Spiritu sancto.	<i>Epiph. Da- masce.</i>
8	250	N OËTUS, negavit numerum personarum, eundem dicens Patrem, Filium, & Spiritum sanctum in carne passum, & genitum.	<i>Aug. b. ref. 66.</i>
9	350	D ONATISTÆ, quamvis ejusdem substantiæ, minorem tamen Patre Filium, & Spiritum sanctum dicebant.	<i>Vincent. Lyrinus. contra hæ- reses 1. 2 b. ref. 1. 2</i>
10	360	M ARCELLUS, & P HOTINUS docuerunt Deum singularem, & more Judæorum, non esse tres Personas, sed unam dumtaxat, licet tria sint nomina.	
11	361	M ACEDONIUS, docuit Spiritum sanctum esse creaturam; nihil habere commune cum Patre, vel Filio, sed tantum esse ministrum ipsorum.	<i>Raf. Ep. 94. Epiph. b. ref. 59.</i>
12	370	E UNOMIANI, crediderunt in Trinitate tres esse diversas substantias, & qualitates, ut auri, argenti, & æris; Et Patrem quidem fecisse Filium, atque iterum Filium, qui sit creatura, fecisse Spiritum sanctum.	<i>Philas. de Eunomid. Epiph. b. ref. 77.</i>
13	375	A POLLINARIS LAODICENUS poesi aprior, & tropis quam Theologiæ, docuit divinas Personas esse inæquales, magnum videlicet esse Spiritum sanctum, majorem Filium, maximum Patrem.	<i>Aug. b. ref. 55.</i>
14	400	F AUSTUS MANICHÆUS. Unum, inquit, sub tri-	

ANNO CHRISTIANITATIS	15	430	<i>plici appellatione numen colimus, sed Patrem credimus lucem incolere summam, & inaccessibleem; Filius in hac secunda luce confisit, cujus virtus in Sole, sapientia in Luna habitat; sedem Spiritus sancti, omnem mundi ambitum fatemur.</i>	<i>Auz. l. 20. circa Fam. sum cap. 2</i>
	16	500	THEODORUS MOPSUESTENUS, & NESTORIUS , dum impiè negant Dei Filium de Virgine natum, nec ramen negant Filium Patri consubstantialem, aut verum hominem assumpsisse, quaternitatem pro Trinitate inducunt.	<i>Quinta Synod. Oecum.</i>
	17	570	ANASTASIUS Imperator edixit non Trinitatem, sed quaternitatem adorandam esse, ob quod sacrilegium fulmine percussus interit.	<i>Maxent. in conf. f. dei.</i>
	18	600	CHILPERICUS Rex Franciæ , Sabellianam hæresim promulgare volens, scripsit Galliarum Episcopis, ut Trinitate abjectâ unum tantum Deum dicerent, asserens eundem esse Patrem, qui & Filius, & Spiritus sanctus.	<i>Paul. Diacon. Pompon. Lat.</i>
	19	620	JOANNES PHILOPONUS Tritheistarum author, docuit tres divinas Personas tres Deos esse.	<i>Greg. Tur. lib. 5. hist. Fran. Nicebor. lib. 18. c. 26. Idem ibid. c. 49.</i>
	20	630	SEVERITÆ , dicunt alium esse Patrem, alium Filium, & alium Paracletum, Spiritum videlicet sanctum: non esse autem horum quemque per seipsum naturam, sed habere communem Deum, sive Deitatem in eis existentem, atque de ea Deitate indivisibili modo participantem quemlibet esse Deum.	<i>Damasc. de heres. Auz. lib. 5. hist. Fran. Nicebor. lib. 18. c. 26. Idem ibid. c. 49.</i>
	21	1000	MAHOMETES ponit unum Deum Universi auctorem, qui neque genitus, neque generaverit. Negat unitate Trinitatem, & solum binarium numerum confitetur, scilicet ipsam divinam essentiam, & animam ejus.	<i>Damasc. de heres. Auz. lib. 5. hist. Fran. Nicebor. lib. 18. c. 26. Idem ibid. c. 49.</i>
	22	1049	LOYSIUS, & HÆRIBERTUS dicebant deliramenta esse quidquid in veteri, ac novo Testamento de Trinitate, & unitate Dei est scriptum.	<i>S. Antonin. Summa Historial. parte 3.</i>
	23	1050	Ante hunc annum quasi ducentis retrò, tempore Nicolai Papæ I. cœperunt GRÆCI schisma, sed circa hoc tempus apertè, & palàm à Romana Ecclesiâ se divisere, & errorem de processione Spiritus sancti à solo Patre spargere cœperunt.	<i>Enchirid. in Panop. p. 2. tit. 23. S. Bernart. Epist. 190. Otto Frising. c. 49.</i>
	24	1140	BOGOMILES , qui ab Alexio Comneno Imperatore in theatro exultus fuit, docebat non esse in Deo Trinitatem.	
	25	1190	PETRUS ABAILARDUS, & ARNOLDUS BRIXIENSIS docebant; gradus esse in divinis inæquales; Deum Patrem plenam esse potentiam, tam in generando, quàm in discernendo: Filium quandam potentiam in discernendo per sapientiam, Spiritum sanctum nullam esse potentiam, sed benignitatem.	<i>Guido de hares.</i>
			JOACHIM ABBAS docuit, quòd Pater, Filius, & Spiritus	

	ANNO CHRISTIANI	rius sanctus sit una essentia; verum unitatem hujusmodi non propriam, & veram, sed quasi collectitiam, & similitudinariam esse, sicut multi fideles sunt una Ecclesia, ita ut essentia esset quarta res.	
26	1198	MARCELLI, PHOINI, & SOPHRONII Sectatores non consentientes S. Trinitatem, sed Spiritum solum Deum appellantes, ejus sermonem dicebant esse efficacitatem, quæ in prognato ex semine David habitasset, non substantiam, quæ suam habeat hypostasim. Ad nostros hæreticos accedens, qui non paulò magis prioribus sunt petulantes, ipsorum etiam verba producam, ne quis dubitet eos in has blasphemias contra Deum, & sanctissimam ejus Trinitatem prorupisse.	<i>Constantinus: Har- menopolis de opinio- nibus hæ- reticis.</i>
27	1520	Igitur ERASMUS RODERDAMUS, qui plerisque locis maluit Catholicus videri, quam esse, dicit Arianos, id est assertores imparitatis divinarum Personarum, non tam hæresim fecisse, quam schisma, quàm essent illi (inquit) nostris numero pares, eloquentiâ doctrinâque superiores.	<i>Eras. præ- fat. in rom. 2. S. Hier.</i>
28	1530	MARTINUS LUTHERUS: Si odit anima mea vocem homouision, & nolim eâ uti, non ero hæreticus. Nec est quòd mihi obijceret illud adversus Arianos receptum; non fuit receptum.	<i>In consus- Latomi.</i>
29	1540	MICHAEL SERVETUS: res illas res incorporeas in unâ Deitate distinctas, negat posse consistere; omnes, qui Trinitatem statuunt in essentia Dei, Tritheitas, & atheos vocat, qui nec Deum, nisi tripartitum, & aggregatum habeant. Imò teste Theodoro Patrem, Filium, & Spiritum sanctum Cerberium tricipitem appellavit.	<i>Lib. 1. con- tra Trinit.</i>
30	1545	JOANNES CALVINUS: Utinam sepulta essent nomina Trinitatis, Persona, Consubstantialis. Et alibi: Unus Deus, id est Trinitas: Creditis in Deum, id est in Trinitatem: hoc non modo tanquam inspidum, sed ut profanum quoque repudiamus.	<i>Theod. Be- za Epist. 1. Lib. 1. in- stit. c. 13.</i>
31	1550	VALENTINUS GENTILIS: Confusio trium in unum, & eundem numero spiritum, fundamentum, & origo omnium errorum fuit. Qui enim unum Deum in tres Personas distinguit, vel sibi præstigijs facit, vel necessario unius Dei substantiam dividit, ac dispergit.	<i>Idem. Ep. ad Polonos. Protest. 33.</i>
32		WOLFGANGUS MUSCULUS: Nollem coram Ethnicis Patrem, Filium, & Spiritum sanctum dicere tres Personas, ne viderer dicere tres Deos: vocabulum hoc persona non ita necessarium est ad fidem Christianam, quàm illud primi Christiani ignoraverint.	<i>VVlf. Mus- cul. primo articulo 1. 6.</i>
33	1560	THEODORUS BEZA: Verbum Dei clarè nos docet, quòd ista essentia divina est distincta realiter, & secundum veritatem, & ab æterno in tres Personas.	<i>In magna confess. Gal- lica.</i>
34		LAMBERTUS DANÆUS: Oratio illa, quæ dicimus	<i>in</i>

35	ANNO CXXI- STI	in <i>Litania</i> , S-Trinitas unus Deus miserere nobis; est <i>inepta, insana, à Patribus male inventa, atque periculosa</i> .	Lib. ad- vers. Ge- nebrard.
		GEORGIUS BLANDRATA: <i>Symbolum Athanasii</i>	Petrus Ca- rolin. &
36	1580	CHRISTIANUS FRANCUS: <i>Quales fuerint illi, à quibus avidissime receptum, comprobatum, & profeminatum est Trinitatis dogma, nemo ignorat: eos enim maxime omnium constat imbutos consuetudine colendi multitudinem Deorum; cum majorum, ut Apollinis, Martii; tum minorum, ut Castoris, Pollucis. Ex hoc uberrimo Deorum fonte, & innumeri Sancti, tanquam minores invocandi Dii, & tres etiam divina Persona, velut majores Dii aderandi in Orbem Christianum, profuxerunt.</i>	Georg. maj. Lib. contra Trinitat. Cracovib.
37	1582	THEODOSIUS SCHIMBERCIUS: <i>Manifestum est Trinitatem, & divinitatem Filii non esse articulos fidei veros, quia sunt impossibilia menti. Ideo in rei veritate sunt blasphemata dogmata, & horrenda, eximo Orco per filium perditionis virtute Sathanae Ecclesiis obtrusa. Falsus Deus, & filius à filio perditionis est Deus unus, & trinus; hic enim nomine tenus Deus est, re autem ipsa, idolum.</i>	Epist. pra- fata scri- ptis Joan. Semmari.
38	1590	THEODORVS DORCHIVS: <i>Falsus hic, & filius Deus ab homine peccati est Trinus, & unus: nam hic nomine tantum Deus, revera autem idolum est, de quo Paulus, ait: quod nihil sit. Nam impossibile omnino est, quod talis aliquis existens, qui unus, & Trinus sit, possit, aut debeat verus esse Deus. Nam verus Deus non est tanta potentia, ut possit facere esse eas res revera, quae sunt impossibilia menti.</i>	Lib. Ger- manico pro Fran- cisco Da- vide.
39		FRANCISCUS DAVIDIS: <i>Dico ergo Christum hominem non esse illum altissimum Jesum, sed Filium ejus: Patrem Deum altissimum, solum ab ipso Deum dicimus; Filium vero dicimus Deum communicatione. Idem alibi: Si Christus adorandus, & invocandus est, Christus eris ille solus verus Deus propositus. Deut. 6. At illud jam olim per nos negatum, & destructum est. Non ergo dicere, & affirmare possumus Christum adorandum, & invocandum esse, nisi pravaricatores esse velimus.</i>	In disput. Athana- asii. contra dici. Item in de- fens. non invocand. Christ.
40		Denique, <i>FAMILIA AMORIS</i> , negat Christum esse æqualem Patri. Dicit Spiritum sanctum non esse Deum, & phantasma esse, quidquid Papiæ de Spiritu sancti, vel essentia, vel Deitate credunt.	
		Sunt, & plures alii minus vulgati nominis Tenebriones, qui adorandum Trinitatis mysterium suis deliriis, & erroribus offuscere tentant. Quos perpetuo silentio dignos lubens reticeo.	

APPENDIX

CONCILIORUM

TRINITATIS MYSTERIUM ASSERENTIUM, ET EXPLANANTIUM.

CONCILIUM ALEXANDRINUM.



Uñ Orientales non solum fideis, sed & animorum dissensione ita laborarent, ut in sola Antiochia sede tres Episcopi federent, Eusebius Vercellensis Alexandriam veniens, Concilium Episcoporum convocavit, in quo, præter alia actum est de *uera* & hypostasi, eo quod Hosius Episc. Cordubens. ad convincendum Arium, dum Sabelli dogma explodere conaretur, *has uocaciones*, id est essentiã *uapins urias*, id est personã disputavit; unde materia alteri contentioni suppeditata est.

Et verò, (ut notavit accuratè S. Basiliius,) ipsa Nicæna Synodus fomitem huic liti ministravit illis: *Si quis verò ex alia essentia, vel hypostasi, id est substantia, Filium Dei esse dixerit, hunc anathemate rejicit Catholica, & Apostolica Ecclesia*, Ubi vides discrimen à Concilio positum inter *essentiam*, & *hypostasim*, hoc est substantiã; si enim haberet illa pro synonymis, non poneret utrumque seorsim. Ex quidem hujus Concilii acta ferè interierunt; ponemus nihilominus, quod ad propositum facit Epistolæ Synodalis ejus. Illis enim, qui nonnullos incusabant, ut trium hypostasion affirmatores, eum hujusmodi voces in Scriptura non reperirentur, ac proinde suspecti videri possent, Auctores fuimus, ne amplius in Nicænâ Confessionem inquirerent. Sed tamen de istis ob perniciem rixandi quæstio est habita; interrogatique sunt, num pro Arianorum sententia alienas, peregrinasque, ac diversas à se invicem personas substantiã esse velint, & unamquamque hypostasim per se, ac seorsim esse, pro ratione cæterarum, creaturarum eorumque, qui ex hominibus nascuntur, existiment, An se intelligant diversas res, quale est aurum, argentum, &c? An ut alii hæretici subsistis vocibus tria principia, & tres in æternos Deos constituant? Cæterum illi affirmabant se ita, nec sensitse. Percunctantibus autem nobis, quã ratione ista dicerent, aut cur omnino istis vocabullis uterentur? Responsum dederunt, sese in Trinitatem credere, non, quæ nomine tenus Trinitas, sed quæ verè Trinitas esset, & subsisteret: Et Patrem, ut qui verè esset, & subsisteret, & filium, ut existentem, & subsistentem; & Spiritum S. ut subsistentem, & existentem agnoscere: Non tamen se dixisse tres Deos, aut tria principia, imò non toleraturus, quidem, si quis tale quippiam, aut dicat, aut sentiat: sed se scire esse S. Trinitatem, ut tamen una sit Deitas, & unum principium: & Filiam se agnoscere esse coessentialem Patri suo, ut dixerunt Patres & Spiritum S. non creaturam, neque alienum, sed proprium, & indifregatum ab essentia Patris, & Filii.

Ap.

Approbata igitur istiusmodi, & interpretacione, & excusatione, vicissim quæque, & eorum examinatum, qui ab istis in culpam devorabantur, quasi dicerent esse unam hypostasim, sese iustantes ab illis: non pro Sabelliano dogmate ea mente loquerentur, ut sublato vellent in Trinitate Filium, & Spiritum S. quasi Filius essentia careat, aut Spiritus S. non subsisteret? Qui & ipsi quoque affirmarunt, neque ita se dicere, neque ita sensisse unquam, sed dicitur eos intelligere idem esse cum vicia: unam autem, ideo sese hypostasim intelligere, partim, quia Filius ex essentia Patris sit, partim, quia in tribus sit identitas naturæ, unam enim sese Deitatem, & unam naturam credere, neque aliam Patris, aliam Filii, aliam Spiritus S. esse naturam. Quinimod, & illi qui eo crimine postulati erant, quod tres hypostases inducerent, cum istis in eandem sententiam conveniunt, vicissimque illi, aut unam hypostasim asseverarent, istorum interpretacioni acquiescebant, & ambo factiones pariter Arium execratæ sunt, ut Christi hostem; Sabelliumque, & Paulum Samosatensem, ut impios; Valentinum item, & Basilidem, ut alienos à veritate; Manicheum quoque, ut malorum machinatorem. Omnes denique Dei gratia, post huiusmodi verborum interpretacionem, optimam, & exactissimam, quæ Nicæa Patres instruxissent, fidei esse approbarunt, eiusdemque fidei verba sufficere, ac ante omnia, in usum esse deducenda, constituerunt.

CONCILIUM NICÆNUM.

QUia hæreticorum vix unus de persona Patris, aut ejus Deitate dubitavit, quod is aperte Atheismus esset, proinde nulla de hoc conveniunt Concilia: Unde primum fuit de Deitate Filii, cujus historia texam, partim verbis Concilii Chalced. partim historia ipsius Nicænæ. Igitur Beatisimo Silvestro in Urbe Roma Apostolicæ Sedis Antistite, Constantino Augusto, & Licinio Cæsare, consulari Paulini, & Juliani virorum, clarissimorum, ab Alexandro, millesimo trigesimo, vel (ut alia editio) 1306. anno, 13. cal. Julii: mensis secundum Græcos ^{nonis} die 19. quod est 13. cal. Julii, in Nicæa metropoli Bythyniæ, sedit Synodus 318. Patrum, quamvis alii pauciores convenisse eò dicant: Eusebius tantum 250. Sed inscriptiones, & nomina singulorum Patrum exhibent rectè communiter receptum numerum 318. quem etiam Sancti aliqui norant myticum esse, & præfiguratum in exercitu Abraham, qui constabat 318. militibus. Hanc autem quamvis non solum generalem synodum, sed generalium primam, postposui Alexandrinæ, eò quod tempore posterior fuerit, cum constet ex Epistola Julii Papæ ad Athan. acta Alexandrinæ in Nicænâ esse producta. Itaque, in hoc solemnî conventu, omnis Ecclesiæ iaculo confossa est impietas Arii, & Eusebianorum ponentium Filium Dei. scilicet minorum Patre, imò & creaturam, ejus hunc æternò symbolò toties deinde ratò ac firmatò.

Symbolum Nicænum.

Confitemur in unum Deum Patrem omnipotentem, omnium visibilium invisibiliumque auctorem. Et in unum Dominum Jesum Christum, Filium Dei, natum ex Patre unigenitum hoc est, ex substantia Patris Deum ex Deo, lumen, ex lumine, Deum verum ex Deo vero, natum non factum, benedictum, hoc est, com-
sub-

substantiali Patri per quem omnia facta sunt, & quæ in celo, & quæ in terra. Qui propter nos homines, & propter nostram salutem descendit, & incarnatus, & homofactus est, passus, & resurrexisset tertia die, & ascendit in celos, & inde venturus est iudicare vivos, & mortuos. Et in Spiritum S. Dicentes autem: Erat quando non erat, aut; Non erat antequam fieret, quia ex non existantibus factus est, ex altera substantia dicentes esse; aut creatum, aut convertibilem Filium Dei, hos tales anathematizat Catholica, & Apostolica Ecclesia. Jam, ut historiam Concilii prosequar, hujus definitionis, ac tenoris causa fuit, quod quum (inquit Athanasius) Synodus in hoc esset, ut Arianorum impia vocabula tolleretur, & voces adhibere vellet, quæ sine controversia Sacrarum Litterarum essent: nimirum, eum Filium esse, & nequaquam ex non entibus esse, sed Deo, eumque Verbum esse, & Sapientiam, ac nequaquam creaturam, aut facturam. sed germen proprium sui Patris: Eusebiani pro inveterata sua, & prava consuetudine volebant, illud, ex Deo esse, commune esse, & ad homines quoque pertinere, neque quicquam Christum eo nomine à nobis differre: Et paulò post; Ibi Patres animadversa eorum fraude, & impletatis vafritie, coacti sunt clarioribus verbis exponere, quid sit: ex Deo esse, & scribere Filium ex substantia Dei esse: ne, ex Deo esse, & commune, & æquè ad Filium, & creaturas pertinere existimaretur: Et inferius. Episcopi rursus affirmantibus, & hoc quoque scribi debere. Eum veram esse potentiam, & imaginem Patris, & similem, Patri, & immutabilem per omnia, & inconvertibilem, & æternum, & indivisum in Patre subsistere, nunquam enim uon erat, sed semper erat, subsisteretque perpetuò apud Patrem ut splendor lucis: Ipsa quidem catenu: suslinebant Eusebiani, nihil ausi contradicere, ob probrum, quod in diis suis refutatis passerant; sed ita tamen, ut deprehenderentur inter sese missitare, nutus conferre, oculisque sibi lucem applaudere. Quasi illud, simile esse, & in Deo esse, & ejus potentiam esse, communia Filio nobiscum essent, neque obaret quidquam, quo nobis ea ipsa quoque adaptarentur, eo quod de similitudine nostra cum Deo scriptum habetur, hominem esse, & imaginem, & gloriam Dei: Et paulò post: Ceterum (inquit) Episcopi, considerata illorum hypocrisis, & varietate (prout Scriptura dicit: Dolus in cordibus fabricantium mala), ipsi quoque necessitate coacti sunt sententiam earum rerum ex Scripturis colligere, & quæ prius dixerant, apertioribus verbis recetere, & scribere, Filium esse consubstantiali Patri, ut non solum similitudinem similitudine, sed eundem, ea voce, qua ex Patre esse dicitur, significarent, multa de his ibi Athanasius. De qua quidem voce Marius Victorinus cum pluribus agit, hæc ait: Hoc uno, id est, innotuit omne venenum Ariani dogmatis inter necatur. O docti Episcopi, & Sancti, & fidem spiritu confirmantes, & Verbum verè verbum Deo, quo Deus & Logos ostenditur ex æterno, & semper, eademque substantia. Dicitur igitur latine est οὐνογενής, unde etiam necessariò græcè ponendum, atque tractandum. Hæc ipse.

CONCILIUM CONSTANTINOPOLITANUM.

CONVOCATUM est Damasus Pontifex, & Theodosio Seniore Imperat. partim ob causam similem jam tactæ de Episcopo Constantinopolitanae sedis assignando; partim etiam, sed principalius ad statuendam Catholicam veritatem contra Macedonianos, nempe Pneumatomachos, ut loquitur idem Concilium,

lium, id est Spiritus sancti Adversarios. Ut enim constat ex sexta Synodo, Macedonium Spiritus negabat Deitatem, & dominium, cumque confervum prædicabat; sed maximus Theodosius Imperator, & Damasus fidei adamas obstitērunt. Est autem sciendum Concilium hoc fuisse, esseque Oecumenicum, ex iis quatuor quibus Græci, atque etiam S. Gregorius Papa, tanquam 4. Evangeliiis deferunt; tametsi numero Episcoporum aliis, etiam non generalibus, cesserit: fuerant enim 150. sed ideo tam pauci, quia aliud interim in Occidente, & Urbe Roma celebratum à Damaso Papa. eodem sensu, ac sententia de eodem argumento; ut proinde, non duæ synodi illæ, sed duæ partes ejusdem censentur. Hoc autem Concilium raram, & certam habuit fidem Nicænæ Synodi illi: *Negavit, reprobatorum filios trecentorum decem, & octo Patrum, qui in Nicæa Bithiniæ convenerunt, sed maneto ea firma, ac rata. Et extrema execratione, ac desolatione damnator omnis heresi, perversaque, & imple opinio, præcipue Eusebii, sive Anomæorum. Item Arianorum, sive Eusebii, sive Semiarianorum, sive Pneumatomachorum, Sabellianorum, Marcellanorum, Psetinianorum. & Apollinariorum. Hæc Canon. Deinde suum addidit Symbolum, quod à Nicænâ vix in alio diversum, quod majori claritate, & descriptione, super personâ Spiritus sancti, hic addo.*

Symbolum Constantinopolitanum,

CRedimus in unum Deum, Patrem omnipotentem, factorem cæli, & terræ, visibilium omnium, & invisibilium conditorem. Et in unum Dominum Jesum Christum Filium Dei unigenitum, ex Patre natum, ante omnia sæcula, Deum ex Deo, lumen, ex lumine, Deum verum ex Deo vero, natum non factum, homousion Patri, hoc est, ejusdem cum Patre substantiæ, per quem omnia facta sunt, quæ in cælo, & in terra. Qui propter nos homines & propter nostram salutem descendit de cælis. Et Incarnatus est de Spiritu S. ex Maria virgine: homo factus, passus est sub Pontio Pilato, ac sepultus, & tertiâ die resurrexit: Ascendit ad cælos, sedet ad dexteram Patris; inde venturus est cum gloria judicare vivos & mortuos, cujus regni non erit finis. Credimus in Spiritum S. Dominum, & vivificantem, ex Patre procedentem, cum Patre & Filio adorandum, & conglorificandum, qui loquutus est per prophetas. Et unam Catholicam, & Apo-

CRedimus in unum Deum, Patrem omnipotentem, factorem cæli, & terræ, visibilium omnium, & invisibilium. Et in unum Dominum Jesum Christum, Filium Dei, natum ex Patre ante omnia sæcula, Deum verum de Deo vero, natum non factum, consubstantialem Patri, per quem omnia facta sunt. Qui propter nos homines, & salutem nostram descendit de cælis: Incarnatus est de Spiritu Sancto, ex Maria Virgine, & inhumanatus est. Et crucifixus est pro nobis, sub Pontio Pilato. Et sepultus est. Et resurrexit tertia die. Ascendit in celos, sedet ad dexteram Patris. Iterum venturus est cum gloria judicare vivos, & mortuos: Cujus regni non erit finis. Et in Spiritum Sanctum, Dominum, & vivificantem, ex Patre procedentem, cum Patre, & Filio adorandum, & conglorificandum: Qui loquutus est per sanctos prophetas. Et unam sanctam Catholicam, & Apostolicam Ecclesiam. Confitemur unum baptisma in remissionem peccatorum: Expectamus resurre-

ctio.

solitam Ecclesiam . Confiteor unum *Et eternum mortuorum , & vitam venturi* batisma in remissionem peccatorum ; *seculi .*
 expectatum resurrectionem mortuo- *Amen .*
 rum , & vitam futuri seculi . *Amen .*

CONCILIIUM EPHESINUM .

EQUIDEM reputo non nimis ad propositum meum facere , cum constet Nestorii hæresim , contra quam Concilium congregatum est , non tam fuisse de Trinitate , quam de Incarnatione , & de Christo homine magis propriè , quam de Deo Verbo : *nusquam enim Dei Verbi substantiam peremit* (ait Cassiodorus lib. 12. cap. 4.) Quia tamen auctores nonnulli miscent has hæreses , quæ etiam reverà vicinæ sunt , & ipse Nestorius fundamentum aliquale præbuit , verbis saltem suspicionis : hæc enim est ipsius vox apud Cassiodorum citatum . *Noli gloriarì Judæe , non crucifixisti Deum .* Apud Socratem etiam leges cap. 2. quod *quamplurimi Deum fatentur esse Jesum .* Ego inquit Nestorius) *bimembrem , & trimembrem nequaquam confiteor Deum .* Unde qui circa Cyrillum erant hominias Nestorii , quas de hac questione protulerat , sæpius relegentes , & ex ipsis judicantes eum , veluti blasphemantem Dei Filium , damnaverunt . Quidquid sit , Concilium coactum fuit Ephesi , auctoritate Cœlestini Papæ , perentis , & favente Theodosio Juniore . Convenerunt Episcopi , plusquam 200. ex Oriente , anno Christi 430. Cœlest. 5. Theod. 19. Damната est in eo dicta hæresis dicti Nestorii , prædente S. Cyrillo Alex. vice , & nomine Cœlestini Papæ . Et quia Cyrillus 12. capitula contra totidem Nestorii blasphemias conscripserat , inter quæ Spiritum S. dicebat esse Patris , & Filii , & à Patre ac Filio procedentem , Theodoretus contradicens scripsit Spiritum sanctum , non procedere à Patre , & Filio , nec à Patre per Filium , occasio sumpta est ex Theodoreti verbis , ut Græci , longo post tempore negaverint , Spiritum S. ex Patre , & Filio procedere . quamvis contra Theodoretum semper tenuerint eum procedere ex Patre per Filium .

Cæterum doctrina fidei , sive definitiones hujus Concilii non aliæ sunt , quàm quæ in Epistola ejusdem ad Nestorium continentur . *Sublimis* (inquit) *his nostris , quæ te sentire oporteat , & docere , & ea à quibus sustinere convitat .* Subdit autem Symbolum Nicenum , sic .

Credimus in unum Deum , Patrem omnipotentem , omnium visibilium , & invisibilium conditorem . Et in unum Dominum nostrum Jesum Christum , Filium Dei , natum de Patre unigenitum , hoc est . ex substantia Patris , Deum ex Deo , lumen de lumine . Deum verum ex Deo verò , natum non factum , homousion Patri , hoc est , unius cum Patre substantiæ , per quem omnia facta sunt in cœlo , & in terra . Qui propter nos homines , & propter nostram salutem descendit de cœlis . Et incarnatus est , & homo factus , passus est : Et resurgens tertiâ die , ascendit in cœlos , inde venturus est judicare vivos , & mortuos . Et in Spiritum sanctum . Eos autem , qui dicunt : *Erat tempus quando non erat : & Antequam nasceretur non erat , &c.* quia ex nullis extrinsecus factus est , aut ex alia substantia , esse dicunt , aut convertibilem vel commutabilem Dei filium , anathematizat Catholica & Apostolica Ecclesia .

Subdit deinde duodecim Capitula seu Canones , ex quibus hæc utrunque

speñat. I. Si quis non confitetur Deum esse veraciter Emmanuel, & propterea Del genetricem sanctam Virginem, anathema sit. IX. Si quis unum Dominum Jesum Christum glorificatum dicit à Spiritu Sanctum qui aliena virtute per eum usus fuerit, & ab eo acceperit efficacem contra imundos spiritus, possit etiam coram hominibus divina signa facere, ac non potius proprium futetur ejus spiritum, per quem divina signa explevit, anathema sit.

CONCILIVM CHALCEDONENSE.

Generale Quartum.

PROPRIUS ad rem nostram accedit, quum hæresis, quam illud damnavit, destruat Deitatem ipsam ab Incarnatione Verbi deinceps. Si enim ex duabus naturis in Incarnatione facta sit una, jam non ex illa sincera in Verbo saltem. Cæterum Synodus congregata est Leone I. Pontifice, & Marciano Auguito; Consulatu ejusdem Marciani, ut ipsum Concilium testatur Act. 1. Indictum est contra errorem Eutichetis Presbyteri, seu Archimandritæ, qui in Christo dicebat, post Incarnationem, fuisse unam tantum naturam, non quod unâ ex duabus, de præterita, altera remanserit, sed quod ex duabus facta sit una tertia, seu mixta. Quâ occasione monendos esse duxi Lectores, quod post Concilium V. Generale ortum sit dissidium inter Catholicos: Plurimi enim Concilium Chalcedonense recipere volebant, propter tria capitula edita in V. Concilio Generali. Primum de Theodoro Mopsuesteno Episcopo, cujus impia scripta ibi damnantur; Et tamen Theodorus in Concilio Chalcedonensi non est damnatus. Secundum de Theodoret, cujus scripta adversus 12. Capitula Cyrilli ibi reprobantur; Et tamen Concilium Chalcedonense Act. 8. Theodoretum suæ sedis restituit. Tertium de Epistolâ Ibas Episcopi Edesseni scripta ad Marim Persam, quæ S. Cyrillum Alexandrinum vocat hæreticum, & Nestorium laudat; & tamen Ibas Episcopus in Concilio Chalcedonensi est receptus. Hoc autem totum neminem movere potest, nisi eum, qui historiarum ignorantia laborat: nam Concilium Chalcedonense non recepit doctrinam horum, sed personas, quia nimirum illos deinde pœnituit, doctrinam Catholicam amplexos; Et V. Concilium non personas, sed doctrinam damnavit. Cæterum definitio fidei ab hoc Concilio edita, in præterita specie vix est alia, quam explicatio Symbolorum Nicæni, & Constantinopolitani, quæ innovant Patres communis judicio dogmata expellentes erroris, & inenarrabilem Patrum renovavimus (inquiunt) fidem, Symbolum 318. omnibus prædicantes: Et eos, ut proprios Patres etiam adscribimus, qui postea in magna Constantinepoli congregati sunt 150. & eandem fidem ipsi quoniam confirmaverunt. Definimus igitur ordinem, & omnes formulas custodientes, quæ de fide sunt constitutæ: Et nos ejus Synodi, quæ quondam in Epheso facta, cujus præfides fuerunt beatissima memoria Cælestinus Romanorum, & Cyrillus Alexandrinorum Antistes: Præfultore quidem rectæ, & immaculatæ fidei expositionem Sanctorum 318. Patrum, qui in Nicæa temporibus pie memorie Constantini Imperatoris congregati sunt: Servari autem, & ea, quæ apud Constantinopolim à Sanctissimis 150. Patribus decreta sunt, ad extirpandas quidem omnes germinantes hæreses, & ad confirmationem ejusdem Catholica, & Apostolica nostræ fidei Symbolum Nicænum

num trecentorum decem, & octo Patrum: Credimus in unum Deum, &c. Item centum quinquaginta SS. Patrum, Constantinopoli congregati sunt: CREDIMUS in unum Deum Patrem omnipotentem, &c. Quia tamen in eodem Concilio recipitur doctrina S. Leonis Papæ miris laudibus ab ipso celebrati, placuit ejusdem capitula aliqua, quæ sunt quasi Canones de fidei definitione, his inserere ex Epistola illius ad Turbium Austricensem; Qui (ut scribit in prologo capitum Pontifex) damnatas olim opiniones 16. capitulis comprehendit: Et subdit. Nos quoque stricte omnia reitavimus; ne aliquid harum blasphemiarum, aut tolerabile videatur, aut dubium.

„ Primò itaque capitulo demonstratur, quàm impiè sentiant de Trinitate
 „ divinà, qui & Patris, & Filii, & Spiritus sancti unam, atque eandem assè-
 „ runt esse personam, tanquam idem Deus, nunc Pater, nunc Filius, nunc
 „ Spiritus S. nominetur: nec alius sit, qui genuit, alius, qui genitus est, alius:
 „ qui de utroque processit, sed singularis unitas in tribus quidem vocabulis,
 „ & non in tribus sit accipienda personis. Quod blasphemix genus de Sabellii
 „ opinione sumpserunt, cujus discipuli etiam Patripassiani meritò nuncupan-
 „ tur, Quia si ipse est Filius, qui à Patre, crux Filii Patris est passio, & quid-
 „ quid in forma servi Filius Patri obediendo sustinuit, totum in se Pater ipse
 „ suscepit. Quod Catholicæ fidei sine ambiguitate contrarium est, quæ Tri-
 „ nitatem unitatis sic homoussion confitetur, ut Patrem, & Filium, & Spi-
 „ ritum sanctum sine confusione indivisos, & sine tempore sempiternos, sine
 „ differentia credat æquales, quam unitatem in Trinitate, non eadem perso-
 „ na, sed eadem implet essentia.

„ In secundo capitulo ostenditur ineptum, vanumque commentum, de
 „ processionibus quarundam virtutum ex Deo, quas habere coeperit, & quas
 „ essentia suâ ipse præcesserit: in quo Arianorum quoque suffraganeus erroris,
 „ dicentium, quòd Pater Filio prior sit, quia fuerit aliquando sine Filio, &
 „ tunc Pater esse coeperit, quando Filium genuerit. Sed sicut Catholica Ec-
 „ clesia illos derestatur, ita & istos, qui putant, unquam Deo id, quod ejus-
 „ dem est essentia, defuisse; quem sicut mutabilem, ita & proficientem dicere
 „ nefas est. Quàm enim mutatur, quod minuitur, tam mutatur etiam, quod
 „ augetur.

CONCILIA V. VI. VII.

ET hæc Græca fuerunt, duo priora Constantinopoli celebrata, tertium
 Nicææ in Bithyniâ, ubi primum suprâ: sed non prosequor ea, quia de
 personis magis, quam de causis processerunt. Nec deest quæ V. Synodus non
 modo non Oecumenicam, sed nec ratam fuisse aliquando dicat: quod mirari
 quis vellet *Barento* venisse in mentem, quàm expressè illa recipiatur in septi-
 ma, seu Nicæna secunda. Cæterùm ideo harum nonnullæ huc faciunt: quia
 quæque confirmat priores Synodos, de quo videri potest fusè disserere *Marc-*
Ephef. Concilii Ferar. Act. 6. Et quoniam princeps controversia in materia
 Trinitatis est cum Græcis de processione Spiritus S. ex Filio, producam ex
 VII. Synodo fidei Symbolum, in quo à 350. Patribus expressè proclamatum
 est, & tanquam dogma fidei traditum, quòd Spiritus S. à Patre, Filioque
 procedat.

Sym-

Symbolum VII. Synodi, five secundæ Nicænæ.

CRedimus in unum Deum Patrem, omnipotentem, Creatorem cœli, & terræ, visibilibus omnium, & invisibilibus. Et in unum Dominum Jesum Christum, Filium Dei unigenitum, lumen de lumine, Deum verum ex Deo vero, genitum non factum, consubstantialem Patri, ante omnia sæcula, per quem cuncta facta sunt: qui propter nos homines & propter nostram salutem descendit de Cœlis. Et incarnatus est de Spiritu sancto ex Maria virgine, & homo factus est, Crucifixus etiam pro nobis sub Pontio Pilato, passus, & sepultus: Et resurrexit tertiâ die secundum Scripturas: Et ascendit in Cœlos, sedens ad dexteram Patris: Et iterum venturus est cum gloria judicare vivos, & mortuos, cujus regni non erit finis. Et in Spiritum sanctum Dominum vivificantem, qui ex Patre, Filioque procedit, qui cum Patre, & Filio simul adoratur, & conglorificatur, qui loquutus est per Prophetas, in unam sanctam Catholicam, & Apollolicam Ecclesiam. Confitemur unum baptismum in remissionem peccatorum. Et expectamus resurrectionem mortuorum; & vitam venturi sæculi. Amen.

Verum est Græcos in Concilio Florentino negasse Latinis Symbolum, ita se habere, & allegasse suos codices, in quibus particulâ *Filioque* non legebatur. Sed (ut habent Acta ejusdem sess. 5.) Latini quemdam vetustissimum librum in medium attulerunt, in quo eadem ipsa definitio, sanctumque Spiritum ex Patre, Filioque procedere scriptum erat, &c. Ex quibus est, librum ipsum statim cum Græcorum libris in cæteris omnibus convenisse. Et præterea Julianus Cardinalis, qui partes Latinorum agebat, protulit similem authorem, hoc est historicum antiquum, qui inter alia testabatur ipsum Symbolum in VII. Synodo hoc tenore lectum fuisse. Ex quibus quisque videre poterit, & admirari Ecclesiam, queribundus cum Salomone; *Quæ est ista, quæ progreditur, quasi aurora confurgens pulchra, ut Luna?* Planè enim illa, ut Luna paulatim impleta est ad orbicularitatem, seu perfectionem reducia. Planè quasi aurora, cum tempore luminis incrementa suscepit, in hoc negotio summe arduo, ut summè sancto. Etenim in primâ synodo, & coeterarum princeps Nicænâ primâ, de Spiritu sancto solum definita est Deitas, nec nimis clarè, illis: *Credo in Spiritum sanctum*. In Constantinop. primâ addita est processio: *qui ex Patre procedit*. In Nicænâ autem secundâ, quæ ordine VII. definita est processio ejus ab alterâ etiam persona, adeoque ab utrâque, ibi: *qui ex Patre, Filioque procedit*.



CONCILIA GENERALIA OCCIDENTIS.

I. BARENSE.

MITROOSTAVUM, quod de iuribus personarum celebratum est in causâ Photii, cuius suâsu, & operâ Græci corperunt contra primatum Romani Pontificis sentire, & Latinos, tanquam anathemate adstrictos devitare, ob additum Symbolo; *Filioque*. Unde amplius non sunt celebrata Concilia in Oriente: nec in Occidente ex utrâque Ecclesiâ communiter, nisi illa, in quibus Græci Orientales se Romanæ Ecclesiæ denuo conjunxerunt, aut certe de conjunctione est actum. Ex his autem primum occurrit Concilium Barense ab Urbano II. celebratum anno 1097. in quo inter Græcos illuc vocatos, & Latinos agitatae sunt controversiæ diutius, & antèrius ventilatae de processione Spiritus sancti. Etsi verò hujus Inclyti Concilii Acta historico-rum neglectu perierint, constat tamen ex *Edinero* actum cum Græcis de jam dicta processione, Græcòsque confutatos.

Quod totum liberius descripsit *Vilhelmus Malisburienfis*, qui non solum agitatam controversiam, sed & definitam pro Latinis ab Urbano Papa refert, itis. Ut ergo verum est ad Concilium, Apostolicus ante corpus S. Michaelis confectus, tapetibus, & palliis, ipsa casula, & pallio amictus, tribunal ascendit, cæteri cum capris sedebant. Omnibus erga suum locum ex antiquo vendicantibus, Anselmus humilitate summus, quo poterat, assedit. Excitatus animo Summi Pontificis ingruente tumultu, ut ei locum delegaret. Sed erroris admanitus est quæstionis necessitate à Græcis præposita; probare volentibus Spiritum sanctum, non nisi à Patre procedere. Hanc erga quæstionem dum expedire tentans magis involveret, Græcis contra non improbabiliiter concurrentibus, Anselmirecordatus exclamat: *volle occhi tantuun adis capacitaz, & turba multiplicitas ingeminant* Pater, & Magister Anselme Anglorum Archiepiscopo ubi es? Ille, ubi se vocari audit, in pedes constitit. Quem Apostolicus compellans: *Nunc* (inquit) Magister, apus es? sentia, opus eloquentia tue opera. Veni ascende hunc, & desende matrem tuam Ecclesiam, quam Græci labefactare conantur. Succurre ergo, quasi à Deo huc missus. Continuo cuncti adstantes, & assidentes, oculos, & ora in eum conversi, percunctari quis esset? Annitentibusque proximis ad coesum Apostolici levatur, sedere iussus juxta Romanum Archiepiscopum, cui ante Patrem sedere moris est: Inclutamus (inquit) hunc in erbe nostro, quasi alterius Orbis Papam. Nec mortalibus omnibus expesuit palam, qui genui? unde dama? ejus scientia, cujus sacundia, quàm religio?us, quanta profidelitate Romana Sedis passus esset Dilatusque in postero diem quæstionis tractatus, quævis Anselmus statim respondere non lubitaret. Sed sequenti die festo maturis actu caussa, promotus in editum, ita tractavit quæstionis latera, ita penetravit, & enubiliavit intima, ut Latini clamore testarentur gaudium, Græci de se probere dolerent riticulum: nullus porro inops, & inanis scientia discederet. Sensus illius sermonis procedente tempore Incutere digesti in libro de

de processione Spiritus sancti factio. Tunc ubi verbum absolvit, omnes in eum oculos, & ora conversi, hic laudare fidem, ille scientiam, omnes eloquentiam. Sedato fragore, quam laus ejus suscitaverot, intendens in eum summus Pontifex, ait: *benedictum sit cor tuum, & spiritus tuus, ot, & sermo oris tui benedictus.* Nec mora, cum consensu omnium roboratus, in aliter sentientes fulmen excommunicationis intorsit.

CONCILIUM LATERANENSE sub Innocentio III.

Habitum est anno 1215. dicti Pontificis 18. celeberrimum, & frequentissimum omnium, quæ in Europâ coiverunt. Quippe, cui præfuit ipse Innocentius Pontifex; adfuerunt duo Patriarchæ Orientales, Constantinopolitanus, & Hierosolymitanus: Antiochenus morbo impeditus suos legatos misit, quod etiam fecit Alexandrinus ab Ægyptiis præpeditus. Archiepiscopi, tum Græci, tum Latini 70. Episcopi 400. Abbates 120. Priores Conventuales 800. simul omnes Patres 1285. Legati Romani, & Græci Imperatorum; Oratores Regum Franciæ, Hispaniæ, Angliæ, Hierusalem, & Cypri. Adum in eo de Hierosolymâ recuperandâ; & ad rem nostram, de divinâ unitate, ac Trinitate definita sunt sequentia.

Firmiter credimus, & simpliciter confitemur, quod unus solus est verus Deus, æternus, & immensus, omnipotens, incommutabilis, incomprehensibilis, & inefabilis, Pater, & Filius, & Spiritus sanctus: Pater à nullo: Filius autem à solo Patre, ac Spiritus sanctus ab utroque pariter, absque initio semper, & sine Patre generans, Filius nascens, & Spiritus sanctus procedens: consubstantialis, & coequalis, cœmponentes, & cœterni, unum universorum principium, Creator omnium invisibilium, & visibilium, spiritalium, & corporalium, qui sua omnipotentis virtute; simul ab initio temporis, utramque de nihilo condidit creaturam, spirituales, & corporales, Angelicam videlicet, & mundanam, ac deinde humanam, quasi communem ex spiritu, & corpore constitutam: Diabolus etiam, & demones alii à Deo quidem natura creati sunt boni, sed ipsi per se facti sunt mali. Homo verd diabolis suggestionem peccavit. Item cap. 2. Damnamus, & reprehendimus libellum, sive tractatum, quem Abbas Joachimus edidit contra Magistrum Petrum Lombardum de unitate, seu essentia Trinitatis, appellans hæreticum, & insanum, pro eo, quod in suis dixit sententiis, quomodo quædam summa res est Pater, & Filius, & Spiritus S. & illa non est generans: necque genita, nec procedens. Unde asserit, quod ille non tam Trinitatem, quàm quaternitatem adstruebat in Deo, videlicet tres personas, & illam communem essentiam, quasi quartam, manifestè petebant, quod nulla res est, quæ sit Pater, & Filius, & Spiritus S. Sunt una essentia, una substantia, unaque natura: verum unitatem hujusmodi non veram, & propriam, sed quasi collectivam, & similitudinariam esse fatetur, quemadmodum dicuntur multi homines, unus populus, & multi fideles una Ecclesia, juxta illud: multitudinis credentium erat cor unum, & anima una.

Nos autem sacro, & universali Concilio approbante, credimus, & confitemur cum Petro, quid una quædam res est, incomprehensibilis quidem, & inestimabilis, quæ veraciter est Pater, & Filius, & Spiritus sanctus tres simul persone, ac singularem quolibet earundem: Et ideo in Deo Trinitas est scilicet, non qua-

quaternitas, quia quilibet trium personarum est illa res, videlicet substantia, essentia, sive natura divina, quæ sola est universorum principium, præter quam aliud inveniri non potest; & illa res non est generans, neque genita, neque procedens, sed est Pater, qui generat, Filium, qui gignitur, & Spiritus, qui procedit; ut distinctiones sit in personis. & unitas in natura. Licet igitur alius sit Pater, aut Filius, aut Spiritus S. non tamen aliud; sed id, quod est Pater, est Filius, & Spiritus S. id est omnino, ut secun- dum Origenem, & Catholicam fidem, & consubstantiales esse credantur. Pater enim ab æterno Filium generando suam substantiam ei dedit, juxta quod ipse testatur: (a) Pater quod dedit mihi majus omnibus est; ac dici non potest, quid partem suæ substantiæ illi dederit, & partem retinuerit sibi, cum substantia Patris indivisibilis sit, utpote simplex omnino. Sed nec dici potest, quod Pater in Filium transiit suam substantiam generando, quasi se dederit tam Filio, quod non retinuerit cam sibi, alioquin des- ruiſſet esse substantiæ. Pater ergo, quod sine ulla diminutione, Filius nascendo substantiam Patris accipit, & ita Pater, & Filius habeant eandem substan- tiam, & sic eadem res est Pater, & Filius, & Spiritus sanctus ab utroque pro- cedens.

CONCILIVM LVGDVNENSE.

Anno Christi 1271. Michaël Paleologus Græcorum Imperator metuens sibi oppidò à Carolo Siciliæ, & Neapolis Rege, cui Balduinus secundus Latinorum Orientis Imperator filiam desponderat dote Imperii Constantinopoli- tani, sive eo illius ope potiretur, inter alia præsidia regni tuendi, adhibuit religionem, & ad Gregorium X. tum recens electum Pontificem legatos misit de ineundâ Orientalium cum Occidentalibus Romanis concordia, modò is à se Caroli expeditionem averteret. Gregorius avidè amplexus oblatum, & ipse Constantinopolim ad Paleologum Imperatorem Legatos suos vicissim, Fratrem Hieronymum ab Asculo, qui postea Cardinalis Romanæ Ecclesiæ, & denique ejusdem summus Pontifex fuit, Fratrem Remundum Berengarii, Fra- trem Bonagratiam Dalmatam, & Fratrem Bonaventuram Mugellitanum, om- nes quatuor Seraphici Ordinis S. P. N. Francisci professores, destinavit. Qui cum pro voto negotium confecissent persuasâ Græcis concordia, & ductis secum ad Pontificis pedes proceribus aliquot Græcorum, Gregorius Lugduni Concilium Generale celebravit anno 1274. in quo ad mentem ipsius, & Con- ciliū definitionem, Græci fidei Catholicæ professionem emisserunt in hac for- mâ: Ego Gregorius Acropolita, & magnus Logotheta, Nuntius Domini nostri magni Imperator Græcorum Michaelis Angeli, Ducas Comneni, Paleologi, habens ab eo sufficiens ad infraſcripta mandatum, omne scribſua præſus abjuro, & ſubſcriptam fidei veritatem, prout planè lecta eſt, & fideliter exteſta, nemi- ne diſſi Domini nostri, veram, sanctam, Catholicam, & Orthodoxam fidem esse cognosco, tam accepto, & corde, & ore profiteor. ipsamque, prout tam veraciter tenes, fideliter decet, & prædicat sacro-sancta Romana Ecclesia, ipsam inviola- biliter observaturum, nec ab ea ullo unquam tempore recesſurum, quoquo modo deviatorum, vel discrepaturum promitto. Primatum quoque ipsius sacro sanctæ Romanæ Ecclesiæ, prout in præmissa serie continetur, ad ipsam Ecclesiæ obedi- tiam, nomine ipsius, & meo, spontaneus veniens, pro ipſo, & pro me facior.

Tom. III.

C

re-

recognosco, accepto, & sponte suscipio, & ipsum omnia præmissa, tam circa fidei veritatem, quam circa ejusdem Ecclesiæ primatum, & ipsorum recognitionem, acceptationem, susceptionem observantiam, & perseverantiam futurum, præstito in animam ipsius, & meam corporaliter juramento promitto, & confirmo: Si: ipsum, & me Deus adjuvet, & hæc SS. Evangelia.

Ad eum modum Gregorius, pro Michaele juravit. Ex eadem formula alius Nuncius, pro Andronico, & reliquis Græcis; præcipue verò pro Metropolitæ professus est. Sex enim, & viginti Metropoles, (si ejusdem Andronici litteris fidem adhibere par est,) Catholicæ fidei sacris sanctionibus obtemperaturas, & primatum Romanæ Ecclesiæ agnitas se, promittebat. Quantum ad professionem fidei attinet, eam hunc in modum contra errores Græcorum Patrum, in primis Pontifex, præscripserunt. *Fideli, ac devota professione fateamur, quod Spiritus sanctus æternally ex Patre, & Filio, non tanquam ex duobus principiis, sed tanquam ex uno principio; non duobus spirationibus, sed una spiratione procedit. Hoc professus est hætenus, hæc prædicavit, & docuit, hoc firmiter tenet, & prædicat, & profitetur: & docet sacra sancta Romana Ecclesiæ, mater omnium fidelium, & magistra. Hoc habet Orthodoxorum PP. atque Doctorum, Latinorum pariter, & Græcorum incommutabilis, & vera sententia. Sed quia nonnulli propter irrefragabilis præmissæ veritatis ignorantiam in errores varios prolapsi sunt; Nos hujusmodi erroribus viam præcludere cupientes. hoc sacro approbante Concilio damnamus, & reprobamus omnes, qui negare præsumpserint, æternally Spiritum sanctum ex Patre, & Filio procedere, sive etiam ausu temerario asserere, quod Spiritus sanctus ex Patre, & Filio tanquam ex duobus principiis, & non tanquam ex uno procedat.*

Sancitis illis, quæ ad fidei confessionem, & unitatem Ecclesiæ spectabant Orientales facii, Pontifex in Ecclesiæ operante, assistentes, symbolum fidei cum additione: *Qui ex Patre, & Filio procedit*, in confirmationem omnium, quæ coram Patrum confesso dixerant, & subscripserant, maximè totius Ecclesiæ exultatione decantârunt, & ex manu summi Pontificis sacram synaxim susceperunt. Multo tamen uberius id ipsum continetur in litteris ipsius *Paleologi*, quas ad Pontificem per dictos instituti *Franciscani* Apostolicæ sedis Nuntios transmissit.

CONCILIVM FLORENTINVM.

Ita loquitur, (inquit Baronius noster) aliorum phrasi magis, quam meo sensu: Cæterum enim *Ferrariense* est Concilium, tam auspiciis, & indictione, quam sessionum multitudine; quæ cum in toto fuerint 26. sed Ferrariæ habitæ harum sunt 15. ubi etiam indicta, & cepta est Synodus, Florentinæ solummodo 10. ubi dumtaxat desit. Adfuit ei Joannes *Paleologus* Imperator Orientis; Præfuit *Eugenius IV.* Papa anno 1438. Et quamquam in eo actum sit de pluribus, & quidem gravissimis causis, summâ potestate Papæ, Purgatorio, Consecratione *ins.* & absque fermento, tamen princeps articulus, & qui plurimè, ac maximè, examinis, morâ, dissidio constitit Concilio, fuit ille de processione Spiritus sancti à Filio; negantibus Græcis, quæ erat ipsorum levitas, ne dicam pertinacia, postquam de hac inter ipsos, & Latinos jam conventum esset in Conciliis Lugdunenâ, Barenâ, &c. Ego doctrinam fidei hujus Concilii pro-

proferam paulò aliter , ac quidam alii ex Theologis etiam non malè notæ ; Inprimis enim teneo non nimis ex fide referri , quod in eo convenient utraque Ecclesia, ut Græci more suo dicerent Spiritum sanctum à Patre per Filium procedere : nam definitio Concilii recepta est ab utrisque , & in eâ expressè asseritur Spiritum sanctum à Patre , Filioque procedere . Præterea verò , ut appareat, quâ fide citetur hoc Concilium in præsentî materiâ , maximè ab adversariis Theologiæ Subtilis , qui flores pro fructibus vendunt , & velicationes militum jactant pro victoriâ , ac triumpho , dabo doctrinam omnem hujus Concilii seorsim ; primò per partes : Deinde conjunctim , cum utraque pars esset *tabili unus , & sermonum eorumdem* .

Confessio Latinorum .

Igitur post longum examen , & acre dissidium partium sess. 25. & ultimâ Florentiæ , Latini , contendentibus Græcis sententiam suam litteris mandaverunt in hunc modum . *Quoniam Græci nos calumniantur , ac nobis objiciunt , duo principia , vel duas causas in sancta , & consubstantiali Trinitate ponere , idcirco professionem nostram his litteris mandamus . Credimus in unum Deum Patrem , & in unum Filium unigenitum , & ex Patre natum : Et in unum Spiritum sanctum ex Patre quidem habentem essentiam , quemadmodum etiam Filius , verum ex Filio quoque procedentem , quandoquidem Patrem unicam fili , sanctique Spiritus causam profitemur ; illius quidem per generationem , hujus verò per processionem . Porro autem ne identitatem , conjunctionemque divinæ substantiæ distribuere , ac ipsam eandem substantiam re , non autem sola ratione , ab hypostasis , & personis differre , credere videamur : nec non , ne quisquam credendo sanctum Spiritum ex solo Patre procedere , tres in partes unicam illam divinam substantiam dividi mente concipiat , idcirco verbum ex Filioque necessarium in symbolo duximus esse , profitemes sanctum Spiritum ex Patre , Filioque , tanquam ab unico principio procedere .*

Confessio Græcorum .

Supradictas litteras cum Græci accepissent , toto biduo attentissimè expendunt : dumque nollent ullâ ratione conoedere , quod Filius Spiritus sancti causa esset , ipsi quoque sententiam suam litteris commissam ad Latinos hoc tenore transmiserunt . *Cum Latini profiteantur , Patrem unicam Filii , sanctique Spiritus causam esse , ac à nobis contendunt , ut nostram sententiam , quidquid hæc in re sentiamus , nostris litteris declaremus , idcirco Patrem , Filium , sanctique Spiritus fontem ; & radicem , Filium verò , & S. Spiritum , secundum primam Oecumenicam Synodum , & magnum Basilium , & Cyrillum , divinæ germinæ profitemur esse , nec non Spiritum à Filio scaturire , hauriri , prodiremitti , ac presundi .* Ex quibus (inquit Baronius) cæci vident , frustrâ , & quasi temerè torqueri à quibusdam tanquam definitionem Concilii sententias has , ut cum contendunt essentiam divinam à personis non distingui formaliter , sive ex naturâ rei , sed solâ ratione : vel , quum pari impetu exigunt sibi concedi , quod Spiritus S. non distingueretur à Filio , si ab eo non procederet . Nam , ut demus ista omnia hic haberi , non faciunt fidem , quia non sunt Concilii definitio-

tiones; sed sententiæ partium hinc inde explicatæ. Apparet ergo, quàm parum in fonte prospiciant quidam contenti solâ aurâ, & ratione Concilii, non attento ubi allegata habeantur, in disputatione an in definitione, quæ huiusmodi est.

BULLA DEFINITIVA EUGENII IN CONCILIO FLORENTINO.

EUGENIUS Episcopus servus servorum Dei, ad perpetuam rei memoriam.
Latentur cæli, & exulset terra. sublatus est enim de medio paries, qui Occidentalem, Orientalemque Ecclesiam dividebat, & pax, atque concordia rediit, illo angeli lapide Christo, qui fecit utraque unum, vinculo fortissimo charitatis, & pacis, utrumque jungente parietem, & perpetuæ unitatis fœdere copulante, ac continente, posuere longam maris, nebulam, & dissidii diuturni atram, ingrathamque caliginem serenum omnibus unionis optatæ jubar illuxit. Gaudeat, & mater Ecclesia, quæ filios suos hactenus invicem dissidentes, jam videt in unitatem, pacemque rediisse, & quæ antea in eorum separatione amarissimè flebat, ex ipsorum modò concordia cum ineffabili gaudio Omnipotenti Deo gratias referat. Cuncti gratulentur fideles ubique per Urbem, & qui Christiano censentur nomine, matri Catholica Ecclesia collaudentur. Ecce enim Occidentales, Orientalesque Patres, post longissimum dissensionis, & discordiæ tentum, se maris, ac terræ periculis expONENTES, omnibusque superatis laboribus, ad sacrum Oecumenicum Concilium desiderio sacratissimæ unionis, & antiquæ charitatis redintegranda gratia, leti, ac cresque convenerunt, & intentione sua nequaquam frustrati sunt: Post longam enim, laboriosamque indaginem, tandem Spiritus S. clementia ipsam optatissimam, sanctissimamque unionem consequuti sunt. In nomine igitur sanctissimæ Trinitatis, Patris, & Filii, & Spiritus S. hoc sacro universali approbante Florentino Concilio, definimus, ut hæc fidei veritas ab omnibus Christianis credatur, ac suscipiatur, sique omnes profiteantur, quia Spiritus S. ex Patre, Filioque æternalliter est, & essentiam suam, suumque esse subsistens habet ex Patre simul, & Filio, & ex utroque æternalliter, tanquam ab uno principio, & unica spiratione procedit: Declarantes, quod, id, quod sancti Doctores, & Patres dicunt ex Patre per Filium procedere Spiritum S. ad hanc intelligentiam tendit, ut per hoc significetur Filium quoque esse, secundum Græcos quidem causam, secundum Latinos verò principium substantiæ Spiritus S. sicut, & Patrem. Et quoniam omnia, quæ Patris sunt, ipse Pater unigenito Filio suo gignendo dedit præter esse Patrem, hoc ipsum, quod Spiritus S. procedit ex Filio, ipse Filius à Patre æternalliter habet, à quo æternalliter etiam genitus est. Definimus insuper explicationem verborum illorum, Filioque, veritatis declarandæ gratia, & imminente tunc necessitate, licet, ac rationaliter Symbolo fuisse appositum.

Quæ confessio celebris Concilii, Græcis, ac Latinis litteris uno, eodemque folio sic descripta est, ut in parte dextrâ Latinè Occidentalium Patrum subscriptionibus, ac summi Pontificis sigillo; ab alterâ verò parte Græcæ cum Græcorum item subscriptionibus, & ipsius Imperatoris sigillo legerentur.

CON-

CONCILIA PROVINCIALIA.

TOLETANVM I.

CHAISTI anno 405. Innocentii Papæ anno 4. Honorio, & Arcadio Imperatoribus Scilicet Consule secundum, Toleti in Hispaniâ Tarraconensi celebratum Concilium 19. Episcoporum, qui pleraque ad disciplinam Ecclesiasticam spectantia statuerunt 20. capitibus comprehensa. Vigesimo autem primo Canonem fidei Catholicæ, ex cuius titulo intelliges ambiguum esse, quod hic posui de tempore, & Principibus, tam Ecclesiasticis, quàm secularibus, sub quibus celebratum est, de quo videri possunt *Ambrosius Morales*, & *Joannes Mariana*, ac post utrumque Card. *Baronius* tom. 5. Sed quidquid demum de his, hoc tenore ibi ponitur.

Symbolum Toletanum .

Credimus in unum verum Deum, Patrem omnipotentem, & Filium, & Spiritum sanctum, visibillum, & invisibillum factorem, per quem omnia facta sunt in celo, & in terra; unum Deum, & unam esse divinæ substantiæ Trinitatem. Patrem autem non esse Filium ipsum, sed habere Filium, qui Pater non fit, Filium non esse Patrem, sed Dei Filium de Patris esse natura. Spiritum quoque esse paracletum, qui nec Pater fit ipse, nec Filius, sed à Patre, Filioque procedens. Est ergo ingenitus Pater, genitus Filius, non genitus Paracletus: sed à Patre, Filioque procedens. Pater est cuius vox hæc audita est de cælis: Hic est Filius meus dilectus, in quo mihi benè complacui, ipsum audite: Filius est, qui ait: Ego à Patre exivi, & à Deo veni in hunc mundum; Paracletus est Spiritus, de quo Filius ait: Nisi ego abiero ad Patrem, Paracletus non veniet. Hanc Trinitatem personis distinctam, substantiâ unitam, virtute, & potestate, & maiestate indivisibilem, indifferentem; præter hanc nullam credimus Divinam esse naturam, vel Angelî, vel spiritus, vel virtutis alicujus, quæ Deus credatur.

CONCILIIUM TOLETANUM III.

Nationale .

NON enim ex unius Provinciæ Episcopis, sed etiam ex totius Hispaniæ congregatum est: imò, & Galliæ Narbonensis, ut ex Episcoporum subscriptionibus apparet. Incidit autem in annum Domini 589. Pelagii Papæ 32. Mauricii Imperatoris 4. Reccaredi etiam Regis 4. sub quo post martyrium S. Hermenegildi fratris ejus natu majoris, gens Gothorum ab Arianismo conversa est ad fidem Catholicam, quod etiam de seipso Episcopi fatentur, qui fidem suam in hoc verborum tenore ibidem satis clarè sunt attestati; inquirunt enim: Omnis ergo, qui fidem, & communionem ab Ario venientem, & usque ad nos retentam, adhuc tenere desiderat, & de tota cordis intentione non damnat, anathema sit. Quicumque Filium Dei, Dominum Jesum negaverit à paterna sub-



substantia sine initio genitum, & equalem Patri esse, vel consubstantialem, anathema sit. Quicumque Spiritum sanctum non crediderit a Patre, & Filio procedere, cumque non dixerit coeternum esse Patri, & Filio, & coessentialem, anathema sit. Quicumque in Patre, & Filio, & Spiritu sancto, & personas non distinguit, & unius divinitatis substantiam non agnoscit, anathema sit. Quicumque Filium Dei Dominum nostrum Iesum Christum & Spiritum sanctum iuxta Deitatem esse Patre minorem asseruerit, & gradibus separaverit, creaturamque esse dixerit, anathema sit. Quicumque Patrem, & Filium, & Spiritum sanctum unius substantia, omnipotentia, & aeternitatis esse non crediderit, anathema sit. Quicumque nescire Filium Dei, quod Deus Pater sciat, dixerit, anathema sit. Quicumque initium Filio Dei & Spiritui sancto deputaverit, anathema sit. Quicumque Filium Dei secundum divinitatem suam, visibilem, aut passibilem ausus fuerit proferre, anathema sit. Quicumque Spiritum sanctum sicut Patrem, & Filium, verum Deum, & omnipotentem esse non credit, anathema sit. Quicumque alibi fidem, & communione Catholicam, praeterquam in Ecclesia universalis, quam Nicaeni, & Constantinopolitani, & primi Episcopi, & Chalcedonenfis Concilii decreta tenent pariter, & honorant, anathema sit. Quicumque Patrem, & Filium, & Spiritum sanctum honore, & gloria, & divinitate separat, aut disjungit, anathema sit. Quicumque Filium Dei, & Spiritum sanctum cum Patre non crediderit esse glorificandos, & honorandos, anathema sit.

CONCILIUM TOLETANUM IV.

Similiter ab omnibus Episcopis Hispaniae, & aliis Galliae Narbonensis celebratum est (proinde à Patribus in eo collectis generale appellatum) anno Christi 633. Honorii Papae 8. Heraclii Imperatoris 14. Silenandi Regis 4. Episcopis 70. praesidente sancto Ilidoro Episcopo Hispalensi. In eo praeter alia de fide Catholica haec constituta sunt. Secundum divinas Scripturas, & doctrinam, quam à sanctis Patribus accepimus, Patrem, & Filium, & Spiritum sanctum unius Deitatis, atque substantiae confitemur. In personarum diversitate Trinitatem credentes, in divinitate unitatem praedicantes; nec personas confundimus, nec substantiam separamus. Patrem à nullo factum, vel genitum dicimus; Filium à Patre non factum, sed genitum, offerimus. Spiritum vero sanctum, nec creatum, nec genitum, sed procedentem ex Patre, Filioque profitemur. Ipsum autem Dominum Iesum Christum, Dei Filium, & creatorem omnium ex substantia Patris ante saecula genitum, descendisse ultimo tempore pro redemptione Mundi à Patre, qui nunquam desinit esse cum Patre. Incarnatus est enim ex Spiritu S. & gloriosa sancta Dei genitrice Virgine Maria, & natus ex ipsa, solus idem Dominus Iesus Christus, unus in sancta Trinitate, anima, & carne perfectus sine peccato suscipiens hominem, manens, quod erat, & assumens, quod non erat: equalis Patri secundum divinitatem, minor Patre secundum humanitatem, habens in una persona duarum naturarum proprietatem. Naturae enim in illo duae, Deus, & homo. Non autem duo filii, & duo Dei, sed idem una persona in utraque natura.

CONCILIUM TOLETANUM VIII.

Celebratum est in eadem urbe anno Christi 653. Martini Papæ 5. Constantis Imperatoris 2. Reccefuinthi Regis Hispan. 5. æra 691. Interfuerunt Episcopi 52. Abbates 22. Vicarii Episcoporum absentium 10. Cætera aliò, huc spectat sequens fidei confessio.

Symbolum Concilii.

Credimus in unum Deum, Patrem omnipotentem, factorem celi, & terre, visibillum omnium, & invisibillum conditorem. Et in unum Dominum Jesum Christum, Filium Dei unigenitum, & ex Patre natum ante omnia secula, Deum ex Deo. lumen ex lumine Deum verum ex Deo vero, genitum non factum, hominem Patri, hoc est ejusdem cum Patre substantiæ, per quem omnia facta sunt, quæ in celo, & in terra. Qui propter nostram salutem descendit de celis, & incarnatus est de Spiritu sancto, ex Maria Virgine, homo factus; & passus sub Pontio Pilato, ac sepultus tertia die resurrexit. Ascendit in celos, sedet ad dexteram Patris, inde venturus est in gloria judicare vivos, & mortuos, cujus regni non erit finis. Credimus, & in Spiritum sanctum vivificantem, ex Patre, & Filio procedentem, cum Patre, & Filio adorandum, & conglorificandum, qui loquutus est per prophetas. Et unam Catholicam, & Apostolicam Ecclesiam. Confitemur unum baptisma in remissionem peccatorum. Expectamus resurrectionem mortuorum, & vitam futuri sæculi. Amen.

CONCILIUM TOLETANUM. XI.

DENUM in quo hic Synodorum census desinat, propter egregiam fidei confessionem, quam hic subnectam, & hodie usque Scholastici doctores in veneratione, & usu habent. Habitu est anno salutis 675. Adedogati Papæ VII. Constant. Pogon. Imp. 8. ærâ 713. Statuit nonnulla; sed plura docuit celeberrimo hoc Symbolo, quod non modò fidem Trinitatis, sed quasi ejus commentarium continet.

Symbolum Concilii.

» **C**ONFITEMUR, & credimus, sanctam, atque ineffabilem Trinitatem, Pa-
 » trem, & Filium, & Spiritum sanctum, unum Deum naturaliter esse,
 » unius substantiæ, unius naturæ, unius quoque majestatis, atque virtutis.
 » Et Patrem quidem non genitum, non creatum, sed ingenitum profitemur.
 » Ipse enim a nullo originem ducit, ex quo Filius natiuitatem, Spiritus S.
 » processionem accepit. Fons ergo, & origo totius Divinitatis, ipse est: Ipse
 » quoque Pater essentiâ quidem ineffabilis, substantiæ suæ Filium ineffabili-
 » ter genuit: nec tamen aliud, quàm quod ipse est, genuit, Deus Deum,
 » lux lucem. Ab ipso, ergo, est omnis paternitas in celo, & in terra. Filium
 » quoque de substantia Patris sine initio ante secula natum, nec tamen fa-
 » ctum esse fatemur: quia nec Pater sine Filio, nec Filius sine Patre aliquan-
 do

„do exiit. Et tamen non ut Filius de Patre, ita Pater de Filio, quia non
 „Pater à Filio, sed Filius à Patre generationem accepit. Filius ergo Deus
 „de Patre, Pater autem Deus, sed non de Filio. Ille autem Filius Patris,
 „& Deus de Patre: æqualis tamen per omnia Filius Deo Patri, quia nec
 „nasci cœpit aliquando, nec desit. Hic etiam unius cum Patre substantiæ
 „creditur, propter quod, & humouſius Patri dicitur, hoc est unius cum
 „Patre substantiæ; *ὁμοὺς* enim Græcè unum, *εὐρία* verò substantia dicitur:
 „quod utrumque coniunctim, sonat, una substantia. Nec enim de nihilo,
 „neque de alia aliqua substantia, sed de Patris utero, id est, de substantia
 „eius, idem filius genitus, vel hatus esse credendus est. Sempiternus quoque
 „que est Dei filius, quoniam si pater semper fuit, semper habuit filium cuius
 „pater esset, & ob hoc filium de patre natum sine initio constemur. Nec
 „enim eundem filium Dei, pro eo, quòd de patre sit genitus, desectæ, natu-
 „ræ portiunculam nominamus: sed perfectum Patrem, perfectum Filium,
 „sine imminutione, sine de sectione genuisse asserimus: quia solius Divinita-
 „tis est, inæqualem filium non habere.

„Hinc etiam Filius Dei, naturà est filius, non adoptione, quem Deus pa-
 „ter, nec voluntate, nec necessitate genuisse credendus est, quia nulla in
 „Deo necessitas cadit, nec voluntas sapientiam prævenit. Spiritum quoque
 „sanctum, qui est tertia in Trinitate persona, unum, arque æqualem cum
 „Deo Patre, & filio credimus esse Deum, unius substantiæ, unius quoque
 „esse naturæ: non tamen genitum, vel creatum, sed ab utrisque proceden-
 „tem, amborum esse spiritum. Hic etiam Spiritus S. nec ingenus, nec ge-
 „nitrus creditur: ne aut, si ingenicum dixerimus, duos patres dicamus; aut
 „si genitum, duos filios prædicare monitemur qui tamen, nec patris tan-
 „tum, nec filii tantum, sed simul Patris, & filii spiritus dicitur. Nec enim
 „de patre procedit in filium, vel de filio procedit ad sanctificandam creatu-
 „ram, sed simul ab utrisque processisse monstratur, quia charitas, sive san-
 „ctitas amborum esse agnoscitur. Hic ergo Spiritus sanctus missus ab utris-
 „que creditur, sed minor Patre, & Filio non habetur: sicut filius propter
 „assumptam carnem, minorem se patre, & Spiritu S. esse testatur.

„Hæc est sanctæ Trinitatis relata narratio, quæ non triplex, sed Trinitas,
 „& dici, & credi potest. Nec recte dici potest, ut in uno Deo sit Trinitas,
 „sed unus Deus Trinitas. In relativis verò personarum nominibus, Pater
 „ad Filium, Filius ad Patrem; Spiritus S. ad utroque refertur, quæ cùm
 „relativè tres personæ dicantur, una tamen naturalis substantia creditur.
 „Nec sicut tres personas, ita tres substantias prædicamus: sed unam substan-
 „tiam, tres autem personas. Quod enim pater est, non ad se, sed ad filium
 „est; & quod filius est, non ad se, sed ad patrem est. Similiter, & Spiritus
 „S. non ad se, sed ad patrem, & filium relativè refertur, in eo quod Spi-
 „ritus Patris, & Filii prædicatur. Item cùm dicimus, Deus, non ad ali-
 „quid dicitur, sicut pater ad Filium, & Filius ad Patrem, & Spiritus S. ad
 „Patrem, & Filium, sed ad se specialiter Deus dicitur. Nam si de singulis
 „personis interrogemur, Deum necesse esse fateamur. Deus ergo Pater,
 „Deus Filius, Deus Spiritus S. singulariter dicitur; nec tamen tres dii, sed
 „unus est Deus. Item, & Pater omnipotens, & Filius omnipotens, & Spi-
 „ritus S. omnipotens singulariter dicitur, nec tamen tres omnipotentes, sed

unus

„ unus omnipotens, sicut, & unum lumen, unumque principium prædica-
 „ tur. Singulariter ergo unaquæque persona unus Deus confiteretur, & cre-
 „ ditur una illis, & indivisa, atque æqualis Deitas, majestas, atque pote-
 „ stas. Nec minoratur in singulis, nec augetur in tribus: quia nec minus
 „ aliquid habet, cum unaquæque persona Deus singulariter dicitur: nec am-
 „ pliùs, cum totæ tres personæ unus Deus enunciantur. Hæc ergo S. Trinitas,
 „ quæ unus, & verus est Deus, non recedit à numero, nec capitur numero,
 „ In relatione enim personarum numerus cernitur, in divinitatis verò sub-
 „ stantia, quid enumeratum sit, non comprehenditur. Ergo hoc solo nu-
 „ merum insinuant, quod ad invicem sunt; & in hoc, numero carent, quod
 „ in se sunt. Nam ita sanctæ huic Trinitatis, unum naturale convenit nomen,
 „ ut tribus personis non possit esse plurale.

CONGILIUM ANGLICANUM.

QUADRIENNIO post præcedens XI. & ultimum *Toletanum*, hoc est anno 679. celebratum est in *Anglia* aliud à Venerabili viro *Theodoro* Britannicæ Archiepiscopo. (ut refert *Beda* in historia Anglorum) unâ cum eo sedentibus cæteris Episcopis Britannicæ insulæ, præpositis sacrosanctis Evangeliiis, &c. quorum confessio hæc est.

Credimus constanter, & confitemur, secundum sanctos Patres, propriè, & veraciter Patrem, & Filium, & Spiritum sanctum Trinitatem, & in unitate consubstantialiam, & unitatem in Trinitate (hoc est) unum Deum in tribus subsistentiis, vel personis consubstantialibus, æqualis gloriæ, & honoris. Et post multa hujusmodi, quæ ad rectæ fidei confessionem pertinebant, hoc quoque sancta Synodus suis litteris addit: *Suscipimus sanctas, & universales Synodos, beatorum, & Deo acceptibilium Patrum, id est, qui in Nicæa congregati fuerunt 218. contra Arium impiissimum, & ejusdem dogmata: Et in Constantinopoli 150. contra vesaniam Macedonii, & Eudoxii, & eorum dogmata: Et in Epheso primo 200. contra nequissimum Nestorium, & ejus dogmata: Et in Chalcedone 630. contra Euthychen, & Nestorium, & eorum dogmata: Et iterum in Constantinopoli quinto congregati sunt Concilio, in tempore Justiniani junioris, contra Theodorum, & Theodoretum, & eorum dogmata contra Cyrillum.* Et paulo post: *Et Synodum, quæ facta est in urbe Roma, in tempore Martini Papæ beatissimi, Indictione 8. imperante Constantino piissimo, anno 9. Suscipimus, & glorificamus Dominum nostrum Jesum Christum, sicut isti glorificaverunt, nihil addentes, vel subtrahentes. Et anathematizamus corde, & ore, quos anathematizaverunt: Et quos susceperunt suscipimus, glorificantes Deum Patrem sine initio, & Filium ejus unigenitum ex Patre per æternam ætatem, & Spiritum S. procedentem ex Patre, & Filio inenarrabiliter.* Hæc illi, in quibus nota dignum est hunc Archiepiscopum, & Concilii præfidem, qui tam asseveranter pronuntiavit Spiritum S. à Patre, Filioque procedere, idque secundum mentem, & fidem SS. Patrum, & Synodorum, Græcum fuisse, ad majorem eorum pudorem, qui deinde illud negare ausi sunt, & oppositum prædicant à Patribus sibi traditum, quum ille prior antiquis, tam Græcis, quàm Latinis, utroque pro hoc citando produxerit.

CONCILIUM GENTILIACUM.

NE quid in hoc genere indictum dimittam, statui etiam hanc qualemcumque Synodum succenturiare; ex parte enim egit de Spiritus S. processione, ut referunt *Ado, & Abbas Vespergensis*. Coactum quidem videtur primario ad decidendam causam de cultu sacrarum imaginum: At enim hi ambo sunt cognati errores, & Græcis etiam familiares, maxime tempore Concilii, quod incidit in Annum Domini 767. Factum est olim occasio cuiusdam legationis *Constantini Copronymi* Græcorum Imperatoris ad *Pipinum* Galliarum Regem: Cum autem Constantinus esset iconomachus acer, & jam existeret ab eo edictum contra sacras Imagines, ob quod ille malè audiit apud Orthodoxos, videtur voluisse hanc legatione famam suam apud Pipinum recuperare, eo item argumento usus, quod si ipse errasset in impugnandis imaginibus, tale etiam Latini peccassent in addicamento *Filioque*. Quamobrem Concilium coactum est pro hoc etiam articulo processionis Spiritus S. & Patre, Filioque, decidendo; nec dubium quin ad eum assertive responderis, licet Acta Concilii non existent. Nam, & de imaginibus contra Constantinum, sic decisum est, ut colligi videtur ex Synodo *Rom.* sub *Stephano* Papa.

Referre possem alias Synodos, in quibus recta, ac sancta de divina Trinitate fides nedom expressè tradita, sed, & lucidè, ac clarè expressa fuit, si per alios assumptos labores liceret; sed quoniam per tempus, & otium non juvat, idcirco Lector hæc ex Nostro Baronio excerpta, & ob tuam gratiam hic inserta tibi sufficiant.

DISPUTATIO PRIMA.

De Existentia, Origine, & Principiis Divinarum Personarum.



VARIETATE Diabolus emulatus est veritatem; affectavit illam aliquando defendendo concutere, inquit Terrullianus initio libri adversus Praxeam: Et reverà quidem; hoc enim, etsi tacerent cetera, satis superque probaret adorandum Trinitatis mysterium, quod astutissimus ille Divinitatis æmulus, quibus potuit armis impugnavit. ut illius fidem, ac lucem erroris caligine infuscarer, & extingueret. Quocirca opere pretium est tanti mysterii explanationem auspicari ab ipsa divinarum Personarum Existentia, Origine, & Principiis

productivis. Quod utique tribus insequentibus Articulis suscipio evolvendum.

ARTICULUS PRIMUS.

De Existentia trium divinarum Personarum in unitate essentie.

QUADRUPLEX hominum status circa divinæ Trinitatis existentiam cœcudit, & turbat, nimirum Judæi, Gentiles, Hæretici, & Catholici rudes, ac ignari. Judæi illud mysterium omnino respuunt, quod in Scriptura

sa-

sacra exarctum non advertant: Gentiles verò deprædicant, quòd naturali rationi repugnare censeant: Hæretici autem plurimi idcirco impugnant, quòd illud capere velint, nec valeant. Catholici denique nonnulli detrectant, quòd quid de tanto mysterio credendum, dicendumque sit, vix norint. Quapropter censui quatuor e limine discutiendas esse sequentes quæstiones, ut omnibus ipsis tenebriosis divinx veritatis lux affulgeat.

QUÆSTIO PRIMA.

An, & quomodo Trinitas, & æqualitas Personarum in unitate divina Essentia probari possit adversus Judæos?

NOTANDUM 1. Veritatem Catholicam de mysterio Trinitatis tribus maximè Capitibus contineri, videbimus in unitate Essentiæ, Personarum distinctione, & omnimoda æqualitate. Unitatem Essentiæ impugnarunt Gentiles Philosophis propterea, quòd hæc adversari videatur omnibus naturalis discursus principii, nec-non, & ipsi rationis dictamini: Personarum diversitatem, & realem distinctionem, idcirco respuerunt Judæi, quòd ipsa Deitatis multiplicationem inducere videretur, pluresque Deos inferre. Denique Personarum æqualitatem Hæretici varii idèò fuerunt insectati, quòd eam cum processione unius ab aliis conciliare non possent. Philosophos, & Hæreticos impugnabimus in sequentibus. Nunc cum Judæis est pugnandum.

Notandum 2. Triplex solitò affulgere lumen, quòd veritas aliqua detegi possit, & firmari, nempe Demonstrationem, Authoritatem, & Suationem. Demonstratio scientiam, Authoritas fidem, & suasio opinionem, nec-non,

& credulitatem generat: Demonstratio principii evidenter notis, Authoritas dignitate, & probitate dicentis; Suario denique conjecturis, & rationibus, ac similitudinibus nititur, & firmatur; Demonstratio tota naturalis est, Authoritas supernaturalis, maximè circa veritates præternaturales manifestandas. Suario denique partim naturali medio, partim supernaturali confici potest. Demonstratione opus est ad convincendos Philosophos, Suatione ad alliciendos, & inducendos rudes, & ignaros: Authoritate denique ad Judæos, & Hæreticos de veritatibus fidei persuadendos. Autem hoc triplex lumen affulgeat in probando divinx Trinitatis mysterio, determinandum est in sequentibus. Hac autem in quæstione maximè contra Judæos, & Hæreticos divina Scripturarum authoritate pugnandum est.

Notandum 3. Veritates divinas duplici maximè ex fonte esse hauriendas, nempe ex Scriptura sacra, & constanti, firmaque traditione; Scriptura namque armarium est, & musæum, quibus divinx veritates continentur nedum, sed etiam propugnantur: Unde S. Paulus 1. ad Timotheum 3. *Omnis Scriptura divinitus inspirata utilis est ad docendum, ad arguendum, ad corripiendum, ad erudiendum in justitia, ut perfectus sit homo Dei ad omne opus bonum instructus:* Hæc autem duplici Testamento distribuitur, Veteri nempe, & Novo. Ex hoc itaque duplici divinx veritatis promptuario; nec-non, & constanti Synagogæ, & Ecclesiæ Doctorum traditione, Trinitatis personarum in unitate essentiæ fides est stabilienda.

CONCLUSIO PRIMA.

NON obscurè divina Trinitatis mysterium ex veteri Testamento adversus Judæos colligitur, & probatur. Hæc est communis inter Doctores Ca-

tholicos. *Suadetur primò*, ex illo celebri Genesii Oraculo 1. cap. ubi Deus rerum omnium conditor, ita loquitur, *Faciamus hominem ad imaginem, & similitudinem nostram*: Et post pauca, *Formavit igitur Dominus Deus hominem*; Et iterum, *Creavit Deus hominem ad imaginem, & similitudinem nostram*; Insuper, *Faciamus ei adjutorium simile sibi*: ubi verbum (*faciamus*) & pronomen *nostram*, Personarum multitudinem inducit; Essentia verò unitatem vocabula *Dominus, & Deus* designant.

Reponunt 1. Judæorum moderni Doctores, Deum, ita loquutum in plurali numero more scilicet Principum, & Regum ad ostendendam suam auctoritatem, & potentiam. At id aperte falsum colligitur ex Scriptura ipsa, quæ ferè semper, ut rectè notat Theodoretus qu. 19. in Genesim, singulari numero utitur, vix verò in plurali sermonem facit, unde, plerumque singularem numerum geminat, & repetit, ut pluralem exprimat. Oportet ergo hujus inusitati discriminis aliquod esse mysterium: non aliud certè, quàm ipsa trium Personarum divinarum significatio, in quarum invocatione per Baptisma aliquando regenerandus erat homo, qui tunc formabatur.

Reponunt 2. Deum præfatis verbis alloquutum fuisse Angelos, ut suam operam homini creando navarent, formando scilicet illius corpus, dum ipse animam crearet, & vitæ spiritum infunderet.

Contra: Scriptura sacra prioribus his Genesii capitibus, quibus continetur, & explicatur hominis formatio, eam soli Deo tribuit, affirmando constanter, quod ipse formaverit, creaverit, fecerit hominem: Ergo præfatus sermo ad Angelos non dirigitur.

Deinde ad eos directus est sermo ille

pluralis, *faciamus*, ad quorum similitudinem formatus est homo: at homo non est conditus ad imaginem, & similitudinem Angelorum, sed ad imaginem, & similitudinem solius Dei, ut patet tum cap. 1. *Creavit Deus hominem ad imaginem, & similitudinem suam ad imaginem Dei creavit illum*: Tum cap. 5. *In die, qua creavit Deus hominem, ad similitudinem Dei fecit illum*. Ergo præfatus sermo ad Angelos non est directus, sed tantum ad tres divinas Personas, quarum similitudinem exprimit, & refert hominis anima, ut infra patebit.

Denique reponunt Deum loquentem secum, & se ad agendum excitantem dixisse, *faciamus*. At inepta prorsus replica: *Quis enim*, inquit, S. Basilii Homil. 9. *Hexameron, Faber, aut ararius, aut lignarius, aut certe corarius, sutor solus ipse quidem, nec alio quodam sibi cooperante stipatus; interque suæ artis instrumenta desilens: Quis, inquam, sibi soli admurmurat dicens, faciamus gladium, aut compingamus aratrum, aut conficiamus calceamentum; ac non potius silentio suam, cùm libuerit, accommodatam ad artem exequitur operationem? Sunt enim insignes profecto nugæ unum, aliquem inveniri, qui sibi imperet*.

Secundò, Personarum divinarum pluralitas colligitur ex illo Genesii 1. *Venite, descendamus, & confundamus ibi linguam eorum*: Ex quo sancti Patres Nyssenus lib. de Trin. Basilii lib. 5. contra Eunomium Personarum Trinitatem inferunt; maxime verò Chrysostomus Serm. de Trinit. ubi præfata verba sic ponderat: *Dicens, venite, patres honore exhortando vocat, neque enim si Angelis imperasset dicere debuit, venite: sed imperando dicit: Vide autem obsecro, quomodo Patris vox Filium, & Spiritum sanctum vocet, nam si ad unum solum hoc dictum esset, debebat dicere veni, & descendamus, quia autem di-*
ait,

xit, Venite, unus est vox ad duos homines aequales.

TERTIO idipsum suadent sancti Patres ex illo Genesis 18. ubi dicitur, quod Abraham apparuit Dominus, subditur deinde, Apparuerunt ei tres viri stantes prope eum: quos, cum vidisset, cucurrit in occursum eorum de ostio Tabernaculi, & adoravit in terram, & dixit: Domine, si inveni gratiam in oculis tuis, ne transies seruum tuum, &c. Quibus verbis conitat Abrahamum intellexisse Deum in illis tribus sibi apparuisse; ideoque numero singulari ad unum tantum, quasi ad Deum preces direxit: Unde S. Augustinus lib. 2. de Trinit. cap. 12. ait. *Quid iter viri visi sunt, nec quisquam in eis, vel forma, vel aetate, vel potestate major ceteris dictum est: Cur non hic accipiamus visibiliter insinuatam per creaturam visibilem Trinitatis equalitatem, atque in tribus Personis unam, eandemque substantiam?* Idipsum expendit S. Cyrillus Alexandrinus lib. 1. contra Julianum circa medium: *Tres quidem fuisse, inquit, qui apparuerunt, substituisse, aut propriis subsistentiis, singulos sermone consubstantialitatis in unum comprehendentes, & ita dedita opera collata inter se miscuisse.*

QUARTO probatur ex illo Deuteronomio 6. *Audi Israel, Dominus Deus noster, Deus unus est,* in Hebræo autem pro illa voce, Dominus ponitur nomen Tetragrammaton, quod designatur Essentia divinz unitas; Trina verò repetitio Personarum Trinitatem designat. Idipsum confirmatur ex illo Psalmi 67. *Benedicat nos Deus,* quibus significatur Pater: *Deus noster,* quibus denotatur Filius, qui per incarnationem datus est nobis, & noster factus est; *Benedicat nos Deus,* quibus insinuat Spiritus sanctus: Frustranea enim videretur trina repetitio, si mysterium aliquod non involveret, nec aliud certè, quam adorandam Trini-

tatem Personarum in unitate essentia.

QUINTO probatur ex illo Psalmi 33. *Verbo Domini Caeli firmati sunt, & Spiritu oris ejus omnis virtus eorum:* Siquidem per nomen Domini designatur Pater, qui per Verbum operatur; secunda verò Persona, nempe Filius significatur nomine Verbi, per quod omnia facta sunt: Tertia denique Persona dicitur Spiritus oris Dei, seu Spiritus sanctus, cui peculiariter appropriatur virtus, & perfectio divinorum operum; quorum verò ipsis divinis Personis eadem assignatur operatio totius universi, manifestatur identitas potentia, arque divinz naturæ, ut, nedum omnes penè sancti Patres interpretantur, quos in longum refert Ruiz Disp. 36. sessione 5. sed, & sapientiores ex Rabbis, ut probat Galatinus noster lib. 2. de Arcanis c. 4.

SEXTO probatur divinarum Personarum Trinitas, ex illo Trisagio Seraphinorum, qui, ut refert Isaias c. 6. *Clamabant alter ad alterum, Sanctus, Sanctus, Sanctus Dominus Deus exercituum:* Etenim, ut eleganter ponderat S. Ambrosius lib. 2. de Fide ad Gratianum cap. 4. *Quid sibi vult sub uno nomine sanctitatis trina repetitio? Si trina repetitio, cur una laudatio? Si una laudatio, cur trina repetitio? Trina repetitio cur, nisi quia Pater, & Filius, & Spiritus S. sanctitate unum sunt? Non dixit semel, ne Filium sequeretur: Non bis, ne Spiritum sanctum prateriret: Non quater, ne Creaturas conjungeret, & ut ostenderet Trinitatis unam esse Deitatem, eundem dixisset, SANCTUS, SANCTUS, SANCTUS, addidit singulariter, DOMINUS DEUS SABAOth: Hunc eundem textum ita pariter interpretati sunt Judæorum Doctores, maximè verò Rabbi Simeon dicens; *Sanctus hic est Pater; Sanctus hic est Filius, Sanctus hic est Spiritus sanctus,* ut refert noster Galatinus laudato loco; Subditque eam ob rem*

rem veteres Talmudistas statuisse, ut ab uno quoque Judæorum præfatum illud Trisagium ita explanatum, bis saltem in die, mane scilicet, & vespere diceretur: Unde etiam factum est, ut utraque Ecclesia, tam Græca, quàm Latina, illud inter se solemnes orationes usurpaverit, ut testatur Antheon Episcopus Arfinois, Epistola ad Petrum Antiochenum, quæ ponitur in Concilio Constantinopolitano sub Felice III. in causa Petri Fullonis, qui Idcirco refutat hæresim ejusdem Petri, quod præfaro trisagio, subjungeret nomen crucifixi, dicens: *Sau&us Deus, Sanctus fortis, Sanctus, & immortalis crucifixus*, quod significabat crucifixum esse Spiritum sanctum, vel aliam quartam Personam divinam.

Denique hæc eadem veritas deducitur ex illo Isaia 48. *Ex tempore, autem quam fieres, tibi eram, & nunc Dominus misi me, & Spiritus ejus*, quod S. Hieronymus ita exponit, *Quando fiebant omnia à Patre, ipse, scilicet Filius, erat cum eo, cui adgaudebat, qui etiam nunc dixit, Ego, qui semper erat cum Patre, & in Patre, & sine Patre nunquam etiam: Etiam nunc loquor, & juxta fragilitatem carnis assumpta dico, quod Dominus Deus miserit me, & Spiritus ejus: Breviter versiculo Trinitatis nobis ostenditur Sacramentum.*

Inde patet, quàm verissimè Christus Dominus Joannis 5. Judæos alloquens dixerit, *Scrutamini Scripturas, illa enim testimonium perhibent de me*; Quibus, nedum se verum esse Messiam designat, sed etiam verum se Dei Filium demonstrat. Confirmari hæc omnia possent, ex ineffabili nomine Tetragrammaton, quo passim Scriptura utitur: nam ut observat Galatinus noster lib. 3. c. 10. *Rabbi Haccados*, scribens mysteria hujus nominis Antonio Consuli urbis Romæ, affirmat illud significare Deum generantem, & quia non potest esse

generans sine genito; nec uterque sine amore procedente; idcirco hoc nomen comprehenditur divina Trinitas. Unde vulgò dicitur apud Hebræos *nomen expostum*, & explicaturque per duodecim litteras Hebræicas, quæ simul junctæ Latine significant, & efficiunt, *Pater, Filius, & Spiritus sanctus*: Vel dicitur nomen quadraginta duarum litterarum, quod idem Rabbi Haccados ita interpretatur, *Pater Deus, & Filius Deus, & Spiritus sanctus Deus; Trinitas in unitate, & unitas in Trinitate*. Quibus constat, quæ fuerit veterum Rabbitorum de divina Trinitate sententia, quàmque longè à suis Patribus exorbitent recentiores Judæorum Doctores, dum huic constantissimæ veritati tantopere repugnant.

CONCLUSIO SECUNDA.

EADem divinarum personarum Trinitas, & distinctio cum unitate natura subsistens, colligitur ex novo Testamento.

Primo quidem ex illo Matth. ultimo, ubi Christus suos delegans Apostolos ait, *Ite, docete omnes Gentes, & baptizantes eos in nomine Patris, & Filii, & Spiritus sancti*: Quod Oraculum adeo manifestè Trinitatem Personarum in unitate Essentiæ indicat, ut vix quid reponere Ariani invenire potuerint; non enim solam Patrem, & Filium, & Spiritum sanctum nominantur, ut distinctæ Personæ, sed etiam illis tribuitur unicum Divinitatis nomen, & unica virtus, & auctoritas assignatur; dum in earum nomine conferendum baptisma præcipitur. Inde Arianæ sequaces hoc Oraculo pressi, inter baptizandum tacebant, in nomine, ut testatur S. Athanasius lib. 7. ad Theophilum, dicebantque tantum, *Baptizo te in Patre, & Filio, & Spiritu sancto*, ut significarent tres naturas.

Secundum testimonium est illud Joannis 5. ubi dicitur, *Tres sunt, qui testimonium dant in Cælo, Pater, Verbum, & Spi-*

Et Spiritus sanctus, & hi tres unum sunt: Quibus etiam verbis Personarum distinctio, cum unitate essentiae manifeste exprimitur. Quem textum fusius expendemus qu. 5.

Tertium sit, quod de baptismo Christi Domini refertur Matth. 3. Luc. 3. & Marci 1. *Aperit sunt Caeli, & vidi Spiritum Dei descendentem sicut Columbam, & ecce vox de Caelo dicens, hic est Filius meus dilectus.* Ubi communiter Ecclesiae Patres agnoscunt tres Personas ejusdem auctoritatis, videlicet Patrem loquentem, Filium, quem alloquitur, & Spiritum sanctum, super Christum descendentem, non enim super ipsum descenderet, nisi ejusdem cum Patre, & Filio auctoritatis foret.

Quartum proferitur ex Joannis c. 10. ubi Christus de seipso loquens ait, *Ego, & Pater unum sumus*, quibus verbis distinctio Personarum exprimitur dicendo *Ego, & Pater*: unitas vero essentiae cum additur, *unum sumus*; quod intelligendum esse non de sola unitate affectus, sed de unitate consubstantiali Essentiae probant sancti Patres contra Arrianos, maxime S. Aug. serm. 5. de verb. Dom. *Quod ait, unum audiant Arriani, quod, ait sumus, audiant Sabelliani, & nec illi aequalem, nec illi alterum negando sint vani.* Unde Tractatu 36. in Joannem ita pulchre ratiocinatur, *Non dicit Pater ego sum, aut Ego, & Pater unum est, sed cum dicit, Ego, & Pater unum sumus, utrumque audi, & unum, & sumus, & Charybdi, & a Scylla liberaberis, in duobus istis verbis, quod dixit unum, liberat te ab Arrio; quod dixit sumus, liberat te a Sabellio. Si unum, non ergo diversum: si sumus, ergo, & Pater, & Filius; Sumus enim non diceret de uno: sed unum non diceret de diversis.*

Quintum proferri potest illud Joannis 14. ubi similiter tres Personae divinae notantur cum dicitur, *Ego rogabo*

Patrem, & alium Paracletum dabit vobis, ut maneat vobiscum in aeternum; Et infra versu 26. Paracletus autem Spiritus sanctus, quem mittet Pater in nomine meo. Et cap. 15. prope finem, *Cum venerit Paracletus: quem ego mittam vobis a Patre Spiritum veritatis, qui a Patre procedit. Necessarium enim est realiter distingui Personas, quae rogat, & quae rogatur, quae mittit, & quae mittitur; quae procedit, & a qua procedit. Auctoritas autem aequalis, & consequenter substantia eadem Filii, & Spiritus sancti notatur, cum uterque dicitur esse Paracletus, & Spiritus sanctus in locum Filii succedere, ut doceat omnem veritatem, & cum Discipulis in aeternum maneat. Similiter eadem Filii cum Patre auctoritas designatur, cum uterque dicitur mittere Spiritum sanctum: Item, quod Pater mittat Spiritum nomine Filii.*

Denique proferri potest illud 1. Joannis 4. *De Spiritu suo dedit nobis, & nos vidimus, & testamur, quoniam Pater misit Filium suum Salvatorem mundi:* Nec non, & illud ad Titum 3. *Apparuit benignitas, & humanitas Salvatoris nostri Dei, non ex operibus iustitiae, quae fecimus nos, sed secundum suam misericordiam salvos nos fecit per lavacrum regenerationis, & renovationis Spiritus sancti, quem effudit in nos abunde per Jesum Christum Salvatorem nostrum.* Quibus constat, & designatur divinarum Personarum Trinitas, altera, quae effudit Spiritum sanctum, altera per quem effudit, altera vero Spiritus sanctus effusus. Hic non refero, quae hanc adversus veritatem objicere solebant heretici; ordine namque congruentiori eis faciemus satis, cum hanc eandem veritatem retexentes, earum Personarum Trinitatem, nec non Divinitatem, & aequalitatem sigillatim probabimus. Haec vero est limine ipso sufficiant ad insinuandum, & divinis Ora-

cu-

culis stabiendum augustum Trinitatis mysterium. An autem etiam ratio naturalis illud evincere possit contra Gentiles Philosophos, aperiet sequens quæstio.

COROLLARIUM.

Ex his patet, quàm verissimè scripserit S. Aug. Sermon. 38. de Tempore : *Omnis Scriptura Veteris, ac Novi Testamenti, si Catholicè intelligatur hoc insinuat, quod Pater, & Filius, & Spiritus sanctus unus sit Deus, ejusdem substantiæ, uniusque Essentia, atque inseparabilis in Divinitate unitas ; Hoc tamen inter utrumque Testamentum discrimen intercedit, quod Vetus Personarum, Trinitatem in unitate Divinitatis, quibusdam umbris involutam obscuriùs proposuerit : Novum verò irradiante Sole iustitiæ, & assulgente Evangelii lumine has omnes pepulit umbras, & grande hoc mysterium in apertam lucem deduxit : Unde Christus Joan. 16. Discipulos alloquens dicebat ; Venit hora, cum jam non in proverbii loquar vobis, sed palam de Patre meo annuntiabo vobis. Hinc S. Cyprianus lib. de Cardinalibus operibus Christi in Prologo de mysterio Trinitatis ait : Ad banc rerum adeo profundarum indaginem, nisi incarnati Verbi magisterium accessisset, humana defecissent ingenia, & nescio si, & aliqui auderent ad hæc tentanda conatus asurgere. Concinit S. Gregorius lib. 2. in Ezechiel. hom. 16. Hebræorum populus, inquit, mandata Decalogi servare conatus est : sed tamen de cognitione sanctæ Trinitatis eruditus non est : & quamvis hæc spirituales Patres perfectè cognovissent, multitudo tamen Synagoga, nec invenire mysterium Trinitatis potuit, nec quærere scivit. Superveniente autem gratia omnis fidelis populus unum Deum Trinitatem esse cognovit.*

Rationem hujus discriminis præfert Theodorus lib. 2. ad Græcos, ubi de Hebræis ait ; Cum in Ægypto longinquum

sanè tempus permanissent, multorumque ibi Deorum cultus ritu Ægyptiaco didicissent ; sapientissimus Deus nequaquam illis manifestè, aperitque prorsus ratione Trinitatis mysteria tradidit ; ut propositam sibi esse Deorum multitudinem arbitranter, occasionem hanc haberent ad impietatem Ægyptiam declinandi ; Trinitatis tamen dogmata, ne tunc quidem venturis in pœserum penitus occultavit in antiquis enim Scripturis perfectioris Theologię materiam, quasi semina quadam dispersit.

QUÆSTIO SECUNDA.

An mysterium Trinitatis detegi, & probari possit ratione naturali à Philosophis ?

NOTANDUM I. Præsentem difficultatem non moveri de inclinatione, & nativæ capacitatis intellectus ad cognoscendum hoc mysterium, undequaque illius cognitio ingeratur, sive per revelationem, sive per demonstrationem. Certum enim est, inquit Doctor, quæst. 1. prologi, quod, cum intellectus possibilis, quacumque cognitione naturaliter perficiatur, etiam ad quamcumque naturaliter inclinatur ; quilibet enim potentia passiva naturali pondere fertur in id, quod sui perfectivum est, adeoque naturaliter intellectus creatus propendet in cognitionem cujusque veritatis, maxime autem veritatis præstantissimæ, qualis est essentia divina unitas, & personarum Trinitas, & aequalitas. Nec etiam præsens moveretur quæstio de incomplexa, & imperfecta horum terminorum ; Deus, & Trinitas activa cognitione : Constat enim, inquit Doctor, quæst. 14. quodlibet art. 1. quemlibet creatum intellectum, solo nativo lumine, cognoscere posse Deum, ut primam causam, adeoque unitatem essentia: posse detegere : Insuper attendens ad nu-

numerum ternarium, & ad significationem nominis personæ, etiam percipere poterit quid significet Trinitas personarum, dum illam ab aliquo propositam audierit. Sed tota difficultas est, an per innatam intelligendi, & discurrendi virtutem possit aliquis Philosophus detegere Trinitatem Personarum in Deo, sicut cognoscere potest unicum esse Deum per discursum naturalem.

Notandum 2. Reverà plures Philosophos aliquam mysterii Trinitatis notitiam adeptos fuisse, ut copiose probant, *Iustinus martyr* in Oratione ad Gentes, *Clement Alexandrinus* lib. 5. *Stromatum*; *Cyrillus* lib. 1. & 2. contra *Julianum*, maxime verò *Eugubinus* lib. 1. & 2. de perenni Philosophia. In primis enim divinus *Plato* variis locis posuit summum Deum; Deinde asserit ab hoc genitam mentem, per quam is alia fabrefecit: Tertium denique, quem vocat animam mundi. Unde *Claudius Mamertinus* apud *Eusebium*, lib. 11. de *Præparatione Evangelica*, de *Platone* ait: *Qui tantis seculis, ante puerperium Virginis, ante prædicatam summam Trinitatis in Gentibus unitatem ineffabilem, unum tres in divinitate Personas laudabili ausu, mirabili ingenio, non imitabili eloquio quæsit, invenit, prodidit*: Similiter *Mercurium Trismegistum*, id est ter maximum, propius ad Christianam veritatem collimasse refert: Siquidem in lib. cui titulus *Pymander*, ait: *Lumen illud ego, mens, Deus bujus sum ante naturam humidam, quæ ex tenebris luxit. Quod autem ex mente humidum verbum Dei Filius est*: Et infra, *mens autem Deus Ambisexus existens vita, & luminis, ut auctor peperit verbo alteram mentem opificem, quæ Deus ignis est, & Spiritus*. Addi potest *Zoroastes Chaldeus*, qui scripsit, *Monas genuit duas*, & in toto mundo lucet *Trias*; Cui

Tom. III.

quadrat illud vulgatum *Trismegisti, Monas genuit monadem, & in se suam reflexit amorem*: Hinc *S. Aug.* lib. 7. *Confessionum* cap. 9. de *Platonico*rum libris ait, *Legi ibi non quidem his verbis, sed hoc idem omnino multis, & multipliciter suaderi rationibus, quod in principio erat Verbum, & Verbum erat apud Deum, & Deus erat Verbum*. Quo autem ex fonte hæc notitiam hauserint isti Philosophi, non levis est apud Theologos controversia hac in quaestionem dirimenda.

Notandum 3. Circa præsentis difficultatis resolutionem, triplicem esse Theologorum sententiam. Quidam enim affirmant Trinitatis mysterium ita humani generis caprum excedere, ut nulla vi naturali possit detegi: imò ipsius notitiæ consequendæ discursus omnia principia ita adversari, ut si quis sola ratione ducatur, illud mysterium omnino impossibile esse iudicet: Nonnulli verò, quibus facem prætulit *Raymundus Lullius*, extremè oppositam viam aggressi affirmant, nedum hoc mysterium rationi naturali non repugnare, sed evidenter per eam demonstrari posse. *Raymundus* enim in libro, quem vocat *Apostrophem*, & in libris sententiarum contendit tria hoc mysterium spectantia naturali lumine posse demonstrari. Primò, quod plures in Deo sint Personæ. Secundò, quod nec plures, nec pauciores sint, quàm tres. Tertiò, quod hæc tres Personæ sint Pater, Filius, & Spiritus sanctus. Notat tamen harum veritatum demonstrationes non esse à priori, nec à posteriori, sed æquiparantiz: Vocat autem demonstrationes æquiparantiz, quæ nec per causam, nec per effectum, sed ab æqualibus sunt. Cæteri denique mediam, utpote tutiorem sententiam amplexati docent Trinitatis mysterium, nec rationi naturali repugnare, nec per eam posse demon-

E

strari,

arrari, nec detegi seclusa divina revelatione, quibus cum sit.

CONCLUSIO PRIMA

NULLUS intellectus creatus, seclusa divina revelatione, sibi comparare potest certam, & evidentem mysterii Trinitatis notitiam. Hæc videtur esse de Fide, eam nempe suadent Scripturæ facræ: etenim Matthei 11. *Nemo novit Filium, nisi Pater, neque Patrem, quis novit, nisi Filius, & cui voluerit Filius revelare.* Quod expressius legitur Lucæ 10. *Nemo scit quis sit Filius, nisi Pater, & quis sit Pater, nisi Filius, & cui voluerit Filius revelare:* Quos contextus profert Nicænum Concilium lib. 2. ad probandum divinæ generationis mysterium esse penetratu impossibile: Unde etiam Synodus Antiochena 1. tempore Dionysii Papæ celebrata in professione Fidei, ait: *Notionem Dei utcumque mediocrem, si habemus revelante Filio ejus sicut ait: Nemo novit Patrem, nisi Filius, & cui Filius revelaverit, contenti esse debemus.* Cui concinit S. Epiphanius hæresi 76. dicens: *Omnia prætervolant, & excedunt, & omnem causam syllogistica relinquant doctrinali illi ex divina Scriptura sententia, nempe nemo novit Filium nisi Pater, neque Patrem nisi Filius, & cui is revelavit. Revelat autem per Spiritum sanctum non bis, qui de ipso per syllogismos ratiocinantur, sed qui in ipsum legitime, ac perfecte credunt.*

Confirmatur ex eodem Matth. c. 16. *Caro, & Sanguis non revelavit tibi, sed Pater meus:* Nomine autem carnis, & sanguinis, non solum comprehenditur, & exprimitur omnis cognitio à sensibus emendicata, sed etiam naturæ viribus comparanda, ut intelligit sanctus Cyrillus Alexandrinus in Oratione de Verbi incarnatione, quam habuit in Ephesina Synodo dicens, *In ipsam rem curiosius noli inquirere: non enim per Græcorum sapientiam, aut vana-*

danum sensum percipitur, sed ab utroque est aliena, Beatus es Simon Barjona, inquit Dominus, quia caro, & sanguis, &c. nam Filii Dei cognitio celeste, divi- neque inspirationis donum est. Confirmari potest etiam illis omnibus Scripturæ locis, quibus prohibemur scrutari profundiora Divinitatis mysteria, cujusmodi est illud Job. 38. *Sapientiam Dei unde invenies? latet enim ab oculis hominum, & à volucribus cæli absconsa est.*

PROBATUR 2. Authoritate sanctorum Patrum maxime verò Dionysii lib. de divinis nominibus cap. 13. ubi ait, *Divinitas, qua omnia superat Unitatis, & Trinitatis nomine celebrata, non est Unitas, & Trinitas, à nobis, aut ab aliquo alio eorum, qua sunt, cognita: Rationem eam subijcit, quam assignavimus in præfatiuncula. Ipsi alludit sanctus Nazianzenus Oracione de Theologia num. 67. ubi de Deo Trino sermonem faciens ait, Duce[m] potius fidem, quam rationem sequamur, si modò ingeni sui imbecillitatem in propinquioribus didicisti, rationisque id esse cognovisti, ut quamnam sint ea, qua rationis humana captum excedunt cognoscas: Ne aliqui prorsus terrenis sit ipsam quoque ignorantiam tuam ignorans.* Unde meritò dixit sanctus Hieronymus in præmio lib. 18. in Isaiam *Trinitatis reſta confessio est ignorantia scientia, nam inquit sanctus Hilarius lib. 1. de Trinit. Respuit captiosas, & inutiles Philosophiæ quæstiones fides constants, neque humanarum ineptiarum fallaciis succumbens spiritum se præbet veritatis falsitati.* Inde sapienter, & doctissime illa verba Joannis cap. 6. *Sunt quidam in vobis, qui non credunt, ponderans sanctus Augustinus ait Evangelistam non dixisse, Sunt quidam in vobis, qui non intelligunt: sed causam dixit, quare non intelligunt: Sunt enim quidam in vobis, qui non credunt, & ideo non intelligunt, quia non credunt, & Pro-*

Propheta enim dicit, NISI CREDIDERITIS NON INTELLIGETIS.

TERTIO denique hæc ipsa veritas ratione probatur. Omnis notitia certa, & evidens alicujus rei paritur per demonstrationem: sed nulla est demonstratio, quæ seclusa revelatione Trinitatis divinæ noticiam certam, & evidentem ingerere possit: Probatur, omne medium demonstrationis, vel est causa, vel effectus, vel quid æquivalens; Omnis namque demonstratio, vel est à priori, vel à posteriori, vel æquiparantiæ: Sed in rebus naturalibus nullum medium asfulget intellectui, cujus ductu possit ad evidentem Trinitatis noticiam ascendere. Primo enim tale medium nequit esse causa, cum divina personarum Trinitas omni causa careat, & omnino sit independens à quolibet extrinseco artificio. Neque etiam effectus: si quis enim effectus ducere possit in cognitionem Dei Trini, maxime creaturæ, quæ cognoscuntur à Deo ipso conditæ: sed creaturarum notitia, non potest manu ducere in cognitionem divinæ Trinitatis, quia creaturæ non manant à Deo, quatenus est Trinitas in personis; sed quatenus est unus in essentia: Ergo ex creaturarum notitia, non possumus cognoscere Trinitatem personarum, sed solum unitatem Deitatis. Minor probatur: quia creaturæ emanant ab omnipotentia Dei: & omnipotentia est attributum essentialis, & commune Trinitati.

Deinde non potest sciri illud de causa per effectum (inquit Doctor qu. 14. quodlibetica art. 1.) quod circumscripto remanet in causa quidquid est necessarium ad causandum: Sed circumscripta per impossibile divina Trinitate, haberetur adhuc quidquid necessarium est in Deo ad causandam creaturam; si enim per impossibile unica esset divina persona, haberet vim infi-

nitam producendi quidquid optaret: Ergo ex cognitione creaturæ à Deo procedentis non potest cognosci ipsa divina personarum Trinitas.

Denique quilibet intellectus, sive Angelicus, sive humanus etiam omni vivacitate, ac intelligendi subtilitate nativa donatus, ex evidenti cognitione, quam haberet de personalitate creata, solum colligere posset in Deo unicam esse personalitatem absolutam: Etenim non posset concipere Dei personalitatem, nisi ad modum suæ personalitatis, vel ad modum personalitatis alterius præstantioris Angeli; quantum enim capere potest nativa vis intelligendi, tota ratio subsistendi videtur esse ad se, & quid absolutum; non verò quid respectivum, & dicens ordinem ad aliud: Ideoque omnis ratio subsistendi, quæ ab illo Angelo conciperetur esset omnino absoluta, nullatenus autem relativæ: Ergo tantum abest, ut illa cognitio personalitatis creatæ duceret in cognitionem plurium divinarum personarum, imò longè ab ea revocaret; & consequenter neque per demonstrationem à priori, neque per demonstrationem à posteriori colligi potest ipsa certa, & evidens divinarum personarum Trinitas.

Sed nec eam inducere potest illa demonstratio, quam Raymundus Lullius appellat *æquivalentiæ*, quod sic evinco. Per id non probatur evidenter divina personarum Trinitas, quod vel eam supponit, vel in eam directè militat: sed omnes rationes, quas profert Lullius, vel divinam personarum Trinitatem supponunt, vel eam impugnant, & solvunt. Probatur, ad hoc collimant omnes Lullii rationes, ut demonstret: *Primo*, plures esse in Deo personas. *Secundo*, tantum esse tres: *Tertio*, quod illæ tres personæ sint Pater, & Filius, & Spiritus sanctus. Pri-

nam verò sic probare nititur: Vbi cumque est concordia, & æqualitas, ibi est pluralitas: at in Deo est concordia, & æqualitas, agentis, & acti in ipso actu, seu ut ipse loquitur bonificativi, & bonificabilis, in actu bonificandi: Ergo est in Deo pluralitas personarum. Probat minorem: Vbi est actus, ibi est concordia agentis; sed in Deo est actus bonificativus: Ergo est concordia, & æqualitas bonificativi, & bonificabilis; adeoque sunt plures in Deo personæ.

Verùm hæc ratio, nec demonstrativa est, nec alicujus momenti. Non quidem *demonstrativa*, quia supponit illud, quod nullatenus est evidens, quodque sola fide diuina percipitur, nempe in Deo esse actum productivum ad intra: quamquam enim ratio naturalis ostenderet Deum esse operativum per intellectum, & voluntatem, non tamen aperiret illam operationem esse productivam alterius personæ; imò nisi fides contrarium suaderet, diceret quis actum intelligendi, & volendi in Deo non aliud esse præter ipsam infinitam illius substantiam, quæ à nobis concipitur per modum operationis, & actus. Nec pariter illa ratio est *alicujus momenti*; siquidem supponit omnem productionem divinam esse bonificationem, adeoque solum fieri per voluntatem, quod reverà fidei adversatur, Filius enim divinus producitur per intellectum, & solus Spiritus sanctus procedit per voluntatem.

Secundò: Illam personarum pluralitatem esse trinam, probare nititur idem Author, quia illa essentia, quæ est in majoritate actionis, id est, quæ perfectissimè agit, non requirit nisi unicam actionem bonificativam, unam passionem bonificabilem, & unicum actum bonificare; id est, illa essentia est perfectissima in agendo, in

qua tantum reperitur unicum agens, seu producens, unicum productum, & unicus actus; si enim essent plures, unus limitaret alium: sed Deus est in majoritate actionis: Ergo in Deo est unicum producens, unicum productum, & unicus actus.

Eandem veritatem probat à ratione distinctiva: Illa essentia est in majoritate distinctionis, in qua est unicus distinctivus, generativus, seu productivus, unicus etiam distinguibilis, & generabilis, seu producibilis, & unicum distinguere per spirare, & amare: Sed bonitas est in majoritate distinctionis: Unde concludit, quòd *Est unicus distinctivus, & generativus respectu filii, & hic est Pater, & unicus distinguibilis, generabilis, & producibilis respectu Patris, & hic est Filius, & unicum distinguere per spirare, & amare, & hic est Spiritus sanctus.*

Verùm hæc probationes longè ab intento sine exorbitant; Tum quia, hic Author supponit, quod esset probandum, nempe illam essentiam esse in majoritate actionis, in qua est solum unicum producens, unicum productum, & unicus actus: imò ratio naturalis suadet illam causam esse perfectiorem, quæ multiplicem habet virtutem, & plures effectus producit: Tum quia, inde inferitur, in Deo esse unicum actum nempe *spirare*, adeoque excluditur actus intellectus divini, nempe *intelligere*; hoc autem est hæreticum, & à ratione alienum: Tum denique, quia ex his rationibus plura sequuntur absurda contra Trinitatis mysterium. *Primum* quidem, quod una persona per aliam distinguatur, quod est reverà falsum; etenim personæ divinx distinguuntur invicem per proprios suos characteres.

Deinde, cum tres personæ sint realiter invicem distinctæ, non solum est unicum distinguibile, & unicum dis-

tin-

findivum, sed tres sūt distinguibiles, nempe tres personæ, & tria distinctiva, nempe tres proprietates personales. Sequitur denique ex illa doctrina plures esse personas divinas, quam tres, etenim de fide est duos esse actus productionis in Deo, nimirum *generare*, & *spirare*; & consequenter in Deo esset generativum, generabile, & generare, & sic tres erunt personæ: Deinde spirativum, spirabile, & spirare, & sic alix tres erunt etiam personæ, adeoque erunt sex.

TEXTIO denique: Illam personarum Trinitatem, quam evidenter se demonstrasse existimat Lullius, conatur pariter evidenti ratione ostendere esse Patrem, Filium, & Spiritum sanctum, sic autem ratiocinatur. Id omne in divina bonitate concedi debet, per quod bonificativum est in majoritate actionis, & bonificabile in majoritate passionis; id est, Deo tribuendum est, id quod habet perfectiorem modum producentis, & producti: hoc autem fit per paternitatem, & filiationem: Ergo in Deo ratione producentis, & producti est Pater, & Filius. Minorem probat: Quia perfectissimus modus producendi est Patris respectu Filii; hic enim de tota sua substantia filium generat. Quod etiam debeat esse Spiritus sanctus, sic probare nititur. Illud omne concedendum est in divina bonitate, per quod bonificare est in majoritate actus, id est, per quod est perfectissime actus bonificantis, & bonificabilis: hoc autem fit per amare: Ergo in divina bonitate admittendum est amare, quod appellamus Spiritum sanctum. Minorem probat, quia alijs bonificare, sive amare, non esset infinitum; ac proinde non esset perfectissimum, nec in majoritate actus.

Verum quàm infirma hæc sit probatio, nullus est, qui non videat; licet enim concederemus in Deo produ-

ctionem perfectissimam, & in majoritate passionis, & actionis, non inde sequeretur illam esse inter Patrem, & Filium, quamvis esset de tota substantia producentis: Etenim generatio Filii in humanis est vera generatio, nec tamen est de tota substantia, sed de parte substantiæ generantis: Qualiter ergo Lullius colligere potest productionem de tota substantia, quæ tantum reperitur in divinis, esse appellandam generationem Filii, maxime cum Spiritus S. sit etiam de tota substantia, & tamen non sit Filius: Ergo reverà seclusa divina revelatione demonstrari nequit divinum Trinitatis mysterium.

Di. et 1. Evidens effectus cognitio, evidentem causæ notitiam parit; sed creaturæ à nobis evidenter cognitz, sunt effectus divinz Trinitatis; nam tres divinz personæ, quæ habent eandem omnipotentiam, & virtutem creandi, per se concurrunt ad omnes effectus creatos: Ergo ex creaturarum cognitione poterit homo divinam Trinitatem detegere.

Distinguo majorem: Si cognoscatur necessaria connexio, & dependentia effectus à causa, concedo: secus, nego. Similiter distincta minore, nego consequentiam; homo enim poterit quidem cognoscere creaturam, ut est effectus Dei, & ex hac cognitione inferre virtutem divinam productivam necessariò esse in aliquo supposito; actiones enim omnes censentur esse suppositorum; adeoque naturaliter cognoscere poterit esse aliquam divinam personam, quæ creaturatum sit productiva. Ex hac tamen notitia non potest naturaliter pluralitatem personarum in divinis colligere, quia creaturæ connexionem necessariam habent cum Deo uno, ut unus est; non verò, ut trinus est: Etenim si per impossibile in Deo esset unica persona, non

non minus in ea esset infinita virtus productiva, sique non minus ab ea dependerent.

Dices 2. Cognita imagine, cognosci potest illius Prototypus: Sed homo est revera imago sanctissimæ Trinitatis: Ergo ex sui ipsius cognitione, assurgere poterit in notitiam divinæ Trinitatis.

Distinguo majorem: Si cognoscatur ratio formalis imaginis; & habitudo illa, quam habet ad Prototypum, concedo: secus nego: Non enim potest cognosci relatio, nisi cognito utroque extremo. *Ad minorem* dico hominem non posse cognoscere seipsum, sub ratione imaginis per ingenitum: sibi rationis lumen, ut optime explicat sanctus Augustinus lib. 15. de Trinit. cap. 24. ubi expendens illud Apostoli 1. ad Corinth. 13. *Videmus nunc per speculum, & in enigmate*, dicit, *Non, ait, Apostolus videmus nunc speculum, sed per speculum.* Unde concludit: *Qui ergo vident suam mentem, quomodo videri potest, & in ea Trinitatem istam. . . : Nec tamen eam credunt, vel intelligunt esse a imaginem Dei; speculum quidem vident, sed usque adeo non vident per speculum, cum, qui est per speculum nunc videndus, ut nec ipsum per speculum, quod vident sciant esse speculum, id est imaginem.*

Dices 3. Plures Philosophi satis apertam divinæ Trinitatis notitiam obtinuerunt, ut observavimus in 2. notabili: Sed illam aliunde non fuerunt adepti, quam ex ipso Philosophiæ promptuario, & ingenita virtute ratiocinandi: Ergo comparari potest cognitio mysterii Trinitatis.

Nego minorem: Primò namque illam notitiam excipere potuerunt ab ipsa traditione, quæ ab Adamo usque ad Noë, & ab hoc usque ad Abrahamum hereditario jure propagata fuit: Abrahamus autem, & Moyses illam ipsam notitiam disseminaverunt apud Phi-

losophos Ægyptios, à quibus quotquot fuerunt sapientes Græci, maxime verò Orpheus, Pitagoras, Plato, edocti sunt, ut affirmant sancti Patres Justinus, & Cyrillus laudati. *Subdit Clemens Alexandrinus lib. 5. Stromatum Platonem, aliosque Philosophos plurima didicisse ab Hebræis, & Chaldæis, apud quos derivata, & propagata fuerat primævis Patriarchis revelata divinitus sanctissimæ Trinitatis notitia.*

Addo insuper Philosophos talem cognitionem fortè exceperisse à Sybillis, quarum *Insigne fuit virginitas, & virginitatis premium divinatio*, inquit sanctus Hieronymus lib. 1. contra Jovinianum: Unde concors est Christianorum sententia, ut liquet ex Lactantio lib. 1. cap. 6. Sybillas divino instinctu plura vaticinatas fuisse de sancta Trinitate, maxime verò de Filio Dei, & humanitate per illum assumenda: Unde tota hæc Philosophorum de Trinitate notitia, revelationem supponit.

Denique, Philosophi aliquam divinarum personarum notitiam assequi potuerunt per oracula Dxmonum, quibus hoc mysterium ante eorum lapsum revelatum fuerat: Nam, ut refert Eugubinus. lib. 2. de Perenni Philosophia cap. ultimo Apollo delphicus rogatus à Sacerdote de vera religione, hæc inter alia respondit

Ne me scisciteris de Sancto, ac divino Genitore,

Et Sobole chara rebus magni Inducentis,

Et Flatu, qui mundum astridum continet omnem.

Simile quid refert Vivès in 10. lib. de Civit. cap. 23. de Serapide, qui consultus à Tule Rege Ægypti, quinquam esset beator, respondisse fertur.

Principio Deus est, cum Sermo, & Spiritus illi

Ad-

Additur, æquiva hæc sunt, & tendentia in Unum.

Nec mirum videri debet Dæmones fuisse tantimysterii præcones; ad id enim urgeri potuerunt, vel à bonis Angelis, vel à Deo ipso, qui interdum jubet veritatis lucem de tenebris falsitatis affulgere. Adde, quod ipsimet Dæmones ad id stimulari potuerunt, ut Divinitatis fidem labefacerent: Trium enim divinarum Personarum notitiam ingerentes, inde tres esse Deos facilius suaserunt, hinc etiam omnis ea notitia, quam Philosophi de Trinitate habuerunt infinitis propè erroribus admixta fuit: Vnde non immerito Plato ipse dicitur *Prodromus Arianorum*; tres enim ponebat Deos, videlicet summum Deum, Demiurgum, & animam, sed duos posteriores asserere creatos, ac summo Deo longè inferiores, quod penè fuit Arianorum commentum: Vnde Tertullianus Philosophos maxime Platonicos, *Hæreticorum Patriarcas* optimo jure dixit.

Infrab: S. Athanasius pluribi, sed maxime in disputatione còtra Arium, quæ legitur in Concilio Nicæno, & oratione 3. contra Arrianos affirmat Ethnicos Philosophos fuisse inexcusabiles eo, quod Verbi divinitatem non agnoverint ex Creaturis, ait enim, oratione illa secunda: *Jure Paulus incusat Græcos, quod congruentiam inter se partium, ordinemque rerum natura contemplant, nihil cogitaverint de natura ratione, sive Verbo. Res enim cognita conditorum ostendunt, ut per eas verum Deum intelligant. Additumque est ab eodem Paulo AETERNA QUOQUE POTENTIA, ET DIVINITAS ut filium significaret; & oratione tertia ait; In operibus indita est sapientia effigies, ut mundus per eam agnosceret suum opificem, rationem videlicet, sive Verbum, & per Verbum Patrem, &c. Ergo reverà Philosophi per ingenitum rationis lumen detege-*

re potuerunt Trinitatem Personarum.

Respondeo S. Athanasium his, & similibus verbis subintellexisse auxilium supernaturale gratiæ excitantis, quò illustrati Philosophi res creatas contemplant, obscuram saltem divini Trinitatis notitiam assequi potuerunt, nam idem Athanasius Orat. 1. contra Arrianos ait: *Gratia ejus in nos collata magna baud dubie sunt, & supra hominem, & quod transcendit sua excellentia omnia charismata Patris illa, ipsiusque Verbi cognitio, & donatio sancti Spiritus; Quibus apertè facietur cognitio Verbi, & Spiritus sancti esse supra hominem, adeoque naturales humani intellectus vires transcendere.*

ROGABIS 1. Vtrum Raymundus Lullius reverà censuerit evidentem Trinitatis notitiam comparari posse absque ulla illustratione supernaturali, an, verò revelationem supposuerit?

Respondeo verisimilius esse eum censuisse evidenter demonstrari posse divinarum Personarum Trinitatem, independentem ab aliqua supernaturali illustratione. Tum quia ipsemet pluribi affirmat, omnes articulos fidei probari posse per rationes necessarias demonstrativas, & evidentes: Ergo non censet ad illas Demonstrationes fidem, & revelationem prærequiri; Tum quia refert Eymericus in Directorio inquisitorum parte secunda, q. 9. Lullium professum fuisse ad ejusmodi demonstrationes fidem non esse necessariam, inquit enim, *Fides est necessaria hominibus inscitiis, rusticis, ministrabilibus, & non habentibus intellectum elevatum, qui nesciunt cognoscere per rationem, & diligunt cognoscere per fidem, & homines grossi ingenii, & illiterati, & insciti diligunt cognoscere articulos fidei per fidem, & non per rationem, & facilius trahuntur ad veritatem Christianorum per fidem, quàm per rationem: sed*

homo subtilis, facilius trahitur per rationem, quam per fidem.

ROGANS 2. Num saltem lumine naturali Trinitatis mysterium possit in suspicionem venire?

Respondeo: Probabilius videtur inquisitionem, & suspensionem tanti Mysteriorum, seclusa divina revelatione nusquam in intellectu creato excitari posse: Tum quia nullum est naturale obiectum, quod talem dubitationem, aut inquisitionem ingerere possit: Tum quia si fortassis apprehenderet tres Personas esse tres Deos, nec posset cogitationem suam ab hac apprehensione revocare; sicut modò illam revocamus, ubi nostris mentibus sese ingerit propter firmiorem rationem, nempe, propter supremam autoritatem Dei revelantis, & dicentis tres esse Personas in unitate Deitatis.

CONCLUSIO SECUNDA.

Sicut ratione naturali probari non potest divina Trinitatis existentia, ita nec demonstrari potest illius impossibilitas.

Probat: Si quæ ratio naturalis suadere posset divinæ Trinitatis impossibilitatem, maximè, quia hæc repugnat principiis Metaphysicis universalissimis, & notissimis; vel quia militat in receptissima principia discursus, & syllogisticæ artis; vel denique, quia Personarum Trinitas in unitate essentia pugnaret cum ipsis incrimis Dei prædicatis: Sed neutrum dici potest. Ergo; &c.

Probat minor quoad primam partem: Principia Metaphysica, in quibus nititur omnis omnino veritas, sunt ea maximè, impossibile est aliquid esse simul, & non esse: Hoc est, affirmatio, & negatio de una, & eadem re simul, & semel non potest enuntiari, quod tamen impetere videtur mysterium Trinitatis: Non essentia divina, quæ est realiter eadem cum personalitate, communicatur, non verò personali-

tas: Ergo eadem entitas communia catur realiter, & non communicatur realiter: Similiter Pater, & Divinitas sunt unica res, & tamen Pater generat realiter; Divinitas autem non generat realiter: Ergo eadem res indivisibilis generat, & non generat. Denique eadem res singularis est, & communis, Deitas enim est essentialiter hæc, & tamen est communis pluribus: Ergo simul est communis, & non communis, adeoque mysterium Trinitatis videtur militare in receptissimæ Metaphysicæ principia, & apertas contradictiones involvere.

Sed contra: Ut vera, & manifesta sit contradictio; non sufficit, quòd fiat affirmatio, & negatio de eadem re secundum suam entitatem realem, sed etiam oportet, quòd fiat secundum unam, eandemque formalitatem: Verum enim est, quòd homo discurret, quatenus est rationalis, & non discurret, quatenus est sensitivus; nec inde sequitur aliqua contradictio; quia discurrere, & non discurrere, non enuntiantur de homine penes idem principium, eandemque virtutem; Diversa enim est formaliter virtus sensitiva, à virtute rationali: Ita à pari, nulla in Deo sequitur contradictio, quòd essentia communicetur, non verò Personalitas: Item quòd Pater generet, non verò essentia; quia licet Paternitas, & Personalitas sint idem realiter cum essentia, ab ea tamen discrepant formaliter, quòd sufficit ad salvandam, & solvendam contradictionem, ut probavimus agendo de distinctione formali attributorum, tum ab invicè, tum ab Essentia divina.

Probat etiam minor quoad secundam partem: Nempe quòd mysterium Trinitatis non pugnet cum principiis syllogisticis, quæ maximè tria sunt. Primum est, *Quæ sunt eadem uni tertio, sunt eadem inter se:* Secundum, *Dici de omni:*

ni:

ni: Tertium, *Dici de nullo*, hoc est, quidquid affirmatur, aut negatur de aliquo superiori, affirmatur etiam, & negatur de omnibus, quæ sub ipso continentur; Unde sic formari potest difficultas, Paternitas, & Filiatio sunt realiter idem cum Essentia divina: Ergo etiam debent idem esse realiter inter se, si nempe verum sit illud principium: *Quæ sunt eadem uni tertio, sunt eadem inter se*, & sic nulla erit realis personarum distinctio.

Deinde essentia est eadem res realiter cum Paternitate, & est eadem realiter res cum Filiatione: Sed Paternitas, & Filiatio sunt duæ res: Ergo essentia est etiam duæ res; alioquin falsum erit principium *dici de omni*.

Verum hæc difficultates facile diluuntur; omnis enim variis aliorum responsis; duo respondet Doctor in 1. dist. 2. qu. 7. n. 47. *Primo*, quod ex hoc principio solum inferre liceat, extrema non aliam habere invicem identitatem, quam habeant cum tertio: Unde cum personalitates non habeant identitatem formalem cum essentia divina: sic non invicem habere possunt illam identitatem formalem. Quoniam verò posset aliquis instare, quod cum personalitates habeant identitatem realem cum essentia, sic etiam deberent invicem esse eadem realiter; quia 1. *Quæ sunt eadem uni tertio, sunt eadem inter se* illa ipsa identitate, quæ sunt eadem in tertio.

Respondet 2. Illud principium universaliter solum habere locum, quando extrema, quæ conveniunt in tertio habent ex suis principiis, & sua ratione formali, quod etiam inter se ita conveniant. Quando autem, quæ identificantur tertio, ex propria sua ratione formali nequeunt ita identificari, tunc non sequitur necessario ex eorum identitate cum tertio, quod etiam realiter identificentur inter se.

Tom. III.

Personalitates autem divinæ ex sua ratione formali habent, quod non possint invicem identificari, quia sunt distinctarum personarum constitutivæ.

Denique probatur *tertia pars minoris*. Si personarum pluralitas repugnaret Deo ex propriis ipsis prædicatis, maximè, quia videtur officere ejus Unitati, Aseitati, & Infinitati: Unitati quidem, quia cum Deus sit primum ens, non minus debet esse solus ratione personæ, quam ratione essentiae: Aseitati verò, quia Deus est ens à se: Ergo cum Filius sit productus à Patre, & Spiritus S. à Patre, & Filio, non possunt habere rationem Divinitatis: Infinitati denique, quia si datur plures personæ, erunt plura infinita, quod repugnat.

Verum hæc facile diluuntur. *Primum* quidem, quia primitas entis negat multitudinem Deorum: Sed hæc non asseritur per Trinitatem; siquidem tres personæ sunt tantum unus Deus: *Secundum* pariter, quia Aseitas, ut diximus in disputatione de Attributis, negat solum dependentiam, non verò productionem; licet autem Filius, & Spiritus sanctus producantur, eorum tamen productio est omnimodè independens. *Tertium* denique, quia Personarum Trinitas non importat pluralitatem infinitorum, quia, ut probabitur infra, personalitates, nec perfectionem, nec imperfectionem important, & consequenter nullo ex capite evinci potest divinæ Trinitatis impossibilitas.

QUÆSTIO TERTIA.

An, & quomodo, supposita divinæ revelatione, probari possit divinæ Trinitatis Mysterium, adversus repugnantes Philosophos?

NOTANDUM 1. Revelationem esse objecti propositionem factam, per testificationem alicujus personæ di;

dicentis, siue fiat in intellectu per Deum, siue in imaginativa facultate per Angelum, siue tantummodo exterius per doctrinam hominum, aut per voces, & visiones ab Angelis formatas: Inde duplex revelatio; alia creata, & naturalis, quæ sit Angelorum, vel hominum beneficio; alia verò supernaturalis, & diuina, quæ solitò dicitur lumen interius supernaturaliter, infusum efficaciter inclinans voluntatem, & intellectum, ut reuelatis assensum præbeat; de qua Matth. 16. *Sanguis, & caro non reuelauit tibi, sed Pater meus.* De hac autem reuelatione quaerimus in præsentī, utrum per eam ita illustrari, & confortari possit humanus intellectus, ut urgentia inuenire valeat argumenta naturalia, quibus Trinitatem euidenter demonstraret, aut saltem probabiliter suadeat.

Notandum 2. Certum esse, quod prævia fide supernaturali, intellectus humanus innata sibi discurrendi virtute efficaciter probare non possit impossibilitatem mysterii Trinitatis: Tum quia omnia principia naturalia, quæ hanc impossibilitatem suadere possent, sumuntur à rebus finitis, & limitatis, quarum cum nulla sit ad res diuinas, & infinitas proportio; ita nec esse debet comparatio, adeoque ipsa naturalis ratio docet in Deo esse aliquid, quod intellectus creatus viribus propriis attingere nequit: Tum quia omnia argumenta, quæ Trinitatem oppugnare possunt, ratio naturalis fide illustrata probabiliter soluit, & diluit, ut patebit in huius Tractatus decursu: Tum denique quia ratio naturalis aliquas inquirat, & ministrat similitudines, & congruentias, quibus manu ducitur intellectus ad assentiendum huic mysterio, & rationes, quæ illius impossibilitatem suadere videbantur, ita dissoluit, ut vix aliquid roboris habeant: Restat ergo solum difficultas

de possibilitate, & existentia istius mysterii, num videlicet per argumenta naturalia à Christiano Philosopho, efficaciter persuaderi possit Ethnico, & infedeli.

Notandum 3. Circa præsentis Quæstionis resolutionem duas esse maxime oppositas Theologorum sententias. Primæ faciem prætulit Richardus Victorinus asserens lib. 5. de Trinitate cap. 8. *Manifesta ratione probari, imò multiplici demonstratione convinci, quòd sicut perfectio unius personæ est causa alterius ita perfectio gemina est causa tertia in Trinitate:* Unde loquens de rationibus à se positis ad probandam Trinitatem diuinarum Personarum c. 12. subdit: *Ut superius euidenter ostendimus multiplex ratio personarum pluralitatem conuincit:* Et cap. 13. *Ecce quod constat luce clarius tres in tribus proprietatibus distinctionibus invenimus.* Quibus contendit diuinæ Trinitatis mysterium efficaciter, & euidenter probari posse, ubi semel illius notitia per reuelationem illuxerit: loquitur enim de rationibus, quæ fidem supponunt; nam lib. 1. cap. 1. ponderat illud Isaie c. 7. *Nisi credideritis, non intelligetis.* Et c. 4. ait, *Ad ea, quæ credimus, non modò probabiles, sed etiam necessarias rationes adducere possumus.* Secundam sententiam omnino oppositam nonnulli Theologi propugnant, asserentes diuinæ Trinitatis mysterium, ita esse fidei proprium, ut nulla naturalis ratio illud probare, imò nec ullatenus suadere queat; quibuscum sentire videretur sanctus Thomas in 1. dila. 33. artic. 1. ad 2. ubi ait, *In nulla re creata invenitur aliquid simile diuinæ simplicitati, ut habens sit id, quod habetur: omnia enim similia, quæ possent induci, vel de punctis, vel de differentiis existentibus in genere, plus habent de dissimilitudine, quàm de similitudine: Et omnino magis abducunt à veritate, quàm in verum intellectum inducant.*

cant. Has autem extremitates, ut declinemus, mediam amplectimur sententiam, duoque hic resolvenda suscipimus. Primum, quodd, etiam prævia fide, & revelatione, nullæ proferri possint convincentes rationes, quæ Trinitatem evidenter persuadeant. Secundum verò, quodd aliquæ saltem, profectri possint congruæ rationes, & similitudines, quibus emolliatur difficultas intellectus infidelis, & ad illius mysterii fidem, & assensum disponatur.

CONCLUSIO PRIMA.

INTELLECTUS creatus, quacumque etiam divina revelatione illustratus, non potest evidenter, & certò demonstrare mysterium divina Trinitatis.

Probatur 1. Autoritate sanctorum Patrum, maximè verò Iustini in expositione fidei de Trinitate, *Quamvis*, inquit, *mens pura nobis sit insita, per quam sæpe celsiora nobis reticinando apprehendimus; tamen comparè carne gravata bebescit ad evidentem perceptionem verum majorum . . .* Nullo igitur modo, cum scimus homines, possumus penetrare ad illam primam, ac beatam essentiam, quid dico divinam Essentiam? imò nec ad mysteria quidem ejus; nihil enim divinum manifestum est hominibus. Coincinit sanctus Augustinus lib. 1. de Trinitate cap. 11. *Afferimus*, inquit, *aliquando rationem, non quam petunt cum Deo querunt, quia ipsi eam non valent jamere, nec nos fortasse, vel apprehendere, vel proferre, sed qua demonstratur eis, quàm sint inhabiles, minimeque idonei percipiendos, quod exigunt. Ad stipulat* sanctus Hilarius lib. 8. de Trinit. ubi mysterium hoc rationem naturalem transcendere affirmans, ait; *Hoc enim Ecclesia* ((fide) *intelligit, hoc Synagoga non credit, hoc Philosophia non sapit, unum ex uno, & totum à toto Deum, & Filium, neque per naturam Patri admissè, quòd totus ist, neque hoc ipsum totum non secum nascendo tenuisse.*

Probatur etiam ratione: fides, aut revelatio, efficere nequit, ut effectus purè naturales, & sensibiles connexionem necessariam habeant cum Trinitate personarum. Ergo nec efficera potest, ut per eorum effectum evidentem notitiam, divina Trinitas evidenter demonstreretur. Consequentia patet: non enim potest causa, evidenter cognosci per effectum, nisi pariter innotescat connexio necessaria, quam habet cum illo effectu.

Deinde fides efficere nequit, ut ratio naturalis, suis tantum viribus innixa feratur ultra suam sphaeram: sed mysterium Trinitatis est extra sphaeram luminis naturalis: Ergo attingi nequit ab ipsa ratione naturali.

Denique, supposito etiam lumine fidei, omnes discursus naturales manent intra sphaeram luminis naturalis, quod non potest aliquid divinum ostendere, nisi beneficio creaturarum: Sed creaturæ ex se potius inducunt in assensum impossibilitatis hujus mysterii, quàm in assensum illius existentie. Ergo revera, quamvis aliquis per revelationem, & fidem noverit mysterium Trinitatis, non tamen excogitare potest rationes naturales, quæ illud mysterium alteri non credenti evidenter persuaideant.

PROBATUR 2. Ex Infirmatione omnium rationum, quæ proferri possent ad hoc mysterium demonstrandum. Si quæ rationes evidenter probare possent divinam Trinitatem, maximè quinque sequentes: Sed nulla ex eis est demonstrativa.

Prima namque ratio sic formari posset ex Doctore in 1. dist. 2. qu. 7. num. 3. Quicumque habet à se, & sine imperfectione principium productivum sufficiens ad producendum, potest producere: Sed aliqua persona divina habet à se, & sine imperfectione principium productivum sufficiens resps-

Aut alterius personæ divinæ: Ergo potest producere alteram personam divinam.

Probatur minor. Primò, namque constat esse unam personam, eadem ratione, quâ constat esse Deum, siquidem Deitas debet esse personata, ut agere, & producere possit: Secundò illa divina persona habet memoriam, fecundam, hoc est intellectum infinitum, & objectum infinitum præsens, & applicatum in ratione intelligibilis: Insuper habet hanc memoriam infinitè fecundam à se, quia est improducta; & illam habet sine imperfectione, nulla enim imperfectio in Deo est inveniendâ, sed illa memoria infinitè fecunda est principium productivum alicujus infinitè perfecti; non quidem alterius Dei, quia Deorum pluralitas repugnat: Ergo alterius personæ divinæ. Probatur minor: Memoria fecunda ex ratione sua formali est productiva notitiæ genitæ: Ergo memoria fecunda personæ divinæ improducta, est producti vanotitiæ genitæ sibi proportionatæ, adeoque infinitæ: Sed notitia illa infinita non est accidens, quia hoc Deum dedecet: Ergo est quid subsistens, & consequenter quid spirituale vivens vita intellectuali, aliàs non esset proportionatum principio productivo: adeoque est persona divina: Ergo memoria fecunda in Deo producit aliam personam divinam; sicque jam duæ sunt divinæ personæ, una producens, alia producta.

Quòd autem tertia possit similiter cognosci, patet; nam illa divina persona improducta, habet voluntatem à se infinitè perfectam; voluntas autem infinitè perfecta est productiva amoris infiniti, & sibi proportionati: infinitus autem ille amor productus debet esse divina persona, aliàs principio producenti non esset proportionatus: Er-

go ratione naturali probari potest evidenter divina illa personarum Trinitas.

Verum quamvis hæc ratio omnium urgentissima videatur aliquibus, nihilominus eam facile diluere possit Philosophus Ethnicus. *Primò* negando minorem, affirmandoque Deum non intelligere, nisi per intellectionem realiter identificatam, non verò à se distinctam, propterea ejus intellectio nem non esse realem productionem, termini realiter distincti, sed solum operationem. *Secundò* reponere possit intellectum producere quidem aliquid immanens, sed inherens, non verò aliquid subsistens, adeoque ex eo non liceret inferre Verbum à Deo productum esse aliquid subsistens: *Tertiò* denique quamvis concederet intellectum divinum esse productivum Verbi subsistentis, & realiter à principio producente distincti, non tamen idcirco teneretur admittere tres personas; imò ansam haberet asserendi, esse infinitas divinas personas productas; cum enim Verbum, & Spiritus sanctus habeant intellectum, & voluntatem, eorum quilibet posset alterum Verbum, & Spiritum sanctum producere, & illi iterum alios, & sic in infinitum.

Secunda ratio sic formari potest. Quod est summè, ac infinitè bonum, est summè, ac infinitè communicabile: Sed Deus naturaliter cognoscitur esse summum, ac infinitum bonum: Ergo summè, ac infinitè debet communicari: Atqui extra se non potest sic infinitè, ac summè communicari, quia nequit produci creatura summè infinita: Ergo necessum est, ut intra se infinitè communicetur: sed illa communicatio fieri non potest, nisi per intellectum, & voluntatem: Ergo oportet, quòd Deus sese communicet per operationem intellectus, & voluntatis alteri intra se; non quidem
al-

alteri secundum essentiam, quia non possunt esse plures Dii: Ergo secundum personam, adeoque res erunt personarum divinarum, nimirum una, quae sese communicat, & duz aliz, quibus communicatur; uni quidem per intellectum, alteri vero per voluntatem.

At responderet Philosophus, primo negando majorem, quoniam actualis communicatio nullam infert perfectionem in causa communicante, sed tantum in effectu producto, actualis enim illuminatio non est perfectio existens in Sole, sed in corporibus illuminatis.

Respondet secundo communicatio non infinitam repugnare Deo, quoniam illa videretur non posse fieri absque divisione essentiae, & productione alterius Dei, quod implicat. *Tertio* denique distinguere posset majorem, infinite bonum, est infinite communicabile; sine categoriatricè, ita ut semper magis possit communicari concedat: categoriatricè vero ita, ut possit habere simul communicationem sibi adaequatam, negabit.

Tertia ratio: Deus naturaliter cognoscitur foelicissimus: sed foelicitas non potest esse unius solitarii; exigit enim consortium: Ergo consortem habere debet; Sed creatura cum sint dissimiles, & ab aeterno non fuerint, non possunt Deo veram, & perfectam societatem tribuere: Ergo necesse est, quod Deus habeat consortem, qui non sit creatura: at ille non potest esse alius Deus, quia plures Dii repugnant; Ergo oportet habeat alias divinas personas. Vnde Tertullianus contra Praxeam: *Ante omnia Deus erat solus, ipse sui Mundus, & locus, & omnia, solus autem, quia nibi extrinsecus præter illum: ceterum ne quidem tunc solus: habebat enim in semetipso rationem suam, scilicet Verbum suum, Filium suum, & suum Spiritum S.*

Verum Philosophus negaret ad foelicitatem entis infinite perfecti requiri consortium alterius; sibi namque Deus plene sufficit, utpotè cum sit bonorum omnium maximum, & centrum.

Quarta ratio peti potest à summa Dei Charitate. Vbi est summa bonitas, ibi est perfecta Charitas, quae necessarii est ad alterum, & summa Charitas non est, nisi erga alterum summè bonum: Sed in Deo est summa bonitas. Ergo summa Charitas, quae sit erga alium summè bonum, non quidem erga creaturas, quae non sunt summè bonae: neque erga alium Deum, quia plures Dii repugnant: Ergo oportet, ut sit erga aliam personam divinam, adeoque plures personarum divinarum probari possunt ratione naturali.

Verum Philosophus negaret minorem, non enim, ubi est summa bonitas ibi necessarii debet esse perfecta Charitas, habens rationem amicitiae; sufficit enim amor infinitus, quem Deus habet erga seipsum.

Quinta denique ratio sic formari posset: Cognoscimus naturaliter nullam perfectionem esse Deo denegandam: Sed producere sibi simile in natura, est summa perfectio: Ergo cognoscitur non esse Deo deneganda.

Verum refellere posset Philosophus: *Primo* distinguendo minorem: Nempe quod producere sibi simile sit summa perfectio in entibus corruptibilibus, ut nempe suam speciem servare possint; non vero in entibus corruptionis expertibus, ut patet in Angelis, qui alios Angelos non procreant; adeoque cum Deus sit omnis corruptionis expertus, non esset in eo perfectio producere sibi simile.

Secundo responderet illam productionem Deo repugnare; quia, ut verè produceret sibi simile deberet producere alterum Deum, quod implicat.

Tertio si sit summa perfectio produ-

cendi sibi simile, cum personæ divinæ, quæ producerentur essent infinitè perfectæ, etiam alias personas divinas deberent producere; sicque esse deberent numero infinita personæ divinæ.

Constat itaque nullam posse proferri rationem naturalem, quæ mysterium Trinitatis infideli, ita evidenter persuadeat, ut ei non possit suum denegare assensum. Solum itaque suaderi potest hoc mysterium probabiliter per illas præfatas rationes; nec-non, & per quasdam similitudines rerum naturalium, in quibus exaratur adorandæ Trinitatis vestigium, & imago, ut aperiet.

CONCLUSIO SECUNDA.

PROBABILITER suaderi, & explicari posse mysterium Trinitatis ex rebus naturalibus, in quibus quodammodo illius vestigia, & imagines apparent, & elucent, constans est sanctorum Patrum sententia. Idque suadent variis similitudinibus.

Primo quidem in *Sole* Trinitatis imaginem expressam inveniunt sanctus Athanasius quæst. 4. & Nazianzenus oratione 45. eò quòd unum illud sit sidus in quo tria tamen distincta sunt, nempe orbis solatis, radius, & lumen. *Quomodo enim*, inquit Athanasius. *Sol constat tribus subsistentiis, ita & unus Deus tribus personis. Typus enim Patris est orbis solaris; Typus Filii est radius; Typus Spiritus sancti est lumen solis. Proinde sicut in Sole orbis radius, & lumen, non dicuntur tres Soles, sed unus Sol: similiter, & in Deo Pater, Filius, & Spiritus sanctus unus Deus, & non tres: Unde compendiarie expositio fidei, quæ tribuitur Cyrillo Alexandrino, habet, Sol est Pater, radius Filius, splendor igitur est Spiritus sanctus.*

Secundò eandem Trinitatis imaginem Inferunt sancti Patres ab elementis; primò quidem ab igne: nam ut ait S. Athanasius supra laudatus; *Tres*

sunt subsistentia unus ignis, scilicet substantium ignis, & mens, & lucens: & tamen una est natura ignis. Sic Pater est ignis, Filius est mens, Spiritus S. est vis illuminans. Subsistentias autem hic appellat res individuales, quamvis sine accidentia. Ipse concinit Isidorus lib. 2. de differentiis Spiritualibus cap. 2. Sicut ignis, inquit, candor, & calor tria quidem vocabula, sed res una: ita in relatione personarum Trinitas est, in substantia verò natura unus Deus.

Tertiò ab elemento *Aeris*, in quo Iridem pinxit Deus, ut in ea veluti triumphali curru sancta Trinitas cerneatur: Sicut enim in una Iride tres colores, ita conveniunt, ut visus nequeat discernere, qua in parte color unus terminetur, & distinguatur ab alio: sic in sancta Trinitate divinæ personæ, ita in Deitate conveniunt, ut sint unicus Deus.

Quartò ex elemento *Aqua*, nam fons efficit fluvium, & rivum quasi triplex aqua, & tamen unica: Unde Nazianzenus oratione 37. oculum fontis appellat Patrem, fontem vero Filium, & fluvium Spiritum sanctum. Tertullianus verò libro contra Praxeam capite 8. Patrem Fonti, Filium Fluvio, Spiritum Rivo assimilat.

Quintò ab elemento *Terræ*, quòd in ea sit Radix, Truncus, & Rami, quæ omnia unicum arborem formant, ut expendit supra laudatus Tertullianus ibidem, nec-non, & sanctus Augustinus lib. de fide, & Simbolo cap. 9.

Sextò illud ipsum colligit ex omnibus creaturis sanctus Augustinus 6. de Trinitate capite ultimo, *Oportet*, inquit, *ut Creatorem per ea, quæ facta sunt, intellectu huius conspicientes Trinitatem intelligamus, cuius in creatura quomodo dignum est, apparet vestigium. Quod vestigium postmodum explicans subdit: In illa enim Trinitate summa origo est omnium rerum, & perfectissima pulchritudo, & bea-*

Ratione suaderi potest *Mysterium Trinitatis.* 47

et beatissima delectatio. Hoc ipsum etiam colligit libro 4. super Genesim ex eo quod Deus Sapientiz 11. dicatur *Omnia fecisse in numero, pondere, et mensura; mensura, inquit, omni rei modum præfigit: numerus omni rei speciem præbet, et pondus ad quietem, ac stabilitatem trahit.*

Doctor Subtilis in 1. distinctione 13. questione 5. numero 6. addit Trinitatis vestigium, quod in creatura elucet, maxime consiliter in unitate, specie, ac ordine ipsarum, idque colligit ex sancto Augustino 6. de Trinitate capite 10. dicente, *Hæc igitur omnia, quæ arte divina facta sunt, et unitatem quandam in se ostendunt, et speciem, et ordinem.* Unitas autem reperta in creatura representat summam unitatem primi principii, quæ appropriatur Patri, & species creaturæ representat summam pulchritudinem, quæ attribuitur Filio, ordo denique creaturæ representat operationem perfectissimam Dei, quæ est beatitudo ejus, & appropriatur Spiritui sancto.

Septimo denique illam suam imaginem sancta Trinitas in homine pinxit, meritòque dixit *Faciamus hominem ad imaginem, et similitudinem nostram.* Nam ut docet Doctor in 1. distinct. 3. questione 9. numero 6. quemadmodum in Trinitate est eadem natura divina, & Pater, & Filius, & Spiritus sanctus, qui sunt tres personæ realiter inter se distinctæ, & identificatæ in eadem natura divina: ita præter animam in nobis reperitur memoria fecunda, quæ est intellectus cum objecto, aut specie illius, & hæc correspondet Patri.

Deinde in nobis reperitur intellectus informatus notitia actuali, quæ correspondet Filio: & denique reperitur voluntas informata à volitione, quæ respondet Spiritui sancto.

Insuper sicut Pater, & Filius, & Spiritus S. distinguuntur realiter inter

se, & tamen identificantur Essentiæ divinz; ita memoria fecunda, & intellectus, ut afficitur intellectione, & voluntas, ut afficitur volitione, distinguuntur realiter inter se, & tamen idem sunt realiter cum anima, quatenus nempe intellectus, & voluntas considerantur in actu primis, & ut sunt facultates ipsius animæ formaliter solum ab illa distinctæ.

Hæc omnia luculenter explicat sanctus Augustinus lib. 15. de Trinitate cap. 20. *Quisquis (inquit) hæc tria, scilicet memoriam, intelligentiam, et voluntatem in sua mente naturaliter divinitus instituta vivaciter perspicit, et quodam magnum sit in ea, unde potest etiam sempiterna immutabilisque natura recolere, conspici, amplecti. Reminiscentur per memoriam, intuetur per intelligentiam, amplectitur per dilectionem: profecto reperit illius summa Trinitatis imaginem: Ad quam summam Trinitatem, reminiscendam, videndam, diligendam, ut eam recordetur, eam contempletur, ea delectetur, totum debet referre, quod vivit.*

QUÆSTIO QUARTA.

An revera tres tantum sint divinz personæ realiter distinctæ, et unus Deus?

NON unus est, sed multiplex à veritate deviantium error: inde vix recenseri possunt quot, & quales hæresum tenebriones circa veritatem omnium maximam, nempe divinam Trinitatem exorbitaverint: eos tamen omnes triplicem in ordinem decet distinguere. Alii namque plures divinas personas, quàm tres asseruerunt: Aliqui verò unicam in Deitate personam triplici officio, aut nomine solum distinctam fabulari sunt: Cæteri denique, tres divinas personas non esse unicum Deum, sed triplicem dixerunt, qui errores ut facilius appareant, & refellantur.

No.

Notandum 1. Varios fuisse hæreticos, qui divinarum personarum Trinitatem multipliciter fuerunt infectati: in primis namque Anastasius Imperator edixit, *Non Trinitatem, sed quaternitatem adorandam esse*, & idcirco divinitus eum fuisse fulmine percussum, referunt Paulus Diaconus, & Pomponius Latius apud Cellium lib. 1. de Trinitate art. 4. Cui errori subscripsisse videtur quidam Clericus Gallicus, qui, ut refert S. Anselmus lib. de Incarnatione Verbi cap. 1. & 13. tres divinas personas realiter ab Essentia divina distinguebat, dicebatque, *Si in Deo tres persona, sunt una tantum res, & non sunt tres res, unaqueque per se separata, sicut tres Angeli, aut tres anima, ita tamen ut potentia, & voluntate omnino sint idem: Ergo Pater, & Spiritus sanctus cum Filio est incarnatus*. Nec longè abfuit Gilbertus Porretanus, nam ut refert Matthæus Paris in Historia Anglica ad annum 1119. Tertia illius assertio erat, *Proprietates personarum, relationes quædam æternæ sunt, quæ non sunt quidem, quod ipsa persone, sed divise numero, & divisa substantiâ, & habent tres unitates, & sic multa æternæ sunt, quorum nullum sit Deus*. At longè enormior fuit multiplicatio personarum, quam ita damnat Concilium Braccarense primum Cano. 2. dicens: *Si quis extra sanctam Trinitatem, alia nescioque divinitatis nomina introducit; dicens, quod in ipsa divinitate sit Trinitas Trinitatis, sicut Gnostici, & Priscilliani dixerunt, anathema sit*.

Notand. 2. Aliquos fuisse hæreticos prioribus summè oppositos, qui ex unitate omnimoda essentia inferebant unitatem etiam personæ divinæ; ita ut, quæ distinctionem personarum in Scriptura designant, non ad personarum ipsarum diversitatem, sed ad officiorum, & actionum ejusdem personæ differentiam referrent; dicerentque,

quod eadem persona, prout est ingenta, & creaturarum productiva, nominetur *Pater*; quatenus verò incarnata, dicatur *Filius*; prout verò sanctificans creaturam appelletur *Spiritus sanctus*; quasi una, eademque persona in diversos effectus, officiaque distincta distribuatur. Cui errori faciem prætulisse videtur *Praxeas*, qui ut loquitur Tertullianus in libro, quem adversus eum scripsit, *Ut de unico bæresim faciat, ipsum dixit Patrem descendisse in Virginem, ipsum ex ea natum, ipsum passum*: Subditque, *Praxeas duo negotia Diaboli Roma procuravit, prophetiam expulsi, & bæresim immisit. Paracletum fugavit, et Patrem crucifixit*. Unde Optatus Milevitanus lib. 5. adversus Parmenianum, *Praxeam Patri-passianum* appellat, quod Patrem divinum crucifixum, & passum fuisse assereret: Ipsi subscripserunt *Noetus*, qui ut refert S. Epiphanius hæresi 57. dicebat, unum Deum esse eundem Patrem, Filium, & Spiritum sanctum in carne passum, & genitum: Faverunt, & Montani discipuli, quamquam enim sanctus Epiphanius hæresi 48. dicat, *Montanus de Patre, & Filio, & Spiritu S. similiter sentit velut sancta Catholica Ecclesia*; nihilominus sanctus Hieronymus Epistola ad Marcellam quæst. 54. de Montani discipulis, ait, *Trinitatem in unius personæ angustias cogeant*: Unde Nicephorus lib. 4. Historiæ cap. 22. *Montanus, inquit, de divina Trinitate, & mundi creatione eadem nobiscum docuit, nonnulli tamen ex sectatoribus ejus possea tres Divinitatis substantias, unam esse sunt opinari*.

Verum hunc errorem penè sepulchrum ab inferis denuò excitavit Sabellius Afer Pentapolitanus, qui, ut refert sanctus Anastasius orat. contra Gregales Sabellii, dicebat, *Dilatari Patrem in Filium sumendo carnem, & in Spiritum sanctum sanctificando homines*:

Unde

Unde Patrem in Filium, & Spiritum sanctum non tres personas, sed eandem tribus nomenclaturis appellabat; inde ejus discipuli *Patri-pasiani* dicti sunt, eo quod Patrem incarnatum, passum, & mortuum fuisse assererent. Cui errori postmodum adhaeserunt Paulus Samosatenus. Deinde Phorinus Syrmienensis Episcopus, nec non, & plures Moderniores hæretici, ut jam dictum est.

Notandum 3. Alios hæreticos per extremum prædictis oppositos distinctionem personarum in Deo quidem agnovisse; verum negasse unitatem essentiae, qui duos adhuc in erroris rivulos distribuuntur; quidam enim negaverunt consubstantialitatem Filii cum Patre, quibus prævisse fertur *Origenes*, tamen hic error *Arrio* tanquam auctori tribuitur, quia ab eo ita propagatus, ac disseminatus fuit, ut per universum orbem venenum suum effuderit. Eo autem extincto, & in morem Judæ in secessu effusus ejus visceribus; suborta est *semi-Arrianorum* secta, qui errorem *Arrii*, ut cumque temperantes, Filium Patri similem, eique coæternum, non tamen consubstantialem, & æqualem asserabant: Vocem *Omonson*, quæ consubstantialitatem significat, quasi emollito rigore, in *Omonson* hoc est similem in substantia commutantes: ita ut ipsa similitudine vocis, & consonantia, plerisque fallerent, quasi voce Catholica utentes. Ipsi annumerari solent *Macedoniani*, qui Spiritum sanctum verè Deum esse negabant, dicebantque eorum aliqui *Patrem esse omnipotentem, Filium semipotentem, Spiritum verò sanctum nullipotentem*. Alius autem ipsis oppositus excrevit error *Tritheitarum*, qui tres asserere naturas, & substantias per omnia similes, quorum dux fuit *Pbiloponus*, ut refert Nicephorus lib. 18. cap. 49. de

Tom. III.

quibus *Dionysius Romanus* apud *Athanasium* in Epist. de Decretis Nicænæ Synodi ait: *Isti quodammodo tres Deos constituunt, dum in tres substantias alienigenas sanctam unitatem dispartiantur.*

Hiuc operæ pretium est in præsentiarum tria resolvere: 1. Tantum tres esse divinas Personas: 2. Eas realiter invicem distingui: 3. Illas esse verè unicum Deum. In sequenti autem quæstione Personarum consubstantialitatem probabimus.

CONCLUSIO PRIMA.

REVERA tres sunt divina Personæ realiter invicem distinctæ. Quod tres sint satis, superque constat, cum Veteris, tum Novi Testamenti Oraculis supra relatis: quod verò invicem realiter distinguantur iisdem sacris probatur textibus; sed insuper confirmatur idipsum ex variis illis locis, in quibus Scriptura sacra Generationem, Paternitatem, & Filiationem in Deo commemorat, quæ sine reali Personarum distinctione verificari nequeunt: Nam, inquit S. Augustinus lib. 1. de Trinit. cap. 1. nulla omnino res est, quæ seipsam gignat, ut sit: Et Tertullianus contra Praxeam: Omnes, quod prodit ex aliquo secundum ejus sit necesse est, de quo prodit, non ideo tamen est separatum; Secundus autem ubi est, duo sunt, & Tertius ubi est, Tres sunt: Tertius enim est Spiritus sanctus à Deo, & Filio, sicut tertius à radice, fructus ex frutice, & tertius à fonte, rivus ex flumine, & tertius à Sole, apex ex radio.

Nec dicas cum Sabellianis hæc vocabula *Patris*, & *Filii* solum denotare in Deo distinctionem Personarum, non entitativè, & realiter; sed penes diversa officia, quæ unica divina Persona gerit, & exequitur, dicaturque *Pater* ratione creationis, *Filius* ratione incarnationis, & *Spiritus sanctus* ratione justificationis: Nam, ut rectè

G

re-

replicat Tertullianus adversus Praxeam cap. 10. *Fieri nullo modo possunt, ut Pater se sibi Filium faciat, & Filius se sibi Patrem præstet: quia insituit Deus, etiam ipse custodit, habere necesse est Pater Filium, ut Pater sit, & Filius Patrem, ut Filius sit; aliud est autem habere, aliud esse, v. g. ut maritus sibi babeam oportet uxorem, non ipse mihi ero uxor; sicut etiam, ut Pater sibi, Filium habeat non ipse mihi ero Filius, & ut Filius sibi, Patrem habeat, non ipse mihi ero Pater: Quia enim me faciunt, si habuero; tunc ero Pater, si Filium habeam: Filius ero, si Patrem: Porro si ipse ero, quid eorum, jam non habeo, quod ipse ero, nec Patrem, quia ipse ero Pater, nec Filium, quia ipse ero Filius; in quantum autem alterum ex his habere me oportet, alterum esse in tantum, si utrumque fuero, alterum non ero, dum alterum non habeo: Si enim ipse ero Filius, qui, & Pater, jam non habeo Filium, sed ipse sum Filius: Non habendo autem Filium, dum ipse sum Filius, quomodo Pater ero; habere unum Filium debeo, ut Pater sim, &c.*

Præterea id ipsum constat, ex illis ipsis Scripturæ verbis Joannis 8. quibus Filius affirmat, *Ego ex Deo processi: & ibidem, solus non sum, sed Ego & qui misit me Pater.* Et cap. 14. *Ego rogabo Patrem, & alium Paraclitum dabis vobis, ut maneat vobiscum in æternum, Spiritus veritatis.* Nam procedens debet realiter distingui ab eo, à quo procedit, & missus ab eo, à quo mittitur, & rogans ab eo, quem rogat: Cum idem non possit à seipso procedere, nec seipsum mittere, aut rogare, ut rectè urget ibidem Tertullianus, nec non S. Athanasius Orat. contra Gregales Sabellii.

Denique Scriptura sacra disertè pronuntiat, *Filium Dei ante Luciferum genitum, & divinam Sapientiam prodixisse ex ore altissimi, ante omnem Creaturam: & Verbum esse in principio apud Deum,*

& per illud omnia esse facta: Ergo reverà intra ipsum Deum admittenda est realis Personarum distinctio, & non solum ex diversa connotatione, & respectu ad effectus in Creaturis producendos. Adde quòd hæc divina veritas iis firmetur principiis, quibus eam convellere nituntur Sabelliani; etenim.

Obijciunt 1. Varia Scripturæ loca, quibus Dei unitas prædicatur, unde inferunt unicam esse Personam: Sic Deuteron. 6. *Audi Israel Dominus Deus noster, Dominus unus est.* Et cap. 4. *Dominus ipse est Deus, & non est alius præter ipsum.*

Verùm tantùm adest, ut verba hæc Personæ unitatem indicent, imo Trinitatem significant, & denotent distinctionem: Mirabili enim Dei instinctu factum est, ut Moyses, & cæteri Veteris Testamenti Scriptores, ipsam Dei unitatem trina repetitione significarent, ut nempe tres Personas in unitate Divinitatis designarent, ut colligunt sancti Patres, præsertim Athanasius in libris de Trique.

Obijciunt 2. Illud Joannis 14. *Ego in Patre, & Pater in me est;* unde inferunt Patrem, & Filium unicam esse Personam duobus tantùm nominibus distinctam; confirmant ex illo Isaia 43. & 45. *Tantum in te Deus, & non est absque te Deus, verè tu ei Deus absconditus.*

Verùm ex eis textibus Personarum distinctionem colligunt sancti Patres, maximè Athanasius Dialogo 1. de Trinit. & Hilarius lib. 4. qui illa verba Isaia sic ponderat: *Habitantem ab eo, in quo habitas discernens: Isaia, Persona tantùm distinctionem non generis; Deus enim eo est, & in quo est Deus, Deus est; non enim Deus in diverse, atque aliena à se natura habitaculo est.*

Obijciunt 3. Illud Joannis, *Ego, & Pater unum sumus.* Verùm contextus ille in eos militat: Nam, ut notat sanctus

Aus Augustinus, tra. 36. in Joannem; Si unum, non ergo diversum: si sumus, ergo, & Pater, & Filius, sumus enim non diceret de uno, sed unum non diceret de diversis: Unde Nazianzenus lib. de Fide: UNUM, inquit, ad unitatem Divinitatis refert: sumus autem personis assignat. Simili modo Tertullianus lib. 1. contra Marcionem ponderat illud 1. Joannis cap. 2. Tres sunt, qui testimonium dant in Cælo, Pater, Verbum, & Spiritus sanctus, & hi tres unum sunt; atque, Qui tres, inquit, unum sunt, non unus, quomodo dictum est, Ego, & Pater unum sumus? Respondet, ad substantia unitatem non ad numeri singularitatem.

Obijciunt 4. Omnia, quæ Pater habet, Filius pariter obtinet: Ergo nihil est, per quod Filius à Patre realiter possit distingui: Antecedens probant ex Matth. 11. Omnia mihi tradita sunt à Patre meo: Et Joannis 16. Omnia, quæ habet Pater, mea sunt: Et cap. 17. Omnia mea tua sunt, & tua mea sunt.

Verum ex illis ipsis verbis colligunt sancti Patres personarum distinctionem, oportet enim inter dantem, & accipientem, sit realis distinctio; Unde communiter præfatos contextus interpretantur, quod Pater omnia dederit Filio, præter esse Patrem. Hinc Concilium Florentinum in litteris unionis ait: Omnia, quæ Patris sunt, ipse Pater unigenito Filio suo gignendo dedit, præter esse Patrem: Cui concinit illud Nazianzeni Orat. 44. in sanctam Pen-tecosten. Omnia, inquit, quacumque Pater habet sunt Filii, præterquam ingenitus non est: Omnia quacumque Filii, Spiritus sancti, sunt si generationem exceperis. Quod autem prædicta exceptio implicitè contineatur in ipsis Christi verbis, docet Athanasius Orat. 4. contra Arrianos dicens: Sed ne quis videri Filium habere omnia quacumque Pater habet, ex indiscreta similitudine,

eorum, quæ habentur, Sabelliano more deceptus impiè sentiant; Existimetque Filium etiam Patrem esse: ea de causa hoc Verbum prolatum est: Datum est mihi, & accepi, & traditum est mihi, nulla alia de causa, quam ut ostenderet se Patrem non esse, &c. Et paulò inferiùs illud Joannis 5. Quomodo Pater habet vitam in semetipso: ita quoque Filio dedit, vitam habere in semetipso. Ita ponderat. Nam ex hac voce dedit indicat sese Patrem non esse, ex ipso autem dicto ita Filii similitudinem, proprietatemque cum Patre significat.

Obijciunt 5. Scriptura sacra affirmat Deum esse solum, Pral. 85. Tu es Deus solus; Et 1. ad Thimotheum 1. Regi aculorum immortalis, & invisibilis soli Deo: Ergo, & solitarius est; sed solitudo non stat cum consortio trium Personarum: Ergo tres Personæ non sunt in Deo admittendæ.

Respondent sancti Patres etiam Scripturas docere Patrem non esse solum, sed Filium esse cum ipso; nam Christus ipsemet Joan. 8. disertè pronuntiat, Solus non sum; sed ego, & qui misit me Pater. Et in Lege vestra scriptum est, quia duorum hominum testimonium verum est: Ego sum, qui testimonium perhibeo de meipso, & testimonium perhibet de me, qui misit me Pater; Quæ verba sanctus Athanasius contra Gregales Sabellii, ita ponderat: En tibi duas Personas, & nisi dicas verè duas esse, cum hac loquitur, non permittit testimonium verum existere; id enim testimonium confirmat, sed si non ab uno, sed à duobus perhibeatur. Idcirco Scripturæ ita conciliandæ sunt, ut priores non excludant Trinitatem Personarum, & posteriores non inducant pluralitatem Deorum.

Respondent secundò, quod Deus dicatur solus, per exclusionem Deorum aliorum; non verò per exclusionem Divinarum Personarum, hæcque ex-

positio firmatur ab ipsa Scriptura sacra, nam Joannis 17. legimus: *Hæc est vita æterna, ut cognoscant te solum Deum verum: Additur, Et quem misisti Jesum Christum*. Insuper de Filio dicitur Isaïæ 45. *Non est absque te Deus; verè tu es Deus absconditus, Deus Israel Salvator*: Et Baruc 3. *Hic est Deus noster, & non estimabitur alius adversus eum*: Subditur autem, *Post hæc in terris visus est, ut significet priora verba de Filio Dei esse intelligenda; nec tamen sequitur, inde quòd Pater non sit reverà Deus, & Dominus; adeoque particula, solus, non est exclusiva Personarum, sed Deorum inanum*.

Respondeo 3. Cum Doctore in 1. distinct. 2. qu. unica, vocabulum, *solus*, sumi posse dupliciter, nimirum, vel categorèmaticè, vel syncategorematicè: Categorèmaticè sumptum idem est, ac *solitarius*, idcirco locum non habet in divinis; unde falsæ sunt istæ enunciationes, *Deus est solus, Pater est solus*; id est solitarius. Syncategorematicè verò sumi potest quatuor modis: Vel enim determinat subiectum essentialè respectu prædicati essentialis, & sic vera est hæc propositio, *Tu Deus solus, & verus Deus*: Vel determinat subiectum personale respectu prædicati essentialis, & sic falsa esset propositio, *solus Pater est Deus*, unde cum de Patre dicitur Joannis 17. *Ut cognoscant te solum Deum verum*, Particula, *solus*, non se tenet ex parte subiecti, nempe Patris, sed ex parte prædicati, nempe veri Dei, ut sic, hic sensus, *Ut cognoscant te Pater, qui es verus Deus solus*. Tertiò sumi potest, *solus*, quatenus determinat subiectum personale respectu prædicati personalis, & sic vera est propositio, *Solus Pater generat, solus Filius generatur*. Quartò denique determinat subiectum personale respectu prædicati notionalis communis pluribus personis, & sic non

rectè jungitur subiecto importanti unam dumtaxat personam; sed debet jungi subiecto importanti utramque, non enim rectè diceret, *Solus Pater spirat*, sed dicere deberet, *solus Pater, & Filius spirant*.

Obijciunt 6. Nonnulla sanctorum Patrum testimonia, quibus affirmare videntur divinas Personas solis nominibus, & consideratione intellectus esse distinctas: Sic S. Greg. Nazianz. Orat. 13. postquam tria supposita divina distinctè caracteribus propriis, subjungit: *Deum unumquodque si seorsim consideretur, mente videlicet ea, quæ separari nequeunt separante*: Idem Orat. 35. *Unam quoque Dei essentiam, & naturam, & appellationem esse; tamen si per cogitationes quasdam distinctas nomina, quoque simul distinguantur*.

Verùm ipsemet S. Nazianzenus hanc injuriam longè à se proscibit, nam Orat. 49. ostendens se in prioribus opusculis professum fuisse veram Personarum distinctionem realem, ait: *Quippecum, & hanc scdam, id est Sabellianam, in eodem libello damnaverim, & personarum distinctionem secundum vocabulum scripserim, nam, & nemo pro una persona potest (unum sunt) dicere, & unitatem generis nisi personis assignare*: Unde Orat. 35. *Paris impietatis est, inquit, vel Sabellii more personas connellere; vel Arrii insar, naturas distinguere, ac separare*. Ergo quando dicit unam personam, seorsim ab alia consideratam, intellectuè distinguui; ita est intelligendus, quòd vix intellectus noster possit reverà unam personam ab alia seorsim concipere, & sejungere; nam à parte rei quilibet persona habet in se manentes duas alias personas per circumincessionem, & quantum ad essentiam, est idem cum ipsis, adeoque non potest ab illis realiter separari.

Obijciunt 7. Quæ sunt eadem uni tertio,

etio; sunt eadem inter se: Sed Pater, Filius, & Spiritus sanctus, sunt iidem essentiz divinæ: Ergo sunt idem inter se.

Distinguo maiorem, ut jam distinximus: quæcumque aliqua identitate sunt eadem alicui, pari identitate sunt eadem inter se, concedo; unde cum Personæ divinæ non sint eadem personaliter, & supposititaliter, sed tantum essentialiter in tertio: sic nec esse debent inter se eadem personaliter, sed tantum essentialiter.

Obijciunt 8. Implicat aliquid unum esse simul, & multiplex: Sed Deus unus, & Trinitas est divisa, ac multiplex: Ergo Deus non est Trinitas.

Distinguo maiorem: Sub eadem ratione, quæ unum est non potest esse divinum, & multiplex, concedo; sub alia ratione, quæ non est unum, nego: Sic ergo Deus est unus in essentia, & multiplex in personis; adeoque non est unus, & divinus, & multiplex sub eadem ratione, sed sub diversa.

Obijciunt denique: Nihil est admitendum in Deo, quod sublatò Deus maneret infinite perfectus: Sed seclusa Trinitate personarum, Deus remanet infinite perfectus, nam esse infinitum est de essentia ipsius Deitatis: Ergo, &c.

Negat minorem Doctor, in 1. dist. 2. quæst. 53. sublata enim una persona, non manebit alia infinite perfecta, non quod una persona constituat perfectionem essentiz, aut alterius personæ, sed quod omnes personæ realiter identificentur essentiz, & sic realiter essentialiter etiam invicem identificentur; implicat autem, quod auferatur unum identificatum realiter alio subsistente; aliàs idem realiter esset ablatum, & non ablatum, quod implicat.

Vel distinguo minorem: Sublata Trinitate personarum Deus remaneret

infinite perfectus, si illa conditio esset possibilis, concedo: Siquis impossibilis, uti reverà est, nego.

Instant: Ex infinitate divinæ naturæ colligimus divinitatem esse unam, & immultiplicabilem: Sed persona divina, ut distincta formaliter ab essentia non minus est infinita: Ergo, nec minus una, & immultiplicabilis.

Distinguo maiorem. Ex infinitate simpliciter, & absolute, concedo: ex infinitate secundum quid, & in certò, ac determinato quodam genere, nego. Similiter distinguo minorem: Persona divina non minus est infinita simpliciter, & absolute, nego: infinita secundum propriam suam rationem, formalem transeat. Vel aliter, nego minorem: Persona enim formaliter, ut persona est, nec infinita est, nec finita, nec imperfecta, nec perfecta, ut infra probabimus.

CONCLUSIO SECUNDA.

IN Deo tres tantum sunt divine Personæ, nec plures, nec pauciores esse possunt. Hæc est de fide definita in pluribus Conciliis, quorum omnium doctrinam colligit, & iterum probat Concilium Lateranense capite Damnamur his verbis. *Credimus, & confitemur, quod una quedam summa res est, quæ veraciter est Pater, & Filius, & Spiritus sanctus, tres simul persona, ac singillatim qualibet earum. . . . Quilibet trium personarum est illa res, videlicet substantia, essentia, seu natura divina. . . . Et illa res non est generans, neque genita, nec procedens, sed est Pater, qui generat, & Filius, qui gignitur, & Spiritus sanctus, qui procedit, ut distinctiones sint in personis, & unitas in natura. Licet igitur alius sit Pater, alius Filius, alius Spiritus sanctus, non tamen aliud, sed id, quod est Pater, est Filius, & Spiritus S. idem omnino, ut secundum Orthodoxos, & Catholicam fidem consubstantialiter esse credantur.*

Hoc

Hoc ipsum apertè tradit S. Athanasius in Symbolo: *Vnus ergo, Pater non tres Patres; unus Filius, non tres Filii; unus Spiritus S. non tres Spiritus SS.* Probant pariter omnes Scripturæ sacræ contextus, quibus in priori quæstione sanctam Trinitatem, hoc est tres esse divinas personas, insinuavimus. Insuper ipsæ Scripturæ sacræ apertè unicum esse Patrem pronunciant, dum singulari nomine, Deus Pater exprimitur: Sed, & disertè explicant unicum esse Filium, & unicum Spiritum sanctum; etenim Filium, unigenitum appellant, sic Joann. 1. *Unigenitus, qui est in sinu Patris*: Et infra *gloriam quasi Unigeniti à Patre*: Et cap. 3. *Sic Deus dilexit mundum, ut Filium suum unigenitum daret*. Similiter de Spiritu sancto 1. Corinth. 12. *Divisiones gratiarum sunt, idem autem Spiritus*: Et infra, *Hæc autem omnia operatur unus, atque idem Spiritus*: Et rursus, *in uno Spiritu omnes nos in unum corpus baptizati sumus*. Sed evidentius hoc ipsum loquitur Joannes Epist. 1. cap. 5. dicens, *Tres sunt, qui testimonium dant in cælo Pater, Verbum, & Spiritus S.* Licet autem hæc propositio exclusionem non exprimat directè, & explicitè; nihilominus implicitè illam designat, & importat: Juxta communem sanctorum Patrum Interpretationem.

Probatur eadem veritas ratione. Primo quidem, si plures, quàm tres essent divinæ personæ, plures pariter essent Dii, non verò unicus Deus: Sed implicat plures esse Deos: Ergo etiam implicat plures esse divinas personas, quàm tres. Probatur major: Ideo plures personæ efficiunt unicum Deum, & non habent distinctam Divinitatem, & essentiam, quia Pater eandem Divinitatem indivisim Filio communicat per generationem: Quam præterea Pater, & Filius communicant Spiritui sancto per Spitationem: Sed

alis communicatio ejusdem Divinitatis, in Deo foret impossibilis, si plures essent Patres, plures Filii, aut plures Spiritus S. Ergo, &c. Minorem probant SS. Patres, qui ex ea communicatione unicum esse Deum fatentur; inprimis S. Ignatius Epistola ad Philipenses colligit: *Vnus ergo Deus Pater, & non duo, vel tres, unus scilicet, qui est, & non est præter eum solum verus*: Dominus enim inquit Deus unus est... *Vnus quoque Filius Deus Verbum*: Et paucis interpositis pro unitate Spiritus sancti concludit: *Iterum ergo, neque tres sunt Patres, neque tres Filii, sed neque tres Paracleti: Sed unus Pater, & unus Filius, & unus Paracletus*. Quibus Ignatius observat pertinere ad unitatem Dei, quòd non sint plures Patres, nec plures Filii, nec plures Paracleti. Ipsi concinit S. Basilius lib. 3. contra Eunomium, sic, inquit, *in Trinitate unitatis ratio conservabitur, si unum Patrem profiteamur, unum Filium, unum Spiritum sanctum*: Subscribit, & Epiphanius hæres. 64. *Pater, inquit, & Filius, & Spiritus S. unus Deus, Trinitas in veritate, & Monas, propterea enim unus Deus, quoniam, nec duo Patres, neque duo Filii, neque duo Spiritus sancti*. Unde S. Fulgentius in responsione ad primam objectionem Ariariorum, rem totam concludit, *Si ambo, inquit, vocarentur Patres, essent profectò naturæ dissimiles, unusquisque enim ex semetipso constaret, & communem substantiam cum altero non haberet, nec Deitas una esset, quibus una natura non esset*: Idem ad objectionem 5. dicit de Filio, *Duo quippe Ingenti, inquit, non possunt unam habere naturam, ubi, nec unus in uno veram ex se generationem invenit, nec unus ex uno verè in se substantiam a nativitate agnoscit, &c.*

Probatur 2. Tot sunt, & non plures divinæ Personæ, quot improductæ, & productæ: sed unica tantum est, & esse

esse potest persona improducta, & duæ productæ: Ergo tantum tres possunt esse divinæ Personæ. *Major* clara est: *Minor* verò probatur, quoad primam partem à Doctore in 1. dist. 2. qu. 7. num. 37. Si plures esse possent personæ improductæ, essent necessariò infinitæ; sed implicat esse infinitas personas in Deo: Ergo, & plures personas improductas. *Minor* patet: Illæ enim infinitæ personæ improductæ, vel essent ejusdem speciei, & solò numero distinctæ; vel diversæ: Non primum, quia implicat esse plura infinita, solò numero diversa, ut probavimus demonstrando unitatem Dei. Non etiam diversæ, quia sic nulla earum esset infinita: quippe cum non haberet perfectiones personæ alterius speciei, sicut homo non habet omnes perfectiones brutorum: nec bruta perfectiones hominis obtinent; adeoque non esset infinitè perfecta, quippe cum non haberet omnes perfectiones possibiles.

Probat minorem Doctor: Quidquid potest esse in pluribus suppositis, & non determinatur ad certum numerum suppositorum per aliquid à se distinctum, ex ratione sua potest esse in infinitis; & si sit ens necessarium, de facto est in infinitis, nam ut loquitur Aristoteles 4. phys. textu 32. *In perpetuis non differunt posse, & esse*; sed Persona divina improducta, si possit esse in pluribus suppositis, non posset determinari ab aliquo, ut esset in certo, & determinato numero suppositorum; quia determinari ab alio, ut sit in supposito, est contra rationem personæ improductæ: Ergo ex se posset esse in infinitis; & sic de facto essent infinitæ personæ productæ; sed hoc implicat: Ergo, & illud unde sequitur.

Probat. 2. Eandem partem minoris, nunquam pluralitas ponenda est sine necessitate, sed nulla est necessitas ad-

mittendi plures personas improductas; neque enim illud spectaret productionem personæ improductæ, neque juvaret quidquam ad perfectionem personarum productarum: Ergo nequeunt esse plures. *Tertio*, quia essentia una actu existens, non potest esse se habere diversos modos existendi sine productionibus: Unde enim repetenda esset illa existendi diversitas: Ergo persona improducta non potest esse multiplex.

Probat. 3. Eandem minor, quoad secundam partem, Nempe duas tantum esse personas productas ab eodem Doctore ibidem numero 18. tot sunt, & non plures personæ productæ, quot sunt principia productiva adæquata, & sufficientia diversæ rationis in persona improducta: sed illa principia sunt tantum duo; nempe intellectus, & voluntas. Ergo, & duæ tantum personæ productæ. *Minor* patebit in Disputatione sequenti, ubi demonstrabimus, duas tantum esse admittendas divinas processiones, & productiones; adeoque tantum duas personas productas.

Hanc ipsam veritatem probat sanctus Bonaventura ex sufficienti combinatione, quam triplicem confert in 1. dist. 2. art. 1. q. 4. PRIMAM quidem sic format. Prima Persona, quæ est inspirabilis, & inspirabilis generat, & spirat: Secunda verò Persona, quia inspirabilis, sed genita, non generat, sed spirat: Tertia Persona, quia spiratur, & procedit à generante, nec generat, nec spirat, & ideo impossibile est esse plures personas, quàm tres.

SECUNDAM verò sic format cum Richardo à sancto Victore lib. 3. de Trinit. & 20. ex triplici amore: Triplex enim est amor, videlicet gratuitus, debitus, & ex utroque permixtus: Ergo tantum debent esse tres divinæ Personæ, una quæ tantum dat, in qua est amor

amor gratuitus; alia, quæ tantum accipit, in qua est amor debitus, & media, quæ dat, & accipit, in qua est amor permixtus ex utroque: *TERTIAM* verò colligit ex origine; nam, inquit, contingit intelligere personam, quæ est principium personæ, & non est principium: & rursus personam, quæ est principium, & non principium personæ, & tertio modo personam, quæ est principium, & principium: Quartus autem modus, quod, nec fit principium, nec principium est omnino impossibilis, nec intelligibilis.

Dices 1. In rebus creatis, generatio ex naturæ fecunditate procedit: Ergo similiter in Deo præter duas processiones, quarum una est per intellectum, & alia per voluntatem, admitenda est alia ex naturæ fecunditate proveniens; & per consequens alia persona procedens distincta à Verbo, & Spiritu sancto.

Respondet Doctor ibidem num. 21. distinguendo consequens, ponenda est in Deo productio ex naturæ fecunditate, tanquam ex principio adæquato, negat; ex inadæquato, & partiali, concedit: Principium enim adæquatum, & totale productionis Filii, includit intellectum, & essentiam divinam, quorum quodlibet partialiter concurrat ad illam productionem: Idem dicendum de voluntate divina respectu productionis Spiritus sancti. Unde quamvis essentia divina concurrat, ut principium, quo, ad productionem Filii, & Spiritus sancti, non habet exinde rationem principii distincti adæquati, & per se productivi alicujus Personæ divinæ, sed tantum quatenus concurrat cum intellectu, & voluntate; adeoque cum sint tantum duo adæquata principia productiva Personarum divinarum, etiam duæ tantum sunt divinæ Personæ productæ.

Instabis. Unius, & ejusdem principii adæquati possunt esse plures productiones, & distincti termini: Ergo quamquam in Deo sint tantum duo principia productiva, exinde non sequitur duas tantum esse personas productas. Probatur antecedens, Intellectus creatus, v.g. est principium adæquatum verbi mentalis; sed plura verba totalia, & adæquate distincta potest producere: Ergo, &c.

Distinguo antecedens: Si termini producti non sint adæquati, tam intensive, quam extensive, hoc est, si non adæquent omnimodam perfectionem principii producentis, tam in essendo, quam in operando, concedo: Si sic, nego: Idcirco autem intellectus creatus potest producere plura distincta verba mentalia, quia nullum eorum verborum adæquat perfectionem intellectus in essendo: Hic enim est substantia, illud verò accidens; nec in operando, quia intellectus, qui concurrat cum una specie impressa ad productionem unius verbi, potest iterum concurrere cum alia specie dissimilis objecti repræsentativa ad productionem alterius verbi. Secus autem est in divinis, Verbum enim divinum adæquat omnimodam perfectionem sui principii productivi, tam in essendo, quia est consubstantiale Patri, quam in operando, quia omnem intellectus divini fecunditatem exhaurit, & adæquat, adeoque neganda est consequentia.

Subjumes: Atqui ejusdem principii productivi possunt esse distincti termini adæquati, tam in essendo, quam in operando: Ergo licet duo tantum sint principia adæquate productiva in divinis, non minus plures esse possunt personæ productæ. Probatur antecedens: Ignis productus adæquat omnem perfectionem ignis producentis, est enim ejusdem omnino naturæ, & acti-

activitatis cum eo; sed ab eodem igne possunt alii duo ignes produci ex duabus distinctis materiis diversimodè applicatis: Ergo, &c.

Distinguo antecedens: Si aliunde non repugnet, nempe si terminus adæquatus non sit infinitus, concedo: Si sit, nego: Unde cum unius principii productivi finiti possint esse varii termini etiam finiti, quia plura entia finita ejusdem rationis non repugnant, cum unum non debeat involvere perfectionem alterius; Idcirco potentia finita, non obstante sua limitatione, potest extendere se ad duos terminos simul, quos seorsim posset producere. Secus autem accidit, dum terminus productus est infinitus, quia duo infinita ejusdem omnino rationis existere repugnat, vel enim unum involveret perfectiones alterius, vel non: si sic, ergo non essent diversa, nec consequenter duo: si non, ergo neutrum esset infinitè perfectum, cum non haberet eas perfectiones, quas aliud infinitum complecteretur. Ideoque neganda est consequentia.

Progebis: Sicut se habet potentia finita ad effectum, & terminum finitum, ita, & infinita ad infinitum; sed finita potest habere plures terminos adæquatos finitos: Ergo multò magis potentia infinita poterit habere varios terminos adæquatos infinitos. Probatur antecedens. Si quod intercederet discrimen, maximè, vel quia effectus infinitus exhaurit fecunditatem potentie productivæ: Vel quia est incompossibilis cum alio effectui infinito ejusdem rationis: At hoc non officit. Non quidem primum, quia non apparet ratio, cur effectus adæquatus infinitus magis exhauriat fecunditatem potentie infinitæ, quàm finitus exhauriat fecunditatem potentie finitæ, at hic non ita fecunditatem suæ potentie exhaurit, ut illa non possit ultro

producere alterum terminum adæquatum, ut patet allatò exemplò ignis: Ergo, nec unus terminus infinitus, ita exhaurit fecunditatem potentie infinitæ, ut ipsa ulteriorem terminum producere non possit. *Non etiam secundum;* Tum quia cum effectus sit posterior causâ, non impedit causæ fecunditatem: Tum quia omnia Atribura divina, & tres divinæ Personæ sunt plura infinita ejusdem rationis in ratione Atributi, & Personæ, licet aliunde discrepent: Ergo etiam plures esse poterunt termini infiniti Intellectus divini; licet proprios habeant particulares characteres, quibus distinguantur.

Distinguo majorem: Secundum aliquam proportionem, concedo; secundum omnimodam, nego. Verum quidem est, quòd licet potentia finita exigat terminum finitum adæquatum, ita & infinita debet habere aliquid infinitum pro termino suo adæquato: ac falsum est, quòd sicut finita facultas habere potest successivè varios terminos adæquatos finitos, ita infinita poterit habere varios infinitos; unde neganda est consequentia.

Ad probationem dico varietatem terminorum infinitorum ejusdem divinæ potentie utrinque repugnare, nimirum Primò, quia unicuique terminus exhaurit, & adæquat fecunditatem suæ facultatis; si enim aliquid ultro posset illa facultas producere, jam non infinitè ageret in productione primi termini, si quidem omnem omnino perfectionem non tribueret isti, priori termino, si alium æquè perfectum, & similibus præcellentiis donatum posset producere. Repugnat *secundò*, quia implicat duo esse infinita ejusdem rationis propter tam expressas implicantias. Nec illud evincunt allata exempla, etenim personalitates divinæ formaliter consideratæ,

H

nec

nec infinitæ sunt, nec finitæ, ut patebit infra: Similiter attributa formaliter considerata, nec sunt finita, nec infinita, ut sic enim distinguuntur formaliter, tum ab infinitate formali, quæ est modus divinæ essentia: Tum ab infinitate radicali, quæ est ipsius divinæ essentia: differentia constitutiva, & distinctiva. Unde non sunt infinita formaliter, sed tantum realiter, quatenus nimirum identificantur ipsi divinæ Essentia: adeoque non sunt plura infinita, sed unicum, quia non habent rationem infiniti, ut sunt distincta, sed solum, ut sunt identificata.

Dices 2. Tot sunt divinæ Personæ, quot sunt principia eorum constitutiva; sed hæc sunt quatuor: Ergo, & illæ. *Major* patet: *Minor* probatur, Principia divinarum Personarum, constitutiva sunt relationes oppositæ: at hæc sunt quatuor, videlicet Paternitas, & Filiatio, spiratio passiva, & activa: Ergo, &c.

Nego minorem: Et ad probationem illius distinguo majorem; Relatio unicum tantum Personæ conveniens est illius principium constitutivum, concedo: quæ convenit pluribus Personis, nego: Spiratio autem activa convenit Patri, & Filio, qui indivisum Spiritum sanctum spirant, ideoque non est aliquis divinæ Personæ constitutiva; imò Patrem per Paternitatem, & Filium per Filiationem jam constitutum supponit.

Instabis: Sicut se habet generari, & spirari, sic se habet generare, & spirare; sed generari, & spirari, quæ significantur per relationes Filiationis, & Spirationis passivæ, constituunt distinctas Personas: Ergo pariter generare, & spirare, quæ explicantur per Paternitatem, & Spirationem activam duas distinctas Personas debent constituisse.

Nego majorem: Nam generari, &

spirari opponuntur saltem mediata, & ideo constituunt diversas personas, nempe Filium, & Spiritum sanctum: Generare autem, & spirare non opponuntur ullò modò, ideoque non debent diversas Personas constituere.

Dices 3. In ente summè necessariò idem est esse, ac posse: at Filius divinus potest alium Filium producere: Ergo eum reverà producit. Probat *minor* ex S. Augustino lib. 3. contra Maximinum asserentem Filium Dei non esse Patri æqualem, quem cum Augustinus; ita perstrinxisset cap. 7. *Profus ad hunc articulum res colligitur, ut Deus Pater æqualem sibi gignere Filium, aut non potuerit, aut noluerit: Si non potuit, infirmus; si noluit invidus invenitur; sed utrumque hoc falsum est: Patri ergo Deo Filius verus equalis est.* Tandem cap. 12. ita concludit, *Absti autem, ut quomodo putas, ideo sit potentior Pater Filio, quia Creatorem genuit Pater, Filius autem non genuit Creatorem* (hoc est alium Filium:) *neque enim non potuit, sed non oportuit:* Ergo reverà censet S. Augustinus Filium Dei alium Filium sibi similem potuisse gignere, quem tamen non genuit, ne forte plures essent divini Filii.

Confirmatur: Ibi S. Augustinus totus est, ut probet, quòd si Pater divinus non potuit generare sibi Filium, æqualem sibi impotens; & quòd è converso, si sit omnipotens, debuit generare sibi Filium æqualem: Ergo à pari, si Filius non possit generare alium Filium non erit omnipotens, nec consequenter Deus; adeoque ex mente sancti Augustini reverà Filius divinus potuit alium filium gignere.

Respondet Doctor in 1. dist. 20. quest. unic. num. 12. negando minorem. Ad consequentiam verò S. Augustini dicit eam valere solum per locum extrinsecum, ita ut si Pater non gigneret sibi Fi.

Filium æqualem, reverà non esset omnipotens; non quòd omnipotentia sit principium, & ratio cur Pater possit alterum Filium producere; aliàs cùm Filius, & Spiritus sanctus sint pariter omnipotentes, etiam Filios generare deberent; sed quòd, si Pater Filium non posset sibi æqualem producere, illa impotentia argueret in eo aliquem defectum, qui certè aliud esse non posset, quàm defectus omnipotentiz, cùm nihil aliud esset in Patre, quod Filii æqualis productionem prædire posset. At non est eadem ratio de Filio; siquidem negatio productionis alterius filii, non potest refandi in defectum illius omnipotentiz, sed in aliam rationem, nempe ex eo, quòd duo termini adæquati, & infiniti eiusdem facultatis omninò repugnent. Et consequenter, non ideo Filius divinus alterum filium non produxit, quia non potuit, seu quia non est omnipotens; sed quia non oportuit, seu quia duorum Filiorum productio repugnat ex seipsa.

Respondeo 2. S. Augustinum ibi arguere ad hominem, cùm enim Maximus concederet simul Filium Dei esse naturalem Filium, & tamen esse factum, & creaturam: inde sequebatur, quòd aliquis Filius Dei fuit factibilis, qui foret æqualis Patri: Ergo Pater non fuit Omnipotens, si non potuit facere hunc Filium æqualem, & factibilem. Hanc autem fuisse sancti Augustini mentem colligitur ex sequentibus verbis; subdit namque, Immoderata esset divina generatio, si genitus Filius Nepotem gigneret Patri, quia, & ipse Nepos, nisi Avo suo pronepotem gigneret, secundum vestram mirabilem sapientiam impotens diceretur: Similiter etiam ille, si Nepotem non gigneret Avo suo, & pronepotem Avo suo, non à vobis appellaretur omnipotens, nec impleteretur generationis series, si semper alter ex al-

tero nasceretur, nec eam perficeret ullus, si non sufficeret unus omnipotens. Itaque omnipotentem genuit Filium, quoniam, quacumque Pater facit, hæc & Filius facit similiter.

CONCLUSIO TERTIA.

TRES divina Persona sunt unus verè Deus. Hæc est de fide determinata in Conciliis Nicæno lib. 2. ubi sancta Trinitas individua, & indivisa prædicatur: Toletano 6. cap. 1. In Trinitate tanta est unitas substantia, ut pluralitate careat, & equalitatem teneat, nec minor in singulis, quàm in omnibus, nec major in omnibus, quàm in singulis personis manet: Et Toletano 11. Deus Pater, Deus Filius, Deus Spiritus sanctus singulariter dicitur: Et infra: Singulariter ergo unaquaque persona, unus Deus affirmatur, & creditur; Quæ omnia Lateranense cap. firmiter complectitur, dicens, Quod unus solus, & verus Deus. . . Pater, Filius, & Spiritus sanctus, tres quidem Personæ, sed una essentia, substantia, seu natura simplex omninò, Pater à nullo, Filius à Patre solo, ac Spiritus sanctus pariter ab utroque: Pater generans, Filius nascent, & Spiritus sanctus procedens.

Hoc ipsum constantissimè tuentur sancti Patres: In primis verò Damasus Papa in professione Fidei, ubi anathematizat eum, Qui diviserit Deum Patrem, & Deum Filium, & Deum Spiritum sanctum, affirmans Deos dici, & non Deum propter unam Deitatem, ac potestatem, quam esse credimus Patri, & Filii, & Spiritus sancti: Unde signanter S. Epiphanius in anchorato advertit, quòd Seraphim apud Isaiam dicant, Sanctus, Sanctus, Sanctus, non verò, Sancti, Sancti, Sancti, quòd singulare celebre pronuntiant, neque trium numerum occultent, sed ter quidem dant sanctificationem, uniformiter autem, & singulariter præferunt sermonem, ne multitudinem Deorum nominent.

Hanc ipsam veritatem plurimis rationibus probant sancti Patres. *Primo* quidem à Simplicitate Dei: Simplicitas enim Divina non esset strictissima, si non esset unica, & indivisibilis essentia, ut constat exemplò naturæ humanæ, quæ in omnibus hominibus non est propriè, & verè simplex; quia constat multis naturis realiter, & numero distinctis. Hanc rationem attrigie S. Dionysius lib. de divinis Nominibus cap. 1. *In omnibus*, inquit, *sermè sacris libris aduertimus Divinitatem sanctè predicari, ut singularem quidem, atque unicam, ob simplicitatem, atque unitatem illius excellentis individui.* Ipsi concinit S. Gregorius Nyssenus in fine libri ad Ablabium: *Quoniam igitur*, inquit, *hypotheses quidem sanctæ Trinitatis causa ratio discernit, aliud quidem absque causa, aliud verò ex causa esse postulans; Divina autem natura, & variationis, & divisionis per omnem considerationem experti esse deprehenditur.* Idcirco propriè una Deitas, & unus Deus est, & alia omnia Deo convenientia nomina singulariter effertur: Confirmat sanctus Athanasius Dialogo primo de Trinitate contra Anomeum: *Essentia*, inquit, *neque proprietatem habet, non communem hypostasibus, quæ essentia subsunt, nec numeri multiplicationem admittit, cum sit unica, & singularis.*

Secundò probant ex infinitudine divinæ essentiz; Essentia enim infinita aliam confortem non patitur, quia careret perfectione alterius, quæ possibilibus esset in eadem specie, quapropter unaquæque essentia creata numerica circumscribitur, & finitur, nec admittit perfectionem alterius: *Quod autem non circumscribitur*, inquit Nyssenus laudatus; *non numeratur, & quod non numeratur, in multitudine considerari non potest.* Unde cum Essentia divina non circumscribatur, nec finitur, nequit esse multiplex. Inde sancti Patres

inferunt divinam Essentiam non plus, aut minùs perfectionis habere in tribus personis, quàm in unica. Quod egregiè expendit S. August. lib. 7. de Trinit. cap. 4. 5. & 6. ubi cum varias proposuisset rationes, cur tres personæ humanæ sint tres homines; tres verò divinæ Personæ non sint tres Dii; tandem cap. 6. concludit: *Non tantum est unus homo, quantum tres homines simul: & plus sunt aliqui homines duo, quàm unus homo, & in statuis aequalibus plus auri est tres simul, quàm singula statua, & minus auri est una, quàm dua: at in Deo non ita est; non enim major essentia, est Pater, & Filius, & Spiritus sanctus simul, quàm solus Pater, aut solus Filius: sed tres simul illa substantia, siue personæ, si ita dicenda sunt, aequales sunt singulis.* Ipsi concinit S. Bern. Epist. 150. ad Innocent. Totum, inquit, est Pater, quod Pater, & Filius, & Spiritus S. totum Filius, quod ipse, & Pater, & Filius, & Spiritus sanctus; totum Spiritus S. quod, & ipse, & Pater, & Filius; & totum unum est totum; nec superabundant in tribus, nec imminutum in singulis, nec enim verum, summumque bonum, quod sunt inter se particulariter dividunt, quoniam, nec participialiter id possident, sed hoc ipsum essentialiter sunt.

Tertiò denique probant sancti Patres à summa Dei Unitate, & Uniformitate: Nam, inquit S. Fulgentius lib. de Fide ad Petrum cap. 1. *Vnus Deus Trinitas ipsa non esset, si quemadmodum Pater, Filius, & Spiritus sanctus personarum sunt ab invicem proprietate distincti, sic fuissent naturarum quoque diversitate discreti.* Unde subdit: *Ob hoc ergo tres unum rectè credimus, & dicimus Deum, quia una prorsus aternitas, una immensitas, & una numeraliter est trium Personarum divinitas.* Hoc ipsum egregiè expendit S. Ambrosius lib. 5. de Fide cap. 1. ubi solvens hanc objectionem Arianorum dicentium, *Si unus* sub-

substantia Patrem, & Filium confitemini; non unum Deum, sed duos Deos inducitis, quia qui unius substantia sunt, non unus Deus, sed duo Dii videntur, sicut duo homines &c.

Respondet autem: Dominici eloquiis approbandis, quia ubi plures sunt, ibi aut natura, aut voluntas, & operationum est differentia. Denique, ut suis ipsis testimoniis revincantur, duo homines dicuntur, quia licet unius naturae sint, jure nascendi tamen, & tempore, & cogitatione, & opere, & loco dissant; & ideo non potest unus homo dici in significatione, & numero duorum; quia non est unitas, ubi est diversitas. Unus autem Deus dicitur, & Patris, & Filii ac Spiritus sancti gloria, & plenitudo signatur.

Hic non retexam omnes illas rationes scholasticas, quas satis, superque inculcavi probando Deorum pluralitatem esse impossibilem, adeoque divinitatis unitatem esse numericam, & singularem; nihilominus hic explicandi sunt aliqui sancti Patres, qui inter divinas Personas asserere videntur tantum intercedere unitatem speciei. Itaque

Dicit: Sancti Patres affirmant divinas Personas invicem convenire in unitate Divinitatis, quomodo duo homines conveniunt in unitate humanitatis: Sed duo homines ita conveniunt in unitate specifica, suntque revera duo homines invicem numero distincti: Ergo pariter tres divinae Personae, tantum conveniunt specificè, eruntque tres Dii numero distincti. Probatur major, nam S. Gregorius Nyssenus lib. de Fide ad Simplicium, ait; *In divinis dogmatibus nullam naturae differentiam efficit genitum esse, sed quemadmodum in Adamo, & Abele una humanitas, sive natura humana, eodem modo in Patre, quoque, ac Filio Deitas, seu divina natura una est.* Item S. Iustinus in expositione fidei, *Sicut Adam,* inquit,

quomodo non eodem, quo ipse posteri modo genitus, tamen communem cum eis habet essentiam; sic nulla ratio, sive propter ingentem nomen divellatur essentia communis Patris, & Filio, Spirituique sancto. Similiter S. Athanasius contra Macedonium Dialogo primo, *Petrus, Paulus, Petrus, ac Timotheus tres sunt, inquit, putant haeretici non esse Filium Patri consubstantialem, quoniam, neque Pater, & propter differentiam personarum, substantiarum quoque differentiam inducunt, quomodo Abel, & Adam consubstantiales dici poterunt, cum neque Abel possit esse Adam; neque Adam Abel; quod si differentia personarum, identitatem naturae non destruit in hominibus: quomodo non erit impium, ea de causa, putare supernaturalem Dei substantiam diversificari.* Quibus patet sanctos Patres asseruisse inter divinas Personas reperiri solum unitatem specificam, non verò numericam; adeoque illos dici posse tres Deos numero distinctos.

Nego minorem: Non enim ea fuit laudatorum Patrum sententia, ut omnimodam paritatem inter tres divinas Personas, & tres homines intiterent: sed cum agerent adversus haereticos, dicentes Filium esse substantiam diversae generis à Patre, & consequenter inaequalem; sicut creatura diversae generis est, & inaequalis Creatori, hos ita S. Patres redarguebant, si verè, & propriè Filius naturalis est, necessariò debet esse aequalis, & ejusdem substantiae cum Patre, sicut homo generans, & homo genitus sunt ejusdem substantiae, & essentiae; Ergo cum vos admittatis Verbum esse Filium Dei, etiam necessariò debetis confiteri divinas Personas esse ejusdem substantiae; Prudenti autem consilio, nihil tunc pronuntiaverunt Patres de numerica, & reali unitate naturae divinae, cujus mentio, haud dubiè occasionem dedisset Adversariis plurium Sophismatum, qui-

quibus argumentorum vim retunderent. Satis itaque judicarunt Patres eò disparationem deducere, ut negare non possent Adversarii specificam identitatem, & æqualitatem substantiæ inter divinas Personas, quò semel admissò ipsis facillimum erat probare identitatem numericam, illis rationibus jam à nobis adductis. Quod autem hæc reverà sit laudatorum Patrum sententia satis, superque colligitur, tum ex dictis, tum ex dicendis: in quibus patebit eos asserere tres divinas Personas unicum numero Deum esse.

QUAESTIO QUINTA.

An Filius, & Spiritus sanctus reverà sint Deus, & Patri aeterno consubstantialis?

EX præcedenti Quæstione liquet varios hæreticos, circa trium divinarum personarum æqualitatem, turpiter errasse: at omnium pessimè à vero exorbitavit Arrius, qui plures habuit sui erroris præcursores, & sequaces; quod, ut pateat evidentiùs.

Notandum 1. Arriani erroris faciem maximè prætulisse Tertullianum, is namque censuit Verbum Dei, tunc à Patre genitum, ac Filium esse factum, quando res omnes creatas e nihilo fabricatus est, ad idque sermone est usus: Ita testatur cap. 7. contra Praxeam. *Hac est, inquit, nativitas perfecta sermonis* (quà nimirum sermonem ipsum specie, ornatuque suo protulit, cum dixit, fiat lux) *Dum ex Deo procedit conditus ab eo primum ad cogitatum nomine Sophia: DOMINUS CONDIDIT MUNDUM INITIUM VITARUM SUARUM, dehinc generatus ad effectum: cum pararet caelum aderam illi simul; Exinde cum patrem sibi faciens, de quo procedendo Filius factus est primogenitus, ut ante omnia genitus; & unigenitus, ut solus ex Deo genitus pro-*

pri de vultu cordis ipsius. Non minùs falsa, imò etiam absurdiora contra æternitatem Filii, & æqualitatem adstruit *Lib. contra Hermogenem cap. 3.* ubi Deum asserit fuisse quidem ab æterno, ac semper Deum, non tamen semper fuisse Patrem, Pater, inquit, *Deus, & Judex, Deus est; non tamen ideo Pater, & Judex semper, quia Deus semper; nam nec Pater potuit esse ante Filium, nec Judex ante delictum: fuit autem tempus cum, & delictum, & Filius non fuit, quod Judicem, & qui Patrem Dominum faceret.* Quæ verba eundem continent errorem, quem postea Arrius disseminavit, quod ex ejus libro, quem *Thabiam* inscripsit, S. Athanasius demonstrat librò de Synodis Principium, inquebat Arrius, *constituit Filium eorum, quæ facta sunt, ille, qui principio caret, eumque protulit, ac sibi adoptavit in filium proprium nihil habet Dei secundum proprietatis hypostasim; non enim aequalis est, sed neque consubstantialis...* *Alienus est à Filio Pater secundum substantiam, quoniam principii est experis. Intellige Monadem initio fuisse nempe Patrem; Binarium verò, nempe Filium, & Spiritus S. non erat antequam existeret: sancti, Filio non existente, Pater Deus est: denique Filius cum non esset, Paterna voluntate exiit, &c.*

Notandum 2. Arrium ex Libya, ea videlicet, quæ Egypti vicina esse oriundum, quòd Meletianus Schismaticus esset particeps, à Petro Alexandrino Episcopo communionem primò interdictum, ut ex actis ejusdem Petri Martyris probat Baronius ad annum 301. sed postea Ecclesiæ reconciliatum, ab eodem Petro Diaconum factum fuisse. Verùm, cum denuò idem ad schisma rediisset, iterum communionem privatus est: Quin, & Petrus in Maximini persecutione comprehensus, cum in vinculis esset, à Christo didicit desperatum esse Arrium, quocirca Achil-

lam, & Alexandrum, quos divinitus noverat sibi destinatos successores, monuit ne Arrium in communionem usquam reciperent. Nihilominus, cum simulasset poenitentiam, Præfule Alexandro, Presbyter factus est, & quidam Ecclesiæ, sive Parochiæ, cui nomen *Baucalis* erat, in urbe Alexandrina Curatus præfectus est. Cum autem Alexander ille in quodam conventu Clericorum de mysterio Trinitatis disputans subtilius exponeret, quemadmodum esset *Unitas in Trinitate*, Arius adversus illum contendere cœpit, & Sabellianum errorem illi impingere. Quo factum est, ut circa annum 317. ut notat Orosius lib. 7. c. 28. suam hæresim disseminare, ac propugnare cœpit: Cui initio adhaeruerunt septem Presbyteri, Diaconi duodecim, Episcopus unus, nempe secundus Pentapolitanus, nec non virgines septingentæ, ut docet Epiphanius Hæres. 69. quos omnes ab Ecclesiâ ejecit Alexander. Inde scripsit Epist. encyclicas ad singulos Episcopos numero septuaginta, quibus accepris, Episcopi pro suo quisque ingenio, ac moribus variè rescripserunt, Alii factum probantes, & ut in ea perseveraret, hortantes; Alii contra Fautores Arrii se palam profiteri, & ut ejectos in gratiam reciperet admonere cœperunt, in primis Eusebius Nicomedienfis, cui demum adhæsit Eusebius Cæsariensis, & Patrophilus Scythopolæ, qui Synodos cogentes, Arrium in integrum restituerunt, ut narrat Sozomenus libro 1. capite 25.

Inde factum est, ut continuè alterationum, ac iurgiorum flabellis inoriente excitatum incendium majora per dies incrementa caperet: ac jam Christiana ipsa Religio, & sacro sancta fidei mysteria in contemptum, ac ludibrium apud Gentiles venerant, eademque per scenas, ac theatra pu-

blicè eraducebantur, ut refert Eusebius *Lib. 2. de Vita Constantini*. Quæ dissidia, ut componeret Constantinus Imperator, primum Litteris ad Alexandrum, & Arrium Jatis per Osiū Cordubæ in Hispaniis Episcopum, hortatus est eos ad concordiam: Quibus cum nihil proficeret Osius, Synodum, ut in mandatis habebat, coegit Alexandriæ adversus novos suborientes Hæreticos. Verum cum recuperandæ pacis, & concordie nulla superesse videretur spes, Constantinus Litteris ad Episcopos ubique missis, Nicææ in Bithynia primam Synodum, Oecumenicam coegit annò Christi 325. ad quam convenerunt Episcopi 318. & in qua damnatus est Arrius, ejusque error proscriptus, & edira fidei professio, quæ Filius Patri *Consubstantialis* asseritur.

Notandum 3. damnatam in Synodo Nicæna, & ab Arrio, ejusque discipulis recantatam hæresim, paulatim sumptis viribus, non spatii modò regionum, arque hominum numero longè, latèque diffusam; sed in varias etiam Sectas, factionesque divisam esse, maxime verò in tres factiones quarum: Prima fuit *Anomorphorum*, qui aperte Filium creaturam esse dicebant, nec ulla re Patri similem, nedum parem, & æqualem; quæ Arrii ipsissima suæ hæresis: Altera *Semi-Arianorum*, qui Filium quidem Patri consubstantialem esse minime asserabant, sed tantum in substantia similem: Tertia denique, inter ambas interjecta Nonnullorum extrit, qui neque consubstantialem Filium, neque substantiâ similem, sed tantummodo similem esse statuebant, & eundem creaturam ex cæterarum ordine esse, vel negabant, vel aperte proficari non audebant, ut refert Epiphanius, Athanasius, Hilarius, &c. Sæpe, ut scribit Rufinus lib. 1. histor. cap. 25. triplex hoc sectæ Arrianæ di-

divortium triplici diverso nomine notabatur; nam alii erant Eunomiani, & Anomæi, qui nulla re proptus similem facerent Filium; alii Arriani, qui similem esse dicerent largitate gratiæ, non proprietate naturæ; Cæteri Macedoniani, qui per omnia similem asserabant; qui Macedoniani etiam dicti sunt *Pneumatomachi*, hoc est S. Spiritus impugnatores, eo, quod illius divinitatem negarent, & illum esse puram creaturam assererent. Duo itaque maxime in hac quæstione stabilienda sunt, nimirum probanda divinitas Filii, & Spiritus S. & eorum cum Patre consubstantialitas propugnanda, idcirco fit.

CONCLUSIO PRIMA.

Filius est revera Patri consubstantialis, & verus Deus. Hæc est de fide determinata in variis Conciliis, & expressa in omnibus fidei professionibus Catholicis, eamque in primis probant omnia testimonia veteris, & novi testamenti in præcedenti quæstione exarata ad probandam personarum pluralitatem in Deo.

*Probat*ur insuper manifestis novi Testamenti oraculis, quorum primum est præclara illa Petri confessio *Matth. 16. Tu es Christus Filius Dei vivi*; asserendo enim eum esse Filium Dei vivi, naturalem Filium Dei esse professus est. Adde, quod etiam Filius ille divinus alibi dicitur, *Unigenitus Joannis 3. & Proprius* ad *Rom. 8.* si autem solum esset Filius Dei adoptivus, ut reponerent Arriani, nec unigenitus, nec proprius diceretur; multi namque sunt Filii adoptivi: Insuper si Petrus solum Filium Dei adoptivum Christum pronuntiaret, non esset cur ejus confessio cæteris præferretur, & ob eam beatus à Christo prædicaretur, nam qui ipsum putabant esse Eliam, aut unum ex Prophetis, etiam Filium Dei adoptivum confitebantur; Oportet ergo Pe-

trus agnoverit eum reverà Filium naturalem; sed si Christus sit Filius Dei naturalis, necessariò debet esse in eadem natura, seu ejusdem naturæ cum suo principio; in qualibet enim aliâ non nisi adoptivus esse posset.

Confirmatur: Ex eo, quod Christus ipsemet se Filium Dei verum, & naturalem pluribi contestatus fuerit; Unde *Judæi Joannis 19.* ipsum accusabant, quod Filium Dei se fecisset, aut prædicasset, Nos, inquebant, *legem habemus, & secundum legem nostram debet mori; quia Filium Dei se fecit.* Unde *Joannis 5. Magis querebant eum Judæi interficere, quia non solum solvebat sabbatum, sed, & Patrem suum dicebat Deum, æqualem se faciens Deo*: Christus autem nusquam se excusavit, quod dixisset se Deum, vel Filium Dei: imò illò ipsò capite subdit. *Amen dico vobis, non potest Filius d se facere quidquam, nisi quod viderit Patrem facientem, quicumque enim ille fecerit, hæc, & similiter facit.* Quibus verbis non solum non respondet Judæis, quasi calumniatoribus, sed potius se ipsum iterum asserit Filium Dei, & eandem cum Patre habere operationem, & potentiam.

Reponunt Arriani Christum se excusavisse apud Judæos volentes eum lapidare, quod Filium Dei se dixisset, nam cum dixissent *Judæi Joann. 10. De bono opere non lapidamus te, sed de blasphemia, & quia tu homo cum sis, facis te ipsum Deum, sese autem excusat testimonio illò Scripturæ. Ego dixi Dii estis, Unde intulit, Si illos dixit Deos, ad quos sermo Dei factus est, nempe Prophetas, & Patriarchas, cur potiori jure non dicitur Filius Dei, quem Pater, sanctificavit, & misit in mundum; Quò argumentò Christus se nominat Filium Dei eò modò, quò iusti, & Prophetæ; adeoque solum Filium adoptivum se probavit.*

Verùm non ea fuit Christi ratiocina-

natio, ut optimè notavit Hilarius 7. de Trinit. imò potius argumentabatur à minori ad majus hōc modò: Si Justī & Prophetæ Fili Dei vocari possunt, quantò magis ille, quem Pater peculiari modo in unitate personæ divinæ, seu per humanitatem à Verbo assumptam sanctificavit.

Addit Chrysostomus Christum respondisse hæc quidem primùm Judæis, ut verbo tenus eorum calumniam reunderet dicendo; frustra dicitis me blasphemasse nominando me Filium Dei, siquidem idem nomen tribuitur eis, ad quos sermo Dei factus est, quos tamen viros justos, & sanctos habetis: Sed rejecta calumniā, postmodum ostendit ex operibus, se non solum adoptivum, sed etiam verum Deum his verbis, *Si non facio opera Patris mei, nolite credere mihi, & ut cognoscatis, quia ego in Patre, & Pater in me est.*

Adde, quòd Judæi steterunt semper in eadem opinione, quòd se æqualem Deo fecisset, nam subdit Evangelista, *Quarebant eum apprehendere*, ob eandem certè causam, propter quam eum prius lapidare volebant; animum autem haud dubiè deposuissent, si solum se Filium adoptivum asserere judicassent, cùm hæc appellatio cuilibet justo à Scriptura tribuatur.

Confirmatur 2. Filius verus est idem, quòd Filius naturalis: Sed Christus dicitur verus Filius Dei 1. Joann. ultimo, *Ut simus in vero Filio ejus, hic est verus Deus*: Ergo est Filius naturalis.

Deinde Moises, utpote vir justus, & sanctus, fuit Filius Dei adoptivus; & tamen Paulus ad Hebræos 8. illum servum appellat per comparationem ad Christum, quem Filium nominat: *Moises*, inquit, *quidam fidelis, in tota domo ejus tanquam famulus, Christus vero tanquam Filius in domo sua*: Ergo Christus non erat Filius Dei ratione adoptionis, & justificationis, sed ra-

tione æternæ, ac naturalis generationis.

Denique. Angeli propter eminentem suam sanctitatem Filii Dei interdum appellantur in veteri Testamento: sed Christus alia ratione dicitur Filius, ac Angelus, *Cui enim*, inquit Paulus ad Hebræos 1. *Dicit aliquando Angelorum, Filius meus es tu, ego hodiè genui te?* Quod ramen ad Christum dictum est. Consequens est ergo, quòd sit Filius verus, & naturalis per propriam generationem natus.

Probat 2. Ex illo Joannis 10. *Ego, & Pater unum sumus*, illud enim, *Unum*, in neutro genere sine alio substantivo nomine, idem significat, quod *Unus est*; unius autem entis unica est essentia. Cùm ergo Pater, & Filius non sint unum accidente, quia Deus accidentis sicut, & mutationis est incapax; nec sint unum relatione, imò relationibus personaliter, & realiter distinguantur; meritò inferit S. Augustinus librò de Trinitate capite 2. eos esse unum substantiā.

Reponunt Arctiani tam veteres, quàm novi, nempe Transylvani, Patrem equidem, & Filium unum esse non essentia, sive substantiā, sed animorum consensu, & unanimi voluntatum concordia. *Confirmantque* ex Joan. 17. ubi Christus orat, ut fideles omnes *Unum sint, sicut tu Pater in me, & ego in te; ut, & ipsi in nobis unum sint*: Et rursum, *Ego claritatem, quam dedisti mihi deditis, ut sint unum sicut, & nos unum sumus*; sed fideles inter se, & cum Christo Domino non sunt unum substantiā, & essentia, sed consensu fidei, & concordia charitatis; Ergo ex prædicto Oraculo Pater, & Filius non probantur esse unum essentia, sed voluntatum concordia.

Contra reponunt S. Patres quotquot de divina Trinitate scripserunt, Primò quòd in sacris litteris quoties plu-

ra sic dicuntur unum, ut non addatur quale sint unum, significatur eadem natura, atque essentia, quia, ut notat S. August. citatus cap. 3. *unum*, & *ens* convertuntur. Unum ens autem idem est, quod unica essentia, quæ est abstractum entis, cujus significationis fundamentum usurpat ex 1. ad Corinth. 6. *Qui adhaeret meretrici unum corpus efficitur*; non dixit unum absolute, sed unum corpus; Et rursus, *Qui autem adhaeret Domino unus Spiritus est*, non dicit unum simpliciter; sed unus Spiritus. Nec aliquis reperietur locus, in quo plura dicantur esse simpliciter unum, non explicando, quale sint unum, nisi sint unum substantia, & essentia. Nec refert, quod ibidem de fidelibus dicatur, *ut sint unum*, non addendo quale unum, sufficienter enim intelligitur, quod illa unitas, & identitas sit solum per consensum, & mutuam concordiam, tum invicem, tum cum Deo, cum dicitur, *Ut omnes sint unum*, & *ut ipsi in nobis unum sint*; Apertè enim constat, quod fideles non possint invicem esse unum unitate essentia, nec cum Deo; unde hæc unitas non potest intelligi de unitate essentia, sicut intelligenda venit unitas Christi cum Patre.

Adde quod illò ipsò contextu volebat Christus probare, quod eandem cum Patre haberet potentiam, nec idcirco posset quis oves de manu sua rapere, quia ipse, & Pater unum sunt, & nemo potest de manu Patris rapere: unde necessario sequitur, quod unus, & ejusdem sint naturæ, atque voluntatis. Ita ratiocinantur S. Chrysostomus Hom. 60. Hilarius lib. 7. de Trinit. Ambrosius lib. 3. de Spiritu Sancto, cap. 18. Augustinus Tra&t. 48. in Joannem. Confirmantque ex eo, quod, si Christus Dominus intellexisset non unum secundum potentiam, sed tantum unum secundum concordiam, in-

de probare non posset neminem posse suas oves de manu sua rapere, sicut nec de manu Patris; Unitas enim concordia æqualitate potentia non constituit.

Probatur 3. Ex illo primæ Joannis. *Tres sunt, qui testimonium dant in Cælo, Pater, Verbum, & Spiritus sanctus, & hi tres unum sunt*; Et tres sunt, qui testimonium dant in Terra, Spiritus, Aqua, & Sanguis, & hi tres unum sunt. Quibus verbis significat S. Joannes in Cælo tres esse testes, non quidem Angelos; plures enim sunt, quàm tres, sed divinos testes, nempe Personas Trinitatis, quæ unum sunt, scilicet una Divinitas, essentia, & substantia, ut interpretantur omnes sancti Patres.

Reponunt Arriani: Primò verba illa *Tres sunt, qui testimonium dant in Cælo*, à solo S. Hieronymo legi; Sed apertum mendacium est, nam ita quoque legerunt, Higinus Papa Epist. 1. & Cyprianus lib. de unitate Ecclesiæ, &c.

Reponunt 2. Quod eodem modo Pater, Filius, & Spiritus sanctus dicantur unum à S. Joanne, sicut Spiritus, Aqua, & Sanguis; at qui hæc tria non sunt unum essentia, sed solum testimonio, quia idem testificantur, nempe Christum Dominum non naturalem, & humanam, sed divinam virtute tormenta sustinuisse, Spiritus quidem, quia fortiter exclamans post tot cruciatus expiravit, Aqua pariter, & Sanguis, quæ ex ejus latere ipsò mortuò fluxerunt; quare Centurio hæc videns, & audiens meritò exclamavit Marci 15. *Verè hic homo Filius Dei erat*. Ergo etiam Pater, Filius, & Spiritus sanctus sunt tantum unum unitate testimonii, non verò unum unitate substantia, & essentia.

Respondeo 1. Quod illud, *& hi tres unum sunt*, cum sermo est de Spiritu, Aqua, & Sanguine in aliquibus exemplaribus non legi. Secundò, quod in Græ-

Græco idiomate non legatur simpliciter, & *hi tres unum sunt*, sed, & *hi tres in unum sunt*, scilicet in unum testimonium; de tribus autem coelestibus testibus simpliciter legitur, *hi tres unum sunt*, quo significaretur eos unum esse unitate essentiae, & substantiæ.

Probat 4. Illis omnibus Scripturæ textibus, quibus Filii divinitas discretè exprimitur, sic Ioannis I. *In principio erat Verbum, & Verbum erat apud Deum, & Deus erat Verbum*; Unde S. Ambrosius lib. 1. de Fide Trinitatis; *His quatuor, aut quinque verbis omnes hæreses excludit Piscator noster, quod enim erat in principio non includitur tempore, non in principio prævenitur: Ergo Arius conticescat, qui Filium Patri coeternum negat. Quod autem erat apud Deum, non commixtione confunditur; sed manentis Dei apud Patrem solida perfectione distinguitur; ut Sabellius, & Photinus obmutescant, qui nullam in personis divinis distinctionem agnoscebant. Si verò Deus erat Verbum sempiterna divinitatis in Patre, & Filio inseparabilis unitas, & consubstantialitas est, ut erubescant Eudoxius, & Eunomius: Ecce quomodo intra unum rectè omnes conclusi, ut faceret inhabiles fraudi, quamvis essent inutiles captioni.*

Confirmatur ex illo Isaia 45. *Te adorabunt, teque deprecabuntur; tantum in te est Deus, & non est Deus absque te; verè tu es Deus absconditus, Deus Israel Salvator*. Quibus aperte Christi divinitas significatur. Secundò ex illo Baruch. 3. *Hic est Deus noster, & non ascribatur alius ad eum; Subdit autem, Post hæc in terris visus est, &c.* Tertiò ex illo ad Philippenes 2. *Qui cum in forma Dei esset, non rapinam arbitratus est esse se æqualem Deo*: Ergo reverà ipse erat æqualis. Quartò ad Rom. 9. *Ex quibus est Christus secundum carnem, qui est super omnia Deus benedictus in secula*. Plures alios Scripturæ contextus Fi-

lii divinitatem insinuantes sparsim, proferemus in hujus operis decursu. Quoniam autem Arriani impudenter jactitant neminem ex S. Patribus ante ortam de Filii divinitate, & consubstantialitate controversiam, illius meminisse, operæ pretium est nonnullos Ecclesiæ nascentis Patres proferres qui trium divinarum Personarum divinitatem, & consubstantialitatem professi fuerint: Hi sunt autem in primis *Clement Romanus* lib. 8. *Const.* Apostol. *Ignatius* in Epistola ad Antiochenos, & *Filadelphos*, ad *Philippenes*; *Dionysius Areopagita* lib. de mysterio Theolog. cap. 2. & lib. de divinis Nominibus cap. 1. *Iustinus* lib. de Fide, & in Apologia ad Antonium, & in Dialogo cum Tryphone. *Irenæus* lib. 3. c. 8. 9. 16. 19. 20. & lib. 4. cap. 11. *Clement Alexandrinus* lib. 1. *Pedag.* cap. 6. & lib. ult. cap. ult. *Tertullianus* I. contra Praxeam. *Cyprianus* lib. 2. ad Quirinum, cap. 6. & alii priorum sæculorum Scriptores Orthodoxi ante Concilium Nicænum: post quos tam multi Doctores pro hac veritate scripserunt, ut longum, & inutile foret eos recensere.

Obijciunt Arriani primò varios Scripturæ sacræ contextus, quibus Filius divinus dicitur creatus, & creatura: Sic prophetarum 8. græcè legitimus de Sapia, *Dominus creavit me in initio viarum suarum in opera sua*, similiter ad Colossenses cap. 1. *Christus dicitur Imago Dei invisibilis, primogenitus omnis creatura*, id est primaria, & præcellentiſſima omnium creaturarum, ut interpretantur Arriani; Ergo revetè non est Deus, neque ætæno Patri consubstantialis.

Nego consequentiam, & ad primum contextum Respondeo 1. quòd versio Hebraica hoc in loco non videatur concordare textui Hebraico, qui loco *Creavit me* habet *Possedit me*, ut exprimit vulgata nostra: *Inter possessionem,*

autem (inquit Hieronymus Epist. 139. in qua eundem locum pettrahat) & creationem multa diversitas est; possessio enim significat, quod semper Filius in Patre, & Pater in Filio fuerit: creatio autem ejus, qui prius non erat, conditionis exordium: Hinc Basilii Seleucienfis Orat. 1. de Adamo in Paradisum translato ait, *Factus est homo possessor eorum, quorum non fuerat creator.*

Respondeo secundò, quod cum in Christo duæ sint naturæ humana scilicet, & divina; quædam ipsi tribuuntur secundum unam naturam, quæ non comperunt alteri; itaque secundum naturam divinam reverà est increata Sapientia, secundum humanam autem dici potest Sapientia creata, ut inter. prerantur sancti Patres plurimi, Maximè Athanasius Orat. 3. ubi hunc locum trañans, *Dominus creavit me*, ait: *Non sic existimare debemus totum Verbum natura suapte creaturam esse; sed creaturam induisse corpus, ac propter not illud à Deo creatum fuisse.* Vel, ut inquit Ambros. lib. 3. de fide cap. 5. *Arriani, velut Judaici caupones miscent aquam cum vino, quia divinam generationem, humanamque confundunt, ad divinitatem referentes, quod de carne sit dictum.* Quapropter S. Augustinus lib. 1. de Trinitate cap. 11. hanc regulam commendat intelligendarum Scripturarum de Filio Dei, *Ut distinguamus quid in eis sonet secundum formam Dei, in qua æqualis est Patri, & quid secundum formam servi, quam accepit à Patre.* Similiter respondeo ad 2. contextum, quod Christus, ut Sapientia incarnata dicitur primo-genitus, quia prius fuit à Deo destinatus, omnia enim propter Christum; & ejus incarnatio faciendæ motivum. Deo fuit hominis, & mundi fabricandi.

Obijciunt 2. Illos Scripturæ textus, quibus Filius dicitur Patri inferior, & subditus, sic Joannis 14. *Pater ma-*

jor me est. Et Marth. ultimo, *Data est mihi omnis potestas in Cælo, & in Terra:* Et ad Philippenfes 1. *Filius obediens usque ad mortem:* Ergo reverà non erat Patri æqualis secundum divinitatem, auctoritatem, & potentiam.

Respondeo 1. hæc omnia quidem esse vera secundum humanitatem assumptam, non verò secundum divinitatem, seu, ut loquitur S. Athanasius in Symbolo, *Æqualis Patri secundum Divinitatem, &c.* Humanitatem enim induendo etiam servitutem induit: Unde cum dixisset Apostolus, *Non rapinam arbitratus est esse se æqualem Deo*, subdit, *Semetipsum exinanivit formam servi accipiens, &c.* Et hoc modo verificari potest, quod Patri subditus fuerit, & quod ipsi donata fuerit auctoritas in Cælo, & in Terra, quam jure humanæ nativitatæ sibi non vendicabat.

Resp. 2. quod Filius etiam ab aliquibus Patribus dicatur minor Patre secundum divinitatem, quatenus nempe principium habet à Patre, qui idcirco dicitur major, quia caret principio: Sic sanctus Hilarius, etiam præfatum locum de humana natura assumpta exponat 9. lib. de Trinit. tamen etiam de divinitate interpretatur dicens, *Major itaque Pater Filio est, & plane maior, cui tantum donat esse, quatenus ipse est:* Vel ut brevius habet Sebastianus lib. contra Arrianos, *Pater, inquit, major me est, merito major, quia solus hic auctor sine auctore est.* Sed omnium clariùs rem exponit sanctus Augustinus lib. de Fide, & Symbolo, dicens Christum hæc dixisse, *paritèr propter administrationem suscepti hominis; paritèr propterea, quod Filius Patri debet, quod est, hoc etiam usque debens Patri, quod eidem Patri æqualis, aut par est: Pater autem nulli debes quidquid est.*

Obijciunt 3. Vera divinitas non patitur defectum scientiæ: Sed in Filio

ralis scientiæ defectus, & ignorantia reperitur; ut constat ex illo Marci 15. ubi Christus loquens de die iudicii, *De die autem illo, vel hora nemo scit, nec Angeli in Cælo, neque Filius, nisi Pater.*

Respondeo 1. Sanctum Ambrosium, lib. 5. de Fide cap. 7. credidisse falsatos Codices Evangelii ab Arrianis, quoniam à veteribus abest illud, *Neque Filius*; Hieronymus quoque in commentario ad cap. 24. Matthei, ait, in quibusdam Latinis Codicibus additum est, *Neque Filius* cum in Græcis, & maxime Adamantii, & Pierrii exemplaribus non habeatur.

Secundò dico hanc restrictionem scientiæ penes Filium esse intelligendam de eo secundum humanitatem specificativè; non reduplicativè, id est, non negando, quòd humanitas Christi prædictum diem cognoverit; sed quòd non cognoverit scientiâ humanâ; illum enim non scivit, nisi per scientiam divinitus infusam, seu per revelationem: Unde Achanasius Orat. 4. ubi fusi hoc oraculum expendit, ait, *Manifestum est, & finis universitatis horam, ut Verbum est eum cognoscere, ut autem homo est ignorare, est enim proprium hominis ignorare, & ista præsertim: Verum id Salvatoris nostri benignitati peculiare est: nam postquam homo factus est, non eum puduit propter carnem ignorantem dicere, NON NOVI, ut ostenderet se, ut Deum scientem, nescire carnaliter.* Ita pariter plerique sancti Patres maxime Hilarius, Augustinus, &c.

Obijciunt 4. Varias sanctorum Patrum sententias, in primis S. Ignatii, Epistolâ ad Magnesianos, ubi de Christo ait, *Unum, & solum verum Deum Patrem suum annuntiavit*: Ergo inquit solus Pater est verus Deus, non ita Filius. Secundò Epistola ad Tharsenses, ubi de Christo pariter ait, *Non est ipse ille, qui est super omnia Deus, sed*

Filius ipsius. Tertiò ejusdem Epistola ad Philippenes, ubi probat Patrem esse unum Deum illo Deuteronomii 6. *Dominus Deus tuus Deus unus est*, & circa medium introducit Christum loquentem cum Sathana tempore tentationis in hæc verba, *Scio eum, scilicet Deum, novi unum solum, cui non denego servire, à quo tu Apostata factus es, non sum Antisbeus*, hoc est contrarius Deo, *Confiteor ejus eminentiam.* Ex quibus colligunt Arriani solum Patrem esse Deum, cui servitus debeatur.

Respondeo his, & aliis similibus Ignatii verbis ab eo non excludi alias personas à consortio Divinitatis cum Patre; imò ipse apertè Filii Divinitatem affirmat in Epistola citata ad Tharsenses; subdit enim de Christo; *Quomodo ergo hujusmodi homo est purus ex Maria demum habens initium, ut esset, non potius Deus Verbum, & Filius unigenitus, de quo dictum est in PRINCIPIO ERAT VERBUM*; Unde etiam in prioribus verbis consultò non dixit Ignatius, *Quia non est Deus super omnia*, sed *quia non est ille, qui est super omnia Deus*; ita ut pronomen, ille, designaverit personam Filii distinctam à Patre, qui ideo præcipuè dicitur super omnia, quia nimirum est fons totius Divinitatis; Cæteras Arrianorum Cavillationes, & objectiones solvemus in hujus Tractatus decursu.

CONCLUSIO SECUNDA.

SPIRITUS sanctus est verus Deus, ac proinde Patri, & Filio consubstantialis. Hæc inferitur ex præcedenti, & specialiter probatur, illis Scripturæ textibus.

Primò quibus præcipitur conferendum baptisma, *In nomine Patris, Filii, & Spiritus sancti*: Matth. ultimo, & ad Titum 3. *Salvos nos fecit per lavacrum regenerationis, & renovationis Spiritus sancti*: Ex quibus colligit S. Gregorius Nazianzenus, *Si non est Deus* ade-

adorandus Spiritus sanctus, quomodo me Deum per baptismum efficit? Quasi diceret si per baptismum sanctificor, & per Spiritus sancti invocatione participatione divinæ sanctitatis efficior Deus: Ergo ille est Deus adorandus, quia nemo remittere potest peccata, nec sanctificare, nisi solus Deus: *Secundò*, Actorum 5. ita Petrus alloquitur Ananiam, *Cur tentavit Sathanas cor tuum mentiri te Spiritui sancto*, mox cui mentitus fuit declarat, *Non es mentitus hominibus, sed Deo*, ubi Epiphanius Hæresi 74. *Deus ergo de Deo est, & Deus Spiritus sanctus*, inquit, cui mentiri sunt, qui de agri pretio interverterant.

Probat 2. Habere templum, & esse creaturæ rationalis beatitudinem, ac finem ultimum, soli vero Deo convenit: Sed hæc in Scriptura tribuuntur Spiritui sancto; de primo enim dicitur 1. ad Corinth. 6. *An nescitis, quoniam membra vestra templum sunt Spiritus sancti?* De altero verò primæ Petri 1. *Spiritu sancto missa de cælo, in quem desiderant Angeli prospicere*, Ille autem, in quem desiderant Angeli prospicere est eorum Beatitudo, ac finis ultimus: Ergo, &c.

Tertiò; Ille verè Deus est, cui conveniunt Divinitatis operationes, & proprietates: Sed illæ omnes conveniunt Spiritui sancto: Primò namque Divinitatis proprietates est esse ubique; ac Sapientiæ primo Spiritus Domini replevit orbem terrarum: Secundò creatio est opus solius Dei; sed Spiritui sancto tribuitur Psalm. 13. *Emitte Spiritum tuum, & creabuntur*: Judic. 16. *Missi spiritus, & creata sunt*, &c. Tertiò resuscitare, & vivificare mortuos est operatio propria Dei, ut constat ex illo Joannis 5. *Sicut Pater suscitavit mortuos, & vivificavit, sic Filius, quos vult vivificare*: Sed hæc virtus convenit Spiritui sancto, nam ut loquitur S. Paulus ad Rom. 8. *Qui suscitavit Jesum*.

Christum à mortuis vivificavit, & mortalia corpora vestra, propter inhabitantem Spiritum ejus in vobis.

Deniq; solius Dei est res futuras per Prophetas prædicere, & annunciare: Sed ex 2. Petri 1. cap. *Spiritu sancto inspirati loquuti sunt sancti Dei homines*: Ergo Spiritus sanctus est verus Deus, quippe cum habeat operationes Deo proprias; non per ministerium solum, ut olim dicebant Macedoniani, sed per auctoritatem; nam inquit Paulus 1. ad Corinth. 10. *Hæc omnia operatur unus, atque idem Spiritus divident singulis, prout vult*.

Unde inferendum est cum S. Fulgentio lib. 3. ad Trasmundum cap. 25. *Dicatur igitur, inquit, si cætorum virtutem potuit firmare, qui non est Deus: si potest in baptismatis regeneratione sanctificare, qui non est Deus: si potest Charitatem tribuere, qui non est Deus: si potest in credentibus habitare, qui non est Deus: si potest gratiam dare, qui non est Deus: si potest templum membra Christi habere, qui non est Deus; & dignè Spiritus sanctus nergabitur Deus...* Si autem hæc creatura possibilia numquam fuerunt, & inveniuntur in Spiritu sancto, quæ tamen soli competunt Deo, non debemus naturaliter diversum à Patre, Filioque dicere, quem in operum potentia diversum non possumus invenire, ac sic ex unitate operis unitas est agnoscenda virtutis.

Obijciunt Macedoniani: Primò illud Joannis, *Omnia per ipsum facta sunt*, nempe per Verbum: Ergo etiam Spiritus sanctus per ipsum factus est: *Secundò*, illud ad Rom. 8. *Spiritus postulat pro nobis*; At si esset Deus, non postularer, sed daret; Ergo non est verus Deus; *Tertiò*, Joan. 16. *Quicumque audierit loqueretur, & annuntiabit vobis*: At qui audire debet, & instrui, ut aliis loquatur, non est Deus: Ergo, &c.

Respondet ad 1. cum Nazianzeno Orat.

Orat. 5. de Theologia non omnia facta esse per Verbum, sed quæcumque sunt facta, Spiritum autem sanctum esse extra ordinem earum rerum, quæ factæ sunt, nam alioquin, & Pater etiam factus esset per Verbum.

Ad secundum dico cum S. Augustino Epistola 121. Paulum asserere, quod Spiritus sanctus postulat pro nobis, quia nempe facit nos postulare adiuvando suis gratiis, & auxiliis infirmitatem nostram, ut postulemus: Unde Paulus ad Galatas 4. *Miser Deus Spiritum Filii sui in corda vestra clamantem, abba Pater.*

Ad tertium dico cum S. Basilio lib. 1. contra Eunomium, Spiritum sanctum audire à Patre, & Filio ea, quæ loquitur, & annuntiat, non per instructionem, & disciplinam emendicaram à Sapientiore, & Doctore, sed per communicationem ipsius essentiae, & scientiæ divini, quam à Patre, & Filio per æternam processionem accepit.

APPENDIX

*An Unitas trium divinarum Personarum
Consubstantialitatis vocabulo à
sanctis Patribus rectè explicata fuerit?*

Vox *Homousios*, seu *Consubstantialis* usurpata fuit à sanctis Patribus, maxime verò in Nicæna Synodo ad exprimendam trium personarum unitatem essentiae, & substantiæ; hæc enim vox, tam Sabellium condemnat, quam Arrium; Sabellium quidem, quia cum idem sibi ipsi non sit consubstantialis, si Pater, Filius, & Spiritus sanctus essent una persona, non essent consubstantiales; Arrium verò, quia si Pater, Filius, & Spiritus sanctus essent distinctæ personæ, non essent homousii, sive consubstantiales,

sed ad summum juxta Arrium essent *Homousii*, sive similis substantiæ; & juxta Sabellium *Synousii*, seu unius substantiæ; Unde Epiphanius Hæresi 69. *Ut serpens*, inquit, *bituminis odorem refugit, aut cervæ balitum, aut gagatæ lapidis, aut styracis suffutim.* Sic Arrius, & Sabellius illam veritatem constantem consubstantialis professionem exosam habent. Quocirca Marianus Victorinus opusculo de voce *Homousios* affirmat illam *Divinitus inventam fuisse*: Et S. Athanasius lib. de Synodo Ariminensi appellat eam *Columinam*, vel *Cippum*, in quo illorum nempe Arrianorum impietas proscritur, ac velut trophæum de ea superata, prostrataque statuitur. Concinit, & Liberius Papa Epist. 11. ad Orientales, circa medium de fide Nicæna, ubi sic loquitur, *Que nomine consubstantialis comprehensa, tanquam propugnaculum firmum, & inexpugnabile omnes impetus, & machinas arrii retundit, & reprimat.*

Non solum autem Catholici eam, vocem usurparunt, sed etiam Hæretici Nicæna Synodo antiquiores. Refert enim S. Athanasius in libro de Synodis Ariminensi, & Seleuciensi Paulum Samosatenum, qui Christum asserbat non esse à Deo ab æterno genitum, sed tantum in tempore ex Maria ortum habuisse, eo usum fuisse argumento, quod nisi ita esset; consequens foret illum esse Patri consubstantialem; adeoque tres esse substantias, unam primariam, & duas ex illa derivatas. Interpretabatur nempe consubstantialitatem, eò modò, quò in creaturis, & corporeis rebus, in quibus videlicet ab una substantia diversa, & separata, altera propagatur. Unde affirmat idem S. Athanasius in fine ejusdem libri, Episcopos, qui numero septuaginta, vel ut scribit S. Hilarius octoginta convenerant Antiochiæ, adversus Paulum Samosatenum de-

decrevisse Filium non esse *Homouſion*, id eſt conſubſtantialem Patri, eò videlicet ſenſu, quò Paulus ſamoſatenus intellexerat: Unde S. Hilarius lib. de Synodis, verſus finem, *Malè Homouſion*, inquit, *ſamoſatenus conſeſſus eſt*; ſed nunquid melius Arriani negaverunt? *Oſtozinta Epifcopi olim reſpuerunt*; ſed trecenti decem, & octo nuper receperunt. Illi contra hæreticum improbaſerunt, ſi, & probando, & improbando unum utriſque ſtatuſerunt. Quid bene conſtituta conuelliſimus?

Huius autem ſanciendi, & uſurpandi vocabuli à Patribus Nicæniſis hanc cauſam fuiſſe prodiit S. Athanaſius lib. de decretis Synodi Nicænz, quod cum Epifcopi Catholici in Synodo Nicæna inter ſe deliberarent quam verborum formulam veram fidei profeſſionem conciperent, ut Arrianam perſidiam extinguerent: Primum eis venit in mentem dicere, *Filium eſſe Deum de Deo unigenitum*; ſed cum Euſebius Nicomediendiſis, qui Arrianorum partes ruebatur, & fovebat, gregales ſuos admonuiſſet non eſſe, quòd huic determinationi aſſentiri vererentur, propterea, quòd res omnes creatæ ſimiliter eſſent ex Deo: id animadvertentes Patres addiderunt, *Ex ſubſtantia Patris eſſe Filium*: Cum autem hæc additio etiam Arrianis placeret, ſubjunxerunt *Filium eſſe potentiam, & imaginem Patris*, eique per omnia ſimilem, & immutabilem: Videntes autem, quod Arriani, ne huic quidem ſubſcribere detrectarent, tunc ad labefactandam, & conterendam eorum hæreſim uſurparunt nomen *Homouſion*, affirmando *Filium eſſe conſubſtantialem Patri*, ut non ſolùm ei ſimilis, ſed etiam ejuſdem omnino cum illo nature, ac ſubſtantiz crederetur.

Huius verò vocabuli uſurpandi anſam præbuit ipſemet Euſebius Nicomediendiſis, uſus affirmat S. Ambroſius lib.

3. de fide cap. 7. ſiquidem delata fuit ad Patres una ex ejus Epitoliſis, quam ad ſuos gregales dirigebat: in qua cavebat, ne Filium verum ſacerentur, quoniam hoc erat Patri conſubſtantialem conſiteri, quod iudicabat ſuz ſententiz ſummè contrarium: Nam, inquit S. Ambroſius, cur *Homouſion* Patri nolint Filium dicere, niſi quia nolunt verum Dei Filium conſiteri? Sicut auſtor ipſorum Euſebius Nicomediendiſis Epifola ſua prodidit dicens, ſi verum inquit Dei Filium, & increatum dicimus, *Homouſion cum Patre incipimus conſiteri*. Hæc cum leſta eſſet Epifola in Concilio Nicæno, hoc Verbum in Traëtatu fidei poſuerunt Patres, quòd id viderunt aduerſariis eſſe formidini, ut tanquam evaginato ab ipſis gladio ipſorum neſandæ caput Hæreſis amputarent. Unde meritò notat S. Nazianz. Orat. 49. Arrianos omnia alia admiſſiſſe vocabula quibus Divinitatem Filii proſiteri ſimulare præter *Homouſion*, Petuiſſent, inquit, *Homouſion ſicuti, & cætera verbo tenuis nominare, ſi habuiſſent quomodo illud ad aliam intelligentiam ſuo ſenſu perverterent*. Sed cum viderent ſe in hoc verbo concludi, nullam omnino mentionem bujuſ rei fieri voluerunt; ne aut proſtando crederent, aut credentes profeſſi viderentur, ſubtili ingenio excuſantes, quod aut ſcriptum non eſſet, aut Deum in ſubſtantia dici non oportere, ne corporeus crederetur, &c. Vel, ut addit S. Athanaſius lib. de Synodo Ariminienſi, *Vocis*, inquit, *iſtius exquisita ratio, cum omnium ipſorum ſimulationem, ſiquidem illum dicant ex Deo eſſe, redarguit, tum eorum argutias, quibus ſimpliciter circumueniunt excludit*. Sanè, quom omnia Sophiſticis calumniis adulterares, & immutare poſſint ad arbitrium: ſolam hæc diſtinctionem, ut qua ipſorum convinci hæreſim reformidant; quam quidem Patres pro munimento, & arce contra omnia illorum impia commenta ſcriptam obſciunt.

Itaque machinas omnes, & impetus ad illam abolendam distinctionem, adhibuerunt Arriani; etenim obiciebant primò hanc vocem esse novum commentum antiquis Patribus, & Apostolis ignotum, nec inventum in Scriptura; adeoque respuendum, quoniam monet Sapiens Proverbiorum 22. *Ne transgrediaris terminos Antiquos;* Et Apostolus 1. ad Timoth. 6. *Depositum custodi, devitans prophanas vocum novitates:* Ergo, &c. Ad quæ

Respondébant sancti Patres 1. hoc argumentum esse retorquendum adversus Arrianos, Nam si penitus excludenda putant vocabula omnia non scripta; ait S. Athanasius lib. de Synodis, *Cur Arriani tantum acervum dictionum, quæ nusquam in Scripturis occurrunt accumulaverit quales sunt, ex non extantibus; & non erat Filius antequam gigneretur; & erat quando non erat; & mutabilis est, & ineffabilis est, atque invisibilis Pater suo Filio: & Filius ne suam quidem noverit substantiam: Et cætera, quæ in ridiculo, impioque commentario suo Arrius evomuit, ex opinione sua, non illi contradixerunt? Vel ut eleganter scripsit Hilarius lib. contra Constantium Augustum, qui, & Arrianus erat, Non novitates vocum; sed prophanas devitari jubet Apostolus, tu cur pias excludis, cum præsertim ab eo dictum sit: OMNIS SCRIPTURA DIVINITUS INSPIRATA UTILIS EST; innascibilem scriptum nusquam legis, nunquid; & hoc negandum erit, quia novum est; Decernis similem Patri Filium: Evangelia non prædicant. Quid est, quod non refugis hanc occem? In uno novitas eligitur, in alio submovetur. Ubi impietatis occasio patet, novitas admittitur: Ubi autem religionis maxima, & sola cautela est, excluditur.*

Respondébant 2. Reverà nomen Homousion, & consubstantialiale non esse novum; siquidem usurpatum fuerat à Patribus Antiquis, nempe Tertulliano Tom. III.

lib. 4. contra Marcionem; Prochoro in vita S. Joannis: S. Martiali Epist. 1. ad Burdegalenses cap. 10. &c. Quod ipsimet Arriani agnoscebant, nam refert S. Athanasius Epistolâ ad Africanos Episcopos, quod Eusebius Episcopus Cæsariensis, cum prius suffragaretur Arrianæ Sectæ, postea tamen Nicæni Concilii decretis subscripsit, & apud suos id ipsum propriis litteris affirmavit; cujus hæc sunt verba: *Novimus quosdam ex præcis eruditos; & præclaros Antiquos, aliosque Scriptores cum de Patre, & Filii Deitate loquerentur, voce consubstantialis usus esse, exemplar autem huius Epistolæ est apud Theodoretum lib. 1. Historiæ Ecclesiasticæ cap. 12.*

Adde, quod hoc nomen Scripturis etiam sacris inferatur, utpote cum Scripturæ sacræ disertè affirmet Patrem, & Filium esse unum; & Filium ex utero Patris genitum, & æqualem, &c. Unde S. Augustinus lib. 7. contra Maximinum capite 14. *Quid est Homousion, nisi ego, & Pater unum sumus?*

Respondébant 3. Quod novis morbis suborientibus, nova essent adhibenda remedia, & adversus nova dogmata etiam novas fidei formulas conscribendas, nam, ut rectè reposuit sanctus Athanasius in disputatione Laodiceæ habita coram Probo: *Ecclesiastica semper moris est disciplina, si quando hereticorum nova doctrina exurgit, contra insolentes quæstionum novitates rebus inmutabiliter permanentibus nominum vocabula mutare, & significantius rerum naturas exprimere, quæ tamen existentiam causarum virtutibus congruam, & quæ magis easdem antiquitatis fuisse demonstrant.*

Objieiebant 2. Quod Constantinus piissimus Imperator reprehenderet vocabulum Homousion, ut novum, & inutile in Epistola, quam per Osium Cordu-

dubenssem scripsit ad Alexandrum, & Arrium, in qua ait, *Valde exilis, & neuquam tanta contentione digna visa est*: Et post pauca, *De inani quadam questionis particula sciscitaberis*: Et paulo inferius: *De rebus hujusmodi, nec omnino rogetis, nec ad regatum respondeatis*: Tales enim questiones, quales nulla lex, Canon-ve Ecclesiasticus necessarium præscribit, sed inanis dissoluti otii certatio preponit.

Respondabant Sancti Patres, quòd nimius zelus componendi turbas in Ecclesiis excitatas, pium Imperatorem impulserit, ut facile crederet deceptoribus affirmantibus de sola voce dissidium esse Arrianorum à Catholicis, sed ut scriptum legimus lib. 2. Concilii Nicæni paulò ante subscriptiones in fragmento; Concilii Nicæni definitione certior factus, *Laudabat Deum, cum divino hac audisset dogmata, & gaudens de nostrorum Episcoporum concordia, exultabat spiritu*: studebat enim neminem, neque magnum, neque parvum ab hac confessione dissentire: Unde Epistolas scripsit orihodoxas adversus Arrium, quæ referuntur libro 4. Concilii Nicæni.

Obijciunt denique, quòd vox *Homousion*, & consubstantialis proscripta fuerit, & damnata à Conciliis, Ariminensi, & Sirmienti. Verùm.

Respondet, quòd quamquam Ariminensis, utpote faventis hæresi Arrianæ, auctoritatem plurimi respuant; ramen in Ariminensi, quatenus Synodi rationem habuit non solum nihil decretum fuit contra nomen, aut rem consubstantialis; sed potius veritas Catholica de hac re iterum definita fuit, & Valens, & Ursatius Arrianorum Fautores cum suis quinquaginta, aut octoginta affectis, qui Synodo intererant, à trecentis, & pluribus Patribus fuerunt condemnati, atque ita Synodus fuit dissoluta: At cum ejus

definitio missa fuisset ad Constantium Imperatorem Arrianis additum, hic coegit aliquos ex illis Patribus, & compulsi confessioni ab Arrianis fabricatæ subscribere; quocirca Ariminensis Synodus ab aliquibus damnatur: Quamquam solum damnari debeat illa subscriptio facta post Synodum à Patribus morantibus Arimini, & expectantibus responsum Imperatoris. Quantum ad Sirmiense Concilium; constat nihil omnino in eo liberè, & rectè factum fuisse; sed tantum coactè, & per vim; utpote præsentè, & urgente Constantio Imperatore, Arriano: nec refert, quòd Liberius, & Osius ei subscripserint, hoc enim fecerunt tædio exilii, ut fufius demonstrabimus in Tractatu de Conciliis.

ARTICULUS SECUNDUS.

De Origine, & Processione divinarum Personarum.

INERTIAM reverà difficultatis Oceanum enavigandum hoc in Articulo suscipimus. Quis enim capiat, qualiter in Deo Processiones sint, & nullus motus: fluxu quodam æterno, & omnino immutabilis; semper antiquæ, semper novæ; semper compleantur, semper, incipiant: producant terminum, non verò causent effectum? Quis aperiet qualiter Filius, & Spiritus sanctus à principio procedant, nec ipso sint postteriores: Non sint ex subiecto, nec tamen sint ex nihilo: ab alio sint, & non dependeant: in alio, & non recipiantur: ad aliud, & in se subsistant? Quomodo tandem sine corruptione sit fecunditas; sine divisione pluralitas; sine inferioritate unius ab alio emanatio? Unde merito sanctus Ambrosius libro 1. de fide, *Si Paulus, ea quæ audivit, raptus in tertium*

rium Calum, ineffabilis dicit; quemodo nos exprimere possumus Paterna generationis arcanum, quod, nec sentire potuimus, nec audire? Quocirca hujus mysterii curiosum indagatorem merito, ita carpit Nazianzenus Oratione 5. de Theolog. *Quæ ergo est hæc processio, inquis? Dic tu, quæ Patris ingenuitas sit, & ego Filii generationem, & Spiritus processionem explicare aggrediar, ut ambo mentis uisionis præcipites agamur in Dei mysteria oculis injicientes.* Nihilominus quoniam doctrinæ Theologicæ ratio postulat, ut qui de pluralitate diuinarum personarum hactenus disseruimus, etiam, & modum, quod illæ multiplicentur per productionem, & processionem aperire debeamus: Idcirco quaruor sequentes quæstiones proponimus ventilandas 1. An sit admittenda vera, & realis in Deo processio unius personæ ab aliis. 2. Quotuplex sit. 3. Quid, & quales. 4. Qualiter inuicem discrepent processionis Verbi, & Spiritus sancti.

QUÆSTIO PRIMA.

An sint reales in Deo Personarum Processiones?

NOTANDUM 1. Processionis nomen in creaturis usurpari præcipue ad significandam originem, seu emanationem unius ab alio, tanquam à principio, vel causa: Inde duplex emanatio, seu processio distinguitur, nimirum *Immanens*, & *transiens*. Prior est cujus terminus intra principium, seu, vel causam, permanet, qualis est productio verbi mentalis residentis in intellectu producente: Transiens verò est cujus terminus exit extra suum principium, vel causam, à qua producit, qualis est processio caloris ab igne in aquam. In diuinis autem Processionis vocabulum, significat

veram, & realem emanationem unius personæ ab aliis, quæ non exeat extra Deum in Creaturas; sed maneat intra entitatem diuinæ substantiæ, & velut in sinu personæ producentis æternum subsistat, de quo illud Joannis 1. *Unigenitus, quod est in sinu Patris.*

Notandum 2. Quod etiam ad explicandum ineffabile mysterium unius diuinæ personæ ab aliis procedentis; Theologi indiscriminatim usurpant nomina productionis, processionis, originis, seu emanationis: Nihilominus *Productionis* vocabulum propriè significat, velut actionem personæ aliâ producentis: Cætera verò unius personæ ab aliis exitum, vel emanationem rectius exprimunt: Unde duplicem, distinguunt processionem, non secus, ac ipsam originem, nimirum *activam*, & *passivam*. Processio activa est ipsa actio personæ producentis: Passiva autem est emanatio personæ productæ. Advertendum insuper, quòd licet *Processio* ex usu Ecclesiæ significet emanationem Spiritus sancti, qui in Symbolo S. Athanasii dicitur, *Non genitus, sed procedens*: Ejus tamen significatio latius patet apud Theologos; illo namque vocabulo utitur solitò ad exprimendam utriusque diuinæ Personæ emanantis originem.

Notandum 3. Actionem productivam in Creaturis variam, sed maxime triplicem habere imperfectionem adjunctam: Siquidem efficit in effectu dependentiam, contingentiam, & entitatis diversitatem à principio producente. Dependentiam inquam, quia cum effectu, qui producit, transeat à non esse ad esse; certò certius est, quòd ante sui productionem erat nihil; ideoque totum esse, quod obri- net, debet causæ producenti, & consequenter ab ea pendet, quantum ad suam entitatem, quam non nisi ex causæ producentis fecunditate muratur.

Insuper contingentiam importat; cùm enim ante sui productionem fuerit nihil, evidens est, quòd non habeat necessitatem essendi, nec proinde sit ens necessarium, sed tantùm contingens.

Denique diversam numero saltem habet essentiam à suo principio, quia ens creatum propter suam finitatem communicari nequit absque sui divisione. Unde si detur aliqua actio productiva, in qua res producta, ita sit simpliciter necessaria, ut non possit concipi non esse, habeatque eandem numero essentiam cum principio producente; certò constabit eam esse ab his imperfectionibus liberam. An autem in Deo sit aliqua actio hujusmodi, absque ulla imperfectione, productiva divinarum personarum; An verò divina Essentia ex se determinetur ad tres personas, sicut ad primam absque ulla productione, ut volunt quidam hæretici, qui idcirco dicti sunt *Autotheani*, quòd omnes divinas Personas à seipsis, & non ab aliis esse assererent; hac in Quæstione est determinandum.

CONCLUSIO PRIMA.

Filius sanctus est esse in divinis realem processionem ad intra, secundùm quàm una persona procedit, & producit ab alia. Colligitur: Primò ex variis Scripturæ textibus, quibus Verbum divinum dicitur à Patre procedere.

Maximè verò ex Joannis 8. *Ego ex Deo processi*. Et capite 7. *Ego scio eum, quia ab ipso sum*. Quos contextus etiam Origenes, Euthymius, & Theophilactus explicent de processione temporaria, seu de missione temporali Filii à Patre, ut veniret in mundum; inde tamen etiam probatur intentum, quia missio unius personæ ab alia non fit nisi ratione processionis ab ea, à qua mittitur, ut probabitur infra.

Deinde Eccles. 24. Verbum divinum, seu divina Sapientia dicitur, *Ex ore*

Altissimi, hoc est ex intellectu Patris, *Prodiisse primogenita ante omnem creaturam*. Er Sapientiz 7. vocatur *Emanatio quadam claritatis omnipotentis Dei sincera*. Er Michæe 5. dicitur, *Egressus ejus ab initio, à diebus æternitatis*.

Denique hoc ipsum probant ea omnia oracula, quibus Filius dicitur accepisse à Patre 1. *Vitam*, sic Joannis 5. *Sicut Pater habet vitam in semetipso, sic dedit, & Filio vitam habere in semetipso*. 2. *Potestatem*, Joannis 17. *Sicut dedisti ei potestatem omnis carnis*. 3. *Authoritatem*, Matthæi 11. *Omnia mihi tradita sunt à Patre meo*, &c. Cùm enim Essentia divina has omnes divinas perfectiones realiter contineat, & ab eis sic indistincta, consequens est Patrem dedisse essentiam, cui prædictas perfectiones contulit.

Idipsum de Spiritu sancto eadem sacra Scriptura testatur, nam Joannis 15. legimus cum venerit *Paracletus, quem mittam vobis à Patre, Spiritum veritatis, qui à Patre procedit*; Et cap. 16. *Ille me clarificabit; quia de meo accipiet, & annuntiabit vobis*. Accipit itaque Spiritus sanctus scientiam à Filio, & consequenter essentiam, & alia attributa. Ponitur autem Verbum *Accipiet*, in futuro, quia effectum ejusdem Spiritus sancti in Fideles futurum indicat; neque id repugnat processioni, quæ cùm sit æterna, omnia tempora complectitur: Insuper Spiritus sanctus ad Romanos 8. dicitur *Spiritus Christi*: Act. 16. *Spiritus Jesu*: Ad Galatas 4. *Spiritus Filii*: Non potest autem una persona dici alterius, nisi quia ab ea procedit. Constat ergo ex Scriptura sacra duas esse in Deo ab æterno processionem divinarum personarum productivas.

Secundò: Hæc eadem veritas definita fuit in variis Conciliis, maximè verò Nicæno, Constantinopolitano, Lateranensi, & Florentino, habeturque in om-

omnibus fidei Symbolis ab Ecclesiis probatis, præsertim Nicæno ubi de Filio dicitur, *Deus de Deo, lumen de lumine, Deus verus de Deo vero, genitus non factus*. De Spiritu sancto autem, *Qui ex Patre, et Filioque procedit*: Et in Constantinopolitano hæc adduntur, *Credimus in Spiritum sanctum Dominum, et vivificantem, et ex Patre procedentem, et cum Patre, et Filio adorandum*. His concinit sanctus Athanasius in suo Symbolo, in quo legitur: *Filius de Patre solo est, non factus, nec creatus, sed genitus: Spiritus sanctus à Patre, et Filio non factus, nec creatus, nec genitus, sed procedens*. Adtipulatur, & præclare cuncta edocet, ac complectitur Concilium Toleranum 11. celebratum anno 675. in expositione fidei, in qua legimus, *Constituimus, et credimus sanctam, atque ineffabilem Trinitatem Patrem, Filium, et Spiritum unum Deum naturaliter esse. . . Et Patrem quidem non genitum, non creatum, sed ingenitum propter morem; ipse enim à nullo originem ducit, ex quo, et Filius natiuitatem, et Spiritus sanctus processionem accepit, &c.*

Tertio: Hanc ipsam veritatem sancti Patres unanimi calculo probant, & confirmant; idque maximè ex illo Joannis 5. *Sicnt Pater habet vitam in semetipso, sic dedit, et Filio vitam habere in semetipso*. Quem locum sic expendit sanctus Ambrosius lib. 4. de fide cap. 5. *Quis non advertat, inquit, ad unitatem vitæ, quod eadem Patris, et Filii vitæ sit esse referendum?* Sicut enim Pater habet vitam in semetipso, sic dedit, & Filio vitam habere in semetipso, *Dedit per unitatem*. Ipsi concinit S. Hilarius lib. de Synodis ad Canonem 4. Orientalium, ubi eundem textum explicans ait, *Quod in utroque vitæ est, in utroque significatur essentia. . . Non enim aliud habet, quàm dedit, et sicut vitam habet, ita habendam dedit vitam*. Ipsi adtipulatur S. Augustinus lib. 15. de Trinitate

capite 26. eundem locum tractans, *Sicnt Filio, inquit, præstat essentiam sine initio temporis, sine illa mutabilitate naturæ de Patre generatio; ita Spiritui sancto præstat essentiam, sine initio temporis, hæc illa mutabilitate naturæ de utroque processio*.

Probant similiter ex eo, quòd Essentia divina communicetur per Patrem, Filio, & Spiritui sancto: Sic Cyrillus lib. 2. Theauri cap. 1. *Divinus, inquit, substantia ineffabili quadam, supremaque natura constituta, Filium ex Patris hypostasi genuit: non enim potest esse perfecta Deitas, nisi Filium habeat, et fructum ex se pariat*. Unde S. Athanasius in 3. sermone Gestorum Concilii Nicæni reprehendit Arrianos, quia dicebant, *Sterilem, et infructuosam esse naturam paternam*: Concinit S. Hilarius lib. de Synodis circa medium, *Naturam, inquit, Filio dedit ex impossibili non nata substantia perfecta natiuitas*. Plura his similia ubertim proferemus in sequentibus.

Probatur 4. ratione eaque multiplici à Theologis. Quarum prima colligitur ex sanctis Patribus, qui idcirco tres personas non effretes Deos, sed unum Deum colligunt, quia Filius, & Spiritus sanctus procedunt ab unico principio, videlicet Patre, qui suam eandem essentiam Filio, & Spiritui sancto communicat per originem, quàm sublatà sequeretur Filium esse debere alterius essentiz: Ita namque ratiocinatur Nazianzenus Orat. 37. *Nobis, inquit, unus Deus est, quoniam una Deitas, atque ad unum eam, quæ ex eo sunt referuntur*: Similiter S. Hilarius eodem modo colligit unicam esse personam improductam, alias vero duas productas: *Cum ergo* (inquit lib. de Synodis circa medium) *Unus Deus sit, duo inaccessibiles esse non possunt: cum idcirco Deus unus sit, cum Patre Deus sit, et Filius Dei Deus sit; quoniam inaccessibilitas sola pe-*

neque unum eſt. Subſcribit S. Fulgentius ad quintam objectionem Arrianorum, *Duo quippe, inquit, Iugeniti non poſſunt unam habere naturam, ubi, nec unus in uno veram ex ſe generationem invenit; nec unus ex uno verè in ſe ſubſtantiam naturalitatis c. gnoſcit.*

Secunda ratio: De fide eſt dari tres perſonas realiter invicem diſtinctas in unitate eſſentiz; ſed realis perſonarum in unitate eſſentiz non poteſt eſſe diſtinctio, ſine reali productione, & proceſſione unius perſonæ ab alia; Ergo reverà eſt admittenda. Probatur minor: Ceſſante proceſſione ceſſat oppoſitio; Sed ubi non eſt oppoſitio, ibi nequit eſſe perſonarum diſtinctio: Ergo, &c. Minor eſt evidens: Siquidem natura divina propter ſuam infinitatem identificat ſibi omnia, cum quibus non habet oppoſitionem. Probatur major: Eſſentia divina non poteſt habere oppoſitionem, niſi propter relationes oppoſitas; omnia enim in divinis ſunt idem, ubi non obviat relationis oppoſitio: Sed non eſt in Deo ulla relationis oppoſitio, niſi propter proceſſionem: quod ſic probo. Omnis relatio fundatur, vel in meſura, vel in unitate, vel in productione: ſed in ente infinito locum habere non poteſt ratio meſuræ; infinitum enim eſt immenſurabile, quia eſt inſcrutinabile. ſimiliter relatio unitatis in Deo reperi nequit, quia ſumma unitas naturæ divinz omnem omnino diſtinctionem naturæ excludit: Ergo ſola relatio originis in Deo reperi poteſt.

Tertiò: Hanc eandem veritatem, probat Doct. in 1. diſt. 2. quæſt. 7. Quidquid de ratione ſua formali eſt principium productivum ſufficiens, in quocumque eſt à ſe, in eo reverà eſt principium perfectè productivum; Sed intellectus habens obiectum actu intelligibile ſibi præſens, & debite proportionatum, ex ratione ſua formali.

eſt principium productivum notitiæ genitæ: Ergo ubicumque eſt, producit notitiam genitam, idque ſecundum proportionem ſuæ perfectionis. *Subſumit;* Sed in Deo, eſt intellectus habens obiectum actu intelligibile ſibi præſens, & proportionatum, nempe eſſentiam divinam: Ergo, & in Deo intellectus eſt principium productivum notitiæ genitæ, non qualiſcumque, ſed ſibi adæquatæ; omne enim principium perfectum poteſt producere terminum ſibi adæquatum; & conſequenter, cum intellectus divinus ſit infinitus, eſt productivus notitiæ genitæ infinitæ. *Inſuper,* cum nullum infinitum poſſit exiſtere in alio; notitia illa genita, neceſſariò erit per ſe ſubſiſtens. *Replys* cum extra Deum nihil ſit per ſe ſubſiſtens infinitum, conſequens eſt, quòd intellectus divinus debeat producere notitiam genitam ſubſiſtentem, quæ reverà ſit Deus.

Idem argumentum formari poteſt de voluntate divina. Voluntas habens obiectum amabile ſibi proportionatum, eſt productiva amoris ſibi proportionati; Sed voluntas divina infinita habet eſſentiam divinam ſibi adæquatè proportionatam: Ergo poterit producere amorem infinitum: Amor autem infinitus eſt perſona divina producta: Ergo, &c. Quamquam autem hoc argumentum non ſufficiat ad probandum myſterium Trinitatis demonſtrari, & cognofci poſſe naturaliter, ut diximus quæſtione 3. præcedentis articuli; nihilominus efficaciſ eſt, ut prævio fidei lumine evincatur neceſſario admittendas eſſe reales in Deo productiones ad intra.

Simili ratione eandem veritatem, probat S. Auguſtinus lib. 9. de Trinitate cap. 11. *Loquendo tenendum eſt, inquit, quòd omnis res quacumque cognoſcimus, congenere in nobis notitiam ſui: ab utroque enim notitia paritur, & cognoscen-*

sciente, & cognito. Itaque mens cum seipsam cognoscit sola parens est notitia sua; & cognitum enim, & cognitor ipsa est. Unde concludit: *Est quædam imago Trinitatis ipsa mens, & notitia ejus, quod est proles ejusque de seipsa Verbum ejus, amor ejus; & hæc tria unum, atque una substantia, nec minor proles, dum tantam se novit mens quanta est: nec minor amor, dum tantam se diligit, quantum novit, & quanta est.* Ut autem præfata ratio efficacior appareat ex ejus impugnatio- nis solutione, sic eam Doctor

Impugnatur 1. Tunc solum intellectus est productivus notitiæ genitæ, quando debet per illam noticiam genitam intelligere; aut per eam debet perfici: Sed intellectus divinus non potest perfici, neque intelligere per noticiam aliquam distinctam à se realiter: Ergo licet habeat objectum sibi adæquatè proportionatum, inde non sequitur, quod sit productivus notitiæ genitæ.

Confirmatur 1. Deus per noticiam ingenitam sufficienter intelligit omnia intelligibilia, & per eam perficitur: Ergo ad id prorsus esset frustra- nea noticia genita.

Confirmatur 2. Noticia ingenita est adæquata intellectui divino: Ergo non potest habere aliam noticiam genitam. Patet consequentia: Idcirco enim dicimus Verbum divinum non esse productivum alterius verbi, quia divinus intellectus habet terminum adæquatam in productione unius tantum verbi.

Confirmatur 3. Intellectus, cum sit potentia activa non verò factiva, non potest aliquid producere, nisi in se; sed noticia genita, si quæ esset, non esset producta in intellectu: Ergo non potest producere per ipsum, & consequenter intellectus non est productivus notitiæ genitæ.

Negat majorem Doctor, quia ratio activi non dependet per se à ratione

passivi, seu perfectibilis; sed est per accidens, quod intellectus creatus sit productivus notitiæ, quâ intelligit, & perficitur: cum enim non possit intelligere per aliquam noticiam ingenitam, opus est, ut producat noticiam genitam, per quam intelligat, & perficiatur; ideoque illam producit ex indigentia. Unde duplex in eo est distinguenda ratio: una quidem quatenus est receptivus notitiæ genitæ; altera quatenus est ejusdem productivus: Prior imperfectionem denotat, quia involvit potentialitatem, & perfectibilitatem; altera verò nullam imperfectionem importat, imò summam dicte perfectionem, nempe fecunditatem, & activitatem. Idcirco prior non reperitur in intellectu divino, sed tantum posterior. Unde sequitur, quod intellectus divinus potest producere intellectionem, quamvis non possit eam recipere, & consequenter non solum memoria fecunda potest producere noticiam genitam, quando potest per eam intelligere, & perfici, sed etiam, quando, nec per eam intelligit, nec perficitur.

Ad primam confirmationem negat consequentiam: Falsum enim est, quod omne agens idcirco agat, ut per suam productionem perficiatur: Imò plura sunt agentia, quæ operantur ex plenitudine perfectionis, & fecunditatis; & ideo ab Avicenna 6. metaphysicorum cap. ultimo, dicuntur *Agentia ex liberalitate.*

Ad secundam confirmationem distinguit antecedens: Noticia ingenita est adæquata in ratione notitiæ ingenitæ, & quasi productæ, concedit antecedens: adæquata in ratione notitiæ re- veræ genitæ, & productæ, negat antecedens, & consequentiam. Imò ex hoc retorquet argumentum: non habet intellectus divinus omnem noticiam adæquatam correspondentem sibi

bi absque noticia genita: Ergo habet noticiam genitam.

Ad tertiam confirmationem negat activum, & factivum esse differentias potentiz accidentales, cum possit eadem potentia esse activa, & factiva, ut constat de intellectu Angelico. Quod autem omnis intellectus creatus requirat subiectum, in quod agat, vel efficiat intellectionem, hoc fit ex imperfectione creaturæ intellectionis, quæ cum sit accidens, ideo requirit subiectum, cui inest, seu in quo recipiatur connaturaliter: Unde cum in divinis noticia producta sit per se subsistens, revera potest intelligi esse producta absque eo, quod intelligatur esse recepta in ipsomet intellectu.

Rursus obijci potest adversus præfatam rationem: Si hæc ratio quidquam concluderet, sequeretur, quod Filius, & Spiritus sanctus etiam producere possent noticiam genitam, & amorem productum, & sic darentur plures personæ divinæ, quam tres: Hoc autem fidei repugnat: Ergo præfata probatio nulla est. Probatur sequela majoris: Filius enim, & Spiritus sanctus, tam habent intellectum, & voluntatem divinam cum Essentia divina adequatè proportionata, in ratione intelligibilis, & amabilis, quam Pater: Ergo si hac ratione possit Pater producere noticiam genitam, & amorem productum, idem poterunt Filius, & Spiritus sanctus.

Nego sequelam, & consequentiam probationis. Siquidem non eadem est ratio de Patre, ac de Filio, & Spiritu sancto: Doctor enim in majori sua posuit, *Ubi cumque est principium productionis subsistens a se*: Hoc est, non ab alio, *Potestit producere*: Quæ ratio non potest applicari Filio, & Spiritui sancto; non enim habent principium productionis a se; ipsi enim habent suum esse à Patre.

Adde quodd, non sit eadem ratio de Patre, ac de aliis personis, quia Pater cum sit à se, non præsupponit noticiam genitam adequatam memoriæ suæ fecundæ; imò ipsi præsupponitur, & ideo ipsi non repugnat productio talis noticiæ: Filius autem, cum sit ipsamet noticia genita adequata, tam intensivè, quam extensivè principio productivo, ideo non potest aliam noticiam genitam producere: similiter Spiritus sanctus, cum habeat esse à Patre, & Filio, præsupponit utrumque, & consequenter nequit producere noticiam genitam.

Obijci. r. contra veritatem conclusionis: Ens à se non potest habere originem ab alio. Sed quælibet divina persona est ens à se, aliàs non esset Deus: Ergo originem habere non potest. Major constat, habere enim originem, est esse ab alio.

Distinguo majorem: Ens à se non potest habere originem ab alio, ut à causa extrinseca, & principio diversæ naturæ, concedo: Ut à principio ejusdem naturæ, & omnem dependentiam, causalitatem, & contingentiam excludente, nego: Ens enim à se dupliciter sumi potest. Primò, ut excludit principium extraneum, & alterius naturæ; & sic revera omnes divinæ personæ sunt à se: Secundò, ut excludit reale principium, quod sit ejusdem naturæ, & sic solus Pater divinus est à se.

Insuper: Quod ab alio procedit, debet habere distinctum esse, diversamque saltem numero naturam ab eo, à quo procedit: Sed personæ divinæ in eadem numero natura subsistunt, suntque unus Deus, ut probavimus: Ergo una non potest ab alia procedere.

Distinguo majorem: Quod procedit ab alio processione finita, corporea, & materiali, debet aliam habere diversam ab eo naturam, concedo majorem: processione infinita, intellectuali, &

& spirituali, nego maiorem. Cum enim infinitas omnia sibi identificet, quæ oppositionem non habent; cumque nulla sit oppositio inter naturam, quæ est in Patre & Filio, & Spiritu S. idcirco licet Filius, & Spiritus S. à Patre procedant, non propterea debent esse numerò distinctæ naturæ divinæ.

Objic. 2. Quod procedit ab alio, recipit aliquid ab eo, à quo procedit; adeoque est indigentis, & imperfectioris naturæ; indigentis quidem, nisi enim indigeret non reciperet imperfectioris verò, quia juxta illud Act. 20. *Beatius est magis dare, quam accipere*: Sed inter divinas personas, cum summa sit æqualitas, nulla reperiri potest indigentia, & inferioritas: Ergo, nec processio.

Distinguo maiorem: Produci ab alio liberè, & contingenter, ac per communicationem diversæ naturæ, est esse indigentis, & inferioris naturæ, concedo: produci ab alio summè necessariò, & per communicationem ejusdem naturæ infinitæ, est indigere, & esse inferioris naturæ, nego: Priori modo, beatius est magis dare, quam accipere; non verò posteriori, ut disertè explicat S. Augult. lib. 3. contra Maximinum cap. 14. post medium: *Beatius est magis dare, quam accipere*, inquit, *sed in hac vita, ubi est inopia, quæ usque melior est copia; melior est enim habere, quam egere; & melius est donare, quam accipere; erogare, quam mendicare. Vbi autem, qui dedit, gignendo dedit, & qui accepit, nascendo accepit, non inopi subventum est, sed ipsa copia generata est. Nec potest, qui accipit ei, qui dedit, esse inæqualis, quia, & hoc accepit, ut esset æqualis.*

Objicet 3. Nullum productum est ex se necessarium: Sed omnis persona divina est ex se ens necessarium, utpote cum sit Deus: Ergo nulla est producta. *Probat maiorem* Doctor in 1. dist. 2. quæst. 7. num. 1. quod ex se est necessa-

rium, est necessarium seclusò quodcumque aliò; sed quod est necessarium ab alio, non est necessarium eò circumscriptò: Ergo nequit esse necessarium ex se, & esse ab alio. *Probat secundò*: Omne productum est possibile produci, seu habet potentiam receptivam ipsius esse, quòd accipit, aliàs non posset produci, nec consequenter esset productum, aut sequeretur, quòd impossibile produceretur; Sed quod est possibile produci, non est ens necessarium: Ergo, &c. *Probat tertio*: Per productionem Essentia divina habet productum, quod non haberet sine productione: Ergo per productionem reverà mutatur, quia de non habente, productum, fit habens, & consequenter non est ens necessarium. *Probat quarto*: Productio per intellectum esset vera generatio: Ergo si una ex divinis personis produceretur per intellectum, verè generaretur; sed omnis generatio est essentialiter mutatio: Ergo reverà in divinis esset mutatio, si daretur productio: At omnis mutatio in Deo implicat: Ergo implicat pariter in Deo omnis productio.

Respondet Doctor ibidem numero 9. negando maiorem, ad cuius primam probationem distinguit maiorem: Nihil potest esse necessarium ex se formaliter, & simul esse formaliter necessarium ab alio, concedit: Nihil potest esse formaliter ex se necessarium, & simul esse necessarium ab alio efficienter, seu productivè, negat. Nam in sententia veterum Philosophorum, qui censuunt creaturas produci à Deo necessariò, opus erat, ut assererent illas creaturas habere entitatem, quæ formaliter essent necessariæ, licet illam entitatem acciperent à causa necessariò producente: Unde patet in eorum sententia Philosophorum aliquid posse simul esse in se necessarium formaliter, & simul necessarium ab alio produ-

ducivè . Major tamen est necessitas effendi, tam formaliter, quàm productivè in Filio divino, v. g. quàm esset in Creaturis si producerentur necessariò; quia creaturæ acciperent diversam essentiam à causa producente, Filius autem habet eandem omnino essentiam cum principio, à quo producit: Unde concludit Doctor, *Si Pater creaturam naturaliter produceret, & necessariò, produceret eam formaliter necessariam; tamen non esset tunc necessaria tanta necessitate, quanta est Filius necessarius*. Vel brevius *distinguo majorem*, quod est ex se necessarium, per exclusionem, tam contingentiz, quàm productionis esset necessarium seclusò quocumque aliò, concedo: quod est ex se necessarium tantummodo per exclusionem contingentiz, non verò per exclusionem principii producentis, esset necessarium quocumque circumscriptò, seu seclusò illò principii productivà; maximè ubi habet eandem omnino entitatem cum ipso principio producente, uti habent Filius, & Spiritus sanctus cum Patre divino, nego.

Ad secundam probationem distinguit majorem Doctor num. 10. Omne productum est possibile produci, vel possibilitate Logica, quæ dicit tantum non repugnantiam, ut aliquid producat; ita ut illi termini *possibile*, & *produci*, possint absque contradictione invicem componi per conceptum intellectus; vel possibilitate Physica, & reali, quæ dicit aptitudinem, vel ad recipiendum aliquod accidens, vel ad accipiendam entitatem diversam à principio productivo, concedit: Est tantum possibile produci possibilitate physica, negat. Minorem similiter distinguit, quod est simpliciter necessarium non habet potentiam, ut producat, physicam, & realem, concedit; Logicam, & intentionalem, negat. Itaque Perso-

na divina non potest habere potentiam physicam ad esse, quia oporteret eam esse prius in potentia, quàm esset in actu, quod repugnat enti summè necessario. Potest verò habere potentiam Logicam, quia cum de facto producat, non repugnat eam posse produci; *Pet brevius, & clarius*; quod necessarium est, non habet potentiam ad recipiendum esse, *distinguo*; Si illud esse, quod accipit per productionem non sit summè necessarium, & idem essentialiter cum principio producente, concedo; Si recipiat esse, quod sit summè necessarium, & idem omnino essentialiter cum principio producente, nego: Personæ autem productæ in divinis, habent idem omnino esse essentialiter, & summè necessarium cum principio producente; unde licet sint ab alio, non minùs sunt ens necessarium.

Ad tertiam probationem negat consequentiam, quia ad mutationem non sufficit, quod aliquid ita habeat esse mediante aliquo, ut sine eo reverà non esset; sed ultrò requiritur, quòd illud esse potuerit non habere, & insuper, quòd illud accipere potuerit ab alio, quàm ab eo, à quo accipit; Essentia autem divina nunquam fuit sine productione, nec sine Persona, quàm mediante productione habuit, nec potuit esse sine utraque ex illis, & consequenter non fit de non habente habens, ideoque non mutatur.

Ad quartam denique probationem negat minorem; Licet enim generatio in creaturis duo importet, nempe productionem, & mutationem, nihilominùs essentialiter est productio, & tantum per accidens mutationem involvit: Unde potest esse vera generatio, ubi est vera productio in similitudinem naturæ, etsi mutationem non importet, ut fit in divinis.

Obijciat 4. Omnis productio importat

rat de pendentiam productum à producente: Sed in divinis nulla potest esse dependentia; omnia namque summe sunt æqualia: Ergo nec productio. Probatur *major*, Si productum non dependeret à producente, utrumque ex æquo haberet naturam, & consequenter productum non exigeret, ut producens prius haberet naturam, quatenus illam ab eo acciperet, quod est contra rationem formalem productionis: Ergo, &c.

Negat majorem Doctor ibidem n. 12. & illius probationem distinguit: Si persona producta non dependeret à producente, utraque ex æquo haberet naturam, hoc est, haberet absque ulla dependentia reali unius ab alia, concedit: Haberet utraque à seipsa non verò una ab alia: negat: Quamvis enim una Persona divina non dependeat ab altera, nihilominus exigit, ut persona producens prius habeat naturam divinam ad se determinatam prioritate originis, quam determinetur ad productam: Hæc autem præexigentia magis est præsuppositio unius personæ ad aliam, quàm dependentia unius ab alia, ut subius explicabimus agendo de consubstantialitate, & æqualitate divinarum Personarum.

Objicit 6. Plures mutationes, quæ tantam imperfectionem non involvunt, quantum involvit generatio, nequeunt esse in divinis: Ergo multo magis in divinis nequit esse generatio: sed si nulla sit generatio in divinis, nulla etiam poterit esse spiratio: Ergo in divinis nulla erit productio. Probatur antecedens, nec latio, seu mutatio localis, nec alteratio, hoc est mutatio ad qualitatē, possunt esse in divinis: sed hæc mutationes non tantam involvunt imperfectionem, quantum generatio importat, ut patet ex eo, quòd plura entia perfecta, v. gr. Cœli, & Angeli moveri possunt lo-

caliter, quæ tamen non possunt generari.

Distinguit consequens Doctor ibidem: Non potest esse generatio in divinis, quatenus dicit imperfectionem, concedit: quatenus dicit productionem, negat: Generatio enim considerari potest, ut jam diximus, vel secundum rationem mutationis, quæ connotat transitum à non esse ad esse, vel secundum rationem productionis, quæ connotat substantiam productam: Priori modo æquè repugnat in divinis, ac cæteræ mutationes, non verò posteriori: quia persona producta non transit à non esse ad esse, sed per sui productionem accipit idem omnino esse cum principio producente.

Objicit denique sanctos Patres, primò quidem sanctum Epiphanium hæresi 69. qui Filium vocat *Autotheon*, quod hæretici *Autotheani* interpretantur à seipso essentiam habere. Deinde S. Augustinus in Psal. 109. & Cyrillus lib. 6. de Trinit. dicunt *Patrem, & Filium esse unum principium*, ex quo videtur sequi Filium careere principio, ac proinde non à Patre, sed à seipso esse. Tertiò, Filius dicitur *Jebova*, sicut Pater; hoc autem nomen significat ipsum esse fontem essendi: Ergo à se ipso habet essentiam, & consequenter non producit.

Nego consequentiam, & ad primam probationem dico, S. Epiphanium tantum intendere, quòd Filius Dei sit verè, & propriè Deus; non verò supposititius, nec fictitius, nec habet Divinitatem, quasi alienam, & indebitam, sed propriam, & debitam sibi non minus, quàm Patri, qui eam communicavit; nam *auto*, sive in compositione, sive extra, aliud ferè nihil notat, quàm *propriè*, & *per se*, quemadmodum ex Platone, & Aristotele notat Genebrardus lib. 1. de Trinit. ut observat Ruiz Disp. 1. Sect. 2. num. 4.

Ad secundum dico, quòd cùm sancti Patres Filium Dei, *principium* appellant, intelligendi sunt comparative, & respectivè, vel ad Spiritum sanctum, vel ad Creaturas; ita quòd cum Patre sit unicum principium Spiritus sancti ad intra; & cùm Patre, & Spiritu sancto sit unicum principium Creaturarum ad extra. Simili modò solvitur *Tertia instantia*: Filius enim dicitur *fons essendi*, quia scilicet per fecunditatem amoris communicat esse divinum Spiritui sancto, & per fecunditatem potentiz tribuit esse creatum omnibus entibus ad extra.

QUÆSTIO SECUNDA.

Quot sint divina Processiones, & qualiter invicem distinguantur?

NOTANDUM 1. Quzstionem procedere de Processionibus, tum ejusdem rationis, tum diversz; num videlicet plures sint in Deo processionēs, numerò, & specie distinctz. Quamquam enim juxta Doctorem in 1. *dist.* 17. n. 3. in divinis non sit propriè genus, nec species, nec differentia specifica; quia hæc partem, & compositionem, adeoque imperfectionem redolent; unde propriè inter divina non est assignanda distinctio specifica: Nilominùs in Deo sunt aliqua, quz cùm plusquam numero distinguantur, & diversas habeant rationes formales, idcirco dici possunt, quasi specie distinctz; plus enim differunt, v.g. Generatio, & spiratio activa, quàm differunt duz generationes, & duz spirationes activz, si totidem darentur. Resolvendum itaque, an divinæ Processiones plures sint specie diversz, pluresque ejusdem rationis solò numerò distinctz.

Notandum 2. Singulas Processiones distinguì à Theologis in *activas*, &

passivas, unde invicem comparari possunt quadrifariam: *Primò* quidem Processiones activæ conferri possunt inter se, putà generatio cum spiratione: *Secundò* una Processio passiva cum alia, ut generari cum spirari: *Tertiò*, activa conferri potest cum passiva sibi correspondente, ut generare cum generari: *Quartò* denique activa comparari potest cum passiva sibi disparata, ut generare cum spirari. Certum est autem Processiones passivas inter se realiter distinguì, hoc enim necessarium est ad instituendam realem Personarum divinarum distinctionem, & constitutionem, ut patebit Disputatione sequenti. Certum pariter spirationem activam distinguì à passiva sibi correspondente; inde namque colligitur distinctio realis inter personam, producentem, & productam, nec non à passiva disparata, ut patebit, dum probabimus, quòd etiam Spiritus sanctus à Filio non procederet, non minùs ab eo distingueretur realiter; Unde remanet inpresentiarum solvenda difficultas, qualiter Processiones activæ invicem distinguantur.

Notandum 3. Distinctionem rerum concipi posse duobus modis, nempe, vel *quoad nos*, vel *quoad se*. Res dicuntur differre quoad nos, dum earum distinctionem conjicimus ex quibusdam rationibus tantum extrinsecis; cùm aliunde nos lateat intrinseca ratio, ex qua repeti posset illarum discrepantia; Dicuntur verò differre quoad se, dum ex propriis, & formalibus rationibus intrinsecis, differre cognoscuntur. Idque iterum duobus modis, videlicet adæquatè, seu primò; & inadæquatè, seu non primò. Priori modo invicem discrepant, quz se totis differunt, ut differentiz individuales. Posteriori modo illa differre dicuntur, quz in aliquo principio intrinseco conveniunt, & per aliud sibi intrin-

trinfecum discrepant, ut species, & individua, quæ in ratione generica, vel specifica invicem conveniunt; discrepant autem per differentiam specificam, aut individuaalem.

His præmissis triplex est solvenda difficultas; Prima quidem num reverà duz sint, & non plures duabus processiones formaliter, & quasi specie distinctæ. Secunda, an ejusdem rationis, seu numero plures Processiones esse repugnent. Tertia, ex quibus principiis repetenda sit earum processio- num diversitas, & distinctio. Prima resolucio militabit adversus Raymun- dum Lullium, qui, si quæ Eymérico fides habenda sit, non sibi constans, modò unicam, modò plures, & innu- meras prope divinas Processiones as- firmavit: Unicam quidem, nam plu- ries asseruit intra Deum tantùm unum esse actum *bonificandi*, idest, commu- nicandi bonitatem, & essentiam divi- nam, quia, inquit, si essent plures actus, quilibet eorum esset finitus, & limitatus, hoc autem enti undequaque infinito summè repugnat. Plures verò itidem divinas Processiones admittit, nam lib. 1. sentent. qu. 2. sic loquitur, *In divinis essentia non est otiosa, sed es- sentiat, & natura naturificat, bonitas bonificat, & infinitas infinitificat, & aternitas aternificat, &c.* Quòd autem prædictis verbis non intellexerit so- lummodo constitutionem formalem, & denominationem attributorum, sed reverà etiam voluerit esse varias ope- rationes ad intra, uti sunt *intelligere*; & *amare*, colligitur ex eodem: Sicut *Deus*, inquit, *naturale habet intelligere, & amare intrinsecè; ita intrinsecè habet naturale bonificare, aternificare, possifi- care, & vernificare*; ut loquitur lib- de centum Dei nominibus. Secun- da verò difficultas solvenda erit ad- versus Theologos, qui invicem non consentiunt in assignandis principiis,

unde repetenda sit divinarum Proce- sionum distinctio.

CONCLUSIO PRIMA.

REVERA duz sunt, & non plures di- vina Processiones formaliter, et quasi specificè invicem distinctæ.

Prima pars, Jam satis, superque pro- bara manet ex dictis hæctenus, & pa- tebit evidentius ex dicendis in Artic- ulo sequenti, in quo probabitur ulterius intellectum, & voluntatem divinam, in Deo esse duo distincta principia di- vinarum Personarum procedentium; unde solùm incumbit probanda.

Secunda pars, quam sic probat Do- ctor in 1. dist. 2. qu. 7. num. 18. Tot sunt, & non plures Processiones in divinis diversæ rationis, quot sunt principia productiva distincta: sed hæc duò tan- tùm sunt, nempe *memoria fecunda*, & *voluntas fecunda*. quarum una produ- ctiva est per modum naturæ; alia verò per modum libertatis, seu voluntatis: Ergo tantùm sunt duz Processiones di- versæ rationis. Major patet: Cùm enim Processiones sint à principiis productivis, consequens est, quòd earum diversitas, & multiplicitas ab his principiis sic repetenda. Probat *minor* quoad primam partem, nempe quòd illa duo principia productiva, sint distincta. Principium agendi naturaliter, & principium agendi libe- rè, habent oppositum modum agendi: ergo non potest dari unum princi- pium, cui hic diversus agendi modus unicè conveniat; vel enim Inquit Do- ctor, *Illud principium productivum ageret ex se determinatè, & sic per modum natu- ræ, vel ageret non ex se determinatè, sed liberè, & ita per modum voluntarii*: At hi modi agendi cùm invicem dire- ctè opponantur, in unicum principium refundi non possunt: Ergo, &c. Neque etiam reduci possunt ad aliquod Ter- tium, quia oporteret, quòd tertium istud principium haberet etiam illos di-

diversos modos agendi, nempe per modum naturæ, & per modum voluntarij. Insuper etiam unum illorum ad aliud reduci non potest, tum propter eandem rationem, tum quia cum illa principia sint æquæ perfectè productiva, non esset potior ratio, cur unum reduceretur ad aliud, quàm illud ad alterum: Tum denique, quia, nihil reducitur ad aliud, nisi minùs perfectum ad perfectius; in Deo autem non reperitur perfectionis inæqualitas; Ergo si in Deo necessariò sint duo principia productiva, & non plura, etiam duæ tantùm sunt Processiones.

Obijcit primò Doctor: Diversus modus principianti refundi potest in unicum principium; Ergo quamvis principiare per modum voluntatis, & per modum naturæ, sint oppositi modi principianti, inde non licet inferre duo esse principia distincta; nec consequenter duas processiones, neque duos procedentes. Patet antecedens; nam principiare necessariò, & principiare contingenter, sunt oppositi modi principianti: Sed illi competunt eidem principio, nempe voluntati divinæ, respectu diversarum productionum; nam respectu productionis ad intra, principiar necessariò; respectu verò productionis ad extra, principiar contingenter; Ergo diversus modus principianti refundi potest in unicum principium.

Respondet Doctor supra laudatus, num. 23. distinguendo antecedens. Diversus modus principianti refundi potest in unicum principium, quando duo illi modi nullam important imperfectionem, negat; Quando aliquis eorum imperfectionem, vel minorem perfectionem connotat, concedit. Necessè est enim, quod omne imperfectum ad perfectum reducatur; unde cum modus principianti contingenter imperfectionem connotet, quia

omnis contingencia mutabilitatem, & defectibilitatem importat; Hinc reduci debet ad principium necessarium. At modi principianti per modum naturæ, & per modum voluntatis nullam admixtam habent imperfectionem, adeoque neuter eorum debet ad aliud reduci.

Vel distinguo consequens; Ex diverso modo operandi quomodocumque non licet colligere principiorum diversitatem, concedo; ex diverso modo operandi, qualem habet memoria fecunda, & voluntas divina, nego consequentiam. Evidens enim est, quòd intellectus divinus non habeat eundem modum operandi, quem habet voluntas; ille namque agit naturaliter, hæc verò voluntariè; Evidens pariter est, quòd nulla alia in Deo sit potentia, cui hic uterque oppositus modus operandi coevenire possit: Ergo ex illis diversis modis operandi rectè colligitur diversitas principiorum productivorum in Deo; & consequenter etiam rectè infertur divinarum Processionum diversitas, & distinctio.

Obijcit 2. Natura divina, in quantum natura, non minùs est principium productivum, quam intellectus, & voluntas; Ergo si ex diversitate principiorum iustè colligatur processionum diversitas, tres necessariò sunt admittendæ; quippe cum tria sint in divinis principia productiva, nempe natura, intellectus, & voluntas.

Respondet Doctor ibidem, distinguendo antecedens; Natura divina est principium productivum seorsim ab intellectu, & voluntate considerata, negat. Coniunctim cum utraque divina facultate, concedit; Memoria enim fecunda, quæ est principium adæquatum, & totale productionis Filij, v.g. includit intellectum, & essentiam divinam, quorum quodlibet partialiter concurrat ad illam productionem.

tionem . Idem dicendum de voluntate respectu productionis Spiritus sancti . Unde natura divina cum intellectu , & voluntate constituit duo principia integra , & adæquata divinarum productionum , cujus rationem profert Doctor, quod notitiz intellectivæ , & amoris principium adæquatum non sit objectum solum, sed objectum cum potentia intelligendi , & volendi punde , cum natura divina concurrat ad generationem Filii , & processionem Spiritus sancti tanquam objectum ad adfectionem Verbi mentalis , & expressionem amoris subsistentis; hinc est, quod essentia , seu natura divina constituat duo solum productionis principia adæquata ; non verò sit aliquod principium adæquatum ab eis distinctum .

Obijcit 3. Doctor: Potentiæ distinguuntur per actus ; Ergo cum ex duplici potentia essentiali in Deo , sint duo actus essentialis, nempe intelligere , & velle essentialis , non possunt illis assignari alii duo actus notionales, nempe generatio , & spiratio , & consequenter ex duabus illis potentiis divinis non rectè inferitur dualitas divinarum processionum . Patet sequela , quoniam ab eodem distinctivo nequeunt distinctiones diversarum rationum repeti : Distinctio autem actuum notionalium , & distinctio actuum essentialium sunt distinctiones diversarum rationum : Ergo illa utrorumque diversitas à duobus illis eisdem principiis repeti nequit .

Negat sequelam Doctor ibidem n. 22. Nec-non , & consequentiam probationis ejus ; quamvis enim una potentia non possit habere plures actus adæquatos distinctæ rationis , eodem modo habendo circa illos actus, ita, quod quemlibet habeat productum , aut quemlibet improductum ; tamen habere potest plures actus diversæ ratio-

nis , se habendo diversimodè circa illos ; ita, quod se habeat ad unum per modum principii operativi , seu emanativi , ad alterum verò se habeat per modum principii productivi : Sic autem se habet memoria fecunda , v. g. ad notitiam essentialem improductam , & ad notitiam genitam , quia ad primam se habet per modum principii operativi , non verò productivi , ad secundam autem, se habet per modum principii productivi , non operativi .

Obijcit 4. Non solum potentia est principium processionis divinæ , sed etiam objectum , nempe essentia divina ; atqui licet in divinis dentur plures potentiæ , non tamen dantur plura objecta ; est enim unicum intellectus , & voluntatis objectum , nempe essentia divina ; Ergo licet sint duæ potentiæ , non tamen inde sequitur , quod sint duæ diversæ processionis , & productiones .

Distinguo minorum : In divinis non sunt distincta objecta , quasi materialia , concedo : formalia , nego . Eadem enim essentia divina , cum sit intelligibilis , & amabilis , habet diversam formalitatem ; adeoque distinctam rationem objecti formalis , quæ diversimodè attingitur ab intellectu in ratione intelligibilis , & à voluntate in ratione amabilis .

Obijcit 5. In divinis est unica tantum actio ; Ergo , & unica processio . Patet consequentia , Processio enim , vel est activa , & sic est synonyma actioni ; vel passiva , & sic est correlativa actionis , adeoque juxta ejus multiplicationem tantum multiplicari potest . Probatur antecedens , Activa enim spiratio , & activa generatio in Patre divino identificantur realiter , ut infra probabimus : Ergo sunt unica actio realiter .

Nego antecedens , & ad ejus probationem dico , equidem spirationem ,

& generationem esse quidem unam rem, non verò unam actionem: Si enim non obstante identificazione reali relationum cum essentia divina, non minùs sunt plures relationes diversæ, & distinctæ, quidni pariter non obstante identificazione reali spirationis, & generationis potuerunt esse diversæ actiones? Adde, quòd si identificatio realis officeret multitudini productionum, seu processionum, Filius, & Spiritus sanctus non essent plures, aut distincti, quia nimirum intellectus, & voluntas, à quibus procedunt non distinguuntur realiter.

Insuper: In divinis nihil est distinctum ab alio, nisi secundum originem, & relationem, seu quatenus unum procedit ab alio: sed una processio, vel productio, non procedit ab altera; Ergo nec ab ea distinguitur.

Distinguo hanc majorem: Si aliunde non habeat principia, quibus distinguitur, quam per rationem originis ab alio, à quo distinguitur, concedo: Si habeat, nego. Probabimus enim infra, quòd etiam Spiritus sanctus à Filio non procederet, non minùs ab eo distingueretur realiter; quia spiratio passiva, per quam constituitur, est distinctum principium constitutum, & distinctivum à filiatione, seu generatione passiva, quæ Filius constituitur; Ergo à pari licet una processio ab alia non oriatur, non minùs ab ea distinguitur, ex eo, quòd sint diversi modi operandi, nempe procedere naturaliter, & voluntarie, procedantque à distinctis, & diversis principijs, nimirum intellectu, & voluntate, quæ sufficiunt ad distinguendas illas processionem.

Objic. 6. Pater divinus producendo Filium, vel totam, & totaliter vim, & fecunditatem suam impendit, vel non; Si primum non potest aliam personam producere, nam ultra to-

totum nihil est; Si non, sequitur terminum per ipsam productum non esse infinitum: ideo enim creaturæ non sunt insuæ, quia licet Deus in earum productione totam vim suam impendat, virtus enim illius non habet partes, quarum unam occupare possit, aliam verò reservare; sed omnino indivisibiliter, ideoque illam totam impendit, quando occupat: Creaturæ, inquam, non sunt infinitæ, quia Deus non totaliter occupat vim suam in illis.

Respondeo: Deum, dum Filium generat, occupare totam vim suam, & totaliter, quantum scilicet illam occupare potest per unam potentiam, nimirum per intellectum: ita namque intellectus divini fecunditatem impendit Pater in productione Filii, ut non possit alterum Filium producere, sicut patebit in conclusione sequenti: Hoc autem non impedit, quominus simul exire possit in actum, etiam totaliter per voluntatem, quia est quasi alterius speciei termini productiva, & per productionem quasi specie distinctam à productione, quæ fit per intellectum. Unde in forma: Pater divinus totam, & totaliter vim suam impendit in productione Filii, ita, quòd illa productio adæquet, & velut exhaustiat omnimodam fecunditatem divini intellectus, concedo; sermo namque est solum de generatione Verbi, sive termini intellectivi: ita, quòd adæquet, & exhaustiat omnimodam fecunditatem Divinitatis, sic ut non possit per aliam potentiam, nempe voluntatem exire in actum productivum alterius personæ divinæ, nego.

Insuper. Virtus divina impensa in productione Filii est omnimodè infinita: Ergo non solum totaliter adæquat fecunditatem intellectus divini, sed etiam ipsius Deitatis. Patet antecedens, Si enim non esset omnimodè in-

infinita, esset in aliquibus limitata, & sic non produceret terminum omnimodè æqualem principio producenti. Consequentia pariter est evidens, illud enim, quod est omnimodè infinitum, complectitur id omne, quod est ejusdem generis, adeoque virtus infinitè productivè continere debet omnem omnino excogitabilem vim productivam.

Distinguo antec. Est omnimodè infinita in ratione virtutis divinæ intellectivæ, & productivæ notitiæ genitæ: concedo: in ratione virtutis divinæ simpliciter, nego. Licet enim ad quamlibet processionem requiratur infinita perfectio, seu virtus productiva, quæ in processione qualibet adæquatum, habet actum in ratione formalitatis actus; non tamen habet adæquationem extensivam, & secundùm rationem omnium actuum, quos ad intra habere potest: Sicut enim ad producendam quamlibet creaturam ex nihilo requiritur infinita virtus Dei, ut volunt aliqui, & nihilominus non quælibet creatio est adæquatus actus illius potestatis; ita à simili licet ad productionem Filii requiratur infinita perfectio, & fecunditas naturæ divinæ, illa tamen non exhauritur per illam solam processionem, quia non est adæquata omnimodè virtuti communicativæ divinæ essentiae, quæ non solum per intellectum via generationis, & notitiæ, in ratione cognoscibilis; sed etiam per voluntatem, via spirationis & ut amabilis communicari potest; Unde unæquæque earum productionum est adæquata suo principio, & idcirco non potest numero multiplicari, ut aperiet.

CONCLUSIO SECUNDA.

De fide est plures numerò solum distinctiones, & ejusdem rationis processionem non esse de facto, nec esse posse. Probatur illis omnibus momentis, quibus jam ostendimus, esse tantum tres divi-

Tom. III.

nas personas, non verò plures. Pateet insuper illis omnibus Scripturæ textibus, maxime Jo. 1. & 3. quibus Filius Dei *unigenitus* dicitur, ex quo constat Deum unicum tantum Filium habere; adeoque in divinis non sunt duæ generationes, & multo minùs plures. Idem firmatur ex omnibus Symbolis, quibus credimus in Jesum Christum, Filium Dei unigenitum, & unicum; unde in Symbolo S. Athanasii expressè profiteamur, quod sit *unus Filius, non tres Filii, unus Spiritus sanctus, non tres Spiritus sancti*.

Probat hanc veritatem Doctor q. 2. quodlibetica art. 2. hac ratione Theologica. Si in divinis possunt esse plures productiones ejusdem rationis: Ergo esse poterunt infinitè, & consequenter necessariò erunt infinitæ; in ente enim summè necessariò idem est esse, ac posse: Sed consequens est falsum. Ergo, & antecedens. *Minor* patet, Nullus enim hæcenus ita ineptè desipuit, ut assereret divinas Personas esse numerò infinitas: Hancque veritatem S. Bonaventura in 1. dist. 2. art. 1. qu. 2. probat quadruplici argumento; nimirum ex distinctione, ordine, connexionione, & completionè. *Primò* quidem ex distinctione. Ubi est, inquit, distinctio, non est confusio: sed ubi est infinitas, ibi est confusio: Ergo cum inter Personas divinas sit distinctio, non erit confusio, nec proinde infinitas. *Secundò*, ubi est ordo, ibi est terminatio, & mediatio: sed ubi est terminatio, non est infinitas, quia infinitas terminum nescit: Ergo si in divinis est ordo, non est infinitas. *Tertiò*, ubi est connexio, necesse est, quòd omnes personæ procedant ab una; nam si una ab alia, & ita consequenter; tunc est infinita distantia inter primam, & ultimam: At hoc est inconveniens: Ergo omnes ab una procedunt. *Denique*, ubi est summa com-

M

iple-

pletio, non est infinitas, completio enim fit in beatitudine: sed si essent personæ infinitæ, impossibile esset aliquem beatificari à Deo: Cognitio enim cujuslibet personæ confert ad beatitudinem: Ergo anima beata debet omnes Personas divinas cognoscere; sed non posset cognoscere infinitas; cum virtus ejus finita sit: Ergo absurdus esset Personarum divinarum infinitus numerus.

Majorem probat Doctor. Primò quidem autoritate S. August. qui ita argumentatur contra Maximinum, lib. 3. cap. 12. *Immoderata, inquit, esset divina generatio, si genitus Filius nepotem gigneret Patri, quia, & ipse nepos, nisi Avo suo pronepotem gigneret, secundum vestram mirabilem sapientiam impotens diceretur. Subdit deinde, Nec impleretur generationis series, si semper alter ex altero gigneretur, nec etiam ullus perferret eam, si non sufficeret omnipotens unus.* Quasi diceret, quòd si una persona, producta non sufficiat ad complectendam totam productionem unius actionis, pariter nec alia sufficiet, nec iterum alia, sicque necessariò admittendæ erunt processiones, & personæ ejusdem rationis numero infinitæ.

Probat 2. Doctor hac ratione. Omne multiplicabile in plura ejusdem rationis, non determinatur ex se ad certam pluralitatem, sed si ita determinatur, necessum est, ut determinetur ab alio: At divina processio, si est multiplicabilis in plures processiones ejusdem rationis, v.g. in plures generationes, non potest ab alio determinari ad certam pluralitatem: Ergo, si est multiplicabilis in plures processiones ejusdem rationis, nullo modo determinatur ad certam pluralitatem, sed necessum est, ut illa divinarum processio series fiat infinita. *Majus* patet Exemplo entis creati, quòd cum sit multiplicabile in plura entia crea-

ra ejusdem rationis, inde fit, quòd non determinetur ex se ad certam pluralitatem, & nisi ab agente extrinseco, aut circumstantiis ad certum numerum determinaretur, ejus productiones possent esse infinitæ syncategorematicè.

Minor probatur: Si divina processio ad certam pluralitatem determinaretur ab alio, maxime, vel ab aliquo posteriori, vel ab aliquo priori: Sed à neutro fieri potest. Non quidem ab aliquo posteriori ipsâ, nullum enim ens habet suam entitatem ab aliquo enti posteriori se; Ergo nec habere potest suam unitatem: Neque etiam ab aliquo priori: Hoc enim, vel esset principium formale divinæ processionis, nempe memoria, & voluntas fecunda, vel esset principium productionis, nempe persona divina: Sed à nullo horum divina processio determinaretur ad certam pluralitatem, si esset multiplicabilis in plures processiones ejusdem rationis: Nam productionis principium formale seu quo, & produciens seu quod, si possit habere plures productiones ejusdem rationis, non potest se ipsum determinare ad certum numerum productionum; unde si ita determinaretur, necessariò determinari deberet ab alio: Hoc autem dici nequit. Tum quia nihil est in Deo præter memoriam, & voluntatem fecundam, à quo intelligi possit hæc determinatio fieri: Tum quia quidquid illud sit, de eo redit eadem questio, an sit prius, vel posterius; non posset autem esse posterius, quia, ut dixi nihil accipit unitatem, nec pluralitatem à posteriori se; nec etiam posset esse prius, quia illud erit etiam necessarium, & sic non poterit alterum determinare ad certum numerum, nisi illud rursus ab alio determinetur, & sic fiet progressus in infinitum in illis processionum divinarum determinatio-

tionibus, quòd cùm implicet, etiam implicat plures esse ejusdem rationis, & solo numero distinctas divinas processiones.

Probat 3. etiam hac ratione. Potentia, quæ habet actum adæquatam, inrerim dum illum habet, non potest alium habere: Sed potentia generativa divina, habet actum sibi adæquatam in generatione Filii, seu Verbi de facto: Ergo non potest alium simul habere; alioquin actus ille esset, & non esset ei adæquatus. Probatur *minor*, Filius enim est terminus infinitus, sicut, & intellectus; Ergo reverà est ipsius terminus adæquatus.

Dices. Illa adæquatio, vel intelligitur de actu adæquato extensivè, vel de adæquato intensivè. Si primum, petitur principium; hoc enim idem est, ac habere actum ultra quem alius haberi non possit, cuius veritas, & probatio non patet. Si secundum, illud videtur apertè falsum: nam anima Christi, v.g. habet creatam Verbi visionem sibi adæquatam intensivè, & tamen præter illam habet adhuc alias visiones: Similiter divinus intellectus habet visionem divinæ essentiae sibi adæquatam intensivè, nihilominus etiam ultra habet visionem rerum aliarum à se. Unde Doctor in Reportatis lib. 1. dist. 2. qu. 7. adducta eadem ratione subdit, *nec hæc ratio valet*; quod probat argumento nunc facto; Ergo, &c.

Respondet: Præfatam rationem intelligendam esse de adæquatione intensiva: Explicat enim Doctor hanc adæquationem per infinitatē perfectionalē principii productivi, & termini producti; repugnat autem terminum infinitum multiplicari secundum eandem rationem, quia infinitum de se hoc est ens, ideoque reverà repugnat plures filios esse infinite perfectos. Sic autem sumpta adæquatione.

Respondet eo exempla in objectionem posita non urgere, nam, nec intellectus Dei, nec intellectus animæ Christi habent plures visiones sibi adæquatas intensivè, sed divinus quidem intellectus una visione sibi adæquata divinam essentiam, & in ea omne viibile intuetur: Intellectus autem animæ Christi licet habeat plures visiones, tamen non habet plures visiones adæquatas suæ totali virtuti intelligendi; habet namque unam visionem Verbi, & quarundam rerum in Verbo sibi adæquatam, quatenus est instructus lumine gloriæ: habet quoque aliarum rerum extra Verbum, seu in proprio earum genere visiones proportionatas, & fortè adæquatas, prout est instructus, & informatus aliis principiiis intelligendi, ita ut, inquit Smilingus noster disput. 3. num. 109. nec creata visio Verbi, rerumque in Verbo, nec visiones extra Verbum seorsim spectatæ sint in Christo adæquatæ uni totali virtuti intelligendi, quæ in ipso est. Instantiæ, quæ contra hanc solutionem formari possent, jam solutæ sunt qu. 3. præcedentis Articuli.

Dices 2. Præfata ratio supponit, quòd potentia divina generativa sit in perpetuo usu, & actu generationis: Sed hoc videtur falsum, quid enim verat Deum genito Filio suo à generatione ipsius cessasse, ut sic alium iterum produceret? Si quid enim obesset, maxime quia Dei actiones mensurari debent æternitate, nec in præteritum transire: At hæc ratio videtur infirma; eteum, ut legimus Genesi 2. *Cessavit ab omni opere, quid pararat*: Insuper Deus jam non producit dies præteritos, aut ea, quæ cum illis diebus transierunt: Denique illa ipsa divina generatio dicitur transisse in præteritum, legimus enim Psalms. 2. & 109. *Ex utero ante Luciferum genui te*: Ergo, &c.

Nego minorem: Deus enim est in perpetuo actu generationis Filii sui, idque necessarium, & indefectibiliter: Pater enim divinus est in perpetua, sive incoceptione, sive conservatione sui esse; atqui illius esse est actualis generatio, seu ratio Paternitatis, per quam constituitur, ut infra patebit: Ergo semper Filium necessariò generat. Idem à paritate, dicendum est de Spiritu sancto; Si enim Deus semper sit in actuali generatione, nec ipsa transeat in præteritum; eadem ratione debet esse in perpetua spiratione.

Ad confirmationem dico, Deum esse in perpetua creatione, seu conservatione creaturarum quandiu illæ sunt; unde cum Filius divinus semper sit, oportet etiam sit necessariò continua ejusdem generatio. Ad Scripturam autem: Respondeo præteritum quidem verè dici de illa generatione; at non præteritum nostrò modò concipiendi, hoc est, quod sit purè præteritum; sed ita præteritum, ut involvat omnia tempora, sicut dicitur Apocalypsis 1. *Qui est, qui erat, & qui venturus est:* imò id ipsum colligitur ex eisdem verbis Psalmi secundi, *Ego hodie genui te;* nam sicut *genui* dicit præteritum, ita *hodie* præsens denotat.

CONCLUSIO TERTIA.

PROCESSIONES divina seipsas formaliter distinguuntur. Hæc est Doctoris in 1. dist. 13. num. 18. *Nam ut, inquit ibidem, generatio formaliter seipsa est generatio, & spiratio seipsa formaliter spiratio; & ex rationibus formalibus earum impossibile est generationem esse spirationem, circumscripto per impossibile quocumque alio, ita quoddam non oportet quærere, quibus distinguuntur, quia tota ratio formalis unius est non eadem toti rationi formali alterius.*

Probat autem primò authoritate S. Augustini lib. 15. de Trinitate capite 27. ubi cum declarasset difficulta-

tem summam explorandi differentiam inter generationem Verbi, & spirationem Spiritus sancti, quam utrique dicit solum per visionem beatificam delegendam, ait: *Attolle oculos in ipsam lucem, & eos in eam fige si potes, sic enim videbis quid distet NATIVITAS Verbi divini à PROCESSIONE Dei, propter quam Filius unigenitus non de Patre genitus, aliqui Frater ejus esset, sed procedere dicitur Spiritum sanctum:* Et paulò infra affirmat voluntatè de cognitione procedere, non tamen esse cognitionis imaginem, dicens: *Quam quidem voluntatem de cognitione procedere, nemo enim vult, quod omnino quid, vel qualis sit, nescit: Non tamen esse cognitionis imaginem, & ideo quandam in hac re intelligitur nativitatè, & processionis insinuari distantiam, quoniam non hoc est cogitatione conspiciere, quod appetere.* Quibus apertè fatetur S. Augustinus processionem illas divinas ex intrinsicis suis principiis ab invicem distingui: Siquidem ex processionum distinctione concludit Personarum procedentium distinctionem. Confirmat Doctor ex eodem lib. 5. de Trinit. cap. 9. & 14. ubi S. Augustinus inquirens, cur Spiritus sanctus non sit Filius, cum tamen à Patre exeat, solvit dicens: *Exit enim non quomodo natus, sed quomodo datus:* Quibus compertum sit S. Augustinum insinuare Personarum divinarum distinctionem esse repetendam ex distinctionis earum emanationibus; ideoque inferendum est eum docere divinarum Personarum emanationes seipsas esse distinctas; etenim si earum distinctio alio ex capite esset repetenda, etiam ex eodem capite personarum distinctionem repetendam esse S. Augustinus affirmaret.

Probat 2. Illa per se se primò differunt, quæ se totis formaliter, & adæquatè discrepant; Sed tales sunt divinæ processionès: Ergo seipsas differunt, & di-

distinguuntur formaliter. *Major* patet: Siquidem aliunde differentiarum individualium discrepantia (quas omnes Philosophi seipſis ultrò differri fatentur) repeti non potest. Probatur itaque *minor*: Illa seipſis formaliter differunt, quæ discrepant per formam sibi intrinsicam, quæque sunt rationes formales distinctionis aliorum: Sed tales sunt generatio, & spiratio; ab eis namque divinarum personarum productarum differentia repetitur, illæ verò propria sua ratione formali distinguuntur invicem: Ergo, &c.

Dices 1. Processiones hujusmodi conveniunt in pluribus prædicatis, putà in ente, in Divinitate, spiritualitate, & ratione procedendi unius divinæ Personæ ab alia. Ergo non se totis, nec seipſis formaliter differunt.

Respondent aliqui Scotistæ hanc convenientiam genericam, & veluti transcendentelem, non obesse, quominus illæ divinæ processiones formaliter, & adæquatè seipſis primò differant: Si enim per intellectus præcisionem considerentur sub propria ratione formali generationis, & spirationis, & quatenus abstrahunt à præfatis prædicatis veluti transcendentalibus, evidenter apparebit, quòd sint primò diversæ; quia nullum prædicatum spectans ad generationem, ut generatio est, clauditur in definitione spirationis, ut spiratio est; non sic dicendum de iis, quæ specificè conveniunt: homo enim, ut homo est, v. g. involuit in se prædicatum, quod est commune bruto, ut brutum est, nempe conceptum animalis, seu vitæ sensitivæ: unde homo, & brutum, non per se primò, nec se totis differunt.

Respondent alii, idcirco divinas processiones se totis differre, quia nullam involvunt realitatem communem, quæ per proprias differentias sit contrahibilis ad utramque. Hæ quidem solu-

tiones optimæ sunt, nihilominus *Tertiam* subijcio, nempe quòd generatio, & spiratio oppositum significant modum producendi; generatio enim significat modum procedendi naturaliter, spiratio verò modum procedendi liberè: Sed procedere naturaliter, & procedere liberè sunt modi procedendi seipſis diversi: Ergo etiam tales sunt illæ divinæ processiones.

Ex his collige 1. prædictas processiones à nobis quidem colligi esse distinctas ex diversitate principiorum, idest intellectu, & voluntate, à quibus oriuntur, non verò ab ipsis suam habere distinctionem formalem; ab eo enim habent distinctionem, à quo habent esse formaliter: ac non habent esse formaliter à principiis, sed tantum principiativè: Ergo, nec ab eis suam habent rationem formalem, sed tantum originationem.

Collige 2. Illam diversitatem non esse repetendam ex eo, quòd una persona sit ab unica, alia verò à duabus, quia, ut inquit Doctor in 1. dist. 13. quæst. unica. Unitas, & pluralitas suppositorum, non causa: diversitatem rationis in formis, vel quasi formis, quæ sunt in ipsis, vel ab ipsis, v. g. quia Albedo de ratione sua, & ex se est immutativa visus, non variat hanc rationem, ex eo, quòd sit, vel in pariete, vel in carta, vel in aliis subjectis: Ergo à simili generationi, & spiratio invicem non differunt, ex eo quòd sint in diversis suppositis, quorum unum emanat ab unico, nempe Filius à Patre; aliud verò à duobus, nempe à Patre, & Filio; maxime verò, cum Spiritus sanctus ex ratione sua formali non desideret pluralitatem suppositorum ad sui productionem, & spirationem, ut patebit infra.

Collige 3. Hanc diversitatem processionum non etiam esse ex eo repetendam, quòd una origine debeat esse prior

prior alterâ , nempe generatio prior spiratione , neque ex eo , quòd una originetur ab altera , nempe spiratio passiva à generatione passiva , seu filiatione : Dum enim aliquid est prius alterò , meritò quaritur ratio talis prioritatis , & originis ; undè præcisè non distinguuntur aliqua primò ratione talis prioritatis , aut posterioritatis , quæ inter ea est inveniendâ : Ergo neque emanationes illæ divinæ per hanc rationem prioris , & posterioris etiam primò distinguuntur . Insuper etsi Spiritus sanctus non procederet à Filio , non minùs propterea ab eo distingueretur realiter , ut infrâ docebitur : Ergo tamen non originaretur à generatione passiva , non minùs ab ea distingueretur realiter , adeoque illorum diversitas non est repetenda ratione originationis unius ab alia . Consequens est ergo , quòd illa ipsa divinarum processionum diversitas repetatur ex ratione formali earum .

QUAESTIO TERTIA.

Quid , & quales sint divinae processionēs ?

CONVENIUNT penè omnes Theologi , si Durandum , & paucos alios ejus assecutas excipias , divinas processionēs esse intellectus divini , & divinæ voluntatis operationes : quæ autem , & quales sint operationes , non invicem consentiunt . Nonnulli siquidem affirmant eas esse quasdam resultantias , seu emanationes intellectus , & voluntatis divinæ ; ita ut Personæ divinæ productæ procedant ex alia , eò ferè modò , quò proprietates ab essentiis , non per veram actionem , sed per simplicem emanationem effluunt . Ita sentire videtur Suarez lib. 1. de Trinit. cap. 8. Unde lib. 6. cap. 1. docet , solam relationem personæ producentis esse totam processionem activam , seu actio-

nem productivam . Aliqui Thomistæ docent duplicem esse distinguendam intellectionem , unam essentialē , communem tribus divinis Personis ; aliam notionalem Patri propriam , & Verbi productivam . Alii verò hanc distinctionem , ut doctrinæ Angelici Doctoris contrariam respuunt , affirmantque in Deo esse unicam intellectionem essentialē , quæ est Verbi divini productiva , quatenus modificata est relatione Paternitatis , & habet rationem dictionis , & veræ actionis productivæ . Ceteri verò , cum Doctore Subtili in 1. dist. 2. qu. 7. num. 13. & dist. 29. quæst. unica , & quolibet 14. contendunt , nedum divinas processionēs esse veras actiones , sed etiam ex æquo , & totaliter distinctas ab actibus essentialibus intelligendi , & volendi ; ita quòd dicitio non includat formaliter intellectionem , nec activa spiratio volitionem essentialē , quò fit , ut licet *intelligere* , & *velle* sint operationes communes omnibus personis , non tamen dicere , & spirare . Quæ sententia uti verior , & constantior , ut propugnatur evidentius , & efficacius .

Notandum 1. cum Doctore locis laudatis maxime in 1. distinct. 2. quæst. 7. num. 22. duos distinguui posse actus divini intellectus , scilicet *intelligere* , & *dicere* , & eorundem divinæ voluntatis , scilicet *amare* , & *spirare* , quorum primus est operativus , & alter productivus ; qui duo actus formaliter distinguuntur invicem : Implicat enim , unum , & eundem actum esse naturâ suâ productivum , & non productivum termini realiter à principio producente distincti . *Insuper* actus productivus necessariò supponit operativum ; *Operans enim , & producens per idem principium* , inquit Doctor , *prius est operans , quam producens* : Adde quòd faveantur omnes Theologi perfectiones essentialēs nullum involventes respectum ad

creaturas esse priores, quocumque notionali: Unde cum intellectio divina sit quid essentialis, dictio verò quid notionalis; hæc illam præsupponit; non quidem tanquam principium quo, sed solum tanquam conditionem, sine qua non; non ex indigentia, sed ex conditione principii, quod prius determinatur ad operationem, quam ad productionem, ut ibidem observat Doctor: Hinc fit, quòd Pater divinus prius concipiatur intelligens, & cognoscens seipsum, & suam essentiam, quam producens, & dicens Verbum.

Notandum 2. Intellectionem nostram non esse actionem formaliter, & proprie: Tum quia omnis actio proprie dicta, habet semper aliquem terminum productum; intellectio verò non est termini productiva, sed est ipsemet ultimus actus, ultimaque perfectio potentie intellectivæ: Tum quia, *Intelligere non est agere; sed quoddam pati*, inquit Philosophus 3. de anima cap. 4. Unde formalis intellectio, est receptio illius qualitatatis, nempe verbi mentis, quod producitur per dictionem, & recipitur in ipsomet intellectu. Hinc inchoative, & effectivè intellectio consistit in ea intellectus operatione, quæ producitur illa qualitas, seu Verbum mentis; consummative autem, & formaliter in ejusdem qualitatatis receptione. Cum enim illa qualitas, seu Verbum, sit rei intellectæ expressa similitudo; procul dubio intellectum informando; & ei adhærendo illum objecto cognito assimilabit, ac proinde completè intelligentem efficiet. Quòd si interdum intellectio vocetur actio, id non est interpretandum de actione proprie dicta, sed quia se habet ad modum actionis, cum semper sit in fieri, & respiciat terminum, non quem producat, sed circa quem negotietur, nempe circa objectum, cuius est viva, & perfecta expressio.

Notandum 3. Ex Doctore in 1. distinctione 27. quæst. 3. num. 12. quòd, *Verbum mentis est actus intelligentie productus à memoria secunda, non habens esse sine actuali intellectione, representans Verbum divinum.* Cujus definitionis omnes particulas colligit Doctor ex sancto Augustino. Dicitur itaque primò *actus intelligentie*, quia est forma, actuans intellectum, eumque efficiens formaliter, & actu intelligentem, sicut calor constituit aquam formaliter calidam: Colligitur autem hæc particula ex S. Augustino lib. 9. de Trinit. cap. 12. & 13. ubi expressè probat solum intellectum, non autem voluntatem, producere Verbum sui perfectivum, & informativum. Additur *productus à memoria secunda*; idest ab intellectu informato, & quasi gravido specie intelligibili, nam, ut loquitur S. Augustinus lib. 15. de Trinit. cap. 10. *Formata cogitatio ab ea re, quam scimus, Verbum est*: Et cap. 14. *Verbum nostrum de nostra scientia nascitur*: Et cap. 26. ait: *Verbum esse expressum de scientia memorabili*, idest ab intellectu habente scientiam habitualement, quasi semen objecti. Subditur *non habens esse sine actuali intellectione*; Cum enim Verbum intellectum informet, & illum actualiter intelligentem denominet, quamdiu subsistit, tandiu per manet actualis intellectio: Unde S. Augustinus lib. 9. cap. 8. ait: *Conceptam rerum veram notitiam, tanquam Verbum apud nos habemus, & dicendo intus gignitur, nec à nobis nascendo discedit*. Subjicitur denique, *representans Verbum divinum*: Senim Augustinus lib. 9. divini Verbi originem, & naturam ex quadam similitudine cum Verbo nostro investigat; unde cap. ultimo ait: *Est quoddam imago Trinitatis ipsa mens, & notitia ejus, quæ est proles ejus, ac de seipsa Verbum ejus, & amor tertius*.

His prælatis tria sunt resolvenda:

Pri.

Primo, quòd processiones divinæ sint veræ actiones, non verò tantum emanationes, & quasi resultantiæ unius personæ ab alia: *Secundò*, quòd non sint actus essentialiter intelligendi, & volendi: *Tertiò*, quòd sint dictio, & spiratio ex æquo ab intellectiōe, & amore distinctæ.

CONCLUSIO PRIMA.

PROCESSIONES divinae sunt veræ, & propriæ actiones vitales, & non puræ, ac simplices emanationes. Hæc videtur esse genuina sancti Thomæ, & Subtilis Doctoris sententia, illi namque prima parte q. 40. art. 2. ait; *Origo activè significata significatur, ut progrediens, à persona subsistente: Unde præsupponit eam; origo autem passivè significata, ut natiuitas, significatur ut via ad personam subsistentem, & nondum ut eam constituentem: Et q. 41. art. 2. ad secundum: Remoto inquit, motu actio nihil importat, quàm ordinem originis, secundum quòd à causa aliqua, vel principio procedit in id, quod est à principio. Quibus disertè pronuntiat originem, seu processionem divinam, esse modum aliquem veluti medium inter personam producentem, & productam, adeoque non esse simplicem resultantiam immediatam unius personæ ab alia.*

Ipsi concinit Doctor in 1. dist. 28. q. 3. n. 3. dicens. *Origo, ut origo non est propria forma, nec persona, in qua est, nec persona ad quam est, sed est quasi via: & tunc neque prima persona est forma, sed quasi præsupponit eam. Quasi dicet, originem formaliter consideratam, viam esse inter personam producentem, & personam productam; adeoque non esse formam propriam constitutivam illius ex ipsis, sed præsupponere personam producentem jam propriâ suâ formâ constitutam, & esse rationem, quâ persona producta recipit suum esse: At hoc est veram habere rationem actionis: Ergo reverà illi*

consent divinas processiones esse veras, ac propriè dictas actiones; non verò simplices emanationes, & resultantias metaphysicas. Hæc ipsa veritas firmari potest illis omnibus sanctorum Patrum sententiis, quas infrâ referemus, ut probemus Verbum divinum à Patre procedere per veram, & propriè dictam generationem, sicut, & Spiritum sanctum à Patre, & Filio per activam spirationem; generatio enim, & spiratio sunt veræ actiones: Ergo tales dicendæ sunt divinæ processiones.

Probatur etiam hæc ipsa veritas ratione Theologica. Primo quidem: Alièr essentia divina determinatur ad Filium, & Spiritum sanctum, quàm ad Patrem: Sed ad Patrem determinatur per simplicem resultantiam: Ergo ad Filium, & Spiritum sanctum determinari non debet per simplicem resultantiam; sed per realem, & propriè dictam actionem. *Major* patet: Siquidem essentia divina non determinatur ad Filium, & Spiritum sanctum, nisi quatenus dicuntur produci; Pater autem à nullo producitur: Ergo aliter ad eum, quàm ad alias personas essentia divina determinatur. *Minor* etiam est evidens: Siquidem ratio formalis constitutiva primi, suppositi non ab aliquo producitur, sed ab ipso merè divine naturæ oceano, quasi proprietas ab essentia effluit. *Deinde* simplex resultantia est ab ipsa natura substantiali immediatè; Proprietates enim metaphysicæ ab ipso merè essentia sinu immediatè effluunt: Ergo si processio Filii, & Spiritus sancti sit simplex, resultantia erit immediatè à natura divina; quod tamen Suarez ipse cum aliis Theologis negat, & impugnatur contra Durandum, ut parebit Articulo sequenti. *Denique* persona subsistens debet produci per veram actionem: Sed divinæ processio-

siones sunt productivæ personarum subsistentium, ut fide compertum est: Ergo illæ sunt veræ actiones.

Obijctis 1. In rebus creatis relationes non sunt per veram, & propriam actionem, sed resultant ex positâ fundamentum, & termino; unde Aristoteles in prædicamentis cap. de relatione affirmat, ad relationem non dari per se motum; Ergo similiter relationes personarum divinarum constitutivæ, non producuntur per veram actionem, sed per simplicem resultantiam, & emanationem. Consequentia videtur aperta, à creatis enim ad divina, cum proportionem procedere, & rationari licet.

Nego consequentiam, & ratio disparitatis est, quod cum relationes create sint accidentia exigua, & diminuta entitates, inquit Doctor, non possunt esse termini veræ actionis productivæ; unde aliter fieri nequeunt, quàm per puram emanationem, & simplicem resultantiam; Secus autem est de relationibus divinis, quæ, cum sint substantiales, & personarum divinarum constitutivæ; etiam habent perfectionem substantiarum, & rerum per se subsistentium, quæ propriè dicuntur fieri, & idcirco possunt esse proprii termini veræ actionis productivæ.

Obijctis 2. Actio propriè dicta, plures involuit imperfectiones, nempe, quod sit motus, egressio ab agente, & receptio in passio, & quod illius terminus sit realiter effectus, & actus, sicut principium est realiter agens, & efficiens: Sed omnes hæc imperfectiones Deum dedecore: Ergo actio propriè dicta ab eo est removenda.

Nego majorem: Etenim actio secundum conceptum communem actionis solum est ultima actualitas agentis ab eo egredines, egressu quidem virtuali, in quo nulla imperfectio importatur, quia nec contingentiam, nec depen-

dentiam significat. Nec pariter exinde sequitur, quod terminus productus sit effectus, aut actus, sed tantum, quod sit verè, & realiter productus: Sicut, nec sequitur ex eo, quod Pater sit principium Verbi, quod Verbum dicatur principiatum, quia principiatum denotat inferioritatem, quæ Verbo repugnat.

Obijctis 3. Aristoteles 9. Metaph. cap. 7, in hoc distinguit operationem immanentem à transeunte, quod per hanc aliquid producatur, per illam verò nihil: Sentit ergo per actionem immanentem intellectus nihil reverà produci posse; adeoque illam non esse verè productivam; sed Personæ divinæ procedunt per operationes immanentes: Ergo illæ verè non sunt actiones productivæ.

Respondet Doctor in 1. dist. 3. qu. 7. circa finem, Philosophum esse intelligendum de actionibus operativis, quæ scilicet occupantur circa objectum, non quod producant, sed quod percipiant; quales sunt intellectio, volitio, sensatio, & appetitio, quæ idcirco propriè dicerentur *actus*, quàm *actiones* immanentes: Non verò loquitur de actionibus productivis immanenter, quales sunt *dictio*, & *spiratio activa*, quæ Aristoteli non fuerunt competente: Si enim reverà per actiones immanentes absolurè nihil fieret, sequeretur, nec intellectum creatum, nec divinum esse verè productivum. Verbi, quod rationi nedum, sed, & fidei videretur adversari.

CONCLUSIO SECUNDA.

Actus essentialiter intelligendi, & volendi in Deo, seu INTELLECTIO, & VOLITIO divina non sunt actiones, quibus divina Personæ procedunt: Hæc videtur esse aperta sanctorum Patrum sequenti conclusione laudandorum sententia, quam Subtilis Doctor locis supra citatis variè probat: *Primo* quidem,

N

in-

intellectio, & volitio essentialis sunt communes utribus Personis: Sed actus notionales, seu processiones activæ, non sunt eis communes, ut constat: Ergo, &c. *Deinde* si actus illi intelligendi, & volendi essent ex se productivi Personarum, sequeretur, quod divinæ Personæ singulæ à singulis procederent, imò etiam à seipsis: Cum enim illi actus sint essentialis, reverà sunt in qualibet persona, & sic in qualibet persona producerent. *Denique*: Si illi actus essent productivi, & deessent alicui divinæ Personæ, sequeretur eam non esse beatam: Personæ enim divinæ beantur per actus essentialis intelligendi, & volendi. Concludendum ergo processiones divinas in illis actibus non consistere.

Reponunt aliqui Thomistæ, duplicem in Deo distingui posse actum intelligendi, & volendi, unum quidem *essentialem*, alium verò *notionalem*; per priorem quidem divinas Personas non produci, sed per posteriorem.

Contra: Hæc replica directè militat in S. Thomam; nam prima part. q. 34. art. 1. ad 2. ait: *Nihil eorum, quæ ad intellectum pertinent personaliter dici in divinis, nisi solum Verbum*: Et ad 3. *Intelligere importat solam habitudinem intelligentis ad rem intellectam, in qua nulla ratio originis importatur; sed verbum importat principaliter habitudinem ad Verbum conceptum*. Non admittit ergo duplicem illam intellectionem, quarum una sit essentialis, alia notionalis, imò distinguit intellectionem à dictione, dicitque illam esse improproductivam, hanc verò productivam. *Deinde* si intellectio notionalis esset ab essentiali distincta, maxime per relationem; Notionalia enim non aliter distinguuntur in Deo ab essentialibus, & communibus; nisi quia illa dicunt relationem, hæc verò non ita: Sed relatio non est sufficiens ad constituen-

dam aliquam intellectionem ab essentiali formaliter, aut virtualiter distinctam; quia omnis intellectio est actus vitalis, & perceptio objecti, circa quod occupatur, quatenus objectum est. Relatio verò divina, neque est actus vitalis, neque perceptio objecti, sed tantum est terminus naturæ divinæ constitutivus personæ, neque circa objectum occupatur quatenus objectum est, sed tantum illud respicit quatenus ejus terminus est: Ergo, &c.

Denique in Deo non possunt poni plures Deitates, quarum una sit essentialis, & alia notionalis: Ergo, nec plures intellectiones, & amores. Patet consequentia à paritate rationis: Ideo enim Deitas non potest multiplicari, quia est formaliter infinita; Implet autem esse plura infinita ejusdem rationis, quia infinitum complectitur omnem omnino perfectionem excogitabilem intra proprium genus: Sed intellectio, & amor in Deo non minus sunt, quid infinitum in ratione intellectionis, & amoris, quam Deitas in ratione Deitatis: Ergo, si non possit esse duplex Deitas, non poterit in Deo admitti duplex intellectio.

Reponunt alii, Processiones divinas activè sumptas esse quidem ipsosmet actus intelligendi, & volendi, non quidem absolute, sed cum hac modificatione, ut intellectio quatenus in Patre, sit expressio Verbis non autem in Filio, & Spiritu sancto; idem dicendum de amore divino. Quasi dicerent: Intellectio, & amor essentialis, prout sunt in aliquibus personis, habent terminum, in aliis verò non; quod utique explicant, & confirmant exemplò intellectus, & voluntatis, quæ sunt principia harum processionum, & personarum; nam licet intellectus, & voluntas sint in omnibus personis, non tamen in omnibus princi-

ciunt, & producunt. Ergo, in-
quunt, sicut intellectus, & voluntas
communiceant pluribus personis ab-
sque eo, quod circumferant secum
processionem, & principiationem,
quidni idem dicendum sit de intelle-
ctione, & amore illo essentiali.

Contra: Vel illa modificatio addit
aliquid reale intellectui, & amoris
essentiali, vel nihil: Si nihil addat:
Ergo non est ratio cur in una persona
producat terminum, non verò in alia:
Idem enim manens omnino idem, sem-
per natum est facere idem, ut solitò
loquuntur Philosophi. Si addat ali-
quid, maximè, vel aliquid essentiali,
vel notionale. Non primum, quia
recurrat eadem difficultas; essentialia
enim sunt communia tribus personis:
Non etiam secundum, nihil enim est
notionale, præter relationes constitu-
tivas personarum; Relatio autem, ut
diximus, nec est formaliter intelle-
ctio, nec eadem formaliter cum intel-
lectione; nam totum esse relationis est
ad aliud se habere; totum verò esse
intellectionis est percipere objectum,
& illud repræsentare; quæ duo sunt
formaliter distincta. Adde, si illa mo-
dificatio addat aliquid essentiali in-
tellectioni, quod sit ab ea, vel moda-
liter, vel formaliter distinctum; jam
intellectio non erit productiva termi-
ni, ut intellectio essentialis est, sed
tantum, ut est intellectio notionalis;
falsum est autem distinguendas esse
duas intellectiones, quarum una sit
essentialis, alia verò notionalis: Er-
go, &c.

Ad confirmationem dico nullam esse
paritatem; aliud enim est posse prin-
cipiare, & aliud principiare de facto;
potest enim separari actualis princi-
piatio, seu productio à potentia, à
qua oritur; non tamen principiatio
potest à seipsa sejungi; fieri enim po-
test Verbi gratia, ut ignis, seu calor

non calefaciat; fieri verò nequit, quòd
calefactio actualis non calefaciat,
quia ejus essentia tota est in actu se-
cundo, seu in actuali productione ca-
loris: Si ergo actualis productio per-
sonarum sit ipsa intellectio, & volitio
essentialis; implicat, ut sint in aliqua
persona, nec in ea producantur termi-
num.

Reponunt cæteri, intellectionem, &
volitionem esse productiones, & pro-
cessiones personarum, non ut actus,
sed ut actiones *Dicendi*, ac *Spirandi*.

Contra: Intellectio est quid formaliter
distinctum à dictione: Ergo non
sunt unum, & idem, & malè confun-
duntur ab Adversariis. Probari an-
tecedens: *Intellectio* enim est quid ab-
solutum in divinis, *Dictio* verò est quid
relativum; seu quod idem est, *Dictio*
est quid notionale, *Intellectio* verò
quid essentiali: Sed clarum est essen-
tialia à notionalibus distingui, & eò-
dem modò analogicè in divinis se ha-
bere, quò apud nos substantia, & ac-
cidents, vel essentiali, & accidentale.

Deinde *Dicere* opponitur relativè
Dicto, seu Verbo, quod dicitur: Sed
Intelligere non opponitur ipsi Verbo;
alioquin distingueretur ab eo realiter:
Ergo dicere, & intelligere non sunt
unum, & idem.

Denique: Paternitas ipsa formaliter
est dictio; sed illa non potest esse in-
tellectio, ut jam diximus: Ergo intel-
lectio, & dictio non sunt unum, &
idem formaliter.

Reponunt aliqui, dictionem non esse
quidem formaliter intellectionem, be-
nè verò realiter: Ac hoc nihil aliud
est, quàm apertè transire in senten-
tiam Scoti, qui dictionem tantum
formaliter ab intellectione essentiali,
sicut, & ab essentia censet esse distin-
guendam; sicque sola supererit dispu-
tatio de nomine, quæ nempe Thomi-
stæ appellant intellectionem realiter,

quod nos formaliter dictionem appellamus. Nihilominus in hoc etiam videtur multum à vero exorbitare, si enim sufficiat realis identificatio Dictionis cum intellectione, ut dictio appelletur intellectio; jam volitio erit processus Filii, nam volitio, seu amor est realiter dictio: Tum essentia erit etiam productio sibi, nam etiam essentia est realiter dictio.

Reponunt 2. aliqui *Dicere* quidem esse aliud ab *Intelligere*, sed tantum sicut includens ab incluso. Sicut enim homo est aliud ab animali, quia nimirum includit animal, & ei addit aliquid aliud, nempe rationale; ita à pari actus notionalis, præter ordinem, quem actus essentialis dicit ad objectum cognitum, addit ordinem ad terminum productum per ipsum; intellectus enim divinus, inquit, simul intelligit objectum producendo terminum, & producit terminum intelligendo objectum.

Respondet, quòd *Dicere* divinum non includat intellectiorem essentialem, sicut homo includit animal; quia homo addit rationem aliquam, & differentiam perfectivam animali, nempe rationalitatem: Unde rationalitas est quædam animalitas, *Sicut sifio pedum est pedalitas*, inquit Aristoteles lib. 7. metaph. Sed dictio non includit aliquid intellectiorem in suo conceptu, alias persona dicens plus intelligeret, quia haberet aliquam intellectiorem, quam non habet persona, quæ non dicit, adeoque una esset sapientior altera, quod implicat.

Deinde dictio, ut probatum est, formaliter est actio: Intellectio verò non est actio, sed operatio: Ergo una aliam non includit formaliter, sunt enim disparati generis, & omnino diversi.

Denique illud, quod adderet dictio supra intellectiorem, vel esset intra lineam, & rationem intellectiorem, &

sic esset quid essentialis, & proinde commune sicut, & ipsa intellectio: Vel esset quid distinctum, adeoque aliquid notionalis, & sic dictio revera erit formalitas distincta ab intellectiione essentiali, quod intendimus.

Probat 2. *Conclusio*: Si productio Verbi divini esset formaliter intellectio essentialis, sequeretur Patrem non communicare essentiam perfectè beatam Filio, nec Patrem esse beatum ante productionem Filii: Sed consequens est absurdum: Ergo, & antecedens. Patet sequela majoris: Quia beatitudo consistit potius in actu voluntatis, quàm in actu intellectus; beatitudo enim est fruitio, quæ est formaliter actus voluntatis: Sed intellectio præcedit actum voluntatis, adeoque præcedit ipsam fruitionem, in qua formaliter consistit beatitudo: Ergo si Verbum divinum produceretur per intellectiorem, Pater conciperetur eum producere antequàm esset beatus, & sic Filius reciperet essentiam nondum perfectè beatam. Quæ si ita sint, aut Filius deinceps est beatus, & sic habet aliquid non acceptum à Patre; aut non est beatus, & ita non erit Deus, qui est ipsamet beatitudo.

Nec refert, quòd reponant Thomistæ beatitudinem non consistere formaliter in actu voluntatis, sed intellectus; nam quamvis hoc esset verum, quod tamen falsum esse demonstravimus in Philosophia, attamen præfata ratio eos semper urget. Inde enim etiam sequitur, quòd aliquid notionalis esset prius, aliquò essentiali, cuius contrarium receptum est apud Theologos. Patet sequela: Quia productio verbi, si fiat per intellectiorem, erit prior amore essentiali; intellectio, enim amorem præcedit.

Confirmatur; nam si intellectio est actualis productio, pro quocumque instanti erit intellectio essentialis, etiam

etiam erit productio Verbi: Sed intellectio necessarii præcedit amorem essentialem: Ergo sequitur, quod si Verbum producatur per intellectionem essentialem, ejus productio præcedit eum amorem, adeoque aliquid notionale est prius essentialibus, quod repugnat.

Tertiò denique probatur eadem Conclusio: Si Verbum esset terminus divinæ intellectionis, ut intellectio est, sequeretur Patrem esse formaliter intelligentem Verbum; &que ita formaliter sapientem sapientiâ genitâ; Sed consequens est contra sanctos Patres, & Doctores: Ergo &c. Patet sequela majoris: Quia Pater est intelligens formaliter intelligit intrinseco termino suæ intellectionis, quando talem terminum sibi vindicat intellectio; idcirco enim Thomistæ affirmant à nobis produci Verbum per intellectionem, ut per illud intelligatur objectum. Minor patebit infra, & sufficienter probatur per S. August. lib. 15. de Trinit. cap. 7. *In illa Trinitate, inquit, quis audeat dicere Patrem, nec seipsum, nec Filium nec Spiritum sanctum intelligere, nisi per Filium?* . . . *Si enim ibi solus Filius intelligit, ut intelligentia sit, & sibi & Patri, & Spiritui sancto, ad illam reditur absurditatem, ut Pater non sit sapiens de seipso, sed de Filio, nec sapientia sapientiam genuerit, sed eâ sapientiâ Pater dicatur sapiens esse, quam genuit. Vbi enim non est intelligentia, nec sapientia esse potest, ac si per hoc Pater non intelligit ipse sibi, sed Filius intelligit Patri, profectò Filius Patrem sapientem esse facit.*

Obijciunt primò Thomistæ varias sanctorum Patrum auctoritates, quibus insinuate videntur nos intelligendo, & cogitando dicere in corde, & producere verbum mentis; ex quo Verbi divini similem productionem colligunt: In primis sanctus Augustinus

lib. 15. de Trinit. cap. 10. *Et si, inquit, verba non sonent, in corde suo utique dicit, quid cogitat.* Quod utique probat variis Scripturæ textibus, maxime verò Sapientiæ 2. Dixerunt apud se cogitantes non rectè *Matth. 9.* Dixerunt, intra se, hic blasphematur, quæ dictio statim explicatur, cum subditur. Cum vidisset Jesus cogitationes eorum. Item cap. 15. COGITABAT INTRA SE Dicens. Et Luca 5. COEPERUNT COGITARE DICES. Ex quibus concludit S. Augustinus; *Quadam ergo cogitationes loquutiones sunt cordis: Et infra: Intus cum cogitamus loquutio, & visio unum est . . . Formata quippe cogitatio ab ea re, quam scimus Verbum esse, quod in corde dicimus.* Afferit autem ibidem hoc esse transferendum ad Verbum divinum dicens; *Quisquis hoc intelligere potest, nempe nos cogitando dicere verbum mentale; jam potest videre per hoc speculum, atque in hoc Enigmate aliquam Verbi illius similitudinem, de quo dictum est IN PRINCIPIO ERAT VERBUM.* Ipsi concinunt S. Fulgentius l. 1. ad Monimum cap. 7. *Sic est, inquit, Verbum, apud Deum, sicut est in mente Verbum, sicut in corde consilium: cum enim mens apud se Verbum habet, utique cogitando habet, quia nihil aliud est apud se dicere, quam apud se cogitare: Nec non, & S. Anselmus in Monologio cap. 28. Hæc inquit, ipsa locutio nihil aliud potest intelligi, quam ejusdem Spiritus intelligentia, qua cuncta intelligit, quid enim est aliud illi rem loqui aliquam hoc loquendi modo, quam intelligere? Quamvis statim in eodem capite, & sequenti 29. restringat hanc locutionem, ut sit ipsum Verbum genitum. Rursus cap. 34. Idem est, inquit, summo spiritui scire, quod intelligere, seu dicere: Et cap. 46. circa med. Rem cogitare, cuius memoriam habemus, hoc est mente eam dicere.*

Respondeo SS. Patres his, & similibus loquendi modis nihil aliud velle, quam

quàm , quòd dicamus , & loquamur mentaliter , quando aliud cogitamus , five interim illa cogitatio sit illa actio , quâ producitur Verbum mentis , five illius verbi in intellectu formalis receptio. Quod non ita exactè expenderunt præter unicum Augustinum , qui hæc subtilius inquitens etiam Doctore Subtili anam præbuit , ut Verbi productionem à simplici cogitatione distingueret . Itaque cæteri Patres arbitran-tes ad explicationem hujus mysteriï sufficere , quòd sicut nos , quando cogitamus intra nos effingimus rei cogitatz imaginem , quæ Verbum mentis appellatur ; sic Deus Pater suam essen- tiam concipiendo efformat Verbum sibi consubstantiale , quam Verbi conceptionem , improprie cogitationem , & intellectionem appellant ; ita quòd simplicem cogitationem cum vera dictione interna confundunt . Quam etiam sermonis improprietatem nota- vit S. Thomas 1. part. qu. 34. art. 1. ad secundum , & tertium , & aperte col- ligitur ex ipsomet S. Anselmo loco laudato ; nam cap. 58. ait , *Sicut Pater est intelligens , & Filius est intelligens , & Spiritus Sanctus est intelligens ; ita Pater est dicens , & Filius est dicens , & Spiritus Sanctus est dicens* . Quibus aperte confundit dictionem cum intellectione simplici ; certum est enim quòd Filius , & Spiritus sanctus sint reverà intelligentes , sicut Pater , intellectione videlicet essentiali , non verò sunt dicentes dictione productiva Verbi .

Ad sanctum Augustinum autem dico , eum esse intelligendum de dictione , & locutione quasi in facto esse ; ita quòd , quemadmodum Verbum exterius prolatum his vocabulis , locutio , dictio , dictum , Verbum tanquam Synonimis appellatur , licet proprie locutio , & dictio , sint expressio , seu productio Verbi , & quasi Verbum in fieri ; ita locutio interna sumitur aliquando

pro cognitione , quasi in facto esse , quæ cogitatio sic usurpata , est ipsum Verbum productum : Unde sanctus Augustinus post verba superius laudata , subdit : *Formata cogitatio ab ea re , quam scimus , Verbum est* .

Obijciunt 2. Omnis operatio intellectus est intelligere : Sed dicere , seu loqui mentaliter est formaliter operatio intellectus ; Ergo dicere , seu loqui mentaliter est intelligere .

Distinguo majorem : Est intelligere , vel radicaliter , vel formaliter , concedo ; formaliter tantum , nego : Itaque omnis operatio intellectus dici potest intellectio radicaliter , & denominativè , quia provenit à potentia intellectiva , non verò formaliter quasi esset reverà intellectio , & formalis cogitatio ; duplicem enim intellectus habet operationem , nempe dictionem , productivam Verbi , & intellectionem , quæ in creatis , est ipsa formalis Verbi producti receptio .

Urgebis : Si actio illa , quam dictionem appellamus , non sit formaliter intellectio : non erit ab intellectu formaliter , seu quatenus intellectus est , sed solum quatenus potentia productiva est , & sic Verbum divinum tantummodo velut materialiter procedet ab intellectu , hoc est à principio , quòd realiter tantum est intellectus , non verò formaliter : Sed consequens est falsum ; Si enim Filius non proveniat ab intellectu , quatenus est formaliter intellectus , sequitur , quòd ex vi suæ processionis non possit proprie appellari , *Verbum mentis Paternæ* , neque procedere de memoria Patris , neque esse sapientiam de sapientia , & visionem de visione , ut loquitur sanctus Augustinus libro 15. capite 7. & 13. Ergo , &c. Probatum maior ; intellectus enim non est intellectus formaliter , nisi quatenus sese explicat in actum intelligendi , qui est actus adequatus intellectui , qua-

quatenus intellectus est.

Distinguo majorem: Non erit formaliter ab intellectu, quatenus intellectus est, seu quatenus producit actum; qui sit formaliter intellectio, concedo: quatenus producit actum, qui sit intellectio saltem radicaliter, nego. *Probationem* similiter distinguo; adæquatus actus intellectus est intellectio, vel formaliter, vel radicaliter, concedo; formaliter tantum, nego. Adde, quod retorqueri possit in Adversarios argumentum; nam intellectio, ut intellectio est formaliter, non est dictio; at ipsi fatentur Verbum divinum non procedere ab intellectu divina, quatenus intellectio est formaliter; hæc enim communis est tribus divinis personis; Sed tantum, quatenus modificata est in primo supposito, & appellatur *dictio*: Ergo præfatum argumentum magis in eos, quam in nos militat. Nec inde sequitur Filium non rectè Verbum, neque sapientiam, & visionem de visione, &c. appellari; imò suam Verbi appellationem habet à memoria fecunda Patris, à quo per dictionem producitur, & rectius nominatur Verbum, quam si fieret per intellectio; sic enim non Verbum prolarum, sed tantum cogitatio, vel intellectio Patris esset dicendus: Verbi autem appellationem sequuntur cæteræ præfatæ ipsius denominationes, quæ Verbo sunt synonymæ.

Obijciunt 3. Divinæ processiones non solum sunt personarum productiones; sed etiam communicationes naturæ, actuumque essentialium. Processio enim debet continere in fieri quidquid terminus per eam productus continet in factio esse: At Verbum productum continet naturam, & actus essentialia: Ergo illius processio etiam divinam naturam, & actum essentialialem intelligendi debet continere, adeoque non alia debet esse, quam ipsamet divina intellectio.

Respondeo, equidem divinam processionem in fieri continere, & veluti communicare essentialia, & actus essentialia; sed nego exinde sequi, eam propterea esse debere formalem illum actum intelligendi, hac enim ratione Filii productio, etiam dici posset actus volendi; etenim in Filio non solum est Essentia divina, & actus essentialis intellectus Paterni, sed est etiam actus essentialis voluntatis ejusdem: Si ergo ad hoc, ut Filius habeat actum illum intellectus Paterni vi suæ processionis, opus est, ut ipse actus in ejus processione formaliter includatur; etiam opus erit, ut actus voluntatis in ea formaliter includatur, utpote cum habeat totam essentiam, & essentialia vi suæ processionis. Idem dici potest de Spiritu sancto. Non itaque idcirco essentialia Filio communicantur, quia ejus processio est actus essentialis, sed, quia essentia ipsa est alterum principium quo hujus partes, & productionis.

Adde, quod si vera esset Adversariorum illatio, etiam concluderet Essentiam divinam formaliter in dictione includi, quia Filius ex vi processionis suæ non minus habet Essentiam divinam, quam divinam intellectio; hanc autem sequelam nullus Theologorum admittit. Ergo nec admittere debet antecedens.

objiciunt 4. Si intellectio præsupponeretur dictioni, & esset quid commune tribus personis, sequeretur, quod Pater non magis se ipsum cognosceret in Verbo, quam ipsum Verbum, & Spiritus sanctus, dicerentur intelligere se in Verbo: at hoc est contra communem assertionem Theologorum dicentium Verbum repræsentare essentiam Patri; quo fit, ut illius imago appelletur. Ergo, &c. Patet sequela, quia si Pater intelligit intellectio essentiali, quæ non sit dictio formaliter,

ter, jam alie personæ erunt ipsi pares; siquidem etiam intellectiōne essentiali divinam essentiam intelligent, & sic cognoscent in Verbo, &c.

Distinguo sequelam: Non magis Pater diceretur seipsum cognoscere in Verbo, ratione operationis, concedo; ratione repræsentationis, nego; Etenim quando dicitur, quod Pater divinus seipsum cognoscat in Verbo, non est sensus; quod per productionem Verbi suam cognoscat essentiam, aliàs esset sapiens sapientiæ genitā, quod falsum esse supra dictum est ex S. Augustino; Sed sensus est, quod Pater dederit Filio vim repræsentandi illam essentiam tanquam suum Verbum, non verò Verbum aliarum Personarum. Quæmadmodum ergo Verbum creatum ipsi loquenti exprimit objectum; ita in divinis, licet Verbum non sit in dicente per modum informantis, sicut est in creatis, habet tamen ab eo peculiarem habitudinem, quā sit, ut magis ipsi, quàm cæteris personis divinam essentiam repræsentare dicatur.

Obijciunt 5. Idcirco Doctor Subtilis distinguit dictionem ab intellectu essentiali, ne scilicet Verbum dicatur procedere per operationem essentialem intelligendi tribus personis communem; Sed recurrit eadem difficultas admittendo actum in intellectu divino, ab intellectu essentiali distinctum; Ergo incidit in Scyllam cupiens vitare Charybdim. Probant minorem; Illa actio formaliter ex natura rei ab essentiali intellectu distincta, est in ratione actionis actus absolutus, sicut est intellectio ipsa; Ergo in ratione actionis communis est, & essentialis, sicut, & ipsa intellectio. Consequentia pater, antecedens probatur. Actio illa in ratione actionis ab intellectu dimanantis non est formaliter relatio, hæc enim nec productiva est, nec per modum actionis egreditur

ab intellectu, cum sic terminus divinæ naturæ ipsam in ratione personæ constituit: Ergo talis actio sub conceptu actionis: est quid absolutum sicut, & intellectio; nam in Deo quidquid non est relativum, est absolutum, & pertinet ad essentialia, ac proinde sequitur ex sententia Scoti, quod Pater per actum absolutum tribus personis communem, suum Verbum producat, quid nō ergo idem posset concedere de ipso intelligere essentiali, ne frustra multiplicentur actiones in Deo.

Nego minorem: Nec non, & majorem illius probationis: *Disio* enim, divina est re ipsa illa formalitas constitutiva primi suppositi; adeoque ipsa mer relatio Paternitatis: non quidem, quatenus consideratur sub præcisa ratione relationis referentis unum ad aliud, sed prout est illa ipsa operatio divina, quā primum suppositum suam existentiam, & essentialia sua communicat secundo supposito, ad quod propterea refertur tanquam generans ad genitum: Unde actio generativa in divinis dici potest formaliter relatio secundum adæquatam entitatem, etsi non sit formaliter relatio secundum inadæquatam entitatem, & diversam connotationem; unica enim, & eadem formalitas constitutiva primi suppositi varias fortiter appellationes, propter diversam connotationem terminorum, & varia munia; Primò namque constituit primam personam subsistentem incommunicabiliter; Deinde constituit principium potens producere, ut quæ; Tertiò tribuit activam generationem, sive dictionem, ac denique Patrem constituit actualiter, & quasi prædicamentaliter relatum ad Filium.

CONCLUSIO TERTIA.

REVERA Verbum divinum procedit per dictionem, & Spiritus sanctus per inspirationem activam. Hæc est Doctoris

ris

ris Subtilis ſententia, *Locus laudatis in priori concluſione*, & veritas hujus ſequitur ex præcedenti; etenim ſi Verbum, & Spiritus ſanctus non procedant per actus formales intellectionis, & amoris essentialis, ſive formaliter, ſive modificatè conſideratos, conſequens eſt, quòd neceſſariò procedere debeant per actus dicendi, & ſpirandi, alii namque in divinis excogitari non poſſunt.

*Probat*ur inſuper Concluſio à Doctore in 1.d.2.qu.7.nu.15. primò, quidem authoritate S. Auguſtini docentis ubique Verbum, tam divinum, quàm noſtrum produci à memoria ſecunda, non verò ab intelligentia: Sed memoria ſecunda productiva eſt per diſtinctionem, non verò per intellectionem: Ergo ex ſententia S. Aug. Verbum divinum reverà procedit per diſtinctionem, diſtinctam ab intellectione. Major patet, nempe, quòd Verbum tam divinum, quàm noſtrum à memoria ſecunda procedere debeat. S. Auguſt. id enim expreſſè habet lib. de Trinit. cap. 10. ubi de Verbo à nobis productio ita loquitur; *Neceſſe eſt cum Verbum loquimur ex ipſa ſcientia, quam memoria tenemus naſcatur Verbum formata, quippe cogitata ab ea re, quam ſcimus Verbum eſſe, quod in corde dicimus*; Dixerat autem paulò ante, ex hac noſtri Verbi ſimilitudine detegi poſſe productionem Verbi divini: *In hoc ſpeculo*, inquit, *atque in hoc enigmate videri aliquam Verbi illius ſimilitudinem, de quo dictum eſt IN PRINCIPIO ERAT VERBUM.* Utrumque verò tam divinum, quàm noſtrum Verbum à memoria ſecunda procedere ſatis apertè indicat ibidem cap. 14. *Verbum noſtrum*, inquit, *illud, quod non habet ſonum, inde utcumque ſimile eſt in hoc enigmate illi Verbo Dei; quod etiam Deus eſt, quoniam ſic, & hoc de noſtra ſcientia naſcitur, quemadmodum, & illud de ſcientia Patris natum eſt.*

Tom. III.

Minor ſimiliter eſt evidens: Intelligentia enim circa objectum percipiendum, memoria verò ſecunda, circa Verbum producendum verſatur; illa in ſimplici objecti viſione, hæc in termini ſui productione detinetur; illa ſola eſt operatio divinitatis, quæ perſonæ divinæ ſuam eſſentiam, & ſeipſas comprehendunt, hæc eſt diſtinctio, & productio, quæ Pater Filium generat ſibi omnino æqualem, vi ſux proceſſionis, & productionis. Quæ hanc adverſus concluſionem poſſent objici, jam ſoluta ſunt in præcedenti, & ſolvèntur in ſequentibus.

Rogabis, an actus intelligendi præſupponatur ad actum dicendi in divinis.

Aſſerunt communiter Scoriæ; Tum quia id perſpicuè videtur aſſerere Doctor Subtilis in 1.d. diſt. 2. qu. ultima, ut jam obſervatum eſt in primo notabili: Tum quia essentialia priora ſunt, quàm notionalia, intelligere autem eſt, quid essentialia, dicere verò quid notionalia; Tum denique, quia ex ratione principii perfecti eſt, ut prius habeat ſuam ultimam perfectionem, quàm producat; Intelligere autem, & velle videntur eſſe ultimæ perfectiones Deitatis, ideoque prius oportet, quod perſona divina ſit intelligens, & volens, quàm ex fecunditate naturæ producat Verbum. Secus autem contingit in creatis, ubi dicere præcedit intelligere, quoniam intellectus creatus non eſt formaliter intelligens, niſi per receptionem Verbi producti per ipſam diſtinctionem.

Nihilominus reclamant aliqui, quibus ſubſcribit Baronius noſter Apolog. 2. act. 4. circa finem, aſſerens in Patre priorem eſſe diſtinctionem intellectione, & volitione, quia, inquit, diſtinctio eſt conſtitutivum Patris, nihil autem eſt prius in aliquo, quàm ſit id, per quod conſtituitur: niſi enim poſſet

test esse in aliquo, priusquam illud sit, nec potest illud esse priusquam in esse constitutur, nec potest constitui, nisi per principium sui constitutum; adeoque nihil potest esse in Patre, priusquam Pater constitutur in suo esse Patris: Non constituitur autem in illo esse, nisi per dictionem, quæ, ut supponitur est ipsamet generatio activa; Unde concludit, quod quavis absolutè in Deo prius sit intelligere, quàm dicere, tamen in Patre, prout in Patre reduplicativè prius est dicere, quàm intelligere; sicut quavis animal sit prius, quàm rationale, tamen, prout est in homine prius est rationale, quàm animal; unde cum Pater constitutur in esse Patris per dicere, necessum est, quòd prius dicat, quàm intelligat, quia prius est Patrem esse, quàm intelligere.

Verum reclamant cœteri Scotistæ cum Rada prima parte Controversiæ 12. art. 3. Tum quia ex Doctore Subtili Pater prius est beatus, quàm generet; Beatitudo autem, vel est in intelligentia, vel in volitione, vel in utroque; Ergo prius intelligit essentiam suam Pater divinus, quàm dicat, & producat Verbum suum. Tum quia quoties aliqua necessarium ordinem servant inter se, eundem necessariò servant ubicumque inveniuntur; Sed intelligere secùdum se est prius, quàm dicere: Ergo etiam in Patre intellectio dictionem præcedit: nec juvat exemplum animalis. Falsum enim est, quod in homine prius sit rationale, quàm animal, nam utrumque concurrat ad constitutionem hominis: animal quidem, ut prædicatum superius, rationale verò, ut prædicatum inferius: ita à pari intelligere, & dicere simul constituunt Patrem, intelligere quidem, ut prædicatum superius, dicere verò, ut prædicatum ultimum, ideoque hoc illud supponit: Tum denique

quæ quiddid sequitur ad prædicatum notionale non communicatur aliis personis; est enim proprius personarum divinarum character: Sed intelligere divinum communicatur pluribus, & transit ad omnes personas divinas: Ergo non supponit dictionem, quæ est prædicatum notionale, sed præcedit.

QUAESTIO QUARTA.

An, & quæ Processio in Divinis sit generatio?

FIDEI divina certum est in divinis admittendam esse generationem; Id enim clamant Scripturæ utriusque Testamenti, quibus ipsa divina generatio expressè asseritur. Sic Psalm. 2. *Ego hodie genui te*: Psalm. 109. *Ex utero ante Luciferum genui te*. Isaiæ ultimo. *Numquid ego qui alios parere facio, ipse non pariam?* Confirmant, & omnes illi textus, maximè novi Testamenti, quibus attribuitur Deo Filius: Filiatio namque infert certissimè generationem. Suadent, & omnia illa divina oracula, quibus Christus Dominus *Filius Dei vivi* pronuntiatur, & ipse, met Deum *Patrem suum* constantet appellat. Itaque de veritate generationis divinæ non est relictus ambigendi locus; Sed grandis, gravisque remanet solvenda difficultas, an utraque divina processio, tam Verbi, quàm Spiritus sancti vera dicenda sit generatio, an-ve sola Verbi emanatio verè, perfectæque generationis nomen sibi vindicet. Quocirca.

Notandum 1. Eam fuisse veterum Patrum sententiam, reverà quidem in Deo admittendam esse aliquam generationem, quæ vere, proprièque Pater sit, & appelleretur ille, qui genuit; & qui genitus est, reverà licet, & nominetur *Filius*. Qualiter autem fiat illa generatio, & quæ de causâ unica ex di-

vi.

vinis Personis productis *Filius* appellatur; censuerunt, non esse accuratius explorandum: *Indecorum enim est, inquit S. Athanasius Orat. 3. quærere, quomodo ex Deo Verbum exsistat, aut quomodo sit Deus splendor, aut quomodo generet Deus, & qui sit modus generationis Dei. Insanus enim sit, qui talia audeat, cum inexplicabilem rem, ac divina natura propriam, soli que ipsi, & ejus Filio cegnam oratione sua declarare conetur.* Ei concinit Nazianzenus Orat. 1. de Filio, *Quomodo genitus est, inquit, (idem enim indignabundus repeto) Dei generatio bonoretur silentio: Abundè tibi magnum est sciri eum esse genitum; Quo autem modo genitus sit, ne ipsi quidem Angelis nūquam tibi intelligere concesserim, vis declarare quomodo? Ut sit Pater, qui genuit, & Filius, qui genitus est. Quod supra hac est, nūc regitur, & ebrietudinem tuam effugit. Ipsi præverat Iræneus capite 48. qui illud usque adeo ignotum esse dicit, ut id sciant, Neque Angeli, neque Archangeli, neque Principes, neque Potestates, nisi solus, qui generavit Pater, & qui natus est Filius. Inenarrabilis itaque generatio ejus cum sit, quicumque nūntiatur generationes, & prolationes enarrare, non sunt competes sui, ea qua inenarrabilia sunt enarrare promittentes.*

Eadem fuit Patrum Latinorum sententia. Nam S. Ambrosius lib. 11. de Fide cap. 5. dicit, *Impossibile esse generationis istius scire secretum:* Et rursus, *Licet scire, quid natus sit, non licet discutere, quemadmodum natus sit: illud negare mihi non licet; hoc quærere metus est.* Et ibidem hanc inquisitionem nominat *quæstionum tormenta.* Ei subscribitur S. Augustinus pluribi, maxime verò libro 3. contra Maximinum cap. 14. & 15. de Trinit. cap. 27. & Tract. 99. in Joannem, ubi ait, *Quid illis interfit, inter procedere, & nasci, longum est querendo differere; & temerarium, cum differneris definire, &c.*

Nihilominus pium est, & utile humiliter, ac sobrie disputando quærere rationem discriminis, quò generatio Verbi à processione Spiritus S. distinguitur; dummodo illa ipsa disputatio Fide primariò nitatur, & secundariò clarior appareat naturali ratione, quæ fidei serviat, ut ancilla; eoque confilii disputatio suscipiatur, ut palam fiat vanas, & sophisticas esse contra hoc mysterium Hæreticorum objectiones. Unde meritò S. Justinus martyr in expositione fidei de Trinitate postquam ostenderat, Nullo modo nos posse penetrare ad divinam Essentiam, nec ad ejus mysteria: Subdit, non debemus tamen in totum ab ea quærenda desistere; sed pro sua quisque portione accepta à Domino scientia strenuè rem examinet, certus non quidem exactè se percepturum; profuturum tamen per hujusmodi contemplationem accedendo ad illum propius.

Notandum 2. Generationem viventium triplicem distinguì posse; accipitur enim *Primò*, pro cujuslibet viventis productione, sive interim talis productio fiat à vivente, sive non; sive à causa ejusdem naturæ cum effectu, sive à diversa, & sic productio animalium è pueri materia, Solis, aut ignis beneficiò, dici potest generatio. Sic formatio Adami ex limo terræ, & Eva ex costâ ipsius Adæ generationis nomen sortiri potest, terminus enim talium productionum est substantia vivens.

Secundò, Strictius generationis nomen accipitur, scilicet pro productione viventis à vivente, qualiter accepta solito describitur: *Origo viventis à vivente, medio principio vita conjuncto, in similitudinem naturæ.* Quæ descriptio quatuor involvit particulas ad generationem desiderandas. 1. *Ut sit Origo viventis*, quia nativitas pertinet tantum ad viventia. 2. *A Principio vivente*, ut à perfecta generationis acceptio-

ne arceantur productiones viventium ab igne, Sole, & aliis causis vitæ expertibus. 3. A *Principio vitæ conjuncto*, id est, ut id, per quod genitum produciatur, fuerit aliquando generanti viventi conjunctum; genitum enim fit per semen à generante vivente decisum: Qua ratione productio Adæ dici nequit generatio; quia licet fiat à Deo vivente, non tamen fit per substantiæ divinæ decisionem, & communicationem. 4. In *similitudinem naturæ*, non quidem individui; genitum enim aliquando genitori suo in perfectionibus, tum substantialibus, cum accidentalibus prorsus assimilabile cernitur: Sed in similitudinem naturæ, vel genericæ, scilicet animalis ab animali, qualis est generatio muli ex equo, & asina; vel specificæ, qualis est generatio hominis ab homine.

Tertio denique: Generatio viventium spiritualium strictissime sumpta describi potest: *Origo viventis intelligentis à vivente vitæ intelligentiæ, mediante principio vitæ intelligentiæ conjuncto*. Quibus comprehenditur generatio omnium hominum, & excluditur animantium, ac plantarum productio: Hanc autem generationis descriptionem Verbi divini productioni congruere probat Doctor in primum distinct. 5. q. 2. nm. 3.

Notandum 3. Duplicem maxime differentiam assignari posse, inter actum intellectus, & voluntatis: Prima est, quod omnis actus voluntatis sit liber, saltem libertate essentiali, quæ consistit in ordine, quem dicit actus ad principium se se eligibiliter, & delectabiliter determinans ad actum: Actus autem intellectus non sit liber, sed naturalis, quæ naturalitas consistit in eo, quod actus proveniat à principio naturæ suæ determinato ad actum; quod quidem discrimen statuit Doctor in 1. dist. 10. ut fusius patebit infra.

dum expressè agemus de libera Spiritus sancti processione.

Secunda differentia est, quod actus intellectus habeat rationem imaginis, & similitudinis representantis suum objectum, quod est ejusdem actus principium, cum ipso intellectu; Per objectum enim, vel per speciem ab objecto, quasi ejus semen exceptam, intellectus redditur fecundus ad concipiendum Verbum mentale, quod est imago objecti: Actus autem voluntatis non habet illam rationem imaginis, & similitudinis representantis objectum suum, sed habet rationem inclinationis, & propensionis in objectum, ut observat S. Thomas 1. p. q. 27. art. 4. Quam quidem amoris propensionem explicat similitudo unionis, seu vinculi, quod amans dicitur conjunctus amato, vel esse in illo, & quasi pondere quodam in illud ferri, vnde S. Dionysius cap. 4. de divinis Nominibus amorem appellat *virtutem unitivam*; cui concinit S. August. lib. 8. de Trinit. cap. 10. *Quid est amor*, inquit, *nisi quedam vitæ duo aliqua copulans, vel copulare appetens amantes, scilicet, & quod amatur?* Et lib. 13. Confessionum, cap. 9. *Pondus meum amor meus; eo feror quocumque feror*: Subscribit, & S. Bernardus serm. 83. in Cantica, ubi de Charitate ait; *Vere spiritualis, sanctique connubii contractus est iste: Parum, dixi contractus: complexus est, complexus planè, ubi idem velle, & nolle idem, unum facit Spiritum de duobus, &c.*

His ita prælatis, tria maxime hac in questione sunt resolvenda. 1. Quod Verbi divini productio sit vera generatio. 2. Quod processio Spiritus sancti non sit dicenda generatio. 3. Inquirenda est hujus discriminis causa, & proferenda genuina ratio quare Filii processio, non ita Spiritus sancti, appetitur generatio.

CONCLUSIO PRIMA.

VERBI divini processio est verè, ac propriè dicta generatio: Hæc est de fide, quoad utramque partem; id namque apertè definitum est in Conciliis Nicæno, Ephesio, Toletano, &c. in illis confessionibus fidei, quibus secunda divinæ Trinitatis persona *Filius, genitus*, & ab æterno Patre *natus*; non autem factus, nec creatus assertitur. Colligitur pariter ex variis Scripturæ sacræ locis, quibus, ut supra diximus, nedum in divinis probatur esse vera generatio; sed etiam illa ipsa divini Verbi processioni tribuitur; sic Psalmo 2. *Filius meus es tu: Ego hodie genui te*, quem quidem textum S. Paulus Epist. ad Hebræos explicat de æterna Christi Domini generatione.

Insuper ex illo Psalmo 109. *In splendoribus Sanctorum ante Luciferum genui te*. Quod quidem divinum Oraculum non de temporali Christi Domini natiuitate interpretandum venit, ut quidam tuerentur; qualiter enim ante Luciferum genitus diceretur, qui solum in medio temporum natus est; sed de illa ipsa divina generatione, cujus æternitas character & principium; illò ipsò Oraculo, exaratur: *Character* quidem cum dicitur *in splendoribus Sanctorum*, quò designetur eum esse genitum per fecunditatem luminis, seu divini intellectus Deitatis cognitione fecundati; unde etiam in Symbolo Nicæno rectè dicitur *lumen de lumine*; *Æternitatem* verò explicant sequentia verba, *ante Luciferum*; Hoc est, non solum ante creaturæ cuiusque productionem; sed etiam ante earum æternam ordinationem, & decretum de ipsis condendis: Hinc divina illa Sapiencia, Prov. 8. de seipsa dicit, *Ab æterno ordinata sum, antequam quidquam faceret à principio*; *nondum erant abyssi, & ego jam concepta eram*: Principium denique illius originis, & natiuitatis de-

signatur per sequentia verba, *ex utero genui te*; scilicet ex memoria fecundata, per cujus actum Pater communicat substantiam suam Filio: Unde quidam non immeritò arbitrantur his in verbis latere mysterium, videlicet Patrem divinum propter summam generationis perfectionem, tam Patris, quàm Matris officio fungi; Matris quidem, sicut indicat hæc particula, *ex utero*; Patris verò, ut significat ista *genui te*: Unde eum Synesius doctè, sapienterque *Patris-Matrem* appellat, hoc est, Patris, & Matris vices agentem in productione sui Filii.

Probatur etiam ratione: Illa processio verè, proprièque dicenda est generatio, cui tres ad perfectam generationem desiderandæ conditiones congruunt: At illæ omnes conveniunt æternæ Verbi productioni; Primò namque processio Verbi divini est processio viventis à vivente, Filii scilicet habentis vitam in semetipso à Patre vivente sibi communicatam, juxta illud Joannis 5. *Sicut Pater habet vitam à semetipso, ita dedit, & Filio vitam habere in semetipso*: Ubi quidem D. Augustinus Tract. 22. in Joannem distinguit duos modos habendæ vitæ; primus est à semetipso, qui soli Patri convenit; sicut enim est à se, ita habet vitam, non tantum in semetipso, id est subsistentem, sed etiam à semetipso, & non ab alio: Secundus est habere vitam in seipso subsistentem, & non à seipso, & hic convenit Filio habenti vitam à Patre. Secundò procedit à principio vivente vitæ intelligentiæ: Si quidem Deus Spiritus est, cujus vivere intelligere est; Verbum autem procedit per vim intellectivam, sive per intellectum fecundum, adeoque verè, & propriè dicitur procedere à principio vivente vitæ intelligentiæ.

Præterea eadem processio est à principio conjuncto; Principium enim produ-

ductivum Verbi manet ipsi conjunctum, cum totam in ipsum Pater effundat naturam, & substantiam suam, quod significatur his verbis *ex utero*; Nam, ut inquit S. Augustinus lib. 2. contra Maximinum: *Ideo nasci dicitur ex ejus utero, quia de seipso, hoc est, de substantia sua Deus Deum genuit: sicut ex utero Matris quando natus est, homo hominem genuit: ut intelligeremus in utraque generatione non diversas ejus, qui natus est, & eorum, de quibus natus est, esse substantias.* Quam veritatem luculenter etiam sic expendit Victor Episcopus in professione fidei ad Huncericum, quæ stat Tomo 4. Bibliothecæ Patrum. *Profitemur itaque Patrem, inquit, de seipso, hoc est de eo, quod ipse est sempiternæ, atque ineffabiliter Filium genuisse, non extrinsecus, non ex nihilo, non ex alia genuisse materia, sed ex Deo natum esse; & qui de Deo natus est, non aliud est, quàm id quod Pater est.* Concinit, & Conc. Toletanum 11. dicens. *Nec enim de nihilo, neque de aliqua substantia; sed de Patris utero, id est de substantia ejus idem Filius genitus, vel natus esse credendus est.*

Denique eadem processio est in similitudinem naturæ, eamque perfectissimam, nam ad Colossenses primo Filius dicitur *Imago Dei*: Et ad Hebræos primo appellatur *Splendor Patris*, & *figura substantiæ eius*. Imò nendum est in similitudinem specificam, qualis est perfecta generatio viventium; sed, & numericam, & identicam; Siquidem Pater divinus eandem numero suam naturam æternæ generatione Filio suo communicat; unde merito Joan. 2. Filius ipse pronunciat, *Ego, & Pater unum sumus*, non quidem unitate Personæ, ut dictum est, sed unitate substantiæ, & Divinitatis.

Dices 1. Processio Verbi divini fit per intellectum: Sed intellectus ex ra-

tione sua non est generativus, imò est non generativus; nec enim Angeli, neque homines per intellectum sibi similes procreant: Ergo divini Verbi productio non est generatio.

Distingue minorem: Intellectus non est generativus in creatis, concedo: in divinis, nego: Cum enim Verbum creatum sit tantum accidentale, minimeque sit consubstantialiter intellectui fecundo illius productivo; adeoque non sit univoca ejus conceptio: Inde fit, quòd, nec propriè, nec realiter, sed solum similitudinariè, & intentionaliter sit quædam generatio; quatenus nempe producit terminum, qui sit imago quidem objecti, sed imperfecta propter scilicet intellectus producentis limitationem, & finitatem, ratione cujus non habet virtutem elicendi ad æquarum omnino, & perfectam objecti similitudinem. Secus autem est de Deo; cum enim intellectus divinus sit infinitus, & illimitatus, non potest non producere Verbum, intellectui ipsius fecundo, hoc est conjuncto cum essentia divina primario ejus objecto, per omnia ad æquarum, & consubstantialiter; adeoque nendum similitudinariè, sed etiam vere, & realiter Verbi productio est generatio.

Dices 2. Ut aliqua productio vere generationis nomen obtineat, debet producere terminum similem producenti ex vi additionis, quæ ipsum producit: Sed Pater æternus id non præstat producendo Filium; Verbum enim ab eo productum, non fit ei simile in natura ratione actionis productivæ, nempe dictionis; sed ratione objecti concurrentis ad eam productionem cum intellectu, cujus quidem objecti Verbum productum est expressio, & similitudo.

Nego minorem, & ad ejus probationem dico: Quòd licet duo concurrant ad

ad integrandam memoriam fecundam, nempe intellectus, & objectum, tamen intellectus ipse cum sic agens, seu producens, dicitur formare similitudinem objecti dum Verbum producit; adeoque illa productio magis ipsius actioni, quam concursui objecti, tribuenda est.

Inflabis: Ut Filius divinus assimilaretur verè Patri producenti, deberet omnes ejus proprios characteres participare, adeoque deberet habere Paternitatem; hæc enim proprius est Patris character, qui eum in esse Patris constituit: sed id non obtinet; imò habet constitutivum, non solum disparatum, sed oppositum; scilicet Filiationem: Ergo rancum abest, ut sic principio producenti similis, imò est omnino dissimilis, adeoque non est verè generis.

Distinguo majorem: Deberet habere proprios Patris characteres essentialia, & composibiles cum Filiatione, concedo: Notionales, & impossibiles cum Filiatione, nego. Nec enim necesse est ad perfectam generationem, quod genus per omnia, & in omnibus assimilatur generi. Constat enim Filium in humanis, nedum habere Filiationem oppositam Paternitati, sed etiam suppositum, & differentiam individuale, quæ realiter, & personaliter à principio producente distinguitur. Ut ergo Verbum divinum principio sui productivo verè dicatur simile non est necessum, quod omnes ejus characteres obtineat, sed sufficit, quod eandem cum eo habeat essentialiam eandemque essentialia perfectiones.

Dices: 3. Idcirco divini Verbi productio diceretur verè generatio, quia illum à Deo genitum esse Scriptura affirmat: Sed exinde colligere non licet eum esse verè genitum, & productum de substantia Patris, & per communicationem illius ejusdem es-

sentia: Ergo nec ejus productionem veram esse generationem affirmare licet. *Major* patet ex dictis. *Minor* probatur: Siquidem non solum Verbum à Deo genitum, sed etiam homines eadem Scriptura pronuntiat, Deuteronom. 32. *Deum, qui te genuit dereliquisti:* Quod utique, non significat homines fuisse productos de illa Dei substantia, nec eorum productionem esse veram generationem.

Nego minorem; Sed ejus probationem dico: Verbum *generandi* in Scriptura sacra, sicut, & apud Philosophos trisariam usurpari, scilicet latius strictius, & strictissime, ut observatum est in 2. Notabili: Unde hominum productio dici potest generatio sumpta latius, quatenus nimirum est origo viventis à vivente in similitudinem saltem accidentalem naturæ: Verbi autem productio dicitur generatio strictissime sumpta, siquidem hæc per communicatam sibi divinam naturam, quæ ad eum derivatur per principium naturaliter productivum, nempe per intellectum divinum; quocirca unus, & verus est Deus cum Patre: Tenes enim natura veritas proprietatem, inquit S. Hilarius. ut quod ex Deo est Deus sit, & nec demutatio sit nativitas, nec diversitas; dum, & Filius non in naturam externam, ac dissimilem Patri Deo subsistit; nec Pater alienum quid à se nativitati Unigeniti acquires, sed universa potius, quæ sua sunt sine damno impertiens indulsit. Vel ut subdit lib. 11. *Nativitas Dei neque aliunde, neque aliud est: quæ si aliunde est, non nativitas est: Si verò aliud est, non Deus est.* Cùm autem ex Deo Deus est, per id Deus Pater Deo Filio, & nativitatis ejus Deus est, & natura Pater: quia Dei nativitas, & ex Deo est, & in eo genitus est natura quæ Deus est.

CONCLUSIO SECUNDA.

SOLA Filius productus, non item Spiritus sancti est vera generatio. Hæc etiam est de fide, determinatas in Conciliis Toletano 1. & 11. nec non, & Nicæno paulò post medium, ubi ait: *Unus ingenuus Deus, & Pater, unus ex eo genitus Filius, Deus, Verbum: Sicut non est alter Deus cum Deo, & Patre ingenuus; ita neque congenitus, neque prior, nec posterior Filius diversus à Deo unigenito Filio ejus.* Secundò id ipsum firmatur ex omnibus Symbolis: Primò quidem Apostolico, ubi Christus dicitur *Filius Dei unigenitus*: Nec non, & Nicæno, quò credimus in *Jesum Christum Filium Dei unigenitum.* Item in Symbolo sancti Athanasii ab Ecclesia recepto, ubi solus Filius dicitur genitus: *Spiritus autem sanctus à Patre, & Filio non factus, nec creatus, nec genitus, sed procedens.*

Firmatur etiam Scripturis sacris, nam si Spiritus Sancti processio foret generatio, sequeretur Spiritum sanctum esse Filium genitum: Sed hoc aperte militat in Scripturam sacram, in qua Verbum divinum plerumque Filius Dei unicus, & unigenitus prædicatur; sic Joannis ep. 1. c. 1. *Unigenitus, qui est in sinu Patris ipse enarravit nobis*: Et 3. c. *Sic Deus dilexit mundum, ut Filium suum unigenitum daret*, & iterum, *Quia non credit in nomine unigeniti Filii Dei*: Nec refert quòd Joannes primo cap. pronuntiet se vidisse gloriam Verbi divini, *Quasi Unigeniti à Patre*, illud enim quasi, non minuit gloriam; sed potius denotat veritatem, & æqualitatem secundum phrasim Hebraicam; ac si diceret, tanta erat ejus gloria, quanta decebat unigenitum Filium Dei.

Confirmant eodem argumentò omnes omnino sancti Patres, qui Spiritum sanctum non esse genitum disertè pronuntiant. Sic S. Basilii lib. 3. con-

tra Eunomium circa finem: *Spiritus sanctus, inquit, nec ingenuus, nec genitus, quia unus Unigenitus.* Idem habet Nazianzenus Oratione quinta de Theologia, *Nec Spiritus est Filius*, inquit, *quia ex Deo est, unus enim Unigenitus*: Subscribit, & Athanasius Dialogo 3. de Trinitate, *Dicitur, inquit, unigenitus, quoniam solus ex essentia genitus est*. . . . Nec enim scriptum est: *Spiritus ex me genitus est, sed ex me procedit.* Hæc ipsa veritas firmatur ex dictis conclusione præcedenti, & parebit ampliùs ex dicendis in conclusione sequenti, in qua genuinam subiciemus rationem, cur Spiritus sancti processio non sit dicenda generatio.

Dicit 1. Filius Dei plerumque in Scripturis sacris dicitur Primogenitus: Ergo alium habet posteriorem genitum, scilicet Spiritum sanctum, adeoque Spiritus sancti processio etiam dicenda erit generatio.

Respondet ad antecedens aliquem dici posse Primogenitum duobus modis, scilicet negativè, & positivè: *Negativè* quidem, cum negatur aliquis alius primogenitus, nulla facta comparatione ad posteriores, seu non attendendo, an sint aliqui posteriùs geniti: Sic autem Christus nedum quatenus Deus, sed etiam, ut homo dicitur primogenitus, tam ex Patre, quàm ex Matre, quia nullum habet natu priorem, licet etiam nullum habeat posteriorem: Sic Matth. 1. Virgo sacra dicitur peperisse Filium suum primogenitum. *Positivè* verò, is dicitur primogenitus, qui nullum quidem habet priorem, habet tamen alios fratres natu minores; qua ratione Christus dici non potest primogenitus.

Inflabit Nedom Scriptura sacra affirmat Filium Dei esse primogenitum negativè, sed etiam positivè: Ergo nulla solutio. Probatur antecedens ex sancto Paulo ad Rom. 8. ubi Filius Dei

Dei dicitur *Primogenitus in multis fratribus*: Ergo, &c.

Respondeo aliquem dici posse primogenitum poffivè duobus modis, fcilicet propriè, vel metaphoricè: *Propriè* quidem, cum posteriores geniti funt fratres, qui eandem cum natu majore fratre habent naturam ab eisdem parentibus communicam: Qua ratione Chriftus Dominus dici non poffit primogenitus, nec fecundùm temporalem, nec fecundùm æternam generationem, quia nec Deus Pater, nec Virgo Mater alios Filios posteriores ita genuerunt. *Metaphoricè* verò, cum fcilicet posteriores fratres impropriè generantur, & appellantur; funtque fratres non quidem, per naturam, fed per adoptionem: Quo fenfu Chriftus dicitur primogenitus in multis fratribus; habet enim plures pofteriùs genitos per gratiam adoptionis, quos propterea *Non confunditur vocare fratres*, inquit idem Apoftolus ad Hebræos 2.

Hanc ipsam veritatem luculenter explicat Concilium Ephesinum cap. 4. dicens: *Filius Dei nuncupatus est primogenitus, & unigenitus; primogenitus comparatione ad Filios adoptivos, & unigenitus per exclusionem alterius Filii naturalis*. Unde Auguft. lib. de fide, & Symbolo cap. 4. fic habet: *Secundùm id, quod unigenitus est non habet fratres, fecundùm id autem, quid primogenitus est, fratres vocare dignatus est omnes, qui post ejus primitias in Dei gratia nascimur per adoptionem Filiorum*.

Obijciat 2. Si quid suadeat Verbum divinum solum esse Dei Filium, maxime, quia, ut diximus, tum à Scriptura sacra, tum à Concilii Unigenitus affirmatur: Sed inde colligere non licet eum non habere alios fratres etiam reverè, & propriè genitos: Ergo, &c. Probatur minor ex illo Proverbiorum 4. ubi Salomon dicit se unigenitum matris suæ, cum tamen quatuor fra-

tres habuerit: Nam 1. Paralipomenon cap. 3. dicitur, quòd Davidi nati funt in Jerusalem quatuor de Bersabera, qui 2. Regum cap. 5. dicuntur filii David: Ergo ex eo quòd Filius divinus dicatur unigenitus, non propterea sequitur, illum propriè non habere fratres.

Respondeo: Salomopem non dici absolute unigenitum Matris suæ; sed coram matre sua, seu dilectum in facie matris suæ; ut vertunt septuaginta Interpretes, quia nempe ab ea diligebatur tanto affectu, ac si unicus, & unigenitus Filius fuisset: hoc autem fenfu Filius Dei dici non poffit unigenitus, quia Spiritus sanctus æquè diligitur à Patre, ac Filius. Necessum est ergo, ut idcirco dicatur unigenitus, quòd unica vera generatione sit à Patre genitus.

Dices 3. Quidquid est, aut est genitum, aut ingenerum: Sed Spiritus sanctus non est ingenerum, talis enim est solus Pater divinus: Ergo est genitus: Hinc Eunomiani, & Macedoniani Spiritus sancti Divinitatem oppugnabant hoc dilemmate. Aut Spiritus sanctus, est Deus genitus, aut ingenerum: Si est ingenerum, erunt duo Dii originis expertes, & ingeniti: Si verò est Deus genitus, Vel genitus à solo Patre, sicut Verbum, & tunc erunt duo gemelli fratres: Vel Spiritus sanctus erit Filius natu posterior, quàm Verbum: Vel Spiritus sanctus genitus est à solo Filio, & sic erit nepos Parris, & Pater erit Avus: Vel denique genitus est à Patre. & Filio, sicque fiet alterum parentem esse masculum, & Patrem, alterum verò foeminam, & matrem. Quam argumentationem referunt, & refellunt Nazianzenus Orat. de Theologia, & Athanasius Epist. ad Serapionem.

Respondeo: Ingenerum apud Patres usurpari duobus modis: Primò, qua-

tenus idem significat, acid, quod à nullo principio producitur; quò sensu solus Pater, non verò Spiritus sanctus dicitur ingenuitus. Secundò verò strictiùs pro quacumque re, quæ non procedit per generationem propriè dictam; quò sensu Spiritus sanctus appellatur ingenuitus ab aliquibus SS. Patribus, improprie tamen; nam ut ait S. Augustinus Serm. 3. infra Octavam Epiphaniæ: *Spiritus sanctus, nec ingenuitus, nec genitus alicubi dicitur, ne si ingenuitus diceretur, sicut Pater, duo Patres in sancta Trinitate intelligerentur: aut si genitus diceretur, sicut Filius, duo itidem Filii in eadem estimarentur esse sancta Trinitate*. Cui concinit Concilium Toletanum 11. in confessione fidei dei dicens: *Hic etiam Spiritus sanctus, nec ingenuitus dicitur, nec genitus creditur, ne si aut ingenuitus dixerimus duos Patres dicamus, aut si genitum, duos Filios predicare demonstremus*.

CONCLUSIO TERTIA.

RATIO proxima, & immediata, cur processo Verbi divini sit generatio, non autem processo Spiritus sancti, est quia Verbum procedit, & producitur naturaliter, & non voluntariè: Spiritus sanctus verò producitur voluntariè, & non naturaliter. Hæc est genuina Doctoris Subtilis sententia, quam edocet pluribus, maxime verò in 1. dist. 10. num. 13. & dist. 13. num. 20. dicens: *Quòd generatio sumitur uno modo pro generatione substantia, vel alio modo specialiter pro productione vivi ex vivo, & hoc modo dicitur animal generari, & non ignis; & ibi communiter concurrunt ex parte agentis inclinatio naturalis, sive forma naturalis, quæ est principium generandi, & hoc modo ultimo videtur esse generatio in divinis*. Idem edocet Aletius 1. part. q. 33. memb. 1. nec-non, & Seraphicus Bonaventura, qui pluribus in locis, maxime in 1. d. 6. q. 2. ait: *Si voluntas est principium cum communicante natura,*

*sic est processo Spiritus sancti, qui procedit per modum amoris, tamen similis in natura: Si verò natura est principium cum communicante voluntate, sic est generatio filii, qui producitur, ut omnino similis, & per modum natura: Et in compendio Theologico lib. 1. cap. 7. affirmat, Proprium Filio procedendi modum esse instar natura. Nec refert, quòd dist. 13. art. 1. q. 2. ad 3. discrimen hoc assignet, nempe, quòd Spiritus sanctus procedat, ut amor, Filius verò ut imago: Hæc enim ratio tantum mediata est; immediata verò ratio, cur Filius sit imago, sive expressio similitudinis est, inquit dist. 38. art. 1. q. 2. in corpore articuli: *Quia exit per modum natura, & ita per modum Verbi, & speciei, & per modum similitudinis expressæ*.*

Probatur Conclusio 1. Autoritate S. Augustini, qui lib. 5. de Trinit. cap. 9. & 14. inquit: *Cur Spiritus sanctus non sit Filius, cum tamen à Patre exeat?* Et solvit dicens: *Exit enim non quomodo natus, sed quomodo datus. Quòd idem est, ac si diceret, Spiritum sanctum idcirco non esse Filium, quia non exit naturaliter, sicut secunda persona, quæ non exit quomodo natus, seu per modum naturæ, sed procedit quomodo datus, videlicet voluntariè, & per modum inclinationis bonæ voluntatis, sive instar amoris, qui est primum inter dona, quæ à voluntate donantis procedunt*. Si autem requiras ab eodem Aug. cur Filius exeat quomodo natus, & Spiritus S. quomodo datus; rationem non subiceret, ut minus verè dicit Vasquez quasi improbabilem hanc sententiam censeret imò reponit lib. 9. de Trinit. cap. 12. rationem hujus discriminis esse, quòd Filius procedit per intellectum, cujus est inquirere, & reperiendo veluti patere. *Nam inquisitio, inquit, est appetitu. inveniendi, quòd idem valet, si dicas reperiendi, quæ autem reperiuntur, quasi*

pariuntur; unde proli similia sunt, ubi nisi in ipsa notitia? ibi enim quasi expressa formaliter. Subdit autem: Partum enim mentis antecedit appetitus quidam, quod id cognoscere volumus querendo, & inveniando; nascitur proles ipsa notitia: ac per hoc appetitus ille concipitur pariterque a notitia, partus, & proles rectè dici non potest, idemque appetitus, quo inhiatur rei cognoscendæ, fit amor cogniti, dum tenet: atque amplectitur placitam prolem, idest notitiam, gignentique coniungit. Quasi diceret, non aliam assignandam esse rationem, cur Verbum sit Filius genitus, quàm quia procedit per intellectum, cuius est inquirere veritatem, & agere naturaliter secundum omnes, & non voluntariè: Spiritus sanctus verò procedit per voluntatem, cuius est agere voluntariè, & non naturaliter.

Ad id etiam reduci potest alia ratio huius discriminis, quam profert ipsemet S. Augustinus lib. 15, cap. 27. ubi asserit, secundam Personam esse Filium, quia procedit ab una sola persona; Spiritum sanctum verò non esse Filium, quia procedit ab duabus: *Quoniam*, inquit, *si etiam ipse Filius diceretur, amborum utique Filius diceretur, quod absurdissimum est; Filius quippe nullus est duorum nisi Patri, & Matri; absit autem, ut inter Deum Patrem, & Deum Filium aliquid tale suspicemur.* Hanc autem rationem subicit tanquam a posteriori, ex eo namque, quod Filius procedat ab una persona, colligitur, quod procedat naturaliter, & per intellectum; & consequenter, quod sit Filius; ex eo autem, quod Spiritus sanctus procedat ab duabus Personis, infertur quod producit voluntariè, non autem naturaliter. Hæc etiam aperta videtur esse sententia S. Athanasii in Epist. de decretis Synodi Nicænæ dicentis: *Quod enim naturaliter ex aliquo nascitur, & est simile in natura, neque aliunde adoptatur, id pro Filio*

agnoscit natura, & eam vim significativis vocabulum præ se fert. Ex quibus formatur hæc ratio: Omnes alii Filii producantur naturaliter: Ergo etiam idcirco secunda persona divinæ Trinitatis dicitur Filius, quod reverà producatur naturaliter, seu per intellectum naturaliter determinatum ad agendum.

Deinde: Vera generatio est origo viventis à vivente per modum naturæ, & similitudinis: unde vox natura primitus dicta videtur à nascendo, & imposita, ad significandam originem actualem viventis à vivente, quæ nunc appellatur *nativitas*: Ergo illa processio dicenda est generatio, quæ censetur opus naturæ: sed productio Verbi censetur opus naturæ, quia est per intellectum, qui dicitur agens naturale, & opponitur agenti per voluntatem, per quam fit processio Spiritus sancti, quæ idcirco dicitur voluntaria, non autem naturalis: Ergo, &c.

Denique constat apertè productionem voluntariam, & non voluntariam esse summè oppositas; constat pariter productiones voluntarias nusquam appellari generationes; aliàs creatio, & molitio artefactorum esset dicenda generatio, quod nullus Philosophorum admiserit. Ergo cum productio Spiritus sancti sit voluntaria, & fiat per voluntatem: Productio verò Filii non sit voluntaria, sed naturalis, quia fit per intellectum, ideo hac ratione verè dici potest generatio.

Confirmatur. Omnes aliz quæ ab Authoribus solitò proferuntur huius discriminis rationes, vel deficiunt, vel ad nostram, tamquam ad immediatam, & primariam sunt revocandæ: Ergo propria, ac genuina ratio, cur secunda persona dicatur genita, non autem tertia, est quia illa procedit naturaliter, hæc autem voluntariè. Probatur antecedens. Quatuor maxime

sunt distinctæ Authorum rationes, & sententiæ, quibus probare nituntur Verbi divini processionem veram esse generationem, non autem Spiritus sancti. Quorum.

Primus quidem profert Richardus Victorinus lib. 6. de Trinit. cap. 18. quem nonnulli Recentiores sequuntur, nempe Verbum ideo dici genitum, quod naturam accipiat fecundam ad alterius divinæ Personæ productionem; adeoque sit simile suo principio in natura divina, quatenus natura est, quæ consistit in fecunditate alterius suppositi productiva; quamquidem fecunditatem, cum non recipiat Spiritus sanctus vi suæ processionis, inde dicitur quidem principio sui productivo similis in essentia divina, quatenus essentia est, non autem ut est natura. Verum.

Contra Ex hoc sequeretur Verbum divinum non esse propriè Filium, quin non esset perfectè Patri simile in natura: ideo enim Spiritus sanctus, inquit, non est similis in natura cum Patre, quia non habet vim spirandi, quam habet Pater: sed Verbum non habet vim generandi, quam habet Pater: Ergo Verbum non est Patri perfectè simile in natura, adeoque nec est Filius.

Confirmatur: Perfecta enim similitudo in natura, quatenus fecunditatem significat, exigit ut participetur non solum essentia, sed etiam idem modus fecunditatis: at Filius non participat eundem modum fecunditatis: Ergo non habet similitudinem in natura: *Secundò*, si Filius debeat esse similis Patri in natura fecunda, sequitur Filium creatum perfectiori modo esse Filium, quàm sit Filius increatus; quia Filius creatus est similior Patri creato in natura fecunda, quàm Filius divinus; ille namque habet eundem modum fecunditatis productivæ alterius Filii: hic verò non ita.

Denique: Si Spiritus sanctus non procederet à Filio, nec Filius haberet vim spirativam, & productivam illius, non propterea Filius desineret esse Filius: Ergo non est præcisè Filius, quia habet vim spirativam: Unde etiam nullus Patrum Latinorum disputantium cum Græcis, ut probarent Spiritum sanctum à Filio procedere, unquam usus est hac ratione, nempe quod si Spiritus sanctus à Filio non procederet, Verbum divinum desineret esse Filius: Si autem ratio Filii constitueretur per hoc, quod assimilatur Patri in vi spirativa, hac ratione proculdubio usi fuissent. Quod, cum non fecerint, argumentum est eos præfata rationem discriminis utriusque processionis nullam duxisse.

Secunda sententia affirmat, idcirco Verbi processionem esse generationem quod naturam divinam primariò recipiat, ut divina est: Spiritus autem sanctus tantum secundariò. Ita Suares lib. 11. cap. 3. nititurque duplici fundamento. *Primò*, quod natura divina secundum primariam, & propriissimam differentiam est intellectio: Unde cum Verbum divinum procedat per intellectum, primariò recipit intellectiorem. *Secundò*: quia omne agens assimilans sibi passum illud assimilatur secundum formam per quam agit; Cum autem Filius, inquit, procedat per intellectum, etiam assimilatur Patri in intellectione, quæ cum sit natura in Deo, etiam producit simile in natura.

Contra primò: Falsum est essentiam divinam formaliter constitui per intellectiorem, ut probavimus agendo de differentia constitutiva Deitatis. Falsum pariter Verbum divinum produci per intellectum. Falsum denique, quod omne agens producat sibi simile secundum formam per quam agit; aliàs sequeretur, quod homo generans hominem primariò produceret vim ge-

generativam . Adde quòd Spiritus ſanctus primariò , & per ſe Deus eſt : Ergo primariò , & per ſe recipit naturam divinam ſicut, & Verbum . *Conſirmatur* . Quia natura divina non minùs eſſentialiter exigit perſonam Spiritus ſancti,quam perſonam Filii: Ergo tam primariò communicatur Filio, quàm Spiritui ſancto .

Tertia ſententia eſt omnium penè Thomiſtarum , aſſerentium idcirco proceſſionem Verbi eſſe generationem, non autem proceſſionem Spiritus ſancti, quia Verbum procedit in ſimilitudinem naturæ ex vi proceſſionis, non verò Spiritus ſanctus .

Contra Idcirco Verbum diceretur procedere in ſimilitudinem naturæ, quia procedit perintellectum, cuius eſt producere imaginem, & ſimilitudinem objecti: Sed hæc ſimilitudo, cùm ſit tantum intentionalis, non ſufficit ad perfectam generationem, quæ requirit ſimilitudinem in natura; alioqui quoties Pictor alicujus imaginem exprimit, toties eum generare diceretur . Ergo illa ſimilitudo, quæ ſit per intellectionem, non ſufficit ad conſtituendam veram generationem .

Deinde Quando in definitione generationis dicitur, quòd ſit vitalis proceſſio ex natura ſua tendens interminum, qui ex vi proceſſionis debeat eſſe ſimilis producenti, hoc intelligitur reſpectivè ad illud, quòd dicitur generare vitaliter: Ergo illa ſimilitudo deberet intelligi reſpectivè ad intellectum; objectum enim non concurret vitaliter: Atqui falſum eſt, quòd intellectus, aut Verbum ſit ſimile intellectui: nam in creatis intellectus eſt facultas ſubſtancialis, intellectus autem, & Verbum ſunt accidentia: Ergo illa ſimilitudo, quæ producitur per intellectum præciſè non ſufficit ad conſtituendam rationem formalem generationis . Denique, quamvis intellectus,

ut ſic, ex ſe produceret aliquid ſimile producenti, non tamen ſequeretur, quòd produceret aliquid ſimile producenti in natura; aliàs omnis intellectus, ita poſſet producere: At nullus intellectus ita producit præter intellectum divinum: Ergo ſi aliquis intellectus producat terminũ ſibi ſimilem in natura, hoc ipſi non cõpetit, quatenus eſt intellectus, ſed quatenus eſt divinus, & perfectiſſimus: Atqui intellectus, quatenus divinus, & perfectiſſimus, nõ majorem habet virtutem producendũ aliquid ſimile in natura producenti, quàm voluntas divina: Ergo hac ratione proceſſio Verbi perintellectum, non magis dicenda eſt generatio, quàm proceſſio Spiritus ſancti per voluntatem . Patet *minor*; Tam enim voluntas quatenus divina producit Perſonam divinam non ſolum ſimilem, ſed, & omnimodè æqualem producenti, quàm intellectus ipſe divinus .

Reponunt . Quòd voluntas divina, non ſit tam aſſimilativa, quàm intellectus, eò, quòd intellectus divinus ſit aſſimilativus, & quatenus intellectus eſt, ſeu ſecundum rationem genericam, quia omnis intellectus producit, & exprimit ſimilitudinem objecti, & quatenus intellectus divinus eſt, quia, ut ſic producit perſonam omnino ſimilem, & æqualem principio producenti: Voluntas autem divina non eſt aſſimilativa ſecundum rationem genericam, ſeu quatenus eſt voluntas divina .

Verum hæc replica, nulla eſt; Tum quia ſimilitudo, quæ deſideratur in generatione perfectã, attenditur tantummodo penes naturam, maximè ſpecificam; Ergo, quòd intellectus ſit in genere magis aſſimilativus, quàm voluntas, non magis confert ad generationem, ſi voluntas ſit aſſimilativa in natura, qualis eſt voluntas divina .

Quarta denique ſententia eſt, quòd ideo

ideo Verbum sit Filius, non autem Spiritus sanctus, quia licet utrique, ex vi processioneis, communicetur divina natura, & consequenter uterque procedat, ut similis suo principio producenti; tamen Spiritus sanctus non procedit per modum imaginis, quod ad rationem Filii, & generationis requiritur.

Contra; Hæc sententia obscurum, per obscurius explicat; non enim evidentius apparet, cur secunda persona sit imago primæ personæ, quā, quod sit Filius, nisi fortè, quia procedit, ut similis principio producenti ex vi suæ processioneis; Sed ita est etiam de Spiritu sancto, ut mox dictum est; Ergo, &c.

Deinde: Quando Filius dicitur imago Patris, vel intelligitur, quod sit ei similis in natura, vel quod speciales ejus characteres referre debeat, & exprimere: Si primum, tam Spiritus sanctus erit Filius, quā Verbum, est enim æquè similis in natura principio producenti, ac ipse Filius: Si secundum autem, dici nequit, quamvis enim homo genitus non referat proprios generantis characteres, nō minùs ejus Filius censetur: Ergo ad veram rationem generationis nihil aliud requiritur, quā quod genitum assimiletur producenti in natura, adeoque cū hanc similitudinem habeat Spiritus sanctus non minùs, quā Filius, sequitur hanc rationem non sufficere ad distinguendas illas divinas processiones.

Fateor tamen, duas has postremas rationes conducere ad illam distinctionem notificandam, quasi à posteriori; siquidem id habet speciale Verbum divinum ratione suæ processioneis, quod sit perfectæ similitudo, & imago Patris, *Brevis enim, & compendiosa, facilisque Paterna natura declaratio est Filius*, ait S. Nazianzenus Orat. 4. de Theologia: *Omne enim, quod genitum*

est, genitorem suum tacita quadam voce definit: seu ut loquitur S. Basilius homil. 16. *Verbum est imago genitoris totum in se monstrans genitorem*: Unde S. Athanasius Epistola de decretis Nicenæ Synodi, *Si eum imaginem nominet, Filium hoc ipso esse judicaveris*. Nec abnuic Doctor, siquidem in 1. d. 10. qu. unica num. 13. ait. *Quod Spiritus sanctus non producit, ut similis ex vi productionis suæ; & verum est, quod non est imago Patris, sicut Filius, qui ex vi productionis suæ procedit, ut similis Patri*.

Verū hæc ratio est tantū à posteriori; ideo namque Filius procedit, ut similis, & quatenus imago, quia principium, unde oritur, intellectus nempe, est potentia naturalis, adeoque cū natura feratur in productionem sui similis, dum potest, cūque intellectus divinus sit infinitus, adeoque capax producendi terminum perfectè sibi similem, hinc est, quod ad ejus productionem naturaliter determinetur.

ARTICULUS TERTIUS.

De Principiis, Objectis, & Terminis divinarum Emanationum.

EXPLORATA, & quantum licuit explanata divinarum Emanationum existentia, & essentia, ad exactam, & evidentiorē earum intelligentiam supered, ut earum principia, objecta, & terminos investigemus, & aperiamus. Cū enim ex sua formali ratione sint actiones verè productivæ, necessum est, quod habeant principia, ex quibus oriantur, objecta, à quibus formantur, & terminos suæ fecunditatis foetus, & partus. Quocirca præfens Articulus tribus maximè questionibus absolvetur: In quarum, *Prima* patebit quænam sint immediata principia formalia divinarum Emanationum;

nationum: In *Secunda*, ex quibus objectis formantur; num scilicet Verbi generatio & Spiritus sancti processio, Creaturarum notitiam, & amorem, supponat, & exigat; In *Tertia* denique, An earum Emanationum terminus, sit vel Natura divina, vel Relatio, & Suppositum, aut denique ipsamet Persona divina ex natura simul, & Personalitate veluti coalescens.

QUAESTIO PRIMA.

Quanam sint immediata principia Emanationum divinarum?

NOTANDUM 1. Revera in divinis esse verum, ac reale principium productivum Personarum; ubi enim est vera productio, & terminus verè productus, etiam debet esse verum, principium productivum. Hoc autem solitò duplex distinguitur, nimirum principium quod, estque ipsa persona; ipsumque suppositum operans, & produciens: Unde vulgare est, *actiones sunt suppositorum*. Alterum appellatur principium quo, estque illa formalis ratio, quæ immediatè concurret ad actionem; seu virtus quæ mediante supposito suam actionem elicit. Hoc autem iterum est duplex, nimirum radicale, seu remotum, & formale, seu proximum: ut compertum sit in illuminatione, seu diffusionem luminis: Lumen enim est principium quo illuminationis; Virtus autem illuminativa, quæ in sole substantialis est, dicitur ejusdem illuminationis principium, quo remotum.

Notandum 2. Certum esse, nec essentiam divinam, nec intellectum, & voluntatem esse principia quod divinarum Personarum: Hanc enim rationem sibi vendicant personæ Patris, & Filii, Patris quidem respectu generationis Filii, Patris autem, & Filii respectu

spirationis, quod enim realiter procedit ab aliquo tanquam à principio productivo quod, etiam realiter ab eo distinguitur: Constat autem Personas divinas productas non distingui realiter ab essentia, neque ab intellectu, & voluntate, sed solum à personis producentibus: Ideoque illæ solum habent rationem principii quod divinarum personarum. Præfens itaque difficultas movetur tantum de principio quo, num videlicet Filius, & Spiritus sanctus immediatè procedant à natura divina, vel remotè tantum, seu mediante intellectu, & voluntate.

Notandum 3. Quod cum in Patre generante Filium, & in Patre, & Filio producentibus Spiritum sanctum, sint perfectiones absolutæ, & essentialles, nimirum essentia ipsa divina una cum attributis; modis, & potentiis, seu facultatibus intellectus, & voluntatis, nec-non, & relativæ, seu notionales, videlicet relationes, & Personalitates divinæ. Inde circa præsentis quæstionis resolutionem, triplex maximè opposita videtur esse Auctorum sententia. Durandus enim in 1. dist. 5. qu. 2. affirmat, naturam divinam præcisam, & formaliter, aut virtualiter distinctam ab intellectu, & voluntate, esse nedum radicale, & remotum, sed etiam proximum, & immediatum principium quo divinarum emanationum: S. Thomas in 1. dist. 11. qu. 1. art. 3. docet, emanationes oriri immediatè ab ipsis relationibus; ait enim: *Generatio non egreditur ab essentia in quantum essentia, sed in quantum est Paternitas, & si ista duo scilicet essentia, & Paternitas differrent in divinis, egrederetur ab utraque generatio, sed à Paternitate immediatè, & ab essentia sicut à primo principio*. Cum autem alibi asserat essentiam, & paternitatem distingui virtualiter, consequens est, quod generationem immediatè à Paternitate

te virtualiter oriri propugnet. Nihilominus iam communis est Thomistarum sententia; Emanationes divinas oriri immediatè non ab essentia, nec à relationibus: sed ab intellectu, & voluntate ad personam Patris, & Filii per relationes Paternitatis, & Filiationis determinatis. Quod ut fiat evidens, sit.

CONCLUSIO UNICA.

NATURA divina, ut formaliter distinguitur ab intellectu, & voluntate non est principium quo proximum, & immediatum divinarum processionum, sed intellectus, & voluntas hanc formalem rationem sibi vendicant. Hac est communior, & verior apud Theologos recepta sententia, & probatur primò illis omnibus Scripturæ textibus, quibus Filius Dei Verbum appellatur; Sic Joan. 1. In principio erat Verbum, & Verbum erat apud Deum, &c. Et 1. Joan. 5. Tres sunt, qui testimonium dant in Cælo, Pater, Verbum, & Spiritus sanctus, & hi tres unum sunt. Apoc. 19. Nomen ejus Verbum Dei. Verbum autem est terminus productus per intellectum, & formatus per dictionem, quæ est operatio intellectus; unde S. Cyrillus lib. 1. in Joann. cap. 5. Filius, inquit, appellatur Verbum, ac Sapientia, quoniam ex intellectu immediatè, atque indivisibiliter est. Cui concinit Basiliius hom. 16. in Joann. Cur Verbum, inquit, ut quid ex mente procedat ostendatur; Concinit, & Athan. in Epist. de sent. Dion. Alex. contra Arianos dicentis, Verbum, velati Filius mentis, quod, ut ante mentem extiterit, impossibile est, ita nequaquam sine ea, sed una cum ea extitit, & ab illa progeneratum est, eodem quoque modo Pater Maximus, & insolidum mens Filium suum Verbum interpretem, & nuntium sui habet; Unde colligit Athan. quòd Dionysius Verbum proprium substantia Patris esse doceat idque eadem ratione, qua Verbum ex mentis substantiam. His subscribit Damasc. lib. 1. de Fide

c. 8. Verbum est naturalis mentis motus, secundum quam movetur, intelligit, & cogitat, veluti lux ipsius existens, atque splendor. His itaque Scripturæ, & Sanctorum Patrum Oraculis apertè constat Filium Dei idcirco Verbum appellari, quoniam procedit immediatè per intellectum, cujus est Verbum dicere; ut satis, superque supra probavimus.

Idipsum etiam inferri potest de Spiritu sancto, qui dicitur charitas, & amor productus, eo, quòd à divina voluntate oritur; Sic. 1. Joannis 4. Diligamus nos invicem, quia charitas ex Deo est, quæ verba de Spiritu sancto explicat S. Aug. lib. 15. de Trinit. cap. 17. Adde, quòd plura attribuantur Spiritui sancto, sive propriè, sive per appropriationem, quæ non possunt à natura provenire, imò opponuntur naturali productioni, ille enim est donum; at nihil minùs competit dono, quàm esse naturale: Donum enim est liberum, naturale verò necessarium; ille est sanctus, at sanctitas, cum sit laude digna, opus est non naturæ, sed libertatis; ob naturalia, namque, nec laudamur, nec vituperamur, inquit Arist. 3. Ethic. cap. 1. Denique ille est amor: at amor fectus est voluntatis non naturæ; Ergo non à natura, sed à voluntate immediatè procedit.

Reponit Durandus Filium Dei equidem dici Verbum, & Spiritum S. Amorem, at non propriè, sed metaphoricè; nimirum per quandam proportionem, & similitudinem ad res creatas, nempe, quòd, sicut intellectus est prima proprietas naturæ intellectuales, & voluntas secunda: ita Filius Verbum dicitur, quia primò procedit; Spiritus verò sanctus appellatur amor, quia oritur secundò, & Filii originem præsupponit.

Contra: Hæc replica sapit errorem Alogianorum, qui cum negarent Verbum

bum divinum esse personam distinctam à Patre, etiam contendebant illud tantum metaphoricè à Scriptura sacra divinæ personæ appropriari. Deinde : Si *Verbum* à S. Joanne toties usurpatum primo Capite improprie, & metaphoricè dictum liceret explicare : Pari audacia, & temeritate licebit etiam nomen *Dei*, & *Filii* metaphoricè, & improprie dicta asserere, nec-non ; & illud, *omnia per ipsum facta sunt*, non de vera creatione, sed de metaphorica, & apparenti, vel accommodatitia : Et illud denique, *Verbum caro factum est*, de incarnatione metaphorica usurpari : Quod cum sit absurdum, & intolerabile, debeantque cœtera omnia fumi in sensu proprio; debet pariter nomen *Verbi* propriè sumi. Quare meritò Cyrill. lib. 7. Theauri cap. 1. ferè initio, sic ait, *Verbum Joannes appellat Filium, & hoc nomen quasi proprium, & ipsius esse Filii maxime significativum elegisse videatur, &c. Vides quomodo ipsum esse Filii secum naturam, hoc nomen significat?* Denique certum est S. Joannem eo loco suscepisse explicandam Christi Divinitatem contra Cerinthianos, & Ebionitas, ut fatentur omnes Interpretes : Quis autem nisi à veritate alienus dixerit eum uti verbis impropriis, & metaphoricis ad explicanda duo præcipua fidei mysteria, nempe distinctionem divinarum personarum, & incarnationem unius ex illis : Unde Cyrillus supra laudatus : *Frustrà, inquit, miramur Evangelissimam, & quasi magnum, quid proprium tonasset, tonitruum Filium appellamus, nisi Verbum, quasi proprium, mirabile, & inauditum pronuntiasset.*

Confirmatur hæc responsio simul, & Conclusio probatur. Fide cautum est duas esse, easque solas processiones in divinis, quarum prior est Filius à Patre solo : posterior est Spiritus sancti à Patre, & Filio ; adeoque illa est prima,

Tom. III.

hæc secunda : Cum enim Filius sit principium Spiritus sancti, debet esse prius origine productus, quàm Spiritus sanctus : Constat pariter primam processionem esse generationem, secundam verò non ita : Sed hæc processionem, & personarum diversitas non potest aliunde repeti, quàm ex eo, quòd Filius procedat per intellectum, Spiritus sanctus verò per voluntatem. Probat, nam posito, quòd Filius non procedat immediatè per intellectum, & Spiritus sanctus per voluntatem, nulla potest reddi ratio efficax, cur sint duæ processiones : Si enim immediatè à natura divina orientur, dicere posset aliquis, quòd natura divina totas suas vires effunderet in unam personam, & sic nullus esset locus alterius divinæ personæ productioni : Nulla, pariter proferri posset ratio, cur productio Filii sit à Patre solo, & Spiritus sancti ab utroque ; neque cur illa sit prior origine, hæc posterior ; nec denique, cur illa sit generatio, hæc spiratio. Ergo horum omnium ratio non potest aliunde reddi, & repeti, quàm ex eo, quòd Filius procedat immediatè per intellectum, & Spiritus sanctus per voluntatem : Ergo, &c.

Obijcet 1. Sanctos Patres, quorum aliqui Patrem æternum etiam *Verbum* appellant : Sic S. Ambrosius lib. unico de Filii divinitate cap. 50. *Sive lumen de lumine dicas, sive Verbum de Verbo, sive Spiritum de Spiritu, sive Dominum de Domino, quodcumque de eo dixeris, unius tamen essentia Patrem, & Filium credas.* Similiter Basilii lib. 5. contra Eunomium cap. 11. *Dei quidem Verbum, inquit, Filius est, Filii autem Verbum Spiritus : Porraus enim, ait Apost. Hebræor. 1. Omnia Verbo virtutis sue, & quoniam Verbum Filii per Deum, &c. Sed ex eo, quòd Pater, & Spiritus sanctus appellantur Verbum, non licet inferre eos procedere per intellectum :*

Q

Er:

Ergo, nec exinde colligere licet, processionem Filii immediatè fieri per intellectum.

Respondeo: Sanctos Patres interdum nomen *Verbi* latius extendere ad improprium, & inusitatam acceptionem, ut nempe significant, nedum loquentis operationem, quæ est in Patre, sed etiam omnem appropriatam sancto Spiritui actionem, & communicationem erga creaturas; nihilominus præfati Patres etiam nomen *Verbi* in propria sua significatione usurpant, ut per illud Filium divinum significant, nam S. Ambrosius ibidem ait: *Hoc Verbum nuncupatur, quia ex proprio divino ore processit, & nihil Pater sine eo, aut iussit, aut fecit:* Et S. Basilii ibidem, circa medium, etiam Verbi nomen, Filio proprium esse significat, dicens; *Pater Filii genitor, ut mens Verbi Pater, ut sapiens, qui sapientiam genuit:* Adeoque ex præfatis textibus nihil quidquam adversus veritatem Conclusionis urgere licet.

Obijciat 2. SS. PP. asserentes Filium, ex natura divina procedere: Sic sanctus Augustinus lib. 15. de Trinit. c. 20. ait: *Verbum, per quod omnia facta sunt, esse Filium Dei naturæ:* Item Damascenus lib. 1. de fide cap. 8. vocat processionem Filii *opus naturæ:* Sed ita ritè non posset appellari, nisi Verbum, immediatè à natura, non autem ab intellectu procederet: Ergo, &c.

Nego minorem: Non enim est ca laudatorum Patrum sententia; disputant enim ibi contra Arrianos, qui dicebant Verbum divinum esse creaturam, atque adeo processionem ejus, non à natura, sed à voluntate divina oriri; quod, ut refellant sancti Patres, asserunt illam esse *opus naturæ*, hoc est necessarium & naturale, non verò liberum, & voluntarium. *Vel distinguo.* Processio Verbi procedit à natura, tanquam à principio proximo, & im-

mediato, nego: Remoto, & radicali, concedo.

Obijciat 3. Si Filius, & Spiritus sanctus procederent immediatè ab intellectu, & voluntate, maximè per intelligere, & velle; sed hoc dici nequit: *Primo*, quia productiones personarum sunt actus notionales, & non essentialiales: sed intelligere, & velle sunt actus essentialiales, non autem notionales. *Secundo*, quia cuicumque convenit actus, per quem persona producit, eidem competit producere personam, ad quam actus ille terminatur: sicut cui convenit generare, etiam, convenit producere Filium: Sed intelligere, & velle competunt omnibus Personis divinis: Ergo etiam omnibus competit producere Filium, & Spiritum sanctum: *Tertio*, quia productiones personarum differunt realiter: Generatio enim activa differt à filiatione, sed intelligere, & velle non differunt realiter: Ergo, &c.

Respondeo. Hoc argumentum Durandi nullatenus in nos militare; non enim affirmamus processionem fieri per actus essentialiales intelligendi, & volendi, sed per notionales actus dicendi, & spirandi.

Obijciat 4. Eodem modo, servata proportionem, competit fecunditas creaturis, & Deo: Sed fecunditas productiva in creaturis, eis non convenit per intellectum, & voluntatem: Creaturæ enim purè spirituales, alias non producant, ut patet in Angelis, licet præstantissima intelligendi, & volendi facultate donentur: Creaturæ autem corporales, & mixtæ, qualis est homo, constans corpore, & spiritu, non per intellectum, & voluntatem, sed per aliam facultatem generant sibi simile: Ergo vis productiva divinæ Personæ non convenit Deo ratione intellectus, sed ex ipsa naturæ fecunditate immediate procedit.

Re-

Respondeo 1. Retorqueri posse argumentum in Durandum, si enim proportionaliter convenire debeat fecunditas Deo, & creaturis, sequitur, quòd, nec Deus possit communicare suam substantiam, & essentiam alteri personæ, quia nulla persona spiritualis creata potest suam substantiam communicare alteri, non solum per intellectionem, & volitionem, sed neque per ullam fecunditatem naturæ; adeoque si proportio illa sit exactè servanda, etiam natura divina nullam habebit fecunditatem seipsam communicandi, quod tamen Durandus asserit.

Respondeo 2. Ad minorem. Fecunditas in creaturis spiritualibus nulla est per intellectum, distinguo fecunditas, quæ sit productiva termini substantialis, concedo: Termini saltem accidentalis, nego: Productio enim Verbi creati est quædam spiritualis generatio, ut diximus; ab objecto enim, & potentia paritur omnis noticia: Partus autem generationem significat.

Idcirco autem per intellectum creatum producit tantum Verbum accidentale, quia, inquit Doctor in 1. distinct. 3. qu. 8. intellectus creatus non est productivus intellectionis, nisi concurrente partialiter specie intelligibili, quæ cum sit accedens, erit tantum productiva accidentis; quia nullus effectus est perfectior suâ causâ: Intellectus divinus autem concurrat ad productionem notitiæ genitæ simul cum essentia divina; quæ duo sunt adæquatè substantialia, proindeque mirum non est, si sint productiva substantiæ.

Ex his collige primò: Divinam essentiam esse, non quidem proximum, sed remotum saltem, & radicale principium, quo processum divinarum. Quod patet primò ex sanctis Patri-

bus, inprimis namque Cyrillus lib. 1. Theauri cap. 7. dicit, *Generativam virtutem esse essentiam Dei*: Et Damascenus lib. 1. de Fide cap. 8. *Generatio, inquit, est natura non sicut generantis, sed sicut ejus, quò generat*: Quibus concinit S. Anselmus in Monologio c. 52. ubi de Spiritu sancto ait, *Pater, & Filius non ex relationibus suis, quæ plures sunt; sed ex ipsâ essentia, quæ una est, emittunt tantum bonum*: Hinc S. Dionysius lib. de divinis Nominibus c. 2. Filium, & Spiritum sanctum appellat, *Fecunda Divinitatis gemma, & germen*. Secundò, hoc ipsum suadet ratio: Principium enim quo, & radicale generationis, est in quo genitum generanti assimilatur: Sed id, in quo Filius divinus genitus cum Patre generante convenit, non est relatio, sed natura divina: Ergo hæc est principium, quo primum, & radicale generationis Verbi; non quidem simpliciter, & absolute considerata, sed quatenus modificata, & determinata ad primum suppositum per relationem Paternitatis.

Collige 2. Principium quo proximum generationis Verbi, & productionis Spiritus sancti, esse quidem intellectum, & voluntatem Dei, sed quatenus modificantur, & determinantur per relationes Paternitatis, & Filiationis. Tum quia eodem modo intellectus, & voluntas sunt principia proxima, quomodo essentia divina est principium remotum divinarum processuum: Sed essentia divina, ut diximus, talis est, quatenus est determinata per relationes personales: Si enim talis esset absolute spectata, sequeretur eam formaliter esse principium generationis in Filio, & generationis, ac spirationis in Spiritu sancto: Siquidem est in eis formaliter: Ergo pari ratione intellectus, & voluntas divina sunt principia divinarum processuum, quatenus etiam determinantur per

easdem relationes personales. *Tum quia* potentia non habent rationem principii proximi, nisi quatenus sunt in suppositis, unde actiones sunt suppositorum: Ergo intellectus, & voluntas divina non erunt principia proxima, nisi quatenus determinantur ad Personam Patris, & Filii. *Tum denique quia* S. Athanasius Dialogo 1. de Trinit. ait, *Pater hypostasi gignit*; Et Ambrosius lib. 4. de Fide cap. 4. *Generatio*, inquit, *Paterna proprietatis est, non potentia*; Et S. August. lib. 1. de Trinit. cap. 5. ait, *Eo ipso Patrem dici, & esse Patrem, quod est ei Filius*: Ergo cum Pater non habeat Filium, nisi ex vi potentia generativæ determinatæ per Paternitatem; etiam neque gignit principio quo, nisi per hypostasim, & relationem personalem determinato.

QUAESTIO SECUNDA.

Cujusnam objecti cognitionem, & amorem divina Processiones præsupponant?

ALITER proponi solet à Thomistis præsens quaestio: cum enim doceant Verbum divinum per intellectum, & Spiritum sanctum per amorem procedere; inde non immerito quaerunt, ex cuiusnam objecti cognitione, & amore, hæc utraque divina Persona procedat. Nos verò Subtilis Doctoris vestigiis inhaerentes, cum asseramus illas divinas processiones supponere quidem cognitionem, & amorem essentialem, & esse actiones dicendi, & spirandi ab illis essentialibus operationibus distinctas: Consequens est, quod inquiramus, & resolvamus cuiusnam objecti noticia, & amore divinus intellectus, divinaque voluntas fecundetur, ut ille Verbum per actum dicendi; hæc Spiritum sanctum, per actum spirandi, producat: Adeoque præsens difficultas (quid-

quid nonnulli reclament) utriusque Scholæ Sectatoris spectat, quamquam diversa sit ejus propositio, variusque eam solvendi modus.

Notandum 1. Quod cum divinx notitiæ, divinique amoris objectum distingui possit quadruplex: Nimirum 1. Essentia divina omnibus suis absolutis perfectionibus, attributis nempe, modis, & facultatibus intelligendi, & volendi prædita: 2. Personæ divinx suis relationibus, hypostasibus, & personalitatibus constantes: 3. Creaturæ possibiles ab omni futuritione, & existentia præscindentes: 4. Denique omnes Creaturæ, vel actu existentes, vel aliquando futuræ: Etiam circa præsentis quaestiones resolutionem quadruplex est maximè opposita Theologorum sententia. Prima affirmat, Verbum procedere ex notitia, & Spiritum sanctum ex amore eorum omnium objectorum, etiam creaturarum futurarum: Ita *Ruin. Disp. 63. Sect. 4. & 5. &c.* Aliqui contendunt removens esse quidem creaturas futuras è numero eorum objectorum, ex quorum amore, & notitia divinx Personæ procedunt. At volunt Verbum divinum procedere ex cognitione Creaturarum possibilem, nec-non, & trium divinarum Personarum, & essentia divinx; ita communis est *Thomistarum* Sententia. Omnes *Scotistæ*, unàcum Doctore Subtili, docent Verbum divinum nullam Creaturarum notitiam ad sui productionem supponere. *Vasquez Disp. 142.* vult, illud quidem procedere ex notitia Patris, & sui ipsius, non verò Spiritus sancti. Sunt etiam, qui asserunt illud procedere, non quidem ex cognitione Creaturarum, & divinarum Personarum, sed solius essentia divinx, quibus maximè favere videtur Doctor locis infra proferendis. Omnes autem conveniunt, divinas illas processiones, vel esse notitiam, & amo-

amorem divinæ essentia, vel saltem utrumque supponere, eisque esse posteriores.

Notandum 2. Illam suppositionem, aut prioritatem, quâ divinus Pater dicitur prius cognoscere suam essentiam, aut Personas divinas, aut Creaturas, quàm Filium, aut Spiritum sanctum producat non esse prioritatem existentia, & rei; sed tantum signi; non quidem in quo, ut loquuntur, sed à quo; Hoc est, non importare ordinem durationis, in qua unum sit non existente altero; siquidem in adoranda Trinitate, *Nihil est prius, aut posterius* duratione videlicet, *sed totæ tres personæ coeternæ sunt*, ait S. Athanasius in Symbolo; quod enim est duratione prius alterò, non potest esse illi coeternum; æternitas namq; nihil prius, aut posterius agnoscit. Sunt itaq; tantum signa à quibus, hoc est, præexistentia unius ad aliud, vel secundum ordinem *Naturæ*, vel *Originis*, vel *Præsuppositionis*. Ordo naturæ attenditur, non secundum causalitatem, quâ causa est prior suo effectu, quia in divinis nulla est vera causalitas, nullusque verus, & propriè dictus effectus: Sed tantum secundum subsistendi consequentiam; quo pacto, inquit Aristoteles prædicamento cap. de modis prioris: *Unum duobus est prius; nam, si sint duo, & unum consequitur esse: At si unum sit, non necessarii sequitur duo esse: quare uno posito, non convertitur consequentia, ut duo sint.* Ordo originis est ille, quo alter ex altero; idque duobus modis, nimirum, vel origine secundum quid, qualiter attributa dicuntur emanare ab essentia divina: Vel origine perfecta, & adæquata, qualiter personæ producta emanat à producente: Denique ordo præexistentia est ille, quo unum præconspicitur altero, ipsique præsupponitur. Ordo naturæ, est inter essentialia, tum inter se, tum cum no-

tionalibus comparata; quia intellectus notionalibus, & divinis attributis, necesse est, essentiam divinam intelligi, ut radicem eorum; intellectus verò essentia, non est necesse illa concipi: Est ergo inter ea ordo naturæ secundum subsistendi consequentiam.

Ordo originis solum est inter personas divinas, quarum una procedit ab altera: Denique *Ordo præexistentia*, vel præsuppositionis, est inter Patrem, & essentiam divinam, quia essentia divina præsupponitur tanquam radix Paternitatis, nec-non, & omniū proprietatum, sive absolutarum, sive relativarum in Deo.

Notandum 3. Quòd quemadmodum in eodem instanti temporis possunt esse varia instantia naturæ, inquit Doctor in 2. dist. 1. quæst. 1. num. 13. nam Angelus, v. g. in primo instanti temporis, in quo creatus est, potuit producere in se cognitionem, & amorem, quæ licet nullum habeant ordinem, quoad durationem temporis, quia in eodem instanti producta sunt; tamen habent plura instantia naturæ, quia naturâ prius productus est Angelus, quàm cognitio, priusque cognitio, quàm amor; siquidem Angelus productus fuit à solo Deo, cognitio à Deo, & intellectu Angelico, amor verò à voluntate præsupponente intellectum Angelicum, & concursum divinum; prius enim naturâ potentia intellectiva debet operari, quàm voluntas quemadmodum (inquam) varia instantia naturæ distingui possunt in eodem instanti temporis; sic etiam varia instantia originis distingui poterunt in eodem instanti naturæ; siquidem in illo ipso instanti naturæ, in quo intellectus, & voluntas divina respiciunt objectum suum primarium, nempe essentiam divinam, reperitur totus ordo originis; nihil enim requiritur ad productiones personarum, præ-

præter illas potentias, & objectum primum: Unde in illo ipso instanti naturæ distingui possunt tria instantia originis. Primum quidem, in quo Pater habet esse à se, hæc autem origo est tantum secundum quid. Secundum verò, à quo Filius habet esse à Patre: Tertium verò, à quo Spiritus sanctus habet esse à Patre, & Filio: quæ duo posteriores origines sunt reales, & completæ.

Imò unum instans naturæ subdividi potest, & distingui in plura minutura instantia, ut colligere licet ex Doctore in 2. dist. 1. quæst. 13. ubi duo solum assignat naturæ instantia. Primum, quod Deus seipsum cognoscit, & vult cognitione, & volitione essentiali; & quo per intellectum, & voluntatem fecundam intra ipsum est duplex processio personarum, duplexque ordo originis, quem asserit in illo primo naturæ instanti contineri: Alterum, quo Deus unus, & trinus cognoscit, & vult creaturas; ita quod in primo instanti comprehendat omnia, quæ conveniunt Deo ad intra; in secundò verò completatur Deo, quæ conveniunt ad extra. Unde illud primum instans naturæ dividi potest in alia septem instantia minutura, ita ut primum instans naturæ in divinis sit illud, quo essentia intelligitur esse sub ratione hujus essentiae: Secundum, quo intelligitur habere suos modos intrinsecos: Tertium, quo intelligitur habere sua prima attributa: Quartum, quo intelliguntur hæc attributa habere suos primos modos intrinsecos: Quintum, quo intelligitur habere sua alia attributa, in primis attributis fundata: Sextum, quo hæc attributa intelliguntur habere suos proprios modos intrinsecos: Septimum, quo intelliguntur processionem personarum; post quæ sequitur Octavum, quo creaturæ intelliguntur in esse possibili, &c. His ita

prælibatis duo sunt resolvenda: Primum processionem divinas præsupponere cognitionem, & amorem non solum naturæ divinæ, sed etiam personarum divinarum. Secundum, eas nullatenus præsupponere noticiam, & amorem creaturarum, tam futurarum, quam possibilium.

CONCLUSIO PRIMA.

GENERATIO Verbi, & Spiratio Spiritus sancti non supponunt amorem, & cognitionem creaturarum, tam futurarum, quam possibilium, nec ex illis tanquam ex objectis fecundantibus intellectum, & voluntatem divinam oriuntur. Hæc conclusio quoad utramque partem est Doctoris in 1. dist. 18. quæst. unica num. 4. & 5. & in 2. jam laudatum, nec-non, & quodlibeto 14.

Probat 1. à Doctore in 2. dist. 1. q. 1. num. 9. Divinus intellectus, divinaque voluntas prius terminatur ad essentiam divinam, quam ad creaturas sub esse possibili, vel futuro: Sed in illo instanti priori, utraque illa potentia divina est fecunda ad productionem Verbi, & Spiritus sancti: Ergo Verbum, & Spiritus sanctus procedunt ab intellectu, & voluntate terminatis ad essentiam divinam, priusquam sese extendant ad cognitionem, & amorem creaturarum. Pater major, essentia enim divina est objectum primum, & adæquatum divini intellectus, divinæque voluntatis: Insuper ea est, quæ movet utramque facultatem divinam ad noticiam, & amorem creaturarum; creaturæ verò sunt tantum objectum secundarium: Sed intellectus, & voluntas prius terminantur ad objectum primum, quam ad secundarium, maxime quando primum per se necessario movet ad noticiam, & amorem secundarii: Ergo, &c. Minor est etiam evidens: Intellectus enim, & voluntas fecundantur ab objecto perfectè adæquato: Sed essentia di-

divina est objectum perfectè adæquatum intellectui, & voluntati divinæ; illa namque omnimodè est infinita in ratione objecti, sicut, & illæ facultates infinitæ sunt in ratione potentiz productivæ: Ergo illæ potentiz omnimodè fecundantur ab ipsa terminatione ad divinam essentiam, neque ad id opus est, quòd ad objecta secundaria terminentur.

Confirmatur: Tunc opus non est, quòd facultas terminetur ad objectum secundarium, ut ex eo suam completam fecunditatem hauriat, quando omnis illa perfectio in objecto secundario reperienda, præstantiori modo est in primario, quàm in secundario: Sed omnis ratio entis, & perfectionis præstantiori modo est in essentia, quàm in creaturis, sive possibilibus, sive futuris: Ergo ut divinus intellectus, divinaque voluntas fiant fecundæ ad productionem Verbi, & Spiritus sancti, non opus est, quòd terminentur ad Creaturas, sed sufficit eas terminari ad essentiam divinam, tanquam ad objectum primum.

Probat 2. ibidem num. 8. Prius producantur divinæ Personæ, quàm Creaturæ habeant esse possibile, vel futurum: Ergo Personarum divinarum productiones supponere non possunt notitiam, & amorem Creaturarum. Consequentia est evidens: Si enim in illo priori Creaturæ nullum habeant esse, etiam nullatenus poterunt cognosci, nec amari. Probatur antecedens: Prius producantur divinæ Personæ, si prius sit earum principium, productivum; sed reverà, prius est principium productivum divinarum Personarum, quàm sit principium productivum Creaturarum, maxime in esse futurationis, quod sic probat Doctor. Principium productionis necessariæ prius est, quàm principium productionis contingentis: Sed prin-

cipium productivum Personarum est necessarium; Principium verò productivum Creaturarum est contingens: Ergo hoc debet illud præsupponere. Probat majorem: Omnis productio egrediens à supposito, præsupponit suppositum, à quo egreditur; sed productio Creaturarum egreditur à tribus personis divinis. Ergo debet illas præsupponere: adeoque illarum productiones necessarias, & consequenter earum principia productiva necessaria.

Probat. 3. Quodlibeto 14. Motio essentiz divinæ ad terminum infinitum prior est, quàm ad terminum finitum: Sed processio Verbi, & Spiritus sancti est terminus infinitus: At verò esse Creaturarum in esse cognito est terminus finitus: Ergo prius præsupponuntur productiones Personarum, quàm esse Creaturarum possibile: Major probatur, Nam infinitum simpliciter non potest præexigere finitum, sed potius finitum præexigit infinitum: Ergo cognitio Creaturarum non præcedit productionem personarum. Et confirmatur; Nam sublato priori tollitur posterius, & non è contra: Ergo ablato ente finito, nempe esse creaturarum possibile non auferretur productio Verbi. Ergo prior est productio Verbi, quàm esse finitum creaturarum.

Confirmatur 1. Illud per se ad productionem Verbi, & Spiritus sancti non concurrir, quo sublato non minus illæ divinæ personæ subsisterent: Sed si non adesset Creaturarum, tam futurarum, quàm possibilem cognitio, & amor, non minus illæ divinæ personæ producerentur, & subsisterent: Ergo earum productio Creaturarum amorem, & notitiam non præsupponit. Major patet. Minor verò probatur 1. ex S. Anselmo in Monol. cap. 30. ubi ait; *Sive Deus cogitetur, nula*

la alia existente essentia, sive aliis existentibus, necesse est Verbum illius coeternum illi esse cum ipso: Et cap. 31. Si nihil unquam aliud esset, nisi summus ille Spiritus, ratio tamen cogit Verbum illud, quo se dicit ex necessitate esse. Quibus aperte docet Anselmus, quod, etsi nullæ essent Creaturæ, vel possibiles, vel futuræ, nihilominus Verbum divinum omnino invariatur subsisteret: At si nullæ essent Creaturæ possibiles, nec futuræ, nulla pariter esset in Deo cognitio: Ergo sublata Creaturarum, cognitione Verbum divinum omnino invariatur subsisteret: Idem dicendum de Spiritu sancto. Secundò, ridiculum, & absurdum videtur asserere, idcirco Deum esse, & Verbum divinum idcirco procedere, quia musca, a ut formica, v. g. est possibilis: Ergo etiam ridiculum est dicere, quod si hæc, vel illa creatura, quæ possibilis est impossibilis redderetur, Verbum divinum intrinsecè invariatur non maneret. Tertio, magis necessarium à minus necessario dependere non potest: Sed necessitas processionis Verbi, est major necessitate possibilitatis creaturarum, cum sit necessitas entis à se; hæc verò necessitas entis dependentis ab alio: Ergo Verbum in sui productione à possibilitate Creaturarum dependere non potest: Ergo, nec ex illarum cognitione procedere.

Respondit Thomista: Quod etsi Verbum divinum à cognitione Creaturarum possibilem procedat per se, non sequitur inde, quod ab illis dependeat, seu quod illis indigeat, sed solum, quod cum illis necessario connectatur.

Contra. Eo ipso, quod Verbum divinum, ita necessario cum possibilitate Creaturarum connectitur, ut sine illa subsistere nequeat, à Creaturis dependet: Illa enim mutuò inter se dependent, quæ mutuò sese inferunt, & au-

ferunt; Sed admissa necessaria connectione inter productionem Verbi divini, & Creaturam possibilitatem sese mutuò inferrent, & auferrent: Ergo si Verbum divinum sine Creaturis procedere, & subsistere non possit, sequitur, quod ab illis dependeat.

Confirmatur 2. Maxime de Creaturis futuris; Verbum divinum est simpliciter necessarium: Ergo ejus processio est, simpliciter necessaria, adeoque oritur ab intellectu divino fecundato per objectum summè necessarium; sed Creaturæ futuræ non sunt necessariae, imò sunt omnino contingentes, quia Deus potest pro libito decernere, vel non decernere earum futuritionem; Ergo non possunt supponi tanquam objectum prærequisitum, & influens ad generationem Verbi.

Deinde si Verbum divinum supponeret cognitionem Creaturarum futurarum, sequeretur scientiam liberam prius esse in Deo, quam Verbum produceretur; sed hoc est absurdum. Si scientia libera esset in Deo antea productionem Verbi, etiam, & decreta libera illam productionem Verbi antecederent prioritate naturæ: Scientia enim libera supponit decretum, atque ita si scientia libera est prior, etiam decretum est prius: Sed decreta non sunt in Deo priusquam Verbum generetur; Tum quia in Deo naturalia sunt priora liberis; Ergo generatio Verbi quæ est naturalis, prior est decretis liberis. Tum quia si decreta essent in Deo ante generationem, & spirationem, necessario communicarentur, ut Verbum in ipsa generatione; Sed hoc implicat, quia sic decretum non esset liberum respectu Verbi, cui communicatur; nam ille actus non est liber Verbo, ad quod Verbum non se liberè determinat; sed si recipit decretum à Patre in sua generatione, non se determinat ad illud, adeoque

re-

respectu illius decretum non esset liberum: Tum denique quia opera Dei, quæ concernunt creaturas sunt indivisa opera Trinitatis; sed illa decreta de futuritione creaturarum sunt opera Dei concernentia creaturas: Ergo indivisim spectant adorandam Trinitatem, adeoque eam supponunt, & consequenter personæ producendæ non supponunt illam creaturarum futuritionem, nec proinde creaturæ sunt objecta, ex quibus focundatur divinus intellectus, divinaque voluntas in productione Verbi, & Spiritus sancti.

Obijciat 1. Verbum divinum, expressivum est eorum omnium, quæ repræsentantur in scientia Dei: Ergo eorum cognitionem supponit: Sed creaturæ omnes repræsentantur in essentia Dei. Ergo, &c. Probatum major autoritate S. Augustini lib. 15. de Trinit. c. 14. *Non enim, inquit, seipsum integrè, perfecteque dixisset, si aliquid minus, aut amplius esset in ejus Verbo, quàm in ipso; Quidam enim in ea scientia est, de quo genitum est in ipso est; quod autem in ea non est, nec in ipso est. Novit itaque omnia Deus Pater in seipso, novit in Filio; sed in seipso, tanquam in seipso; in Filio autem, tanquam Verbo suo, quod est de omnibus, quæ sunt in seipso.* Et Zeno Veronensis serm. 1. de æterni Verbi generatione. *Nascitur de toto totus, de perfecto perfectus totum Pater habens, nihil derogans Patri.* Minor etiam constat ex eodem S. Augustino, qui pluribi edocet, creaturas repræsentare, & esse in essentia divina tanquam in entitatis Oceano: Unde de Trinitate cap. 10. *Vocas Verbum perfectum, cui non distat aliquid, & artem quandam omnipotentis, plenam omnium rationum viventium, & commutabilium, & omnes unum in ea, sicut ipsa unum de uno, cum quo unum; ibi novit omnia Deus, quæ fecit per ipsum.*

Distinguo majorem: Pro eo instanti,
Tom. III.

quo repræsentabilia sunt, concedo; ante, nego. Quia ergo creaturæ non sunt repræsentabiles in eodem instanti, quia nondum concipiuntur possibiles, aut futuræ in illo priori instanti originis, quo producit Verbum, sed tantum in aliquo instanti posteriori; ideo in illo priori instanti creaturas, nec repræsentare, nec exprimere dicitur. *Ad inorem similiter distinguo;* Creaturæ repræsentantur in Essentia divina, in illo priori instanti originis, quo producit Verbum, nego; in posteriori, concedo: *Vel aliter.* Creaturæ sunt in essentia Dei, secundum suam esse virtuale, quatenus nempe essentia divina est fons, & oceanus cujuslibet entitatis, tam increatæ, quàm creatæ, concedo: Secundum suum esse formale, & proprium, nego: Unde quamvis supponantur creaturæ ad productionem Verbi, secundum illud esse virtuale, non propterea dici possunt concurrere ad illam productionem in ratione objecti, quia illud esse virtuale nihil aliud est, quàm ipsamet essentia divina.

Instabit; Verbum divinum est infinitum in ratione Verbi: Ergo etiam infinite repræsentativum, & expressivum; & consequenter exprimere, & repræsentare debet omne prorsus repræsentabile pro quocumque instanti, quo est Verbum: Sed in illo priori instanti originis producit Verbum, sub ratione formali Verbi, adeoque repræsentare debet quicquid est repræsentabile, & consequenter cum creaturæ sint repræsentabiles, eas exprimere debet, adeoque earum cognitionem, pro eo instanti suæ generationis, debet supponere.

Distinguo sequelam majoris: Debet repræsentare omne, quod est repræsentabile pro illo priori instanti, quo est Verbum, concedo; debet repræsentare, quod nondum est repræsentabile,

R

pro

pro illo instanti; nego; Ergo cum creaturæ non sint possibiles, aut futuræ pro omni instanti, quo est Verbum formaliter, sed tantum in instanti sequente processiones divinas; etiam non debet eas repræsentare pro illo priori instanti, sed tantum in instanti consequente.

Urgebis: Verbum ex ratione formali Verbi non potest repræsentare, nisi ea à quibus procedit: Ergo, vel Verbum divinum nullatenus repræsentat creaturas pro quolibet instanti posteriori, vel ab eis procedit: Sed asserere Verbum divinum non repræsentare creaturas, est apertè contra sententiam sancti Augustini supra laudatam: Ergo, &c.

Distinguo antecedens; Verbum creatum propter suam limitationem non potest exprimere, nisi à quibus procedit; quia nempe illa omnia quorum est Verbum, concurrunt ad ejus formationem, concedo: Verbum divinum non potest repræsentare, nisi ea à quibus procedit, nego. Cum enim habeat infinitam vim repræsentandi, exprimere potest quicquid est repræsentabile pro eo instanti, quo repræsentabile est. Unde congruè dicitur *Speculum Sapientie* 7. Scimus enim, quòd specula possunt repræsentare etiam, quæ non sunt, non quidem, quando non sunt, sed postea quando sunt: Hinc Verbum divinum exprimit, & repræsentat creaturas secundum earum esse virtuale in priori instanti originis; in posteriori verò repræsentat eas secundum illarum esse formale, scilicet postquam completus est ordo divinarum processuum.

Objic. 2. Verbum divinum procedit ex cognitione comprehensiva divinæ essentiae, & omnipotentiae, & consequenter ex cognitione eorum omnium sine quibus omnipotentia comprehendi non potest: Sed omnipotentia com-

prehendi nequit, non cognitis creaturis sub ratione saltem possibilitum: Ergo illarum cognitionem supponit. Major patet. Minor vero probatur: Virtus causæ comprehendendi non potest nisi cognoscantur omnes effectus à tali causa oriundi, & in ea virtualiter contenti: Sed omnipotentia est virtus operativa Dei in qua continentur omnes creaturæ possibiles. Ergo illis non cognitis comprehendendi non potest.

Distinguo majorem: Procedit ex cognitione comprehensiva, hoc est, quæ intensivè est infinita, & adæquata objecto infinito per se moventi, & fecundanti intellectum divinum ad productionem Verbi, concedo: hoc est, quæ in illo ipso priori instanti originis quòd producitur Verbum debeat terminari ad omnia objecta secundaria, quæ tantum habeant esse in instanti posteriori, nimirum postquam completus est ordo divinarum processuum, nego: Sufficit enim ad perfectam Verbi rationem, quòd procedat ex objecto infinitè perfecto, & virtualiter continente in omnipotentia sua tanquam in radice omnia objecta secundaria, nec requiritur, ut ab eis objectis secundariis formaliter, & actu cognitis procedat.

Ad majorem dico, quòd ad comprehensionem alicujus potentiae non requiratur necessariò, quòd cognoscantur formaliter, & actu omnes effectus, & omnia objecta ad quæ sese extendere potest, sed sufficit, quòd cognoscantur virtualiter, & abitualiter, seu, quòd cognoscatur omnimoda vis illius potentiae secundum omnes gradus activitatis si tales gradus habeat; certum est autem, quòd in illo ipso priori instanti originis, in quo Pater divinus producit filium, etiam cognoscit omnipotentiam suam esse infinitæ virtutis, & activitatis, adeoque illam comprehendit.

Objicis 3. Aut Pater æternus in instanti-

stanti generationis Filii cognoscit creaturas, aut non cognoscit. Si cognoscit: Ergo cum in eo instanti Filius procedat, illæ creaturæ obijciuntur intellectui divino; adeoque ex illis Filius procedit. Si non cognoscit: Ergo aliquid addidit in generatione, quod in priori instanti nesciebat.

Respondet: dici posse, quod in illo priori instanti generationis Pater equidem, nondum concipiatur cognoscere creaturas, nec eas ipsius intellectui obijci, sed tantum, ubi omnimodè completæ sunt divinæ processiones. Nec exinde sequitur absurdum, sicut ex eo, quod in illo priori instanti generationis, nondum concipiatur producere Spiritum sanctum qui produciatur tantum in posteriori signo originis.

Infab: Quidquid Verbum habet, accipit à Patre per æternam generationem juxta illud Matth. 11. *Omnia mihi tradita sunt à Patre meo.* Et Joannis 17. *Omnia mea tua sunt, & tua mea sunt;* & illud, *Mea doctrina non est mea, sed ejus qui misit me Patris.* Sed Verbum divinum habet cognitionem creaturarum: Ergo eam accipit à Patre per æternam generationem, & ex vi suæ processionis; adeoque in instanti generationis Filii, creaturæ percipiuntur ab intellectu divino, & consequenter Filius procedit ex cognitione illorum omnium.

Distinguo majorem: Quidquid Verbum divinum habet, accipit à Patre vel formaliter, & ex vi suæ processionis; vel concomitanter, & identicè, ratione scilicet communicatæ sibi naturæ divinæ cum omnibus suis attributis, & potentis infinitè operativis, concedo: accipit tantum ex vi suæ generationis, nego. Similiter minorem distinguo: Verbum divinum habet cognitionem creaturarum quam accipit ex vi, & ratione formali suæ genera-

tionis; quasi Pater æternus creaturas cognosceret in illo ipso instanti generationis, nego: eam habet concomitanter, & identicè, quatenus nimirum in sua generatione, recepit naturam divinam, & intellectum divinum infinitè cognoscitivum; & proinde qui possit sese extendere ad omne cognoscibile pro eo instanti, quod cognoscibile erit, concedo.

Adde quod quamvis concederemus, quod Pater divinus cognosceret creaturas in illo priori signo quod Verbum generat, non inde tamen sequeretur in nostra sententia quod Verbum procederet ex creaturarum noticia, siquidem supra probatum est, Verbi processionem non esse intellectiōem, sed diciōem: Unde, quamvis creaturæ essent objecta divini intellectus, in illo priori signo, in quo generatur Verbum; non idcirco conferretur ad productionem Verbi; non enim quodlibet objectum forciundat divinum intellectum, ut sit præductivus Verbi, sed id solum præstat objectum motivum, & adequatum, quales non sunt creaturæ respectu divini intellectus, sed sola natura divina; ideoque præcedentes, & aliz similes objectiones in nostram assertionem directe non militant.

CONCLUSIO SECUNDA.

PROCESSIONES divina, nedum supponunt cognitionem, & volitionem essentia divina, & omnium perfectionum attributarum, sed etiam trium divinarum personarum. Hæc videtur esse genuina Doctoris Subtilis sententia, quoad utramque partem: de priori quidem, nulla est difficultas, conveniunt enim omnes Theologi utriusque Scholæ, & Angelicæ, & Subtilis, essentiam divinam unâ cum omnibus suis perfectionibus absolutis, adeoque cum intellectu, ac voluntate, & scientia, ac volitione perfectissima terminata utique ad ipsam essentiam, ejusque perfectio-

R 2 nes

nes, esse priorem processionibus, & relationibus, adeoque prius cognitam, & amaram quàm producat Verbum, & Spiritus sanctus.

Quòd autem censet Doctor, etiam personas divinas, in illo priori signo, cognosci pariter, & amari, colligo ex variis ejus dictis. Primò namque in 1. dist. 6. q. unica num. 5. ait, *Pater hoc modo gignit Filium volens; quia Pater, in primo signo originis, intelligit formaliter; & tunc etiam potest habere actum volendi formaliter; In secundo signo originis gignit Filium, nec tantum vult illam generationem volitione sequente illam gignitionem; sed volitione habita in primo signo originis, qua volitione Pater formaliter vult, presupposita aliquando intellectione, quâ Pater intelligit, non autem gignitione Verbi. Sic ergo dico, quòd Pater volens generat, non tantum voluntate consequente, sed voluntate antecedente: Quasi diceret, quòd Pater volens generat Filium volitione, quæ antecedit, & terminatur etiam ad ipsam generationem, antequàm sit Filius prioritatem aliqua rationis, vel originis; qualiter eum explicant, & propugnant Faber, Smising. disput. 3. nu. 264. Rada. Controversia 12. circa quartam conclusionem; ubi dicit esse Scoto conformius asserere, quòd cognitio, & simplex complacencia divinæ voluntatis, erga Filium, generationem ejus antecedit in Patre: Estque eadem ratio cum proportionem de processione Spiritus sancti; ita ut eam in Patre, & Filio antecedit cognitio, simplexque volitio, & dilectio Spiritus sancti.*

2. Doctor in 1. dist. 1. quæst. 2. nu. 5. asserit Patrem divinum esse beatum prius origine, quàm Filium generet, quia nullam perfectionem sibi intrinsicam habet à persona producta; Beatitudo autem est perfectio intrinseca personæ beatæ, hæc autem Beatitudo sit per visionem essentiæ, vel absolute

seu quatenus est essentia, vel inquit; *Ut est in una persona præcisè: Ergo censet essentiam divinam videri posse, ut est in persona Patris, prius origine, quàm generetur Filius: Sed ita videri nequit, quin pariter videatur Filius: non enim videri potest intuitivè essentia, ut est in Patre, quin simul videatur Paternitas constituens Patrem; nec potest Paternitas videri, quin videatur Filiatio, quia correlativa sunt simul naturæ, & cognitione: Ergo ex mente Doctoris visio, & amor Filii, ac Spiritus sancti præcedunt instanti originis eorum productionem.*

3. Fatetur Doctor pluribi, maximè in 2. distinctione 1. quæstione 1. numero 14. Personas divinas procedere ab intellectu, & voluntate fecundatis, per objectum divinum primum: Sed ibidem numero 3. docet, nedum essentiam, & attributa, sed etiam divinas personas comprehendere sub objecto primario; ibi enim duo distinguit naturæ instantia, in quorum primo continentur divinæ productiones, & operationes ad intra; in secundo verò operationes intellectus, & voluntatis divinæ circa creaturas, tanquam circa objecta secundaria, *Quæ, inquit, non sunt ex se objecta, sed producta per intellectum, & voluntatem in esse objecti: Ergo censet divinas processiones supponere cognitionem, & amorem nedum Essentiæ divinæ, sed etiam divinarum personarum.*

Nec refert, quòd in 1. dist. 10. quæst. unica nu. 14. dicat, Spiritum sanctum, antecederet ad sui productionem, non esse cognitum, Oportet, inquit, Essentiam divinam, cujus amor spiratur, esse præcognitam Patri, & Filio ad hoc, ut spirent: Sed non oportet in isto instanti originis, concedere Spiritum sanctum, qui est amor spiratus esse præcognitum Patri, & Filio. Hæc enim non dixit resolute, & assertivè; sed quasi dubitè, & probe.

blematicè, unde subdit, *Aliter posset dici, quòd, in illo priori signo originis, aequam intelligatur Spiritus sanctus spirari, Pater, & Filius cognoscunt Spiritum sanctum, ut intuitivè, licet non, ut existentem in se, quia cognoscunt Essentiam divinam, qua est ratio cognoscendi intuitivè quodcumque objectum intelligibile.* Hoc est cognosci potest Spiritus sanctus à Patre, & Filio antequàm concipiatur productus, nimirum in ipsa Essentia divina, in qua Deus cognoscit intuitivè res etiam creatas, antequàm exsistant.

Ex his itaque constat, Doctorem Subtilem, hac in resolvenda questione, aut esse omnino problematicum, aut in nostram sententiam propendere; adeoque videri potest quantum allucinentur Recentiores quique Theologi qui sententiam oppositam Doctori adscribunt, quasi eam assertivè docuerit, & propugnaverit.

Probatur insuper Conclusio 1. Pater divinus prius cognoscit, & diligit seipsum quàm generet Filium: Ergo etiam prius cognoscit, & diligit Filium. Pater antecedit, quia in illo priori signo originis Pater divinus est adæquatè constitutus in sua personali- tate: Erat ergo, sub illa ratione cognoscibilis, & diligibilis, in illo priori signo, unum quodque enim, eò modò quòd est, etiam cognoscibile, & diligibile est: Ergo sub illa ratione se- se actu cognoscit, & diligit pro illo signo; infinita enim cognitio, & dilectio, qualis est divina, non potest non attingere omne cognoscibile, & diligibile, juxta modum suæ cognoscibilitatis, & diligibilitatis. Probatur consequentia, Eodem actu, quò Pater cognoscit, & diligit seipsum sub ratione Patris, etiam cognoscit, & diligit Filium sub ratione Filii; cum enim totum esse Patris, quò Pater est, sit relati- vum; nec possit quis cognoscere,

aut velle relativum, quò tale, nisi eodem actu, saltem in obliquo, cognos- car, & velic correlativum: inde fit, quòd Pater divinus in priori signo o- riginis quò cognoscit, & diligit seip- sum, etiam cognoscit, & diligit Fi- lium. Eadem ratio est de Spiritu san- cto; si enim aliqua esset ratio, ob quam non posset pro illo signo, cognosci, & diligi Spiritus sanctus, maximè, quia, in illo priori signo, nondum Spiritus sanctus intelligitur esse; nihil autem sit intelligibile, & diligibile, nisi dum habet esse: At eodem modo, nec Filius, pro primo signo, intelligitur esse, & tamen, pro illo signo, necesse est eum diligi, & cognosci à Patre, quia Pater, in quantum Pater non potest intelli- gi sine Filio: Ergo, &c.

Deinde Verbum supponit cognitio- nem comprehensivam divinæ Essen- tiæ: Sed Essentia divina non potest comprehendi, nisi in illa cognoscantur personæ divinæ: Ergo, &c. Major pa- tet. Minor probatur: Essentia divina comprehendi non potest, nisi cogno- scatur pariter quidquid est ipsi interin- secum, & omnimodè identificatum; sed personæ divinæ identificantur cum essentia: Ergo non potest cogno- sci sine personis.

Denique Essentia divina compre- hendi nequit, nisi pariter cognosca- tur, ut fecunda, & tribus personis communicabilis: Sed, ut sic cognosci nequit non cognitis ipsis personis di- nis: Ergo, &c. Major est nota: Nam essentiam esse communicabilem tribus personis est prædicatum absolutum, illius divinæ Essentiz: Ergo implicat essentiam Dei comprehendi, nisi, ut communicabilis tribus personis co- gnoscatur. Minor etiam patet: Nam, essentia, ut communicabilis tribus per- sonis essentialiter cum illis connecti- tur, & realiter identificatur; Implicat autem cognosci comprehensivè id, quod

quod essentialiter cum alio connectitur, & identificatur non cognitio terminò essentialis connexionis, sicut nec relatio sine termino, nec cognitio sine objecto comprehendì possunt: Ergo, &c.

Dices 1. In illo signo non possunt cognosci, & diligi Filius, & Spiritus sanctus, in quo non sunt cognoscibiles, nec diligibiles; Sed in illo priori signo, nec sunt cognoscibiles, nec diligibiles. Probatur: Vel enim sunt cognoscibiles abstractive, vel intuitivè: Sed neutrum dici potest. Non quidem *abstractive*: Tum quia talis cognitio esset imperfecta, & non commensurata objecto, quod præscindere non potest ab existentia, quia est ens necesse esse: Tum quia personæ divinæ, sunt actus puri, illa autem abstractio objectiva esset quædam potentialitas, quæ actui puro repugnat. Non etiam *intuitivè*, quia intuitiva cognitio terminatur ad rem existentem, vel futuram; personæ autem divinæ, in illo priori signo, non concipiuntur existentes; nec dici possunt futuræ in posterioribus signis; futuritio enim repugnat actui puro, & enti summè necessario, quales sunt divinæ personæ: Ergo earum cognitio non præsupponitur ad processiones divinas.

Nego minorem, & ad ejus probandum dico, personas productas, eodem instanti cognosci, quò producentes. Potest enim aliquid prius esse altero, secundum originem, & tamen esse simul cum altero, secundum cognitionem; quia prioritas originis non est prioritas *in quo*; sed tantum prioritas *a quo*; si multas autem cognitionis sit in instanti *in quo*: Licet ergo Filius, & Spiritus sanctus, sint Patre origine posteriores, tamen quia sunt cum illo simul duratione, naturâ, & subsistendi consequentiâ: Inde eodem instanti, *in quo*, sunt cognoscibiles cum Pa-

tre. Non itaque ut futuræ, vel abstrahentes ab esse, sed solum, ut præsentis, & ut ens necesse esse, sicut, & ipse Pater.

Instabis: Cognitio intuitiva supponit objectum suum existens: Sed in illo priori signo, in quo divina intellectio terminatur ad essentiam, Verbum non supponitur existens, quia nondum, supponitur productum: Ergo in illo priori signo noritiam intuitivam terminare non potest, & consequenter, nec abstractive, nec intuitivè cognosci potest in illo signo; adeoque in eo, nullò modò est cognoscibilis.

Distinguo majorem. Supponit objectum suum existens in instanti reali naturæ, vel durationis, concedo: originis, & emanationis, nego. Minorem: similiter distingo in illo priori signo originis Filius non concipitur productus, concedo: reverà non est productus, nego. Prioritas enim originis dicit tantum Filium esse à Patre, non autem Patrem esse existentem aliquo instanti, in quo non sit Filius; in illa enim adoranda Trinitate nihil est prius aut posterius.

Urgebit: Si Verbum supponat cognitionem sui ipsius, & Spiritus sancti, sequitur ipsum procedere à seipso, & Spiritu sancto, nec non, & esse posteriorem seipso, & Spiritu sancto: Sed utrumque est absurdum: Ergo, &c.

Nego sequelam majoris: Nam, ut dictum est, illa prioritas originis non, infert anterioritatem unius ad aliud, secundum existentiam: Sed tantummodo, secundum terminationem cognitionis, ita quòd prius operatio simplex divini intellectus, divinæque voluntatis terminetur ad essentiam, & ad personas divinas, quàm dictio, & spiratio concipiuntur terminari ad Verbum, & Spiritum sanctum, quatenus sunt productiones, adeoque non sequitur personas productas esse priores, aut

aut posteriores seipſis; ſed tantum quod poſſint concipi, & cognosci antequam producantur; non prioritate durationis, ſed conceptus.

Dices 1. Si productio Verbi ſupponeret cognitionem Spiritus ſancti, eſſet ejus imago; ſed hoc dici nequit; eſt enim imago ſolius patris, ut dicemus infra. Patet ſequela majoris: eſt enim imago, & expreſſio illius cognitionis, quam ejus productio ſequitur.

Nego ſequelam majoris. Necnon ejus probationem, Filius enim eſt tantum imago illius à quo producitur, quia, ut ſic vendicat ſibi duplicem reſpectum imaginis, nempe reſpectum principiat ad principium per quod producitur, & reſpectum ſimilitudinis, ſeu repræſentantis ad repræſentatum: Unde, cum Spiritus ſanctus non ſit principium productivum Verbi, ſed tantum terminus illius cognitionis divinæ, quam Verbi productio ſupponit: Inde dici non poteſt, quòd ſit imago Spiritus ſancti. Tum quia Spiritus ſanctus non eſt objectum motivum ad illam cognitionem præviā, ſed ſolum eſſentia divina, quam divinus Pater habet à ſe, non verò à Spiritu ſancto. Tum quia ad Spiritum ſanctum, non habet reſpectum principiat ad principium: Ergo, &c.

QUÆSTIO TERTIA.

Qui, & quales ſint divinarum proceſſionum termini?

NOTANDUM 1. quòd cum divinæ proceſſiones verè ſint actiones productivæ, etiam neceſſariò requirunt terminum, ſicut, & proportionem ſervata omnes actiones creaturarum, productivæ. Duplex autem actionis productivæ in creatis diſtinguitur terminus, nimirum *à quo*, & *ad quem*; actio enim productiva eſt veluti tendentia

ab uno ad aliud. Terminus à quo iterum duplex, nimirum propriè, & impropriè dictus: Prior ex Ariſtotele lib. 1. Phyſicorum cap. 5. & ſequentibus, nihil aliud eſt, quàm privatio illius formæ, quæ per novam productionem, ſeu mutationem acquiritur; quò ſit, ut producta formâ, terminus *à quo*, ſeu illius formæ privatio, deſinat: Poſterior verò dici poteſt id, unde aliquid oritur, & producitur, ſic natura divina dici poteſt terminus à quo generationis Filii, quia nempe eſt principium actionis productivæ Filii. Similiter terminus *ad quem* duplex diſtinguitur, nimirum formalis, & totalis: Prior eſt ratione cujus actio referatur ad totalem: Poſterior verò, eſt ipſa perſona producta, ſecundum totum ſuum eſſe, tam eſſentiale, quàm perſonale.

Notandum 2. In divinis nullum eſſe terminum *à quo* propriè dictum, ſiquidem terminus à quo, eſt privatio illius formæ vel rei, quæ producitur, quæ deſinit eodem instanti, quò forma producitur; nulla autem in divinis eſt perſonarum productarum privatio, nihilque eſt, quod per productionem divinarum perſonarum extinguitur, & ceſſet eſſe in Deo, ſicut extinguitur privatio, illò ipſo instanti, quò forma producta incipit eſſe. Difficultas autem eſt de termino à quo, ſecundum quid, & impropriè dicto, an ſcilicet admittendus ſit in divinis, dicique poſſit perſonas divinas de ſubſtantia producentis emanare.

Notandum 3. Quòd etſi omnes Catholici Doctores conſentiant Filium oriri de ſubſtantia Patris, & Spiritum ſanctum de ſubſtantia Patris, & Filii; non tamen conveniunt in modo, quò perſona producta, eſt de ſubſtantia, ſeu eſſentia perſonæ, *à qua* procedit. *Disputandum* enim in 1. diſt. 5. quæſt. 2. & *Henricus* ibidem cenſent Filium dici eſſe

esse de substantia Patris, eò quòd essentia Patris Filium constituat tanquam materia, seclusis tamen his materiæ imperfectionibus, nempe quòd inquit, *Materia sit potentia pura, quæ non sit actu, nisi per aliquam formam sibi advenientem, item, quòd transmutetur de privatione ad formam, & quòd acquirendo unam formam amittat aliam, &c.* Perfectiones autem materiæ convenientes essentia divinx tres assignat Durandus, nempe quòd, *Materia præexistat producendo, & inexistat producto*: quòd cum forma constituat totum: quòd in se recipiat formam, & sit generationis subiectum. Inde concludit Durandus, essentiam divinam habere quasi rationem materiæ respectu Filii, & Spiritus sancti, nam essentia divina, quòdam ordine naturæ, præexistit personæ procedenti in divinis, & productæ inexistit. Item cum proprietate relativa, quæ est forma personæ, constituit totam personam producentem. Denique eandem relationem in se recipit, eique veluti subiectum generationis divinx: Unde sit, ut sit de essentia personæ producentis, quasi materia. Verum contra hanc sententiam reclamant omnes penè alii Doctores Catholici, asserentes, divinam essentiam, nec esse materiam, nec quasi materiam divinx processionis: Sed tantum esse principium formale subsistens, in quantum videlicet essentia Patris, Filio, per generationem communicata, in eo subsistit.

His prænotatis, tria sunt in præsentì Quæstione resolvenda: *Primò*, an persona procedens verè sit de substantia ejus, à qua procedit; *Secundò*, an essentia divina sit terminus à quo processionum per modum materiæ, vel formæ: *Tertiò*, an terminus ad quem divinarum processionum sit vel essentia, vel relatio, vel utrumque.

CONCLUSIO PRIMA.

REVERÀ processionem divinam sunt de aliquo, scilicet de Essentia divina. Hæc est omnium penè Theologorum & Præbatur primò autoritate Conciliorum; nam Concilia Toletana 3. 4. & maxime undecimum in Confessione fidei ita loquuntur; *Filius non ex nihilo, aut ex alia substantia, sed ex utero Patris, id est, ex substantia genitus credendus est*: Ubi imitatur illud Patris ad Filium in Psalm. *Ex utero ante Luciferum genui te*: Quo etiam testimonio utitur Concilium Hispalense 2. Can. 13. Concilium Nicænum in Confessione fidei, & Ephesinum in Epistola ad Nestorium, *Credimus (inquit) in unum Dominum Jesum Christum Filium Dei natum ex Patre, hoc est, ex substantia Patris, Deum de Deo.*

Denique idem habet Concilium Florentinum sess. 19. dicens: *Hanc nobis doctrinam Doctores omnes tradiderant, orationes hæc exponentes; Filius est ex substantia Patris, et sanctus Spiritus ex Patris, Filiique substantia, constat etiam ex Symbolis, in quibus Filius dicitur, Deus & Deus: Iam d: lumine, &c. maxime verò in Symbolo sancti Athanasii, ubi legimus, Deus est ex substantia Patris, ante sæcula genitus.*

Probant hoc ipsum omnes sancti Patres, maxime verò S. Augustinus lib. 3. contra Maximinum cap. 14. *Aus de aliqua substantia, inquit, natus est Dei Filius, aut de nulla: Si de nulla, ergo de nihilo; quod vos Arianæ non dicere jam tenemus; si de aliqua, nec tamen de Patris, non verus est Filius; si de Patris, unius, ejusdemque substantiæ sunt Pater, & Filius.* Et cap. 15. eandem probationem, cum proportionem, extendit ad Spiritum sanctum dicens, *Spiritus sanctus non est de nihilo, sed inde est unde procedit.* Simili argumento eandem veritatem probat idem ipse, vel potius al-

alter in lib. contra Felicianum cap. 6. *Nativitatem, inquit, Filii Dei, ortumque rimantibus, hæc, nisi fallor, occurrunt: id est, ut aut ex Patre sit: aut ex nihilo, aut ex altero, aut ex seipso. Horum quæso consequentiam videamus, si ex seipso, non rectè Filius dicitur, qui non natus, sed ingenuus prædicatur: si ex nihilo; creatura cum cæteris, non creatura auctor ostenditur. Si ex altero; non ejus, cui credimus, sed ejus, cujus incogniti Patris Filius prædicatur. Quod si præter hæc quatuor non potest inveniri quintum; nec de his propter evidentem blasphemiam tria prædicari penitus possunt; restat ut substantialem de Patre sit genitus.*

Probatur insuper Conclusio. Filius divinus non est de nihilo productus, alioqui esset creatus, & creatura, igitur est de aliquo præexistente: sed nihil aliud præexistit, quam ipse Pater, Ergo oriri debet de Patris substantia.

Secundò. Omnis Filius habet in se aliquid Patris; non enim Filius est id, quod producit de externa materia, aliàs Claves, & Tunicæ, cæteraque artefacta essent Filii fabricorum, sutorum, & artificum: Ergo Filius etiam divinus debet in se habere aliquid Patris; at non habet Paternitatem: Ergo habet essentiam, ex qua oritur.

Denique si non esset de substantia Patris, non posset ei dici consubstantialis: at consequens est absurdum, & contra fidem: Ergo, &c.

Dices 1. Essentia, & substantia divina est, simplicissima, & indivisum commune Patri, Filio, & Spiritui sancto: Ergo si Filius, v.g. oriatur ex essentia divina, qua ratione dicitur esse de substantia Patris, eadem dicitur esse de substantia propria, nec-nons & de substantia Spiritus sancti: sed consequens hoc est absurdum: Ergo, &c.

Nego sequelam majoris: Cum enim Filius dicitur esse de substantia Patris, nihil aliud significatur, quam quod

Tom. III.

eadem essentia, & substantia, quæ est in Patre in primo signo originis, communicetur Filio in secundo signo originis: Filius autem, in illo priori signo originis, non rectè dicitur habere essentiam, quæ illi communicatur in secundo signo; nec ille sibi ipsi propriam substantiam communicat, ideoque dici non debet de sua substantia, sed de substantia Patris.

Dices 2. Si Pater divinus genuit Filium de sua substantia: Ergo Verbum dici poterit Filius substantiæ Patris: Sed hoc est absurdum, dicitur enim tantum Filius respectu correlativi, nempe patris; at essentia divina non habet rationem Patris: neque correlativi ad Filium: Ergo nec Filius dici potest de ea genitus.

Nego sequelam majoris: Quamquam enim S. Augustinus lib. 15. de Trinitate cap. 19. explicans illud ad Colossenses 3. *Qui eruit nos de potestate tenebrarum, & transfudit in Regnum Filii Charitatis sue,* dicat, *Filium Charitatis esse Filium substantiæ Patris, seu Filium, qui de substantia ejus est genitus;* Nihilominus hæc locutio est impropria; Filius enim propriè non dicitur per respectum ad principium quo producit, sed per respectum ad principium quod: Unde Verbum divinum dici non debet propriè Filius substantiæ Patris, sed potius Filius de substantia Patris, ut ipsemet S. Augustinus exponit ibidem, nec-nons, & cap. 12. vel 13. *Tale est, quod dico, inquit, de Patris scientia, vel de Patris essentia, ac si expressius dicerem de Patre scientia, vel de Patre essentia.*

CONCLUSIO SECUNDA.

PERSONÆ procedentes sunt de substantia producentium, non per modum materia, sed per modum formæ.

PROBATUR 1. Autoritate sanctorum Patrum, qui maximo consensu affirmant, causam materiale esse re-

S

mo;

movendam à processionibus divinis ; Ita S. Hilarius lib. 12. de Trinitate , *Hic ergo ; inquit , ingentis ante omne tempus ex se Filium genuit non ex aliqua subjacente materia , quia per Filium omnia ; non ex nihilo , quia ex se Filius ;* Similiter S. August. lib. 3. contra Maximinum cap. 14. *Vos autem , inquit , nec Filium de substantia Patris genitum vultis , & tamen cum , nec ex nihilo , nec ex aliqua materia , sed ex Patre esse conceditis , nec videtis , quàm necesse sit , ut qui non est ex nihilo , nec aliquare , sed ex Deo , nisi ex Dei substantia esse non possit .* Unde merito colligit Doctor in 1. dist. 5. qu. 2. num. 11. quòd *Omnes Doctores antiqui , qui à tempore Augustini , usque ad istum (nempe Henricum) non sunt ausi in divinis nominare materiam , nec quasi materiam .* Cum tamen omnes concorditer dicant cum Augustino , quòd *Filius generatur de substantia Patris .*

Probat autem Conclusionem Doctor ibidem num. 5. Primò quia essentia divina est terminus formalis productionis generativæ Filii ; Ergo non est quasi materia ejusdem . Consequentia patet : Quod enim est materia , vel quasi materia in generatione , est in potentia , vel quasi in potentia ad terminum formalem , non potest autem idem esse in potentia ad seipsum : Ergo idem non potest esse terminus formalis , & quasi materia generationis : Igitur si essentia divina est terminus formalis divinæ generationis , non est ejusdem quasi materia . *Probat autem antecedens ; Priuò autoritate .* nam Joannis 10. Filius ait , *Pater meus , quod dedit mihi majus omnibus est ;* Majus autem omnibus non est , nisi aliquid infinitum , adeoque est essentia divina , quam Pater dedit Filio . Deinde S. Augustinus lib. 15. de Trinit. cap. 26. *Sicut Filio , inquit , præstat essentiam , sine initio temporis , sine ulla mutabilitate na-*

tura de Patre generatio , ita Spiritui sancto præstat essentiam , sine ullo initio temporis , sine ulla mutabilitate natura de utroque processio . Secundò , terminus formalis est id , quod perfectius est in generatione : Sed essentia est perfectior in personis productis , quia relationes personales non dicunt perfectionem . Ergo est etiam terminus formalis . Addit , quòd in creatis natura est terminus formalis generationis , non autem proprietas individualis : Ergo idem dicendum in divinis . Denique generatio in divinis non esset univoca , si essentia divina non esset terminus formalis , quia ad generationem univocam requiritur , quòd generans , & genitum conveniant in termino formali ; non convenirent autem personæ productæ cum productis , si essentia divina non esset terminus formalis : Ergo , &c.

Probat 2. Quia si Filius generaretur de essentia , ut de quasi materia , vel essentia sic accepta esset quid absolutum , & commune tribus Personis vel quatenus est in primo supposito . Si primum : Ergo Filius procedit de seipso , quia procedit de essentia , ut est communis tribus Personis . Si secundum : Ergo essentia , ut est in Patre , erit Filius , quia , ut est in Patre , recipit relationem Filiationis , tanquam formam Filii constitutivam .

Tertiò , quia Spiritus sanctus est de essentia æquè , ac Filius , & tamen , ex mente Henrici , non est de Essentia tanquam de Materia , aliàs ejus productio esset naturalis ; Ergo nec ex ea debet esse Filius tanquam de Materia .

Quamquam autem hic communior Doctorum loquendi modus , & ad Catholicam veritatem magis sit accommodatus , nihilominus non omnino improbanda est Henrici sententia : Si nempe ille sit sensus , quod quemadmodum materia præsupponitur , & rei , quæ

quæ sit ex ea, & reperitur, & subsistit cum illa re, & quæ est forma determinativa, & constitutiva; ita essentia divina Patris præsupponitur in priori signo originis Filio, qui de ipsa generari dicitur, & intrinsecè includitur in Filio simul cum relatione filiationis, quæ est veluti forma constitutiva Filii; Unde hæc quæstio tota penè est de nomine. Certum enim est, quòd in divinis non sit propriè forma, sicut nec materia: Sed utraque Deo tribuitur tantùm per metaphoram, & quandam proportionem, quam essentia divina habere potest cum forma, & materia in creaturis: Nihilominus *Materia* nomen Deum magis dedecet, quàm *Forma*: Siquidem cum sit substantia spiritalis, & purus actus; hæc utraque appellatio directè militat cum materiæ vocabulo, non ita cum nomine formæ.

CONCLUSIO TERTIA.

DIVINARUM processionum terminus totalis, ad quem, est tota persona producta; terminus verò formalis est ipsa met natura divina communicata Personis productis à producentibus; Hæc Conclusio duas habet partes, quarum.

*Probat*ur prima; Primò quidem à sanctis Patribus, qui Filium Dei totum de toto originatum, & productum esse pronunciant; sic Nazianzenus Orat. 50. Filium appellat, *Perfectum de perfecto, totum à toto, plenum à pleno*; Et infra, *In Patre totum, quod inest totum genuit Filium*: Subscribit S. Ambrosius de Filii divinitate cap. 7. *Tantus est Filius, inquit, quantus videtur esse Pater, totus de toto, integer de integro, perfectus de perfecto, consummataque virtute, & sicut Apostolus dicit, in quo inhabitat omnis plenitudo Divinitatis corporaliter*. Concinit, & Hilarius lib. 7. de Trinit. *Unum, inquit, ex uno & totum à toto Deum, & Filium, neque per nativitatem Patri ademisse, quod to-*

tus est, neque hoc ipsum totum non secum nascendo tenuisse. Idem habet S. Augustinus plurib; maximè Sermone 125. de Tempore: *Genuit Filium, ait, totum à toto, perfectum à perfecto, plenum à pleno*. Idem pari ratione dici debet de Spiritu sancto, unde Concilium Florentinum sess. 18. communi consensu Latinorum, & Græcorum per Joannem, & Marcum statuit; *Processionem esse, qua Spiritus sanctus accipit esse, ac illud totum, quòd est, quoque propriè Spiritus sanctus nuncupatur*. His itaque, constat Filium, & Spiritum sanctum, secundum se totos, idest, quatenus constant essentia divina, & relatione personali, non autem secundum præcisam relationem filiationis, aut spirationis, esse terminos totales divinarum processionum.

Secundò, Persona producta non est composita, sed omninò indivisibilis: Ergo tota producitur; maximè cum productio terminetur ad rem quatenus existit à parte rei. Hanc rationem irarumget S. Hilarius lib. 9. de Trinit. *Dum, inquit, non ex portione compositus est (Filius) sed ex simplicitate perfectus est; necesse est, ut secundum, quòd est Pater, ipse sit omnium suorum ei, quem ex se genuit, Pater totus; dum eum Patrem ex suis omnibus nativitas Filii perfecta consummat*. Quasi diceret, cum Persona producta sit omninò simplex, etiam, & simpliciter dici debet producta.

Secunda pars est Doctoris in 1. dist. 5. qu. 2. & dist. 13. num. 12. ubi loquens de productionibus divinis ait: *Productio ista non est fluxus aliquis, neque forma fluens, neque est ejusdem rationis cum forma, quia terminus formalis productionis est aliquod essentiale*. Censet ergo Doctor relationem constitutivam personæ productæ non esse terminum formalem productionis. Probat *primò*, Natura est terminus formalis in productione, Creaturarum, non autem

personalitas, aut suppositalitas: Ergo idem pariter est in divinis à plena paritate rationis. *Secundò*, Ille est terminus formalis productionis, qui est forma conferens illud esse, quod primò, & per se intenditur in productione: sed essentia divina confert illud esse, quod primò, & per se intenditur in productionibus divinis, nempe quòd Persona producta sit Deus: Ergo essentia dici debet terminus formalis productionis.

Confirmatur. Quoniam generatio tendit ad hoc, ut Filius perfectè assimiletur Patri in essentia, ex vi formalissima suæ generationis; & Spiritus sanctus ex identitate essentia sibi communicat; Sed illam similitudinem, & identitatem confert, non relatio, sed essentia: Ergo hujus communicatio primario intenditur in productione divina. *Tertiò* denique, Si relatio, non verò essentia, esset terminus formalis processionum divinarum, sequeretur illas non esse univocas, sed æquivocas: At falsum consequens: Ergo, & antecedens. Pater sequela majoris; Univoca enim sunt, *Quorum nomen commune est, & ratio substantia nomini accommodata omnino eadem*, ut docet Aristoteles in Ante-prædicamentis: Sed si relationes Personarum constitutivæ essent termini formales earum productionum, nec personæ productæ invicem, & cum producentibus haberent nomen commune; Filius enim non dicitur Pater; nec formale significatum per nomen esset eis commune, quòd significatur enim per filiationem, non est commune Patri, nec Spiritui sancto, & consequenter non essent univocæ, sed æquivocæ. Hoc autem est absurdum; sequeretur enim eas esse diversæ speciei, & naturæ. Quod implicat, æquivoca namque sunt diversæ naturæ, adeoque diversæ speciei.

Nec refert, quòd personæ adquatè

sumptæ, non sint ejusdem rationis, quia habent relationes oppositas, & disparatas: Nam ad univocationem, inquit Doctor in 1. dist. 13. num. 23. non requiritur, quòd univocata adquatè sumpta, sint omnino ejusdem rationis; alias Petrus, & Paulus non essent univoci, quia includunt Petreitatem, & Pauleitatem, quæ sunt primò diversæ; Sufficit ergo, quòd conveniant in univocatione essentia.

Dices 1. Terminus formalis productionis debet esse productus: Sed essentia non est producta. Ergo, nec est terminus formalis productionis. Minor constat, Essentia enim divina, nec producit, nec producitur. Probatur minor, quia *propter quod unumquodque tale, & illud magis*; Sed terminus totalis, qui dicitur productus, ita denominatur propter formalem terminum; Ergo hic magis debet dici productus; Minor patet; Terminus enim formalis productionis est ratio formaliter constituens productum in esse producti. Ergo, &c.

Nego majorem; Anima enim rationalis in productione; & generatione hominis, est terminus formalis dans esse formale homini genito, illa tamen non producit ab homine generante, sed sufficit, quòd communicetur ex exigentia naturali illi corpori ab homine genito; sic etiam beatissima Virgo dicitur *Deigenitrix*, non quòd Verbum genuerit, aut hypostaticam unionem effectivè produxerit, sed quòd physicè concurrerit ad productionem naturæ humanæ exigentis naturaliter suppositum, vel proprium, vel divinum. Ergo à simili sufficit, quòd essentia divina communicetur personis productis, & det eis esse divinum, ut dicatur terminus formalis productionis.

Ad probationem respondeo: Illud axiomata, propter quod unumquodque tale, &

& illud magis, non verificari in omni genere causæ, maxime in causa formalium propter animam rationalem Petrus est homo, nihilominus anima non est magis homo, quam Petrus. Adde quod nec in Creaturis, nec in Deo terminus formalis rei productæ sit ratio formaliter constituens eam in esse producti, imò in Creaturis hæc ratio est de prædicamento actionis, aut passionis, adeoque accidentalis est; qualis certe non est forma substantialis producta.

Dicitur 2. Terminus, qui producitur, accipit suam realitatem formaliter ex vi termini formalis; Sed Filius non accipit formaliter suam realitatem ex vi essentia; sed ex vi filiationis, quæ est sua personalis proprietas: Ergo essentia non est terminus formalis divinæ productionis.

Distinguo minorem; Non accipit suam realitatem personalem ex vi essentia, concedo: Essentialem, & divinam, nego. Per essentiam enim sibi communicatam Filius accipit esse divinum, in quo inibitur divina filiatio, & sine quo illa nihil esset; Itaque Filiatio est quasi forma constituens eum in esse Filii, & personæ; quæ forma pertinet ad terminum totalem, qui producitur ut quod. Terminus autem, ut quo est ipsamet essentia.

Dicitur 3. Ille est terminus formalis, qui in termino totali habet rationem formæ constitutivæ, & distinctivæ: Sed sola ratio personalis hoc habet in persona producta, Ergo illa sola est terminus formalis. Major patet ex mox dictis: Probatur minor. Relatio est, quæ constituit personam, & efficit distinctionem inter producents, & terminum productum; non enim invicem distinguuntur realiter per essentiam: Ergo essentia non est terminus formalis.

Distinguo priorem partem minoris, ut

prius: Relatio habet rationem formæ constitutivæ in esse personali, concedo; Substantiali, nego. Unde essentia divina se habet quidem, ut forma dans esse divinum; Relatio verò, ut modus, seu terminus essentia tribuens esse personale.

Ad posteriorem minoris partem dico, equidem terminum formalem in creatis productis, statuere ordinem, & realem distinctionem inter producents, & formalem terminum productum, quoniam terminus ille formalis in creatis ordinariè producitur. Secus autem in divinis, ubi terminus ille formalis non producitur, sed tantum communicatur. Unde quantum ad hanc partem neganda est paritas.

Instabis. Essentia, ut diximus, est terminus formalis quo, saltem improprie dictus: Ergo non potest esse formaliter terminus ad quem; Patet consequentia; terminus enim quo, & ad quem opponuntur.

Nego consequentiam: Sicut enim non repugnat eandem essentiam, quæ est in Patre, per generationem communicari Filio; ita etiam non repugnat eandem essentiam esse principium formale quo: & terminum ad quem, quatenus consideratur in diversis suppositis, & personis.

Ex his colligitur 1. Doctor in 1. dist. 5. qu. 2. num. 13. Filium divinum (idem dicendum de Spiritu sancto) non esse de nihilo, ex eo, quod sit de substantia Patris, hoc est, quia recipit à Patre eandem numero naturam, quemadmodum enim inquit, illa non sunt ex nihilo, quæ præsupponunt materiam suam: ita nec illa dici debent fieri ex nihilo, quæ præsupponunt formam suam: Sed Filius præsupponit essentiam divinam in Patre, quasi formam sibi communicatam; Ergo non est dicendus fieri ex nihilo.

Colligitur 2. Quod hæc totalis divinæ

na;

naturæ communicatio sufficit ad veram, & genuinam generationis rationem, non minùs, imò multò perfectiùs, quàm si fieret per substantiæ generantis decisionem; sicut enim inquit homo generans verè censetur Pater, ex eo, quòd suæ substantiæ partem decidat, eamque ad Filii formationem subministret; multò perfectiùs sibi Patris nomen vindicare debet divinus Pater; *Non decidendo aliquid sui, sed totam essentiam suam communicando, & hoc ut formalem terminum illius productionis . . . Quemadmodum enim, si Pater creatus immediatè decideret à se Filium, verè esset Pater, quia illud, quòd esset, de se verè esset terminus actionis; Sic multò magis æternus Pater perfectè filium generare dicitur, non solùm partem, sed totam naturam suam indivisim ei communicando.*

Colligit 3. Verbum divinum produci non per decisionem substantiæ divinx, nec per illius destructionem; sed per communicationem indivisibilem ejusdem omninò, non solùm identitate reali, sed etiam formali essentix divinx, ut decernitur cap. *Damnamus* de summa Trinit. nimirum, *Dici non posse, quòd partem substantia suæ Filio dederit Pater, & partem ipse sibi retinuerit, cum substantia Patris indivisibilis sit; ut potè simplex omnino.*

Quærit: An eodem modo, & indiscriminatim uti liceat propositione ex, & de ad significandam consubstantialitatem personæ procedentis cum principio producente?

Respondeo 1. Has duas propositiones *ex, & de*, vix apud linguarum Græcæ, & Latinæ peritos, & interpretes discrimen habere: Unde etiam indiscriminatim utriusque plurimi ex sanctis Patribus utuntur, ad denotandam consubstantialitatem personæ produ-

ctæ cum producente; sic S. Chrysostomus rom. 3. de Spiritu sancto probat ejus Divinitatem, & consubstantialitatem cum Patre ex Verbis Apost. 1. Corinth. 2. *Spiritum, qui ex Deo est. Ex Deo autem, inquit, nihil dicitur, nisi quòd est ex substantia ejus:* Sic utraque particula utitur Nazianzenus Orat. 2. de fide Nicæna, ubi sic legimus, *Deus de Deo, lumen de lumine, vita ex vita, perfectum de perfectò, totum à toto, plenum à pleno.* Sic denique Ecclesia Latina Nicænum Symbolum effert, *Ex Patre natum, ante omnia secula, Deum de Deo, & de Spiritu sancto, Qui ex Patre, Filioque procedit.*

Respondeo 2. Propositionem de aptiorem esse, & frequenriùs usurpari ad significandam consubstantialitatem producti, & producentis; præpositio enim *ex* secundùm vim suæ significationis, importat tantùm ordinem producti ad producentem non significando consubstantialitatem: at verò præpositio *de* significat præterea consubstantialitatem rei productæ cum principio producente, ut explicat S. Augustinus lib. de natura boni contra Manichæos cap. 26. *Ex ipso*, inquit, *non hoc significat, quòd de ipso; Quòd enim de ipso est, potest dici ex ipso, non autem omne, quòd ex ipso est rectè dicitur, de ipso.* *Ex ipso enim Cælum, & Terra, quia ipse fecit ea; non autem de ipso, quia non de substantia sua; sicut si aliquis homo gignat Filium, & faciat domum, ex ipso Filius, ex ipso domus; sed Filius de ipso, domus de terra, & ligno.* Hinc etiam Ariani, ut refert Theodoretus lib. 1. Historiæ Ecclesiasticæ cap. 8. & ut legitur in actis Concilii Nicæni cap. 2. circa finem, ut simularent se Catholicæ fidei consentire, concedebant Filium ex Deo esse. Etenim; inquebat Eusebius Nicomedienfis eorum Princeps, *Nos quoque ex Deo sumus; unusque Deus, ex quo omnia;* sed Catholici Episcopi, *Frau-*

Fraudulento conatu exploratè cognito plamè explicarunt illud: Ex Deo esse, Ut tum creatura propterea, quod non ipsa ex se, aut sine causa orta sit; sed principium ortus sui babeant ex Deo esse dicantur: Tum Filius solus existimetur ex Patris essentia consistere: hoc enim unigeniti, & veri Verbi Dei Patris proprium est; quod autem ab Episcopis scriptum est, ex Patris essentia, hac causa fuit: Sic insidiosè Arrianorum vocabula notavit Nazianzenus Orat. 49. ubi Arrianum ita carpit, Quia lumen Pater, & lumen Filius, rectè lumen de lumine credimus. Tu autem non lumen de lumine, sed lumen ex lumine, ita aseris, quasi à Patre, qui verè lumen est aliud lumen sit factum, quod de ipsa Patris substantia non sit, sed sicut aliud quodlibet lumen quamquam à Deo sit factum longè tamen aliud sit ab eo, qui fuerit; & ideo lumen ex lumine, non de lumine dicitur.

Nec refert, quòd particula de etiam videatur interdum non significare consubstantialitatem principii, & principiat, ut colligit Driedo lib. 3. de Regulis, & Dogmatibus sacre Scripturæ, ex illo Matth. 1. *Quod in ea natum est de Spiritu sancto est, & ex Symbolo Apostolorum, Conceptus est de Spiritu sancto ex Maria Virgine, & in Symbolo Nicæno, Incarnatus est de Spiritu sancto: Quæ verba Christi humanitatis formationem indicant, secundum quàm non est consubstantialis Spiritui sancto.*

Respondeo enim particulam de idem ibi significare, ac præpositionem ex: Tum quia ita præfatum Matthæi contextum explicat S. Athanasius Dialogo 3. de Trinit. circa finem, Inventa est, inquit, gravida ex Spiritu sancto: Tum quia Maldonatus, & Salmeron eundem contextum exponentes, affirmant præpositionem ex magis ad Verbum respondere Græco: Tum denique quia S. Ambrosius lib. 2. de Spiritu

sancto cap. 5. exponens illud Matth. 1. Inventa est in utero habens de Spiritu sancto, observat, quòd licèt, plerique habeant de Spiritu; Græcos tamen undò transtulerunt Latini, dicit, Ex Spiritu sancto, quod enim inquit, ex aliquo est, aut ex substantia ejus est, aut ex potestate ejus; ex substantia, sicut Filius, qui ait, Ex ore alissimi providi: sicut Spiritus sanctus, qui à Patre procedit; ex Patre autem, sicut illud est; unus Deus Pater, ex quo omnia: Ex quibus infer Mariam sanctissimam genuisse ex Spiritu sancto, non ex substantia sed ex potestate; adeoque supponit præpositionem de consubstantialitatem determinatè significare, quam præpositio ex solùm indeterminatè declarat.

QUAESTIO QUARTA.

Quomodò fiant divina Processiones, an liberè, vel naturaliter?

NOTANDUM 1. Quatuor à Philosophis distingui operandi modos, nimirum liberè, naturaliter, contingenter, & necessariò: Quorum duo priores, ita invicem opponuntur, ut simul subsistere non possint in eodem principio, & respectu ejusdem effectus; sicut, nec duæ differentiae dividentes idem genus inesse possunt eidem speciei. Etenim quodlibet agens, vel determinatur ad agendum, & sic agit naturaliter; vel seipsum determinat, & sic liberè: Posteriores verò duo operandi modi, non sic invicem opponuntur; eadem enim facultas agere potest necessariò, simul, & contingenter. Actio namque dicitur necessaria, quæ non potest non sublequi, undecumque proveniat necessitas, sive ex libera determinatione facultatis, sive aliunde: Actio verò contingens ea est, quæ potest non esse, sive impediatur ab extrinseco, sive suspendatur ex libera de-

determinatione voluntatis; quò fit, ut contingentia, & necessitas stare possint cum modo operandi naturaliter, & liberè: Ex eo enim, quòd aliquid sit liberum, non sequitur illud non esse necessarium; imò quòd major est libertas, eò major est necessitas; nam, ut inquit S. Anselmus lib. de libero arbitrio cap. 5. *Qui sic habet, quod decet, & expedit, ut hoc amittere nequeat, liberior est, quàm ille, qui sic habet hoc ipsum, ut possit perdere.* Unde subdit, *Liberior igitur est voluntas, quæ à rectitudine declinare non potest.* Idem docet S. Augustinus in Enchiridio cap. 105. loquens de summa libertate, qua frueretur homo post hujus vitæ miseras: *Sic oportebas, inquit, prius luminem fieri, ut, & bene velle posset, & malè; idest, ut haberet libertatem contradictionis, & contrarietatis: Postea verò sic eris, ut malè velle non possit; nec libero carebit arbitrio, multò quippe liberius erit arbitrium, quòd omnino non poterit servire peccato; neque enim culpanda est voluntas, aut voluntas non est, aut libera dicenda est, quæ beati esse sic volumus, ut esse miseri, non solum nolumus, sed nequaquam velle possimus.*

Notandum 2. Multiplicem distinguí libertatem, sed maximè quadruplicem, nimirum *Contradictionis*, quæ est ad positionem, vel non positionem actus, v.g. ad velle, vel non velle. 2. *Contrarietatis*, quæ est ad actus contrarios, & positivos respectu alicujus objecti, cujusmodi sunt nolle, & velle, amare, & odisse. 3. *Complacentiæ*, quæ voluntas sibi complacet in aliquo, etiam si respectu illius non habeat rationem causæ, nec aliquem actum positivum eliciat. 4. denique *Essentiale*, seu simplicem, quæ consistit in ordine actus ad principium sese eligibiliter, & delectabiliter determinans ad actum. Similiter quadruplex est necessitas. 1. *Violentia*, quæ accidit reluctante natura, sic grave violenter fertur sur-

sum, & leve deorsum. 2. *Coactionis*, quæ accidit reluctante voluntate; dum quis, v.g. aliquid facit, aut patitur, contra propriam inclinationem. 3. *Immutabilitatis*, quæ fit, ut oppositum non possit evenire, licet res absolute possit non esse; sic Deus necessariò dicitur facere quicquid faciendum decrevit, alioquin mutaretur, potuit tamen non decernere rem illam non faciendam. 4. Denique est necessitas omnimodæ *Inevitabilitatis*, quando nimirum aliquid ira est, ut absolute non possit non esse: Sic Deus se amat necessariò, quia non potest se non amare.

Notandum 3. Cum quæritur, an divinus Pater Filium suum volens genuerit: Quæstionem hanc duplicem referre sensum; quorum *Primus* est, an Pater producat Filium voluntate, idque voluntate, vel concurrente ad Filium, sicut ad Creaturarum productionem, vel voluntate immediate efficiente, productionem Filii, sicut concurret ad productionem Spiritus sancti; vel denique voluntate applicante, aut copulante parentem cum prole, idest, intellectum Patris ad generationem Verbi. *Secundus* sensus est, an saltem voluntariè Pater genuerit Filium; idque, vel antecedenter, vel concomitanter, vel subsequenter, hoc est, an voluerit generationem Filii in priori signo originis, quo nondum intelligitur Filius productus, vel dum producit in secundo signo; vel ubi productus concipitur in tertio signo.

CONCLUSIO PRIMA.

VERBI divini processio nullatenus est libera, sed naturalis. Hæc Conclusio probata manet ex illis, quæ diximus, Filium non procedere per voluntatem, sed per memoriam favendam, divinumque Patris intellectum, qui, ut constat, non est facultas liberè, sed naturaliter operans, & producens.

Confirmatur, insuper autoritate. Primò quidem Concilii Nicæni lib. 2. circa medium; *De Patris sapientia*, inquit, *Deus verè est ex ipso Deo, æternus ex æterno, verus ex vero, cùm sit naturâ Filius æterni Dei, & Patris*. Similiter Athanasius Orat. 2. contra Arrianos, Filium esse dicit *ex Patre naturale genimen, & naturalem factum, & partum*: Et Orat. 3. Verbi generationem appellat *naturalem generationem*: Et Orat. 4. invehitur adversus Arrianos, qui Deo necessitatem coactionis adscribebant, eò quòd Catholici Filium Dei naturaliter, & necessariò à Patre genitum esse dicerent: Unde subjungit; *Id enim, quod oppositum est voluntati animadvertunt: Id autem, quod majus est, altiusque non conspexerunt. Vt enim opponitur voluntati, id, quod est præter animi sententiam; ita altius est, priusque voluntate, id quod secundum naturam est*. Eodem modo loquitur S. Basilius, qui lib. 2. contra Eunomium, ubi Filii generationem *connaturalem ad Patrem*, nominat: Et Cyrillus Alexandrinus lib. 1. Thesauri cap. 6. ait; *Dignitatem ipse Filius habet à natura, ut videlicet Deus Pater suus naturaliter sit*: Et Ambrosius lib. 4. de Fide cap. 4. *Sicut bonus Pater, alit, non ex voluntate est, aut necessitate, sed super utrumque, hoc est natura: Ita non generat ex voluntate, aut necessitate Pater*. Similiter loquuntur Hilarius lib. 6. de Trinit. ubi ait, *Ex se Unigeniti sui naturalis docetur nativitas*: Et Augustinus lib. 5. de Trinit. cap. 20. notat, *Verbum esse Filium naturæ, non voluntatis*. His itaque constat, Verbi generationem esse naturalem, non verò liberam.

Confirmatur etiam ratione: Omnis productio, quæ fit à principio intrinseco ex se determinato ad unum, proptereaque necessariò operante, est omninò naturalis: Sed Verbi divini generatio procedit ab intellectu in-

Tom. III.

trinsecò determinato ad unum, & omnimodè necessariò operante: Ergo est etiam omnimodè naturalis. Deinde; Productio illa censenda est absolute naturalis, quæ per se, & formalissimè communicat naturam producendo sibi simile in natura; sed talis est Verbi divini productio, ut vidimus in præcedenti Articulo. Ergo, &c. Denique; Productio illa eò magis censenda est naturalis, quò longius distat à libero: Sed Verbi generatio summè distat à libertate; quia nullo modo procedit à voluntate, quæ est thronus, & origo libertatis: Ergo etiam absolute dicenda est naturalis.

Objic. 1. Plures ex SS. Patribus afferentes Verbum procedere per voluntatem: In primis enim Jacobus Zebedel filius, qui apud Clementem Romanum lib. 8. Constitutionum cap. 12. sic Patrem æternum alloquitur: *Ipsium verò ante omnia sæcula generassi voluntate, potentia, & bonitate, sine ullo medio Filium unigenitum*. Idem habet c. 16. Secundò Athanasius in Evangelium de sanctissima Deipara scribit: *Verbum esse ex voluntate Paterna*. Tertio Hilarius lib. de Synodis proximè ante exemplum fidei Syrmicæ, *Nativitas*, inquit, *in eo adeò perfecta natura est, ut qui ex substantia Dei natus est, etiam ex consilio ejus, ac voluntate nascatur*. Similiter S. Augustinus lib. 15. de Trinit. cap. 20. Filium Dei appellat *Consilium de consilio, voluntatem de voluntate*: Quibus concinit Concilium Toletanum 11. in Confessione fidelis scribens; *Secundum essentiam voluntas genuit voluntatem, Filius est voluntas ex voluntate*: Ergo Verbum divinum non naturaliter, sed voluntariè produci dicendum est.

Nego consequentiam; Non enim ea est sanctorum Patrum sententia; sed idcirco dicunt Filium voluntate produci, quia nempe ejus productione com-

T

mu;

municatur natura divina, quæ omnia attributa, adeoque etiam voluntatem essentialiter complectitur; unde veluti omnia hæc ad Verbi formationem, concurrere dicuntur, non per modum principii producentis, sed per modum Divinitatis communicatæ; ita videlicet, ut Pater, qui est ipsa sua voluntas, consilium, sapientia, & cæteræ perfectiones, genuerit Filium, qui fit etiam sua voluntas, consilium, &c. ut explicat præfatum Concilium Toletanum scibens eo modo Filium dici voluntatem de voluntate, quomodo dicitur *natura de natura, quoniam secundum Athanasium non aliud est voluntas, aliud natura Patris.*

Confirmatur hæc responsio etiam ex illis verbis S. Jacobi (*sine ullo medio*) quibus significat Filium non esse genitum concurrenente voluntate, tanquam principio productivo; sed tanquam voluntate inclusa in essentia, cum aliis attributis: unde ait Filium voluntate generari quomodo potentia, & bonitate; Certum est autem, quod Verbum non procedat à potentia, & bonitate tanquam à principiis: Ergo, nec ita procedit à voluntate.

Quod autem ea pariter sit mens præfatorum Patrum, constat; nam Hilarius, & Augustinus libris de Trinitate, toti sunt, ut probent Verbum non adoptione, aut libera voluntate, sed naturâ esse Filium: Similiter sanctus Athanasius illud pluribus evincit contra Arianos: Unde Orat. 4. *Verbum*, inquit, *ex natura gignens non prædeliberat; cum Pater in Verbo reliqua omnia, quæ voluntate decernit, faciat, & condas: quemadmodum Jacobus Apostolus docuit, volens progenit nos Verbo veritatis.* Et infra proferens discrimen inter productionem Filii, & Creaturæ, subdit; *Filius proprium germen substantia Patris non aliunde est, sed à Patre, ideoque de illo non deliberatur, nec*

& de seipso deliberari videntur; quia nimirum si decrevisset Pater non habere Filium, eo ipso decrevisset, ut ipse non esset Pater, ac subinde simpliciter non esset.

Obijcies 2. Sophisma Aetianorum, quod ita refert Nazianz. Orat. 3. de Theologia; Vel volens, inquit, Pater Filium genuit, vel nolens... Si nolens, vim ergo ei allatam necesse est: & quisnam est, qui vim intulit? & quomodo cui vis allata est Deus esse potest? Si autem volens, ergo Filius voluntate est Filius, quo igitur modò ex Patre progenitus est? Ita novam quamdam Matrem voluntatem Patris locò comminiscuntur.

Retorquet objectionem Nazianz. ibidem: *Pater, vel volens Deus est, vel nolens: Si volens, quomodo velle cepit? Non enim prius, quam sit? Et infra; Quid autem asserri poterit, qui juxta tuam argumentandi rationem ipse quoque voluntatis factus sit? Quid si nolens, quis eum coegit, ut esset? Idem habet Aug. lib. 15. de Trinit. cap. 20. & Cyrillus lib. 1. Thef. cap. 8. unde*

Respondet In forma: Pater producit Filium volens voluntate effectiva, aut productiva, nego: Voluntate operativa, & essentiali, concedo. Triplex itaque distingui potest divina voluntas, juxta triplicem habitudinem ad tres distinctos terminos, nimirum ad Creaturas, Spiritum sanctum, & Filium. Etenim est principium effectivum Creaturarum, quas producit ad extra liberè liberatè contradictionis, quia posset eas non producere, si ita noller: Est etiam principium productivum Spiritus sancti ad intra per inspirationem, quæ libera est libertate essentiali, ut dicemus infra: Denique est operativa circa divinam essentiam, & etiam circa Verbi divini productionem; quoniam in priori Signo originis Pater divinus novit, & vult, & amat suam essentiam, & seipsum; imò etiam

etiam Filium, & Spiritum sanctum in-
tellectione, & volitione essentiali, &
simpliciter operativa, priusquam con-
cipiatur producere Filium, & Spiritu-
m sanctum in posterioribus Signis,
ut aperiet iterum.

CONCLUSIO SECUNDA.

PATER producit Verbum voluntarie vo-
luntate, tam antecedente, quam con-
comitante, & consequente: Hæc est Do-
ctoris in 1. dist. 6. num. 5. ubi primam
Conclusionis partem sic probat. Dico,
inquit, quod Pater hoc modo gignit Fi-
lium volens, quia Pater in primo signo ori-
ginis intelligit formaliter, & tunc etiam
potest habere actum volendi formaliter in
secundo signo originis gignit Filium, nec
tantum vult illam gignitionem à volitione
sequenti primam gignitionem, sed volitione
habita in primo signo originis, qua vo-
litione Pater formaliter vult, præsupposi-
ta aliquomodo intellectione, qua Pater in-
telligit, non autem gignitione Verbi; sic
ergo dico, quod Pater volens generat, non
tantum voluntate consequente, sed volun-
tate antecedente.

Quam veritatem sic exponit ille,
vel quivis alius additione sequenti.
In primo instanti Pater habet perfe-
ctum intelligere cujuscumque intelli-
gibilis, & volibilis à se: Ergo in illo
signo intelligit generationem Filii, &
in secundo signo instantis habet ter-
minum productum; nam, & in primo
signo, etsi nulla persona procederet
ab eo, habet, intelligere, & velle; &
in illo priori, intelligit actum dicen-
di, qui est quasi posterior respectu
actus intelligendi, & volendi. Non
igitur Pater tantum complacet volun-
tate in productione filii, sed volens
præcedit actum generationis Filii;
quia Pater quidquid intelligit per es-
sentialiam suam intelligit, & quidquid
vult, per essentialiam suam vult: Unde
licet intelligere Patris præcedat vel-
le; velle tamen Patris præcedit dicere;

ita quod prius Pater est perfectus in
se, & Beatus per intelligere, & velle,
quam illa alteri personæ communicet
per productionem; quia quod non
convenit ei in primo instanti, quod
Pater est, nunquam ei convenit, eo
quod nulla perfectio potest sibi addi
productione cujuscumque personæ,
quia nulla persona habet, nisi quod
est sibi communicatum ab illo: Velle
igitur, sicut intelligere, præcedit dicere:
sic spirare sequitur dicere aliquomodo
scilicet ordine originis.

Secunda, & tertia pars probantur il-
lis omnibus Scripturæ textibus, qui-
bus insinuat Filium à Patre diligi,
& Patrem in eo complacere: Sic Mat-
thæi 3. Hic est Filius meus dilectus, in
quo mihi bene complacui; Sic pariter
Proverbiolum 8. Sapientia æterna
ait, Cum eo eram cuncta componens, &
delectabar per singulos dies, &c. Cujus
loco septuaginta Interpretes sequunt.
Ego eram, cui adgaudebat quotidie, &c.
Unde Athanasius Orat. 2. contra Ar-
rianos, Deus, inquit, ipse imaginis ge-
nitor est, quam contuendo exultat; Simili modo Tertullianus lib. 6. contra
Praxeam præfactum contextum legit,
Ego eram cum illo compingens; ego eram,
ad quam gaudebat. quotidie autem ob-
stabar in persona ipsius. Ubi observan-
da est dilectio cum gaudio, non solum
circa Divinitatem, sed etiam circa
personas Patris, & Filii.

Confirmatur etiam illis omnibus san-
ctorum Patrum sententiis, qui dicunt
Filium Dei à Patre dilectum, & à vo-
lente Patre genitum. Sic Clemens Ro-
manus lib. 7. Constitutionum cap. 42.
ait, Filium beneplacito Patris genitum,
Justinus Dialogo cum Tryphone, Po-
tente Patre prægnatum; & Cyrillus Dia-
logo de Trinit. lib. 2. postquam nega-
vit voluntatem, quæ divinam genera-
tionem præcesserit per modum princi-
pii producentis, Est enim non absque vo-

luntate (generatio) qua est naturaliter, cum voluntas cum natura ejus simul curat, ut sit, qua est. Quæ hanc adversus Conclusionem possent objici, soluta sunt in Quæstione 2. præsentis Articuli, ubi probavimus productionem Filii, & Spiritus sancti supponere notitiam, & amorem nedum Essentiz divinæ, sed etiam ejusdem Filii, & Spiritus sancti.

CONCLUSIO TERTIA.

SPIRITUS sancti processio est necessaria, & tamen libera libertate essentiali. Hæc est Doctoris in 1. dist. 10. nu. 10. & sequentibus, nec-non, & sancti Thomæ, ut constat maxime quæst. 10. de potentia art. 2. ad 5. ubi cum objecisset, *Quod si Spiritus sanctus procedat per modum voluntatis, oportet quod procedat per modum libertatis, quod autem procedit per modum libertatis potest procedere, vel non procedere, quia, qua liberè sunt non sunt determinata ad unum.* Ergo Pater potuit producere Spiritum sanctum, vel non producere, & dare ei quamcumque mensuram magnitudinis vellet, &c. Responder, *Quod naturalis necessitas, secundum quam voluntas aliquid ex necessitate velle dicitur, ut felicitatem, libertati voluntatis non repugnat, ut Augustinus docet in 5. lib. de Civitate Dei cap. 10. libertas enim voluntatis violentiæ, vel coactioni opponitur: Non est violentia vel coactio in hoc, quod aliquid secundum ordinem suæ naturæ movetur. Sed magis in hoc quod naturalis motus impeditur, sicut cum impeditur grave ne descendat ad medium: Unde voluntas liberè appetit felicitatem licet necessariò appetat illam.*

Sic autem, & Deus sua voluntate liberè amat seipsum, & necessarium est, quod tantum amet seipsum quantum bonus est; sicut tantum intelligit seipsum quantum est, liberè ergo Spiritus sanctus procedit à Patre, non tamen possibiliter, sed ex necessitate, nec possibile fuit ipsum procedere minore Patres, sed necessarium fuit ipsum

Patri esse æqualem, sicut, & Filium, qui est Verbum Patris. Ex quibus apertè constat sanctum Thomam asserere non solum libertatem cum necessitate subsistere; sed etiam expressè convenit cum Doctore, Spiritum sanctum procedere liberè, & tamen necessariò.

Nec refert quòd ibidem respondendo ad 3. & prima p. q. 41. art. 2. utramque divinam processionem Naturalem appellet, affirmetque Spiritum sanctum naturaliter procedere, quamvis procedat per modum voluntatis. Ibi namque *Naturale* accipit pro necessario, & ut opponitur contingentì; adeoque *Voluntarium*, quod ibi opponit naturali, sumit pro libero libertate ad opposita; non verò pro libertate essentiali, quam docet subsistere cum necessario.

Probatur itaque Conclusio. Spiritus sanctus procedit per voluntatem, seu per proprium modum operandi voluntatis: Sed proprius modus operandi voluntatis est liber: Ergo procedit liberè. Major probata manet ex dictis, & conceditur ab omnibus. Minor verò probatur; Libertas est de intrinseca ratione voluntatis, ita ut non magis repugnet hominem concipi sine animali rationali, quam voluntatem sine libertate; *Aut enim voluntas non est, aut libera dicenda est, ut inquit S. Augustinus laudatus in 2. Notabili.* Ergo quidquid à voluntate tanquam principio quo produciatur, liberè produciatur.

Deinde quidquid, procedit ut amor, & ut donum liberè procedit, nihil enim est liberius amore, & dono: Sed ex S. Augustino lib. 15. de Trinitate Spiritus sanctus procedit, Non quomodo natus, sed quomodo datur: Ergo procedit ut amor, & donum, & consequenter liberè.

Denique idcirco Adversarii negant Spiritum sanctum procedere liberè, quia contendunt nullam libertatem cum

cum necessitate subsistere; & omnem libertatem esse, vel contrarietatis, seu specificationis, vel contradictionis, seu exercitii. At hoc falsum est; Ergo, & illud unde sequitur. Probatur minor: Primò namque actus amoris, & desiderii, quo appetitus foelicitatem est absque dubio liber, ut experimur; sed non est liber libertate specificationis, quia ille actus non potest fieri odium, aut a versio, non enim possumus odisse foelicitatem: Ergo ille actus simul est necessarius, & liber, non quidem libertate specificationis, quã possumus amare, vel odisse aliquod objectum: Ergo debet esse liber illa libertate, quam assentialem appellamus; quæque definiri potest, *Potentia volitiva agens ex plena deliberatione, absque coactione, & violentia*, seu ut alii loquuntur, *Potentia eligibiliter, & delectabiliter agens*. Secundò Christus liberè mortuus est juxta illud Joan. 10. *Nemo tollit animam meam, sed ego pono eam*, & tamen non potuit non acceptare mortem sibi imperatam à Patre, quùm fuerit impeccabilis; si enim mori refusisset, Paternæ voluntati fuisset inobediens, adeoque peccasset: Ergo simul liberè, & necessariò mortuus est; non quidem libertate specificationis, vel exercitii: Ergo libertate essentiali. Tertiò, in Deo est vera sanctitas, eaque infinita laude digna juxta illud Psalmi 98. *Quoniam sanctus Dominus Deus noster*; Sed sanctitas necessariò requirit libertatem in actibus, nullatenus enim compati potest cum sola naturalitate actionum; in his enim, quæ naturalia sunt, nec laude, nec vituperio digni sumus. Ergo Deus debet dici liber in illis suis actibus, non solum erga creaturas; (quamvis enim creaturæ non essent possibiles, Deus nihilominus esset infinitè sanctus) sed maxime erga seipsum amandum; & amor Dei erga seipsum

est summè necessarius, tam secundum specificationem, quàm secundum exercitium, nullatenus enim eum omittere potest, & multò minus mutare in odium. Ergo datur aliquis actus, qui sit simul necessarius, & liber, non quidem libertate specificationis, aut exercitii, adeoque libertate essentiali.

Confirmant has omnes rationes Scottiæ, ex eo quòd perfectissimus modus operandi, quem concipere possumus, concedendus, & assignandus est divinæ voluntati: Sed modus operandi liberè simul, & necessariò est omnium præstantissimus. Ergo illum debemus Deo assignare. Major constat. Probatur minor: Bonum, quò firmitus possidetur, eò melius: ac certum est, quòd liberè operari sit bonum principio liberò. Ergo, quò certius, & fixius ab ipso possidetur, eò melius, & perfectius ei inest: atqui certissimè possidetur, quòd necessariò habetur. Ergo libertas operationis potest necessariò competere alicui; imò, & debet, ut perfectissimo modo operetur.

Dices 1. Spiritus sanctus procedit naturaliter. Ergo non liberè. Consequentia patet ex dictis, modus enim operandi naturaliter, & liberè sunt directè oppositi. Probatur antecedens ex S. Cyrillo libro 13. thesauri cap. 1. & 2. ubi dicit Spiritum sanctum, *Ex ipso Filio, & in ipso naturaliter existentem*: Et infra, *non est igitur alius Spiritus à Deitatis essentia, sed ex ipsa, & in ipsa naturaliter, sicut digitus in manus, & manus in corpore*.

Denique circa finem ejusdem capituli, Spiritum sanctum appellat *Ex ipsa essentia Divinitatis naturaliter emissum*: Ergo ejus processio non est libera, sed naturalis.

Distinguo antecedens: Spiritus sanctus procedit naturaliter, hoc est, à natura ipsa divina, quæ est principium remotionis

tum ſuz proceſſionis ſicut, & Filii, concedo; id eſt, modo naturali, quatenus *Naturale* opponitur libero; nego: Similiter probatio eſt diſtinguenda; nec enim aliud voluit S. Cyrillus, quàm quòd Spiritus ſanctus producar per ſibi communicatam divinam Eſſentiam: Unde ibidem cap. 1. *Spiritus ſanctus*, inquit, *in ipſo Deo eſſentialiter eſt, & inſeparabiliter ex eo procedit*; hoc eſt, habet eandem eſſentiam cum principio ſuo productivo.

Inſtabis: Spiritus ſanctus procedit à principio determinato ad unum. Ergo ejus proceſſio eſt naturalis, etiam quoad modum producendi naturaliter. Patet antecedens, quia Spiritus ſanctus nequit non eſſe, adeoque neceſſariò provenit à principio determinato ad ſui productionem.

Diſtinguo antecedens: Provenit à principio determinato ad unum ex propria, & voluntaria ſua determinatione, concedo: ex determinatione per formam naturalem, ſicut determinatur grave à ſua forma naturali ad motum deorſum, nego: Determinatur ergo voluntas divina à ſeipſa propter ſuam reſtitutionem circa obſectum infinitum: *Eſſentia enim divina*, inquit Doctor laudatus num. 11. *Qua eſt primum obſectum illius voluntatis eſt ex ſe volenda; igitur voluntas de neceſſitate eſt in actu reſſo volendi illud obſectum, quod eſt ex ſe reſſo volendum; & ſicut ex neceſſitate eſt principium volendi, ita ex neceſſitate eſt principium producendi amorem illius. . . . Et talis voluntas habens tale obſectum præſens, eſt principium communicandi divinam naturam, quia eſt principium producendi amorem infinitum præductum*: Talis enim amor productus proportionatur, tam potentie, quàm obſecto: Unde ſequitur, quòd actus productivus Spiritus ſancti ſit neceſſarius, tam ex parte obſecti infiniti, quàm ex parte reſtitutionis volunta-

tis, quæ non poteſt non amare bonum infinitum, & producere terminum, adæquatum ipſi obſecto.

Dices 2. Talis eſt actio productiva alicuius termini, qualis eſt terminus productus: Sed Spiritus ſanctus naturaliter eſt Deus; non enim poteſt dici Deus liberè in ullo ſenſu libertatis: Ergo ejus productio eſt etiam naturalis, & nullatenus libera.

Nego majorem: Deus enim liberè producit lapidem, quùm omnia ad extra liberrimè faciat; lapis tamen, nullo modo eſt liber, imò purè naturaliter exiſtit. Ergo poteſt eſſe libertas in actione producentis cum naturalitate termini producti; adeoque, quamquam Spiritus ſanctus nullatenus liberè ſit Deus, tamen ejus productio poteſt eſſe aliquatenus libera.

Dices 3. Eſt Spiritus ſancti proceſſio ſit libera, non minùs poteſt eſſe naturalis. Ergo ex hac parte deficit noſtræ concluſionis veritas. Probatur antecedens: Sicut naturale, & liberum dividunt principium agendi; ita pariter illud dividunt neceſſarium, & contingens: Sed idem principium poteſt agere contingenter, & neceſſariò. Ergo etiam poterit agere naturaliter, & liberè. Major patet ex diſtis in 1. Notabili. Probatur minor; Voluntas divina eadem, & ſimplex, ſimul eſt principium agendi contingenter, & neceſſariò; etenim neceſſariò producit Spiritum ſanctum, & contingenter Creaturas. Ergo, &c.

Diſtinguo minorem: Idem principium poteſt agere contingenter, & neceſſariò reſpectu termini primarii, & adæquati, nego: Poteſt agere neceſſariò circa terminum adæquatum, & primum, ac intrinſecum, & contingenter circa terminum ſecundarium inadæquatum, & extrinſecum, concedo: Itaque voluntas divina, ut habet rationem actus primi, per ſe, & ab intrin-

trinfeco est productiva Spiritus sancti, qui est ejus terminus adæquatus primarius, & intrinsecus: Sed respectu Creaturæ, quam contingenter producit, non terminatur ejus actus volendi, nisi tantum secundariò, extrinsecò, & inadæquatè: Unde cum diversitas hujus actus proveniat ex diversitate terminationis, & hæc ex diversitate termini; cumque Creatura sit ens contingens, etiam illa terminatio divinæ voluntatis ad Creaturam dicitur contingens.

Vel absolute: *Nego minorem*, & ad ejus probationem dico, voluntatem divinam non esse principium productivum Creaturarum immediatum, sed omnipotentiam divinam, quæ formaliter à divina voluntate distinguitur, adeoque illa productionum diversitas, nempe Spiritus sancti, & Creaturarum, non in idem principium, sed in diversa est refundenda.

Dices 4. Si Spiritus sanctus procedat liberè, sequitur eum præcognosci, antequam producat: Sed hoc est absurdum. Ergo, &c. *Major* patet, Nihil enim producitur actu voluntatis, nisi

quod præcognoscitur. *Minor* probatur; Si enim cognoscatur Spiritus sanctus, vel dum præcognoscitur est aliquid, vel nihil; non potest dici nihil, quia, ut sic non posset præcognosci, & insuper sequeretur eum præsupponere nihil ante sui productionem, quod nemo dixerit: Si sit aliquid, vel aliquid existens, vel aliquid possibile: Non primum, quia sic existeret ante existentiam: Non etiam secundum, quia Spiritus sanctus non potest habere esse possibile.

Respondet Doctor ibidem num. 14. *Quod in illo priori Signo originis, antequam intelligatur Spiritus sanctus spirari, Pater, & Filius cognoscunt Spiritum sanctum, ut intuitivè, licet non, ut existentem in se, quia cognoscunt essentiam divinam, quæ est ratio cognoscendi intuitivè, quodcumque objectum intelligibile*: Quod etiam nos supra docuimus, nempe Spiritum sanctum, & Filium præintelligi ad eorum productionem, adeoque præfarum argumentum, aliis quidem vim infert, non verò nobis; qualiter autem præcognoscatur dictum est Articulo præcedenti.

DISPUTATIO SECUNDA.

*De Proprietatibus Constitutivis, Distinctivis, & Notificativis
Divinarum Personarum.*

EVULGATA quantum licuit divinarum Personarum origine, & existentia, ordo doctrinæ postulatur, ut earum quidditas, seu constitutiva principia inspiciantur penitus, & limatiùs explicentur. Etenim præter divinam naturam illis adorandis Personis communem; præter unius ab alia procedentis discrepantiam: Certum est proprietates eis inesse aliquas, quibus in formali ratione Personæ

constituuntur, invicemque distant.

At si cujusvis, etiam exilis, & vilissimi vermiculi naturam detegere nequeat oculatissimus quisque Philosophus; quis Theologorum audebit ad ipsum Divinitatis finem assurgere, ibique indagatione curiosa scrutari, quibus characteribus divinæ Personæ constituantur, & invicem distinctæ appareant? Imò quis non cum S. Hilario lib. 2. de Trinitate pronuntiet? *Im-*

men-

mensum est, quod exigitur, incomprehensibile est, quod audetur, ut ultra præfinitionem Dei sermo de Deo sit. Posuit natura nomina Patrem, Filium, & Spiritum sanctum. Juxta significationem sermōis est, extra sensum intentionem, extra intelligentiæ conceptionem, quicquid ultra queritur, non enunciat, non attingitur, non tenetur. Verum subdit ipse, Eum de importuosi locis, in altum turbato mari sumus; nec regredi, nec progredi sine periculo licet; plus tamen difficultatis in emetendis est, quam in emensis.

Autamen, ut ingentes, quæ hac in Disputatione discolleates occurrunt, aliquantulum emolliamus, eas omnes ordine iusto tribus claudemus Articulis, quorum Primus aperiet qualiter divinæ Personæ constituantur, & distinguantur; Secundus refert relationes divinarum Personarum in esse personali constitutivas, & distinctivas; Tertius tandem complectetur characteres, seu notiones, quibus illæ adorandæ Personæ invicem distinctæ nobis, innotescunt.

ARTICULUS PRIMUS.

De Personis, Hypostasis, & Subsistentiis divinis.

DOCTO, sapienterque monet S. Hieronymus lib. 2. de Trinit. Hæreticas celestium verborum simplicitatem pro voluntatis suæ sensu, non pro veritatis ipsius absolutione suscipere, aliter interpretantes, quam dictorum virtus posulet; De intelligentiæ enim hæresi, non de Scripturæ est, & sensus, non sermo fit crimen. Subdit: Ita, & imperitios perdunt dum rationem prædicationis huius affirmant; & audientes fallunt, dum naturam nominibus adimunt. Concludit: Ergo... quia malignitas instinctu diabolica fraudulentia excitata, veritatem rerum per naturæ nomina eludit; nos naturam nominum pro-

feramus. Maximè verò nominum hypostasis, Personæ, & subsistentiæ apertenda est genuina significatio; siquidem comperum est eorum variam interpretationem pluribus fuisse in lapidem offensivam, & petram scandali. Quocirca ad facilitatem, & securiorem determinandorum hoc in articulo intelligentiam, operæ precium duxi nonnulla de præfatis nominibus deliberare, & quidem primò.

DE NOMINE HYPOSTASIS.

Negotium Hypostasis, & Subsistentiæ olim totam Ecclesiam turbasse merito refert Nicephorus lib. 10. Histor. cap. 15. diu namque pugnacum est apud sanctos Patres circa ipsius nominis significationem, num videlicet idem, quod subsistentia, aut, quod suppositum significaret. Scribit autem idem Nicephorus huic controversiæ primū occasionem dedisse Osium Cordubensem Episcopum, qui missus Alexandriam ab Imperatore Constantio, ut excitatam ab Arrio turbam sedaret, primus de substantia, & subsistentia, hoc est, *Uxia*, & *Hypostasi* mentionem fecit, & an idem omnino significarent in quætionem vocavit. Quam quidem quætionem indignam, quæ tractaretur in Concilio primū iudicavit Nicæna Synodus, ut refert ibidem Nicephorus, sed cum paulo post in Concilio Alexandrino (teste Rufino lib. 1. Histor. cap. 29. iterum suborta fuisset controversia inter Patres, & circa utriusque præfati nominis significationem, quidam asserentes eandem esse, alii verò diversam: Inde factum est, ait idem Nicephorus, ut in eodem Concilio Alexandrino definitum fuerit, ne quis communiter uteretur vocabulo hypostasis, cum in sacris Litteris non contineatur, & S. Paulus tantum docendi necessitate coactus abu-

sus

fas fuerit nomine Subsistentiæ ad Hebræos 1. ut essentiam significaret.

Cæterum licet illam in Concilio Alexandrino anno 362. composuisse videtur Magnus Arhanasius, siquidem ipsum Concilio Alexandrino interfuisse affirmat ibidem Nicephorus c. 16. & de ipso loquens Nazianzenus Orat. 11. quæ est de laudibus Arhanasii, ait: *Utraque parte leniter, & humanè accersita, verborumque sententiâ diligenter, & accuratè perpena, posteaquàm concordæ reperis; nec quantum ad doctrinam quidquam inter se dissidentes, ita negotium transgessit, ut nominum usum ipsi concedens rebus eos adstringeret: Idipsum præstitit ipsemet Nazianzenus Constantinopoli, ut testatur Orat. 32. quæ est ad 150. Episcopos, qui cùm fuissent à Theodosio convocati Constantinopolim, & similis inter eos fuisset orta controversia, probavit Nazianzenus nullam de rebus inter eos esse dissensionem, qui dicunt tres hypostasies, & eos, qui unam facientur; illi namque per *Hypostasim* personas; hi verò essentiam intelligebant. Unde liberum videbatur ad hæc usque tempora indifferenter, uti nomine *Hypostasis*, ad significandam naturam, & essentiam, quæ dicitur *Ussa*, aut persona, quæ *Prosepon* appellatur.*

Verùm non ibi sedata, nec omnino exhausta fuit de *Hypostasi* controversia; eam namque paulò post innovarunt Episcopi Antiochenæ Ecclesiæ, quidam admittentes cum Occidentalibus unicam hypostasim; alii cum Orientalibus tres hypostasies, ut patet ex Epistola 10. S. Athanasii, in qua Occidentales arguit, quod hæresim per se stabiliant. Rursus hanc licet tempore sanctorum Hieronymi, & Augustini etiam viguisse ex eorum scriptis colligimus. Cùm enim S. Hieronymus ab Antiocheno Episcopo Arrianæ hæresis patrono urgeretur, &

interpellaretur, ut tres hypostasies in divinis confiteretur, & admitteret; hæc de re Romanam Ecclesiâ, veluti cæterarum matrem, & ad quam majores fidei quæstiones referuntur consulens, quid credere debeat, à sancto Damaso summo Pontifice postulat Epist. 57. ubi inter alia hæc scribit: *Tota, inquit, secularium Litterarum Schola nihil aliud, Hypostasim, nisi Usam novit: Unde post pauca infert, Quisquis tria esse, hoc est, tres esse hypostasies, id est, Usas dicit: Sub nomine pietatis tres naturas conatur asserere: Et paulò inferiùs, Taceantur tres hypostasies si placet, & una teneatur. Acque iterum: Venenum sub melle latet, transfiguravit se Angelus Sathana in Angelum lucis.*

Eadem difficultas S. Augustinum agitavit, & detinuit, nam lib. 5. de Trinitate cap. 8. sic ait. *ESSENTIAM, dico, quæ, usia græcè dicitur, quam usitatis SUBSTANTIAM vocamus: dicunt quidam, & illi, (scilicet græci) hypostasim, ita ut, plerique nostris qui hæc græco tractant eloquio dicere consueverint, præcavimus, neque vos transire, quod idem profut est unam essentiam tres substantias.* Et continuo cap. 9. subiungit, *Sed quia nostra loquendi consuetudo jam obtinuit, ut hoc intelligatur, cùm dicimus Essentiam, quod intelligitur cùm dicimus Substantiam, non audeamus dicere unam essentiam tres substantias.* Et lib. 7. capite 4. *In principio, inquit, dictum est à nostris græcis una essentia, tres substantias à latinis una essentia, vel substantia, tres persona, sicut jam diximus, non aliter in sermone nostro, id est latino essentia, quàm substantia solet intelligi.* Ex quibus constat Augustinum eodem modo suspensam habuisse dictam vocem *Hypostasis* apud Latinos, sicut eam habuit Hieronymus; nisi, quòd tandem lib. 7. de Trinitate cap. 6. concedit Latinè dici posse *tres substantias* in Deo, sicut Græcè dicuntur *tres hypostasies*, ubi scandalu-

lum

lum non esset, & de sensu Catholico constaret.

Inde factum est successu temporis, ut vocabulum *Hypostasis*, ex usu Ecclesiastico, non substantiam, seu essentiam: Sed personam, seu suppositum significaret. Imò quidquid reclamant Grammaticuli quidam hæretici, si antiquitatem ipsam consulamus, patet, *Hypostasis* pro substantia fuisse à doctioribus usurparam: Constat enim in primis Aristotelem, vel alium auctorem libri de mundo ad Alexandrum, circa medium, dixisse, *Forum*, qua ex aere nobis observantur, ut stridim hac attingantur, alia apparent, alia subsistant, seu Græcè, alia sunt secundum *Hypostasis*, hoc est, verè existunt. Item Dionysius cap. 1. de divinis Nominibus Deum appellat *Henada Trishypostaton*, hoc est, unitatem ter subsistentem, & cap. 3. ter utitur nomine *Hypostasis* ad designandam substantiam personarum: Eodem nomine, & in eadem significatione usus est Iulianus Martyr in expositione veræ Confessionis Trinitatis, &c. Quibus pater, perperam Nicephorum lib. 10. Historiz cap. 15. & Socratem lib. 3. cap. 7. dixisse vocem *Hypostasis*, quæ utuntur Ecclesiastici, barbaram esse, & à nullo ex Antiquis, ad significandam personam fuisse usurpam.

DE NOMINE SUBSISTENTIAE.

Subsistentiæ vocabulum varias antiquitus habuit significationes; nam, ut ait Rusticus in disputatione contra Acephalos, *Subsistentia* interdum personam significat, nonnunquam verò substantiam; in sanctis enim Synodo Ephesina utrumque monstratur. Imò Athanasius in Quæstionibus qu. 4. *Subsistentia* nomen extendere videtur ad quodlibet individuum, etiam accidentis significandum, ait enim, *Tres sunt substantia orbis solaris, radius, & lux*: In-

super, tres substantia: subjunctum ignis, urens, & lucens. Frequentius tamen usurpatum fuit in Conciliis ad significandam hypostasis, vel personam. ita Concilium Nicænum 1. lib. 2. ait, *Una divinitas sanctæ Trinitatis in tribus subsistentiis perfectis equalibus consideratur*: Et circa finem eiusdem libri, postquam personas, & hypostases divinas distinguit, adjungit, *Quidquid personæ subsistit, quatenus per se subsistit, proprie natura personam, sive faciem, sive figuram habere dicitur*; Similiter Constantinopolitanum 1. Epistola ad Damasum dicit Deum, *In tribus perfectissimis subsistentiis, sive in tribus perfectis, ut neque Sabellii languor locum habeat confusione subsistentiarum personarum, aut percensione proprietatum*.

Denique Constantinopolitanum, secundum anathematismum 2. ait, *Si quis non confitetur unam Deitatem in tribus subsistentiis, sive personis adorandam, anathema sit*: Idem repetit Concilium Lateranense sub Martino primo, Consultatione 5. Cap. 1. dicens, *Si quis non confitetur secundam sanctos Patres propriè, & verè Patrem Filium, & Spiritum sanctum, Trinitatem in unitate, & unitatem in Trinitate, hoc est, unum Deum in tribus subsistentiis consubstantialibus, anathema sit*.

Hoc ipsum confirmant omnes sancti Patres, quos in longum profert Ruiz disp. 34. sect. 3. Unde Theodoretus in breviario Liberati capite ultimo additionum ait, *Subsistentia, & persona, in nullo significatorum differunt, nisi nomine*; *subsistentia enim persona est, sed natura quidem, & substantia generalis quoddam, subsistentia verò, atque persona quoddam proprium significat*.

DE NOMINE PERSONÆ.

Nomen *Personæ*, ut affirmat Boetius lib. de duabus naturis, videtur traductum ex iis, quæ in com-
diis,

diis, tragediisque eos, quibum inter-
est homines representabant, seu, ut
addit Aelianus, *Quoniam personis indu-
ditis Historias, quorum iuvenat in tra-
gedia, vel comedia representabant, id-
circo ceteros homines, quorum certa esset
pro sui forma agnitio, Latini personas,
& Græci πρόσωπα vocaverunt*. Inde
iuxta primariam sui institutionem,
usurpatum fuit ad designandam, cu-
jusque faciem, & figuram qualiter Pa-
tres Concilii Nicæni lib. 3. personam
usurpaverunt, *Cum personam audimus,
inquirent, ne suspicemur, quod est divi-
num habere humanam effigiem, expers est
enim compositionis, atque figura, cum
autem probasset ex Evangelio, maxi-
mè ex illo Match. 16. Faciem cæli diu-
dicare nostris, ubi pro facie Græcè le-
gitur Πρόσωπον, concludit, quidquid
enim per se subsistit, quatenus per se sub-
sistit propriæ naturæ personam, siue faciem,
siue figuram habere dicitur*.

Nihilominus usus invaluit, ut *Per-
sona* nomen significaret idem, ac sup-
positum, siue ultimum complementum
naturæ individualis, quæ ratione etiam
usurpator passim in Scripturis, ubi le-
gimus Deum non esse acceptatorem per-
sonarum, maximè actorum 10. Roma-
norum 2. &c. Unde, ut Græcis morem
geramus, essentiam pro *Uso*, substan-
tiam pro *Hypostasi*, suppositum pro *Hypo-
plessi*, personam pro *Prosopo* usurpa-
bimus. His prælibatis tria sunt in præ-
senti Articulo resolvenda. Primum,
an, & quomodo nomen, & ratio per-
sonæ Deo conveniat? Secundum,
quibusnam divinx Personæ consti-
tuantur, an videlicet proprietatibus
absolutis, vel relativis. Tertium de-
nique, an præter tres subsistentias re-
lativas, & personarum constitutivas
admittenda sit una absoluta, quæ di-
vina Essentia subsistit.

QUÆSTIO PRIMA.

*An, & quomodo ratio Personæ Deo
conveniat?*

NOTANDUM 1. Variam esse, sed
maximè duplicem personæ defi-
nitionem. Primam tradit Boetius su-
pra laudatus, dicens, *Persona est ra-
tionalis naturæ individua substantia*.
Quam definitionem licet non impro-
bet Doctor, in 1. dist. 23. num. 4. ni-
hilominus censet eam exponendam,
esse per definitionem traditam à Ricar-
do lib. 4. de Trinit. cap. 22. dicente,
quod, *Persona est intellectualis naturæ
incommunicabilis existentia*. Etenim se-
cundum definitionem Boetii sequere-
tur animam rationalem, imò, & Dei-
tatem, quatenus præscindit à suppo-
sitis divinis, esse personam, quia tam
Divinitas, quam anima rationalis, est
rationalis naturæ individua substan-
tia; nullus tamen Deitatem sic consi-
deratam personam appellabit; aliàs
quatuor essent Personæ divinx; Nul-
lus pariter asserere debet animam ra-
tionalem esse personam; siquidem non
est ultimè completæ, nec incommu-
nicabilis, semper enim dicit ordinem
ad corpus, vel quod informat, vel
quod informare potest. Non tamen
me lateat plures huic sententiæ quan-
tùm ad animam rationalem refragari;
at de his viderint Physici, & Meta-
physici.

Notandum 2. Ex eodem ibidem, na-
turam in hoc à persona distingui, quod
natura sit communicabilis, persona
autem sit incommunicabilis, *ut quo,
& ut quod*. Communicari ut quod,
est communicari, ut superius suis in-
ferioribus, cum quibus sit idem, sic
natura humana sit communicabilis,
ut quod Petro, & Paulo, qui uterque
severè est homo; communicari, *ut quo,*
est

est communicari, vel ut natura singularis suo supposito, vel ut forma subiecto, à qua denominatur, sic v.g. natura humana in Christo esto sit singularis, tamen est communicabilis, ut quo, quia est unibilis supposito Verbi, sic pariter albedo, quæ est in pariete, est communicabilis, ut quod, quia ipsi unitur tanquam subiecto, quod informat; Hanc utramque communicabilitatem excludit ratio personæ, & suppositi, siquidem natura personata, nec est alteri communicabilis per modum superioris, & naturæ communis, quia est singularis, & individua: neque etiam ut quo, quia non potest communicari alteri, nec ut supposito, nec ut subiecto. Si quidem non habet rationem partis, sed totius omnimodè completi, & terminati.

Notandum 3. Quod quamvis natura divina secundum se præcisè spectata, & prout præcincit à personis Patris, Filii, & Spiritus S. sic perfecta in esse naturæ divinæ, & infinitæ; quia ut sic constat omnibus prædicatis essentialibus, modis intrinsicis, & attributis eam undequaque in esse naturæ infinitæ constituentibus; nihilominus ut sic, non est completa in esse hypostatice, nec est ultimo terminata secundum existentiam: Si quidem communicatur Patri, Filio, & Spiritui sancto, secundum se subsistentibus, & naturam divinam ultimo terminantibus. Inde fit, quod quamvis natura divina sic considerata, habeat existentiam, & subsistentiam, ut constabit quaestione tertia sequenti; tamen ut sic non habet rationem suppositi, neque personæ; sed constituitur in ratione personæ per proprietates relativas, quæ naturam divinam determinant ad suppositum Patris, Filii, & Spiritus sancti. His notatis tria sunt in præsentī quaestione resolvenda. *Primum*, quod ratio personæ propriè Deo conveniat: *Secundum*,

quod illa ratio non sit aliquid positivum, sed negativum. *Tertium*, quod univocè tribus personis conveniat.

CONCLUSIO PRIMA.
Notandum & ratio Personæ recedat propriè Deo competit. Hac est communis, & de fide, ut constat omnibus illis: Tum Scripturæ, tum Conciliorum oraculis, quibus res divinæ Personæ invicem distinctæ in Deo affirmantur.

Probat etiam ratio. Personæ ex dictis est naturæ rationalis incommunicabilis existentia; sed evidentissimum est hæc tria in definitione personæ posita, nempe naturam rationalem, existentiam, & existendi modum incommunicabilem Deo perfectè competere; naturam quidem rationalem, quippe eam Deus inter naturas spirituales primum, & excellentissimum gradum teneat, & infinitæ non quidem discurrendi; sed intelligendæ virtute, ac sapientia sit præditus. Similiter existentiam, nam ipsi primum, & maxime convenit esse ens necessariò existens; Denique existentiam incommunicabilem ipsi competere, ipsa met naturalis ratio demonstrat, quoniam primum, & maximo enti necessariò competit modus existendi independenter ab alio, & consequenter modus per se subsistendi, quod idem est, ac incommunicabiliter existere: Ergo, &c.

Deinde Si existeret in alio tanquam forma in subiecto, vel tanquam natura in supposito, non existeret per se præcisè, sed tantum ratione alterius; à quo sustentaretur, sed hoc Deum primum ens omnino independentem dedecet, Ergo, &c.

Denique tantò varior, atque perfectior erit in Deo ratio personæ, quantum perfectius illi convenit per se subsistere, atque omnino incommunicabiliter existere; Sed Deo perfectissimè con-

con-

convenit modus subsistendi per se, quippe cum à nullo pendeat tam in esse, quam in conservari: Competit pariter ratio existendi perfectissime independentem ab alio, tanquam à subiecto, & supposito extraneo, & quod non sit divinum ac idem realiter cum Deitate: Ergo pariter ipsi perfectissime competit ratio personæ.

Dicitur 1. Nomen personæ Deo non tribuitur in sacris litteris. *Insuper* inusitatum fuit, & ignotum primis Christianis, ut refert Coccius lib. 1. de Trinitate. Articulo 4. *Denique* propriè nihil est in Deo, quod nomen istud significet, & Theologi utuntur nomine personæ non, ut aliquid expriment, sed ne tacentes videantur, ut ait sanctus Augustinus de Trinitate cap. 9. *Cum* quaeritur, *quid tres? magna profus inopia humanum laborat: eloquium. Dilectum est tamen tres Persona non, ut illud diceretur, sed ne taceretur.* Ergo fatendum est nomen personæ verè Deo non convenire, aut certè Theologos hoc de re nihil exploratum habere.

Nego consequentiam, & ad primum dico; Quamquam nomen personæ nullo reperitur in sacris litteris de Deo dictum; nec ullibi legamus personam Dei; nihilominus, quod personæ nomen significat, multipliciter in Scriptura sacra invenitur affirmatè de Deo, nempe, quod sit Spiritus, infinita sapientia præditus, adeoque, quod sit rationalis natura: Similiter, quod existentiam habeat incommunicabilem, ut quæ, & ut quod, quippe cum propter suam singularitatem communicari non possit tanquam natura communis, & propter suam independentiam communicari nequeat, vel tanquam forma subiecto, vel tanquam natura individuali supposito: Ergo cum ratio personæ Deo perfectissime competat, etiam personæ nomen ipsi congruè tribuitur.

Ad secundum dico, Quod equidem personæ nomen non fuerit primitivè usurpatum à fidelibus, Deoque attributum, sed tamen factum est, inquit Richardus lib. 4. de Trinitate cap. 5. ut, *Qui hoc nomen personæ primò ad divina transulerunt, hoc ipsum ex necessitate fecerunt, ut quid responderent querentibus, quid tres illi in Trinitate essent, cum tres Deos esse respondere non possent.* Subdit: *Non iam quaerimus; ex qua necessitate sit postea ad divina translatum, sed in qua veritate per Spiritum veritatis sit translatus inspiratum, & à Latina Ecclesia universaliter frequentatum.* Certum est ergo, ex inspiratione S. Spiritus, & communi usu Ecclesiæ personæ nomen Deo propriè competere.

Ad tertium dico, Equidem nomen personæ non perfectè declarare quidditatem, & peculiare proprietates, quibus tria Divinitatis supposita distinguuntur ab invicem; nihilominus sapienter illud nomen à Catholicis usurpatum fuisse, ut uno vocabulo respondere possent Sabellianis interrogantibus, quid essent illa tria? Nec aliud voluit Augustinus loco citato: cui quadrat, quod addit lib. 7. cap. 4. *Cum* ergo quaeritur, *quid tria, vel quid tres, conferimus nos ad inveniendum aliquod speciale, vel generale nomen, quod complectamur hæc tria; neque occurrit animo, quia excedit supereminentiā Divinitatis usitati eloqui facultatem: Perinde enim cogitur Deus, quom dicitur, & veridè est, quom cogitur.*

Dicitur 2. Ratio personæ reddit naturam eandem numero incommunicabilem alteri supposito; Natura enim humana, v.g. quæ est personata in Petro, communicari nequit alteri; sed natura divina, quæ communicatur Patri, at eadem etiam communicatur Filio, & Spiritui sancto: Ergo in Patre non est incommunicabilis, adeoque, nec personata.

Respondeo 1. Distinguendo maiorem: Natura personata est incommunicabilis præcisè quatenus natura singularis est, nego: natura enim humana Christi verè, & propriè singularis, ac individualis est, & tamen communicatur, & unitur Verbo: est incommunicabilis reduplicativè, ut personata, hoc est, quatenus significat præcisè naturam determinatam per personalitatem, seu personam in concreto, concedo. Et similiter distincta minore.

Nego consequentiam: Itaque natura divina est quidem in Patre communicabilis alteri, quatenus natura divina est: non verò quatenus personalitas est Patris; ut sic enim nihil aliud significat, quàm suppositum constans naturâ divinâ, & Paternitate; adeoque nihil aliud significat, quàm Patrem. Certum est autem, quòd Pater divinus non sit communicabilis Filio, ut cum eo sit unum, & idem; imò ab eo distinguitur realiter.

Respondeo 2. Hoc esse peculiare divinæ naturæ, quòd eadem omnino, & indivisibilis communicari possit tribus suppositis, quia nec plures numerò naturas divinas patitur illius infinitas; nec aliquam multiplicationem, & divisionem summa illius unitas, & simplicitas sustinet; Secus est autem, de naenris creatis, quæ cum finitè sint, & multiplicabiles; inde fit, quòd eadem numero natura non possit esse in pluribus suppositis.

Dices 3. Natura divina quatenus, præscindit à divinis Personis est omnimodè completa, & incommunicabilis alteri naturæ; siquidem est individua, & singularis: Ergo ipsi non opus est ulla superveniens ratio personæ, & suppositi, quæ ipsam compleat, & incommunicabilem efficiat.

Distinguo antecedent: Est omnimodè completa in ratione naturæ divinæ, nimirum, quia constat prædicatis es-

sentialibus, modis intrinsicis, & attributis ipsam perficientibus, & constitutivis in ratione eatis in se ipsa perfecti, concedo: Est completa in esse hypostatice, & ultimo incommunicabili, nego. Natura enim divina præcisè sumpta; tota, & integra inest Patri, Filio, & Spiritui sancto. Unde ex se non habet rationem suppositi, neque personæ; siquidem non est ultimo terminata secundum existentiam; sed constituitur in esse personæ per proprietates illas relativas, quæ sunt ultimus terminus existentie naturæ divinæ, & cum illa constituunt tres subsistentes ulterius incommunicabiles aliis, ut terminantibus.

CONCLUSIO SECUNDA.
PROBELLUM est: Personalitates divinas esse modum aliquem positivum, terminantem naturam divinam, & illam veluti complementem in esse incommunicabili. Hæc videtur esse genuina Doctoris sententia in 3. dist. 1. questione 11. num. 10. ubi cum dixisset naturam creatam dici posse communicabilem tribus modis, nempe vel actualiter, sicut anima communicatur corpori, quod actu informat, vel apudmodaliter, sicut anima separata, quæ habet inclinationem ad corpus informandum, vel obedientialiter, qualis est potentia obedientialis in anima rationali, ad informandum corpus ejus, subdit, Persona divina non tantum habet negationem communicationis actualis, & apudmodalis sed etiam habet repugnantiam ad communicationem, ut quod, & ut quo. Repugnantia autem talis non potest esse, nisi per entitatem positivam, & ideo sequitur, personam ipsam nunquam esse sine tali entitate, sed, & persona creata, quia non repugnat ei communicari, cum sit in potentia obedientiali, non est sic incommunicabilis, & ideo non oportet tribuere talem entitatem personalem positivam, sed ei sufficit duplex negatio communicationis
nis

nis actualis, & aptitudinalis.

*Probat*ur insuper: Personalitas divina duplex munus forsitur; complex enim naturam divinam, eamque ultimò terminat; & personas divinas constituit, ac distinguit: Sed natura divina non potest compleri per simplicem negationem, neque Personæ divinæ constitui, & realiter invicem distinguì per aliquid purè negativum: Ergo ratio personæ in divinis debet esse aliquid positivum.

Deinde ex S. Augustino lib. de Doctrina Christiana, *Res, quibus fruendum est sunt Pater, Filius, & Spiritus sanctus.* Insuper ex eodem 7. de Trinit. cap. 5. *Non est aliud Deum esse, & personam esse:* Sed res, & Deitas sunt aliquid positivum: Ergo pariter divina personalitas pro formali est aliquid positivum.

Denique, Persona divina est ens reale positivum: Ergo formale illius constitutum debet etiam esse reale, & positivum.

*Dicit*ur. Personalitas creata formaliter consistit in duplici incommunicabilitate, ut quo, & ut quod, nihilque positivum importat præter rationem individui; Ergo ita dicendum de personalitate divinæ.

Nego consequentiam; Et ratio disparitatis est primò, quia, ut supra dixit Doctor, Personalitas divina dicit repugnantiam ad omnimodam communicationem, qualem non dicit persona creata; negatio autem fundata in repugnantia, cum sit omnimodè inseparabilis à subjecto, ideo requirit aliquid in subjecto, ratione cuius ab eo nequeat separari: Unde fit, ut omnis repugnantia sit alicuius repugnantia, hoc est, alicuius non habentis potentiam ad aliquid: negatio verò simplex, quam dicit personalitas creata non ita est à subjecto inseparabilis, quia de facto separatur in natura humana à Verbo divino assumpta.

Addes quòd etiam seclusa personalitate creata, adhuc remaneat ratio individui, quæ sufficienter distinguit naturam singularem ab alia; seclusa autem divina personalitate nihil superesset, quò personæ divinæ constituerentur; & invicem distinguerentur.

CONCLUSIO TERTIA.

ASTRANT potest divinis personis aliquis conceptus communis, qui sit ipse univocatus in ratione personæ. Ita Doctor in 1. dist. 25. num. 1. & probat: Quia quælibet ex tribus personis divinis dicitur persona; & reverà tres conveniunt in ratione personæ, ut sic, non autem sicut Petrus, & Paulus conveniunt in hoc homine, nam *hic homo*, dicitur tantum æquivocè de Petro, & Paulo: Pronomen enim *hic* significat, quod demonstrat: Unde quando dicitur de Petro *hic homo*, demonstratur res illa singularis, quæ est Petrus, quæque diversa est omnimodè ab alia re singulari, quæ est Paulus: Unde fit ut *hic homo* non dicatur de eis univocè: at Persona divina verè de tribus secundum propriam suam rationem; siquidem quælibet earum verè est natura divinæ incommunicabilis existentia; Ergo ipsis convenit univocè.

Confirmat: Si personæ nomen non conveniret ipsis univocè, non dicerentur tres personæ; nihil enim numeratur, nisi quòd est univocum: Unde canis cœlestis, & terrestris non rectè dicuntur duo canes, quia nomen *Canis* non est univocum cœlesti, & terrestris: Sed reverà dicuntur tres divinæ personæ: Ergo personæ nomen, & ratio ipsis univocè convenit.

*Dicit*ur. Tam verè, & propriè dicuntur tria individua, & singularia creata, quam tres Personæ divinæ: Sed ex Doctore singularia creata, non conveniunt in ratione communi univoca; Etenim *hic homo* univocè non convenit Petro, & Paulo: Ergo quamvis dicantur

cantur tres Personæ divinæ, non rectè infertur personarum nomen, & rationem ipsi convenire univocè.

Respondet ad majorem, eatenus dicta individua, quatenus verum est, quod numeratur in eis natura creata, quæ ipsi univocè convenit; Unde cum ita numerari non possit natura divina in personis divinis, quia eadem numerò est in tribus; ideo debet numerari in ipsis aliud univocum eis conveniens; hoc autem aliud nequit esse, nisi id, quod formaliter dicitur persona: Ergo ratio personarum debet esse ipsis univoca.

Insuper: Non solum tria individua creata, sed etiam tres differentiarum individuales, & singularitates propriè dicuntur; sed tres differentiarum individuales non conveniunt in ratione communi univoca; Ergo quamvis dicantur tres personarum divinæ, non inde sequitur eas univocè convenire.

Respondet: Equidem tres singularitates rectè dici, non propter communem naturarum conceptus univoci, sed propter proportionem officii, quia æquè distinguunt ultimò, & reddunt naturam incommunicabilem pluribus inferioribus. At personarum divinæ non solum ita conveniunt propter proportionem officii, sed etiam propter definitionem, & rationem Personarum divinæ, quæ ipsis competit; quælibet enim earum reverè est naturarum divinæ incommunicabilis existentia, ut quo, & ut quod. Unde non est paritas.

QUAESTIO SECUNDA.

An, & quibus proprietatibus divina Personæ in esse personali constituuntur, & distinguuntur?

NOTANDUM 1. Variam esse, sed maxime triplicem, circa præsentis Quæstionis resolutionem; Theologorum sententiam: quarum *Prima*, in-

quit Doctor in 1. dist. 2. num. 1. fuit; *Propositivi* affirmantis divinas Personas se totis constitui, & distingui, quam sententiam pridem à Scholæ eliminatam, denò revocavit *Gregorius Arminensis* in 1. dist. 26. & 27. *Secunda* est *Lincolniensis*, & *Joannis à Ripa*, ibidem dicentium, esse quidem in divinis aliquas proprietates personarum constitutivas, & distinctivas, sed eas esse absolutas, non relativas; quam sententiam, quia Doctor laudat ea variis probat argumentis, & solvit ea omnia, quæ in eam solent obijci, nonnulli Recentiores eandem ipsi perperam tribuunt. *Tertia* tandem communis, & universalis Theologorum sententia jam prævalens divinas personas constitui per proprietates relativas: qualiter autem id fiat non eodem modo omnes explicant, etenim argumenta Scoi, inquit, Vasquez disp. 189. cap. 1. usque adeò exercuerant Thomistarum ingenia, ut in varias opiniones eos dividerint, quidam enim asserunt personas non constitui relationibus quatenus relationes sunt, sed quatenus formæ hypostaticæ, dicunt enim divinam relationem duo sibi vindicare, nimirum esse *in se*, seu per se; & esse *ad aliud*; ac secundum esse *in se*, constituere personam, secundum verbò esse *ad aliud*, non constituere, sed referre personam ad aliam sibi correlativam: Aliqui cum S. Bonaventura in 1. dist. 26. q. 3. docent, tres personas constitui relationibus, ut origines sunt, v.g. Patrem divinum in ratione personarum constitui Paternitate, non ut Paternitas est, sed ut generatio activa. Cæteri denique cum Subtili Doctore censent relationes divinas esse divinarum Personarum constitutivas quatenus formaliter sunt relationes.

Notandum 2. hic non moveri Quæstionem de constitutione reali, quæ fiat per constitutiva realiter invicem di-

distincta, sed formali, quæ nimirum sic per constitutiva formaliter distincta; licet enim quilibet divina Persona sit ens realiter simplex, & indivisibile propter indistinctionem realem proprietatum personalium ab essentia; nihilominus duplex in ea concipitur entitas, quarum una est absoluta, & simpliciter; altera relativa, & modalis, seu modus taliter essendi; per primam Deus est unus, & constituitur formaliter in ratione Dei: per secundam verò est trinus, & constituitur in ratione Patris, & Filii, & Spiritus sancti. Esse absolutum prius est prioritate rationis, & signi, quàm relativum; est enim primum, quod per relativum tanquam per esse secundarium contrahitur, & determinatur ad personam; unde relationes rectè concipiuntur, quasi advenire naturæ divinæ, illamque constituere in esse personali, quod secundum se considerata, nempe quatenus divinitas est, non habet.

Notandum 3. Quod et si proprietates relativæ concipiuntur advenire naturæ divinæ, jam essentialiter constitutæ, non tamen sunt accidentales, sed substantiales; quemadmodum formæ, licet non sint materiæ essentielles, sed advenientes, & ut inquit Logici, accidentales, tamen sunt in se substantiales, & una cum materia constituunt compositum, non ex accidente, & subiecto, sed ex substantiis diversis. Insuper, nedum illæ proprietates sunt substantiales, & constituunt substantias, seu res per se existentes, verum etiam sunt formæ hypostatice, & rationes suppositorum, ac personarum, quæ una cum Essentia divina constituunt Personam divinam in esse naturæ intellectuales completæ, & ultimo terminatæ secundum existentiam. His prænotatis tria sunt determinanda: Primò, quod Personæ divinæ constituantur proprietatibus. Secundò,

Tom. III.

quod illæ proprietates sint relativæ. Tertiò, quod divinas Personas formaliter constituant præcisè quatenus sunt relationes.

CONCLUSIO PRIMA.

Personæ divinæ non constituuntur; nec distinguuntur se totis, sed per aliquas proprietates personales. Hæc est communis inter Theologos, & colligitur, ac firmatur.

Primò, ex variis Conciliis, præsertim ex Lateranensi cap. Firmiter, ubi dicitur, quod Sanctissima Trinitas, secundum communem essentiam, est indivisa, secundum verò personales proprietates discreta: Item in Concilio Florentino sess. 1. assertitur Personas divinas per suas proprietates differre: Denique Ecclesia cantat in præfatione Missæ Festi sanctissimæ Trinitatis, *Ut in personis proprietatis, in essentia unitas, & in majestate auctoritas aequalitas.*

Probatur 2. auctoritate sanctorum Patrum. Primò quidem S. Dionysii lib. de divinis Nominibus cap. 2. dicentis, *Ha, quæ sunt divina secunditas inter se non reciprocari, sed solum Patrem fontem esse celestis Divinitatis, ita ut non sit Pater Filius, nec Filius Pater, sed laudes sanctæ suæ cuique Persona divina proprietates conservent.* Item sanctus Basilius lib. 2. contra Eunomium, *Proprietates, inquit, ac nota quasi characteres quidam, ac forme in substantia inspecta distinguunt quidem, quod commune est appropriatis characteribus, communicationem verò substantia non amputant.* Sanctus Athanasius Dialog. 1. *Hypostasis, ait, proprietatem habet minime communem hypostasibus, quæ essentia subsunt, nec numeri multiplicationem admittit cum sit unica, & singularis; quiddam verò numeri multiplicationem admittit omnino proprietatem habet, & quod proprietatem habet numerum admittit.* Sanctus Ambrosius in Symbolum Apostolorum cap. 11. *Not, inquit, Dei-*

X

1a.

tatis personas in proprietatibus suis distinguuntur, unitatem tamen sanctissimam Trinitatis inseparabilem confitemur: His ad stipulatur S. Augustinus serm. 38. de Tempore, *Habent, inquit, singule in Trinitate persona aliquid proprium, quod inseparabili aequalitate aliquam in se ostendant proprietatem: Unde Concilium Toletanum II. in Confessione Fidei merito concludit: Est, inquit, unicuique persona manens sua proprietate: Pater enim aternitatem habet sine natiuitate, Filius aternitatem cum natiuitate. Spiritus S. processionem sine natiuitate.*

Probat 3. Doctor ratione Theologica: Quicumque non sunt primò diversa, sed habent aliquid, in quo conveniunt, non distinguuntur se totis; sed aliquò sui: At Personæ divinæ, non sunt primò diversæ, quia sunt ejusdem essentia: Ergo non distinguuntur se totis, sed aliquò sui.

Deinde plures proprietates sunt in eadem persona, sicut in Patre innascibilitas, & generatio activa, quæ secundum S. Augustinum 5. de Trinit. cap. 6. invicem distinguuntur, nam, inquit, Si Pater non esset ingenuitus, posset tamen esse Pater, & è converso: Ergo etsi per impossibile una non distingueret Patrem ab aliquo, posset alia distinguere, & è converso; adeoque Pater semper habet aliquid, quò distinguitur à Filio, & consequenter non distinguuntur se totis.

Denique: in Patre est generatio activa, & spiratio activa: Sed spiratio activa non distinguitur à Filio: Imò illa est cum Filio communis: Ergo Pater non seipsò totò distinguitur, sed aliquò sui.

Confirmantur hæ rationes. Si personæ se totis distinguuntur: Ergo etiam essentia distinguuntur: Sed hoc fieri nequit; quia in essentia conveniunt, idem autem non potest esse principium conveniendi, & distinguendi.

Insuper, aut Persona divina, v.g. Pater, habet aliquid ultra essentiam, quod non habet Filius, aut non habet: Si primum, habemus intentum: Si secundum, non potest reddi ratio, cur hæc persona sit Pater potius quam altera; imò neque cur sit persona distincta ab altera: Ergo merito oppositam conclusionis sententiam temerariam esse, & penè hæreticam nonnulli Recentiores pronuntiant; nihilominus ipsius assertores.

Obijciunt 1. Persona divina est æquè simplex, ac essentia: Sed essentia ipsa divina seipsa distinguitur à quocumque alio: Ergo, & persona.

Confirmatur: Paternitas non magis est simplex, quam Pater: Sed Paternitas, quia simplex est, nullò à se distinctò constituitur: Ergo, nec Pater.

Nego majorem: Nam, ut observavimus in 2. Notabili Persona divina, constituitur in esse personæ completæ per entitatem Deitatis, & personalitatis, adeoque persona duas dicitur entitates, seu formalitates sui constitutivas, & sic minus dici posset simplex, quam essentia. Vel distingui est æquè simplex, ac essentia, simplicitate reali, quæ excludit compositionem realem ex partibus realiter distinctis, concedo: Simplicitate formali, quæ excludit pluralitatem formalitatum, nego: Hæc autem simplicitas formalis non convenit Deo, sed realis, ut probavimus agendo de divina Simplicitate: similiter distinguenda est confirmatio. Adde insuper, Paternitatem non ideo non constitui aliquò ab ipsa distinctò, quia simplex est, sed quia concipitur per modum formæ, quæ non constat formalitatibus aliis: Unde cum Pater per modum totius, & concreti significetur, coniterque natura, & Paternitate, quæ formaliter distinguuntur, etiam per aliud à natura divina distinctum constitui debet, adeoque

que non eadem est ratio de Paternitate, ac de Patre.

Obijciunt 1. Constitutum dependet, & causatur à constituyente: Sed Personæ divinæ sunt omnino independentes, & incausata: Ergo non constituuntur aliquò distinctò.

Distinguo majorem: Constitutum reale, quod sit per unionem constituentium realiter distinctorum, qualis est constitutio composui physici, quæ sit per unionem materiæ cum forma, dependet à constituyente, & uniente constitutiva, concedo: Constitutum formale, quod sit per formalitates realiter indistinctas, quæque seipsas, & independentes ab aliquo extrinseco uniantur, & totum constituunt, ita dependet, nego.

Obijciunt 3. Ex Concilio Lateranensi capite *Firmiter*, dicitur, quòd *Pater totam substantiam dedit Filio*: Sed proprietates illæ, si quæ sint, siue relativæ, siue absolutæ, sunt substantiæ: Ergo illas dedit Filio; adeoque per eas non distinguitur à Filio: Ergo, nec per eas Pater divinus in esso personæ constituitur.

Respondet Concilium nomine *substantia* intelligere essentiam, & naturam divinam, quatenus præscindit à proprietatibus personalibus; qualiter etiam sancti Patres soliti sunt in hac materia opponere substantiam relationi: Unde Boetius circa finem libri de Trinitate, *Substantia continet unitatem, relatio multiplicat Trinitatem*. Quibus opponit unitatem multitudini, substantiam relationi.

CONCLUSIO SECUNDA.

PERSONÆ divinæ constituuntur, & distinguuntur proprietatibus non absolutis, sed relativis. Hæc est communior, & verior Theologorum sententia, &

Probatur primò illis omnibus Scripturæ sacræ textibus, quibus divinæ

Personæ nominibus relativis *Patris, Filii, & Spiritus veritatis à Patre procedentis* appellantur, maximè verò ex illo Matthei ultimo, ubi Christus mittens Apostolos ad Gentium conversionem præcipit, ut Baptizent eos, *In nomine Patris, Filii, & Spiritus sancti*, ex quibus locis sic arguo: Scripturæ sacræ, & Christus Dominus Personas divinas designat nominibus maximè propriis, & personales proprietates significantibus: Sed hæc nomina ex primaria sua impositione significant relationem, non verò, quid absolute: Ergo proprietates illæ personales sunt relativæ. Major constat Christus enim Dominus ea nomina personis imposuit, quæ optimè quædant in illas, prout à nobis in hac vita possunt concipi, atque distinguui.

Probatur 2. Ex Conciliis, maximè Toletano 11. in Confessione Fidei capite 1. *In relativis*, inquit, *personarum nominibus, Pater ad Filium, & Filius ad Patrem, & Spiritus sanctus ad utroque refertur*: quæ cum relativè tres personæ dicantur, una tamen natura per substantiam creditur: Et infra, *In relatione personarum numerus cernitur*. Idem colligitur ex Concilio Florentino, ubi Joannes Theologus Ecclesiæ Latinæ causam agens, tacitè approbante Concilio dixit, *Sola relatio apud omnes Græcos, & Latinos Doctores divina processione personas multiplicat*: Cui etiam duo illa à quo, & ad quod, de quibus supra dictum est conveniunt. Siquidem igitur relationes hujusmodi personas multiplicat, ita ut non alia ratione, quàm vi relationis Pater à Filio, una persona ab alia differant. Censet ergo Personas divinas relationibus constitui, & distinguui; quod confirmatur insuper ex oratione, quam habuit Bessarion Patriarcha pro unionem utriusque Ecclesiæ Græcæ scilicet, & Latinæ, ubi cap. 6. ait, *Ideo utroque quidem modo*

distinguuntur divina Persona; prius nomen, & principaliter, secundum modum intelligendi per relationes, per quas etiam constituuntur divina Persona: Et paucis interiectis, utroque quidem modo distinguuntur divina Persona, sed principaliter relatione, siue proprietatibus.

Probatur 3. Autoritate sanctorum Patrum; etenim Nazianzenus Orat. 37. Mutue eorum relationis differentia, inquit, diversa quoque ipsi nomina protulit; Nimirum Patris, & Filii. Similiter Chrysostomus homil. 5. de incomprehensibili Dei natura, sic distinguit, Nomina Dei propria, ut personarum denotetur proprietas, Pater namque, & Filius nomina persone proprium est, Deus vero, & Dominus commune: S. Cyrillus Alexandrinus lib. 12. thesauri cap. 15. Nulla, inquit, differentia est inter Patrem, & Filium, nisi sola personalis, quia Pater est, & ille Filius, quomodo Filius erit creatus, quidam Pater increatus sit? præsertim tamen relativa nomina alterum ad alterum dicantur, & uno dicto alterum statim intelligat? nam, qui Patrem dicit, Filium illico intellexit, & qui Filium appellavit; ad Patrem confestim revertit. Concinit, & Damascenus de Fide cap. 11. Unum, inquit, Deum agnoscimus, in solis autem proprietatibus, nimirum Paternitatis, Filiationis, & Processionis, atque quantum ad causam, & ea quæ ad causam proficiuntur, ut persone perfectionem, hoc est, existendi modum discrimen adverterimus.

Denique S. Anselmus libro de processione Spiritus sancti capite 1. ita scribit. Hæc itaque sola causa pluralitatis est in Deo, ut Pater, & Filius, & Spiritus sanctus dici non possint de se invicem, sed alii sint ad invicem, &c. Quibus omnibus patet apertam esse sanctorum Patrum sententiam divinas Personas proprietatibus non absolutis, sed relativis constitui.

Ratione efficaci, hæc veritas pro-

bari nequit: Nam omnes, quæ exco-
gitari possunt proponit, & subtiliter
solvit Doctor in 1. dist. 23. num. 31.
sola itaque hæc formari potest. In
mysteriis Fidei, maxime in mysterio
Trinitatis, nihil debet affirmari, nisi
quod conformius apparet Scripturæ
sacræ, & sanctorum Patrum dictis: Sed
tam Scriptura sacra, quam sancti Pa-
tres significant Personas divinas con-
stitui non absolutis, sed relativis: Er-
go, ita tenendum est.

Deinde, sancti Patres, plerumque
docent omnia absoluta esse tribus di-
vinis personis communia: Sed pro-
prietates personales, non sunt tribus
communes: Ergo non sunt, quid ab-
solutum.

Denique: per id formaliter divinæ
Personæ constituuntur, per quod for-
maliter distinguuntur, & multiplican-
tur; Sed id fit per solas relationes, ut
constat ex dictis; sola enim relatio
multiplicat Trinitatem: Unde com-
mune illud effatum, In divinis omnia
sunt unum, ubi non obviat relationis op-
positio: Ergo, &c.

Obijcies 1. Illud Proverbiorum 20.
ubi Salomon de Deo loquens, querit
inter alia, Quod est nomen ejus, id est
Patris, & quod nomen Filii ejus si no-
visi? Ex quo sic arguitur. Omnis quæ-
ritio supponit aliquid, & aliud inquirit:
Sed hic supponuntur Pater, &
Filius divinus esse; & insuper quæ-
runtur eorum propria nomina: Ergo
Salomon supponit proprium nomen
primæ, & secundæ personæ non esse
Patrem, & Filium, aliàs non esset lo-
cus quæritioni, sic enim sciret, & ne-
sciret idem, seu scire supponeret, &
investigaret, quod nihil ineptius.

Respondeo, Salomonem ibi quidem
merito quærere aliud, quod ad æqua-
tè, & exactè explicet naturam, & pro-
prietatem, tum Patris, tum Filii divi-
ni; quia licet hæc nomina Pater, &
Fi-

Filius significant personas divinas constitui, & distingui per relationes, non tamen sufficienter explicant, quæ, & qualēs sint illæ divinæ relationes constitutivæ, & qualiter illæ divinæ Personæ constituantur: constitutionem quidem personarum per relationem significant; personarum dignitatem non explicant.

Obijciēs 2. Una Persona divina refertur ad aliam per relationem: Ergo per eam non constituuntur in esse personæ. Patet antecedens; id enim, quod refertur, nec est essentia, quia relatum distingui debet realiter à termino; Essentia autem divina, quæ est in Patre non distinguitur realiter à seipsa in Filio; imò est eadem realiter; neque etiam relatio refertur, quia ipsamet est causa referendi; ideoque, quod refertur est persona. Probatur consequentia 1. auctoritate S. Augustini dicentis libro 7. de Trinit. cap. 2. *Omne relativum est aliquid excepta relatione.* Et cap. 3. *Si Pater*, inquit, *non est aliquid ad se, non est, quod refertur.*

Deinde, quod refertur per relationem, est prius relatione, quia est fundamentum, & subiectum relationis; fundamentum autem præsupponitur ad id, quod in eo fundatur.

Denique, quod denominatur relatum, non est essentia, nec relatio: Ergo est suppositum, & persona: Ergo quemadmodum paries, qui denominatur albus, præsupponitur ad albedinem, ita persona præsupponi debet ad relationem, per quam refertur, adeoque per eam non constituitur in ratione personæ.

Negat consequentiam Doctor nu. 41. Illud enim, quod refertur, est totum suppositum constans essentia, & relatione, quod quidem suppositum, ita constitutum dicitur relativum, seu relatum.

Ad primam probationem Respondet

num. 42. S. Augustinum non velle, quòd illud relatum, ut quod, sic quid absolutum, sed tantum, quòd includat aliquid absolutum, tanquam fundamentum relationis.

Ad secundam probationem, dicit antecedens esse verum de relationibus creatis, quæ non constituunt suppositum in esse suppositi, non verò de divinis, quæ sunt suppositorum constitutivæ; constitutum enim est posterius omnibus suis constitutivis, aut saltem simul naturâ cum eis; adeoque persona constituta per relationem, est simul naturâ cum ipsa relatione, per quam constituitur in esse Personæ divinæ.

Adde quòd, idcirco relationes creatæ debent supponere, id, quod referunt, quia sunt accidentia, quæ adveniunt fundamentis, tanquam subiectis: Secus autem est de relationibus divinis, quæ cum sint substantiales, non præxigunt subiectum, quod referant, sed solum præsupponunt essentiam, ex qua oriuntur, & cum qua personam constituunt.

Eodem modo solvitur tertia probatio. Ideo namque albedo supponit album, quia est accidens ipsi extrinsecus adveniens, & ab eo realiter distinctum; Essentia autem divina, nec distinguitur realiter à relatione, sicut, nec persona relata, ideoque non debet ad eam præsupponi.

Obijciēs 3. Relatio realis supponit extrema constituta realiter distincta: Sed relationes divinæ sunt reales: Ergo supponunt personas relatas ad invicem, realiter constitutas, & distinctas, adeoque illas non constituunt: Probatur major: Tum quia, id, quod refertur, prius constituitur, quàm referatur: Tum quia Aristoteles probat identitatem idcirco non esse relationem realem, quia non præxigit extrema realiter distincta: Tum denique, quia

quia perſona produciens in eſſe perſonali conſtituta, eſt prior origine, & ratione, quàm perſona ab illa procedens: atqui relatio neutro modo poteſt eſſe prior, quia relata ſunt ſimul natura, & cognitione: Ergo perſona produciens non conſtituitur in ſuo eſſe perſonali per relationem.

Negat majorem Doct̃or ibidem n. 42. in primis enim, illud falſum eſt de relationibus tranſcendentalibus, quæ non ſupponunt extrema jam conſtituta, & diſtincta, ſed ſunt unum extremorum, quod ſeipſo formaliter, & ex natura ſua reſertur ad aliud, eſtque per ſe formaliter relatio ad aliud; ſic v.g. reſertur cognitio ad obiectum, potentia ad poſſibile, &c. relationes autem Perſonarum divinarum ſunt tranſcendentes.

Ad primam probationem dico, id, quod reſertur, per aliud, debet prius conſtitui, quàm referatur, concedo; quod reſertur per ſeipſum, nego: Perſonæ autem divinæ referuntur ad ſe invicem per ſeipſas: Unde fit, quòd Perſona divina non prius conſtituatur in eſſe, quàm referatur.

Ad ſecundam probationem dicit Doct̃or, non ex eo ſolùm Ariſtotelem colligere identitatem non eſſe relationem realem, quia non præexigit extrema realiter diſtincta; ſed præterea, quia ſupponit, quòd identitas unius ad ſe, non faciat etiam extrema realiter diſtincta.

Ad tertiam probationem, diſtinguo majorem; Perſona produciens eſt prior origine, producta prioritate in quo, ſeu durationis, nego: Prioritate ad quod ſeu originis, concedo: Ad minorem dico, relata eſſe ſimul natura, & cognitione, quia à productione unius colligitur exiſtentia illius correlati; vel in eſſe exiſtendi, vel in eſſe obiectivo. Inde fit, quòd in primo ſigno originis, quo concipitur Pater, etiam

cognoſcatur Filius, non quidem in eſſe exiſtenti pro illo priori ſigno, ſed tantùm in eſſe obiectivo, ut dictum eſt agendo de obiectis divinarum proceſſionum.

Adde, quòd, inquit Doct̃or num. 44. quamvis relationes ſint ſimul naturæ, tamen ex aliquibus correlationibus, una poteſt eſſe prior alterâ prioritate originis, ſic enim actio prior eſt paſſione ſibi correlativa.

Inſtabit: Suppoſitum præintelligitur aliquo modo actiõ, quia prius intelligitur unumquodque per ſe exiſtere, quàm per ſe agat; Ergo in priori ſigno originis, vel ſuppoſitum Patris intelligitur, ut aliquid abſolutum, vel, ut aliquid reſpectivum; Si primum, habetur intentum; Si ſecundum, ergo in illo priori ſigno originis, etiam præſupponitur Filius, antequàm generetur, & ſic non erit terminus generationis.

Conſermatur, quia quacumque prioritate etiam, unum correlativum præintelligatur alicui, eadem prioritate, etiam illius correlativum præintelligitur.

Adde, quòd, ſi Paternitas ſit conſtitutiva Patris, ſic erit prior Patre; Ergo Filiatio, quæ ſimul eſt cum Paternitate, erit etiam prior Patre; & ſic Filius non erit à Patre productus.

Diſtinguit majorem Doct̃or: Quando ſuppoſitum non conſtituitur per actionem productivam, concedit; quando, ita conſtituitur, negat. Pater autem divinus conſtituitur in eſſe Patris, & primæ perſonæ per generationem activam; adeoque ad illam, non debet præſupponi. Negat etiam ſecundam partem conſequentis ſimul, & eius confirmationem, quia, ut mox dictum eſt, ſimultas naturæ, quam habent correlativa, non tollit prioritatem originis, & conſequenter non impedit, quin prius origine Paternitas com-

comperat Patris, quàm sic Filiatio, aut intelligatur convenire Filio .

Obijciat 4. Omnis relatio tealis terminatur ad absolutum ; sed hoc esset falsum, si persona , ad quam terminatur Paternitas , constitueretur per relationem, sic enim non esset quid absolutum, sed quid respectivum . Ergo, &c.

Negat majorem Doctor n.43. Quamvis enim verum sit de relationibus non constituentibus extremas, quòd terminari debeant ad absolutum ; falsum ramèn est de iis , quæ constituunt extrema realiter distincta : sicut enim earum fundamentum est quid respectivum, ita pariter earum terminus qui, potest esse quid respectivum, quia constituitur in esse termini per relationes .

CONCLUSIO TERTIA.

PERSONAE divinae constituuntur in esse personali per relationes, sub formali ratione relationum : Hæc videtur esse genuina Doctoris sententia , ut colligitur ex variis locis, maxime verò q.4. quodlibetica n.4. & q.19. num.5. & in primum dist.2. quæst.7. dist. 5. q.2. & dist.11.q.4. Denique fusissimè dist.26. per totam , & probatur primò auctoritate Concilii Toletani 11.cap.1. ubi dicitur, quòd *Personæ divinae, hoc solo, numerum insinuant, quòd ad invicem sunt, & in hoc numero carent, quòd in se sunt* : Ergo ex definitione Concilii relationes, non constituunt, nec distinguunt personas, secundum eorum esse in, ut volunt Thomistæ, sed secundum earum esse ad , hoc est sub formali ratione relationis. Colligitur pariter ex discursu Joannis Theologi in Concilio Florentino sess.18. dicentis ; *Igitur relationes hujusmodi personas multiplicent, ita ut non alia ratione, quàm vi relationis Pater à Filio, ac una persona ab alia differant* : Quid est autem vi relationis differre, nisi sub ratione for-

mali relationis ? proprium autem esse relationis, inquit Philosophus, est *esse ad*, non verò *esse in* : Ergo reverà personas divinas constituunt sub formali ratione relationis .

Probatur ratione : Relatio non potest constituere , aut distinguere personas divinas, nisi secundum rationem formalem, quam habet : At non habet aliam rationem formalem , quàm relativam . Ergo præcisè constituit personas, quatenus est relativa, seu quatenus respicit terminum .

Confirmatur : Non potest relatio concipi, nisi intelligatur secundum suam essentiam, & rationem formalem, quà à cæteris entibus differt : Sed propria essentia relationis est respicere terminum, per hoc enim à cæteris entibus differt, cætera enim entia habent esse in se ; hoc verò totum est ad aliud : Ergo, &c.

Secundò : Illud per quod relatio formaliter constituit personam, vel est aliquid formaliter per se, vel ad aliud. Si primum, illud est absolutum ; adeoque personæ non constituuntur per relationem : Si secundum, ergo reverà constituit formaliter Personas divinas, quatenus est relatio .

Tertiò, Impossibile est concipere formam aliquam in esse alicui, quin tribuat ipsi suum effectum formalem : Sed effectus formalis relationis est referre actu unum ad aliud : Ergo eò ipsò, quò intelligitur Paternitas divina, v.g. etiam intelligitur actu referens Patrem ad Filium, & consequenter implicat, quòd Paternitas intelligatur constituere Patrem in ratione personæ, quoniam intelligatur, ut actu referens Patrem, & Filium . Insuper illud *esse in*, quòd dicit relatio, vel significat essentiam, cum qua personam constituit, vel personam constitutam : Non primum, quia relatio Paternitatis non dicitur esse in essentia, sed in Pa-

Patre : Non etiam secundum , Sic enim relatio Paternitatis non constitueret primum suppositum , sed jam constitutum supponeret , sicut forma supponit subiectum , in quo est .

Obijciunt 1. S. Augustinum lib.7. de Trinit.cap.22 dicentem : *Substantia ipse Pater est , non quo Pater est , sed quo est ita dicitur Persona Patris , ad se quippe dicitur persona non ad Filium , vel Spiritum Sanctum* : Ergo ex mente S. Augustini persona divina non est formaliter ad aliam ; adeoque non constituitur in esse personæ per relationem reduplicativè , ut relatio est .

Respondet S. Augustinum per illud esse ad se , non negare personam esse relativam ad aliam , illud enim ibidem astringit , sed tantum , quod quælibet persona habeat in se principium sui constitutum , & realiter distinctum ab alia persona : *Vel dico* eum ibidem velle , quod divinæ relationes personales sunt substantiales , & per se , non autem accidentales , & in alio tanquam in subiecto inhesionis , sunt relationes Creatorum .

Obijciunt 2. Ratio personæ , & ratio relationis sunt oppositæ ; Persona enim est , quid in se subsistens ; relativum autem est essentialiter ad aliud ; Personalitas est ipsa substantia in se , relatio verò est ipsa referentia ad aliud : Ergo persona non constituitur in ratione personæ per relationem reduplicativè , ut relatio est .

Distinguo antecedens : Rationes personæ , & relationis sunt oppositæ in creatis , concedo : In divinis , nego : Disparitas enim est , quod relatio creata sit accidens præsupponens subiectum , jam undequaque substantialiter completum , adeoque habens rationem subsistentis , & personæ : Secus autem in divinis , ubi relatio ipsa personas constituit , & distinguit .

Obijciunt 3. Si divinæ relationes qua-

tenus relationes sunt reduplicativè ; divinas Personas constituerent , & distinguerebant , maximè , vel quatenus relationes sunt , vel , quatenus sunt relationes divinæ . Non primum , quia tunc quælibet relatio etiam creata esset constitutiva , & distinctiva personæ : Non etiam secundum , alias cuilibet relationi divinæ competere personam constituere , adeoque spiratio activa , quæ relatio divina est personam divinam constitueret , quod falsum est : Ergo , &c.

Respondet : Rationem illam constitutivam personæ competere divinis relationibus non præcisè , quatenus divinæ sunt , sed quatenus habent invicem oppositionem ratione processionis , & originem unius personæ ab alia : Vel potius quatenus important , & significant distinctionem realem unius ab alia : Spiratio autem activa talem distinctionem non importat , quia sit per unum , & idem principium formale quæ , nempe per voluntatem .

COROLLARIUM I.

EX dictis inferitur 1. contra Thomistas , divinas relationes non esse constitutivas personarum , quatenus sunt formæ hypostatice , ut rectè probat Doctor in 1. dist. 28. qu. 3. n. 2. *Tum quia* relatio consideratur , ut forma hypostatice , concipitur , ut entitas , vel absoluta , vel respectiva : Licet enim conceptus entis in communi , nec sit respectivus , nec absolutus , quia ens , ut sic præscindit ab ente respectivo , & absoluto , ac utrumque sub se complectitur : Tamen entitas singularis , qualis est entitas constitutiva personæ in esse incommunicabili , debet esse , vel absoluta , vel respectiva , siquidem inter ens singulare absolutum , & respectivum non datur medium : Sed entitas constitutiva personæ non potest esse absoluta , alioquin sequeretur divinas personas constitui per absolutam , quod

quod improbatur : Ergo concipi debet, ut relativa. *Tum quia* illa ratio formæ hypostaticæ, vel significat aliquid distinctum à ratione formali Paternitatis, v.g. ut relatio est formaliter, vel non ; Si primum, ergo Pater non constituitur per relationem, sed per formalitatem distinctam à formalitate relationis, quod tamen omnes Thomistæ improbant. Si secundum : Ergo personæ formaliter constituuntur per relationes, ut relationes sunt, siquidem constituuntur per entitatem, quæ est formaliter relatio.

Confirmatur à simili. Quamvis Albedo, v.g. possit concipi, ut segregativa visus absque eo, quod concipiatur, ut est qualitas ; tamen sicut nemo dicere potest eam non esse albisficativam, nec segregativam visus, ut est talis qualitas ; ita à pari quamquam possumus formare aliquem conceptum de Paternitate divina, in quo explicitè non involveritur conceptus relationis, tamen non propterea debet inferri, quod non constituat personas, ut relatio est.

COROLLARIUM II.

INFERTUR 2. Ex eodem ibidem n. 3. quod etsi divinz origines non sint distinctæ formaliter à relationibus : *Tum quia* aliàs essent quid absolutum, adeoque essent tribus personis communes, quod implicat ; *Tum quia* nihil tam ad aliud, quam generatio, & spiratio activa, aut passiva ; adeoque generatio activa nihil aliud est formaliter, quam Paternitas, sicut, & generatio passiva idem est formaliter cum Filiatione : attamen non præcisè divinas Personas constituunt, ut origines sunt reduplicativè, sed tantum, ut relationes.

Primo quia inquit Doctor, origo, ut origo formaliter est tantum via inter personam producentem, & productam : Ergo non est forma constitutiva

earum ; imò videtur supponere in persona producente formam propriam constitutivam ; etenim prius aliquid concipitur habere suum esse, quam concipiarur operari ; Ergo prius Pater concipitur constitutus in ratione personæ saltem inadæquatè, quam concipiarur adæquatè producere Filium : Idem dicendum de persona producta. Origo enim est via, quæ persona producta recipit suum esse, & consequenter, quæ recipit formam sui constitutivam in esse personæ.

Secundò constitutivum rei habentis esse fixum, & permanens, debet exprimi per modum fixi, & permanentis, non autem, ut via ad esse, hoc est, non ut *in fieri*, sed ut *in facto esse* : At personæ divinz habent esse fixum, & permanens : Origo autem significat aliquid fluens, & tantum præcisè significat esse quod sit, & produciatur : Ergo personæ divinz in facto esse non constituuntur adæquatè per origines, sed per relationes.

Tertiò denique origo, ut origo formaliter, est quid absolutum, vel quid respectivum : Non primum, ut dictum est, & insuper sequeretur, quod personæ constituerentur per aliquod absolutum, si in suo esse personali per origines absolutas essent constitutæ : Si secundum : Ergo personas non constituunt, ut origines præcisè, sed ut relationes.

Itaque divinz origines personas quidem realiter distinctas propriè significant, non autem formaliter constituunt. Quo sensu intelligendi sunt illi sancti Patres, qui divinas personas per origines constitui, & distingui videntur asserere. Sic S. Cyrillus lib. 2. Theauri cap. 3. *Ut hypostasim ait, quæ generat, & quæ generatur divina Scriptura rationibus distingueret, Patris, & Filii nominibus usa est.* Sic S. Anselmus libro de processione Spiritus S. cap. 2.

Y

Hæc,

Hæc, inquit, sola causa pluralitatis est in Deo, ut Pater, & Filius, & Spiritus sanctus; dici non possunt de invicem, sed alii sunt ab invicem, quia prædictis duobus modis est Deus de Deo, quod totum dici potest relatio. Sic denique S. Damascenus libro 1. de Fide cap. 2. dicit; Patrem, Filium, & Spiritum sanctum, omnino esse unum excepta ingeniti, generationis, & processionis proprietate: Non quod reverà Patres velint Personas divinas constitui per origines; sed quod constitutæ, & realiter distinctæ melius innotescant per relationes, quatenus origines sunt, quàm prout concipiuntur sub formali conceptu relationum. Hanc ipsam Doctrinam ex Doctore Subtili mutuam luculenter expendit Cardinalis Bessation in Concilio Florentino oratione pro unionem utriusque Ecclesiæ Græcæ, & Latinæ c. 6. dicens; Relatio, & origo, ut secundum modum intelligendi differunt (siquidem origo significatur per modum actus, ut generatio; Relatio verò per modum formæ, ut paternitas, re tamen non differunt, ideo utroque quidem modo distinguuntur divina Persona; prius tamen, & principaliter secundum modum intelligendi per relationes, per quas etiam constituuntur divina Persona; Consequenter autem per diversum modum, sive per originem. Non enim generare, & genitum esse, quod originis est constituit principaliter personam, sed Paternitas, & Filiatio, sive Patrem, & Filium esse, quod relationis est; Sed quia relatio, & origo idem sunt re, & relatio consequitur originem (secundum conceptum) ideo utroque quidem modo distinguuntur divina Persona, sed principaliter relatione.

COROLLARIUM III.

INSTATUT. 3. Patrem divinum non constitui per rationem ingeniti; sed per relationem Paternitatis, quia inquit Doctor in 1. dist. 28. qu. 1. num. 11. ingenitum dicit formaliter negatio-

nem: Sed divina persona non potest formaliter constitui per negationem; Ergo. &c. Major patet, Ingenitum enim est negatio geniti. Minorem probat Doctor, Nulla negatio potest esse de se incommunicabilis; sed debet esse incommunicabilis ratione alterius; Ergo non potest efficere per se personam incommunicabilem, sed tantum ratione alterius incommunicabilis, cui inest: At nihil est in essentia divina, quod sit incommunicabile. Ergo nulla negatio cum essentia divina potest constituere personam.

Confirmatur, & præcedens ratio magis illustratur; In Prima Persona divina debet esse negatio communicabilitatis inseparabilis à suo fundamento, & reddens illud fundamentum omnino incommunicabile tam actualiter, quàm aptitudinaliter, & obedientialiter, quia persona divina habet repugnantiam ad sui communicationem: Sed illud fundamentum non est essentia divina, nec aliquid absolutum commune tribus Personis: Ergo debet esse aliquid illud positivum absolutum, quod sit constitutivum, & distinctivum primæ personæ. Ergo prima Persona formaliter non constituitur per negationem, adeoque nec per rationem ingeniti, quæ est formaliter negatio.

Reponunt aliqui: Rationem ingeniti non esse negationem puram, & simplicem, sed importare aliquid positivum, nempe rationem primi principii, & fontalis Divinitatis: Sed

Contra. Instat Doctor quodlibeto 4. Ratio illa primi principii significat Patrem esse à se, idque vel effectivè, quia ipse est causa sui ipsius, vel tantum negativè, quia nempe nullum habet principium sui ipsius: Non primum, quia repugnat, ut aliquid sit author, & causa sui esse; alioqui esset antequam esset, ut pluries jam dictum: Si
le-

secundum, ergo esse primum principium est tantum negatio alterius prioris principii, adeoque non est aliquid positivum.

Secundò, Si ingenitum dicat aliquid positivum, maximè vel aliquid absolutum, vel relativum : Si absolutum, ergo prima persona constituitur per aliquid absolutum, quod sancti Patres, & Concilia denegant : Si relativum, vel illa relatio est eadem formaliter cum Paternitate, & habetur propositum; vel est ab ea distincta formaliter, & sic erunt plures, quàm quatuor relationes Personarum divinarum distinctivæ, quòd nullus Theologorum admittit.

Tertiò denique fontalis illa ratio Divinitatis, quæ est in Patre, vel est essentia, vel relatio. Si essentia, non potest esse constitutiva, & distinctiva personæ. Si relatio, vel est Paternitas, vel à Paternitate distincta : Et sic recurrit prior instantia. Fatendum est ergo primam personam constitui formaliter per Paternitatem, quæ in tuo conceptu formali relationis constitutivæ primi suppositi, importat rationem ingeniti, & primi principii, &c.

QUÆSTIO TERTIA.

An sint in Deo tres substantiæ relationales personales, & una absoluta?

NOTANDUM I. Nomen *substantiæ* hic usurpari ad significandum modum existendi per se : Hic autem sumitur dupliciter. Primò prout opponitur existentie in alio per inhærentiam, qualiter omnis substantia dicitur ens per se subsistens, sive interim illa sit completa, sive incompleta : Sic quilibet pars corporis phisici, sive integralis, sive essentialis, licet existens in toto, dicitur ens per se subsistens, non minùs, quàm ipsummet corpus

physicum. *Secundò* sumitur per se existere, quatenus significat existentiam perfectissimam; & independentem ab alio tanquam à perfectivo, vel sustentante, qualiter natura quævis omnimodè completa, constansque suis prædicatis essentialibus, nec-non, & attributis, ac proprietatibus, priùs natura, quàm sit in proprio supposito, vel alieno, dicitur ens per se subsistens; sic humanitas priùs natura, quàm assumatur à Persona Verbi, dicitur per se existens, seu subsistens, neque enim nomine *subsistentiæ* significatur persona, seu hypostasis, sed etiam res quæcumque per se, & in se existens, ut disertè edocet Rusticus lib. de Incarnatione contra Acephalos : *Clariissime igitur*, inquit, *subsistentia nomen nonnquam personam, interdum verò naturam significat.*

Notandum 2. Modum existendi per se completè, iterum esse duplicem, nimirum communicabilem, & incommunicabilem. Prior convenit naturæ cuilibet communi substantiali, quæ quatenus præscindit ab iis, quibus communicatur, sicut dicitur natura, verè completa, & realis; ita pariter dicenda est per se existens, sive subsistens; Posterior verò convenit naturæ singulari non modò completæ in ratione naturæ singularis, sed etiam in ratione personæ, seu suppositi. Inde duplex circa præsentem quæstionem oritur difficultas. Prima, an natura divina quatenus præscindit à divinis personis, & relationibus constitutivis personarum, dici possit per se subsistens, habeatque existentiam absolutam, & subsistentiam distinctam à subsistentiis relativis : Secunda, an ex hypothesi, quòd hæc detur subsistentia absoluta, tres alie admittendæ sint relativæ realiter invicem, & formaliter ab existentia absoluta distinctæ.

Notandum 3. Circa duas præfatas

difficultates duplicem esse oppositam Authorum sententiam : Primò namque Vasquez Disp.125. affirmat naturam divinam subsistere in divinis personis per proprias tantum earum subsistentias relativas; adeoque negat dari in divinis aliquam subsistentiam absolutam communem tribus personis, & propriam divinæ naturæ. Durandus verò in 1. dist.13. qu.2. existimat tres Personas divinas totam rationem subsistendi desumere à subsistentia absoluta essentis divinæ in illis inclusa; incommunicabilitatem verò habere à relationibus suis constitutivis; adeoque tres subsistentias relativas ad constituendas divinas personas esse omninò superfluas. Has inter extremas sententias media, & tutiori via incedunt Doctoris Subtilis discipuli, quos sequuntur graviores Thomistæ, affirmantes admittendam esse unam subsistentiam absolutam, & tres relativas.

CONCLUSIO PRIMA.

REVERA tres sunt subsistentia relativa in divinis Personis. Hæc Conclusio sufficienter constat ex SS. Patribus laudatis initio præsentis Articuli in explanatione nominis *subsistentia*, & insuper probatur. Plures sunt subsistentiæ in divinis; sed non sunt plures absolutæ subsistentiæ. Ergo plures sunt relativæ. Major patet, tum ex dictis, tum maximè ex Sexta Synodo Generali, actione 11. ubi dicitur, quod *Sanctissima Trinitas numerabilis facta est personarum subsistentiis*: Similiter ex sanctis Patribus, maximè Cyrillo Alexandrino Dialogo de Trinit. lib.3. ubi ait; *Omnis nostra fidei sermo huc tendit, ut unam videamus Deitatis naturam, quæ in tribus subsistentiis propriè subsistit*: Sic pariter Athanasius sermone de Deipara, ait; *Unum Deum in tribus subsistentiis prædicamus, in quibus una sit substantia*. Sic denique sanctus Ambrosius in Symbolum Aposto-

lorum cap.2. dicit; *Catholicum est, ut & unum Deum secundum unitatem substantia fateamur, & Patrem, & Filium in sua quemque subsistentia sentiamus*.

Reponunt aliqui: Quòd dum Concilia, & sancti Patres plures in Deo subsistentias prædicant, subsistentiam accipiunt pro personalitate.

Contra: Acceptio ista, vel est propria, vel impropria locutio: Si primum, habetur propositum, scilicet subsistentiam in aliqua sui propria acceptione in Deo esse multiplicem: Si secundum, sanè dedecet absque ulla urgenti necessitate Conciliorum, & Patrum verba ad imperfectum sensum detorquere. Adde, quòd si Patres, & Concilia usurpaverint subsistentiam pro personalitate, reverà concluditur propositum; sicut enim plures sunt personalitates relativæ in divinis; ita etiam plures erunt subsistentiæ relativæ.

Reponunt alii: Concilia, & sanctos Patres sumere subsistentiam, non pro personalitate in abstracto, sed pro personis, & re subsistente in concreto; itaque quando affirmant in Deo admittendas esse plures subsistentias, idem est, ac si dicerent esse plures personas, & res subsistentes eadem subsistentiæ essentiali.

Contra: Loquuntur sancti Patres, & Concilia de subsistentiis, quasi de formis, quibus divinæ Personæ constituentur, distinguuntur, & numerantur; sed hoc est usurpare subsistentiam in abstracto, & non in concreto. Ergo, &c.

Deinde: Etiam si usurpent subsistentiam in concreto, semper inferre licet distinctas esse subsistentias relativas: Etenim ad multiplicationem concreti substantivi necessarium est multiplicari formas: Unde tres Personæ dici nequeunt tres Dii, quia nomen *Deus* substantivum est; & una est solùm
for-

formā per illud nomen significata scilicet *Deitas*; Ergo si tantum datur una subsistentia absoluta, non poterit multiplicari in personis, sicut, nec ipsa *Deitas* multiplicatur. Et consequenter cum Concilia, & sancti Patres affirmant subsistentias multiplicari, necessum est, quodd distinguant subsistentias relativas ab absoluta.

PROBATUR insuper Conclusio ratione Theologica; Quidquid convenit divinis Personis ratione relationum, quibus constituuntur in esse personali, in eis multiplicatur; Sed subsistentiæ ipsæ, ita conveniunt: Ergo multiplicantur. Major constat, Multiplicata enim ratione formali necessum est multiplicari etiam id, quod est idem formaliter cum ipsa; Sed subsistentiæ sunt idem formaliter cum relationibus constitutivis divinarum, Personarum. Subsistentia enim, ut dicitur modum subsistendi incommunicabiliter est ipsamet ratio constitutiva personæ in esse personali: Etenim Personæ divinz, quatenus Personæ sunt, per se subsistunt independentes, & incommunicabiliter. Ergo revera habent subsistentias incommunicabiles.

Deinde; Ubi diversa principia productiva quod, debent esse diversæ subsistentiæ; sicut enim operari sequitur esse, ita principium productivum quod, supponit esse completum, adeoque per se subsistens; Sed in Deo sunt diversa principia productiva quod Filii, & Spiritus sancti. Pater enim est principium quod Filii, & Pater, & Filius sunt principium quod productionis Spiritus sancti. Ergo Pater, & Filius debent habere distinctas subsistentias.

Denique; Humanitas Christi assumpta est tantum, & terminata per subsistentiam Verbi, non verò per subsistentiam Patris, aut Spiritus sancti. Ergo subsistentia Verbi distinguitur à

subsistentia Patris, & Spiritus sancti, adeoque non subsistunt unicā subsistentiā absolutā.

Dices 1. Subsistere est perfectio simpliciter simplex: Sed relatio in divinis nullam dicit perfectionem, ut constat Articulus sequenti: Ergo pariter nulla relatio est subsistentia.

Distinguo majorem: Per se subsistere communicabiliter, & absolute dicit perfectionem, concedo: Per se subsistere incommunicabiliter, & relative dicit perfectionem, nego.

Obijcies 2. Ratio subsistentiæ est aliquid absolutum. Ergo nulla datur in divinis subsistentia relativa. Consequentia patet. Probatur antecedens ex S. Augustino 7. de Trinit. cap. 4. dicente, *Omni res subsistit ad se, quantum magis Deus*: Sed illud, quod est ad se, & non ad aliud, absolutum est. Ergo ratio subsistendi est aliquid absolutum.

Nego antecedens, & ad ejus probationem dico, S. Augustinum ibi loqui de subsistentia, ut dicit perfectam independentem ab alio subsistente, qualis est subsistentia absoluta conveniens Personis divinis ratione essentiali ipsi communicatæ, non verò ratione relationum.

Vel dico ipsum velle tantum, quodd subsistentia, vel subsistens non sit ad alterum; ita ut sit alterius rei subsistentia, vel subsistens, sicut Pater, &c. est Filii Pater: Hoc tamen non impedit quin subsistentia sit relativa, sicut persona, quæ licet dici nequeat persona alterius personæ, non minus tamen est relativa.

Dices 3. Natura divina, ut mox probabimus, subsistit subsistentiā absolutā. Ergo non subsistit subsistentiis relativis. Patet consequentia; Subsistentia enim est ultimus terminus in linea subsistendi. Ergo per aliam terminari non potest, & consequenter

probat.

præter absolutam admitti non debet relativa.

Distinguo antecedens; Subsistit subsistentiâ communicabili, concedo; incommunicabili, nego: Similiter distinguo consequens, non debent admitti aliæ subsistentiæ communicabiles, & absolutæ, concedo: Incommunicabiles, & relativæ, nego.

Probationem Pariter distingo; Subsistentia personalis, & incommunicabilis est ultimus terminus in ratione subsistendi, concedo: Non personalis, & communicabilis, nego. Subsistentia enim absoluta, & essentialis, sicut non est incommunicabilis, ita nec habet rationem ultimi termini, sed tantum termini constituentis naturam, undeque completam in ratione naturæ divinæ, & reddentis illam capacem, ut communicetur tribus Personis divinis.

CONCLUSIO SECUNDA.

SUBSISTENTIA usurpata pro modo existendi per se, & excludente dependentiam ab alio extrinseco in existendo, convenit naturæ divinæ, quatenus præscindit à personalitatibus. Hæc est Doctoris in 1. dist. 7. quæst. 1. & in 3. distinct. 1. quæst. ubi loquens de naturâ divinâ, quatenus præscindit à relationibus personalibus. affirmant eam potuisse esse terminum unionis hypostatice, *Quia*, inquit, *ipsa nullum esse habet à persona, sed est prius naturaliter, quàm sit in persona, & dat esse personæ, est enim natura de se hæc, & per se subsistens, licet non incommunicabiliter.*

PROBATUR CONCLUSIO: Primò quidem autoritate sanctorum Patrum, in primis namque Agatho Papa in Epistola decretali, quæ habetur sexta Synodo art. 4. ait, *Confitemur Deum Patrem, Deum Filium, & Deum Spiritum sanctum, non tres Deos, sed unum Deum; non trius nominum subsistentiam, sed trium subsistentiarum unam subsisten-*

tiam: Similiter sanctus Augustinus 7. de Trinit. cap. 4. *Omnis res*, inquit, *ad seipsam subsistit; quando magis Deus*; Et cap. 5. circa finem, *Hoc est Deo esse, quod subsistere*; & *ideo si una essentia Trinitas, una etiam subsistentia*; Ipsi concinit S. Hieronymus Epistola 57. ad Damasum, *Una est*, inquit, *Dei, & sola natura, quæ verè est*; id enim, quod subsistit, non aliunde habet, sed sumum est. Idipsum suadet S. Hilarius lib. de Trinit. *Non est*, inquit, *corporaliū naturarum ista conditio, ut insint sibi invicem; ut subsistentiis natura habeant perfectam unitatem*; Paucis interpositis; *inest autem non aliud in alio, ut corpus in corpore, sed ita esse, ac subsistere, ut in subsistente insit*; ita verò inesse, ut ista subsistat solius Dei est; Subscribit, & S. Anselmus in Monologio cap. 43. ubi ait, *Pater gignendo, Filio dedit, ut non per extraneam, sed per suam essentiam, sapientiam, & vitam subsistat, scilicet, & vivat, &c.* Concludit denique Boëtius lib. de duabus naturis circa medium; *Deus*, inquit, *est hypostasis, id est, subsistentia; subsistit enim nullo indigens; unde dicimus unam esse Uiam, vel Uhoism, id est, essentiam, vel subsistentiam, Deitatis.*

PROBATUR CONCLUSIO RATIONE: Essentia divinæ quatenus præscindit à divinis Personis competit omnis perfectio simpliciter simplex; Sed per se subsistere est perfectio simpliciter. Ergo ipsi est tribuenda. Major patet; Essentia enim divinâ præcis relationibus est infinitè perfecta in genere, ens, & sicque verus Deus, ac subinde ens completum in ratione Deitatis. Ergo ipsi tribuendæ sunt omnes perfectiones composibiles. Minor etiam constat: Siquidem longè præstat per se subsistere, quàm existere, vel in alio, vel dependenter ab alio. Ergo est perfectio simpliciter simplex essentia divinæ tribuenda; non quidem per

relationes personales, quæ nullam dicunt perfectionem. Ergo illa per se, & immediatè subsistit.

Secundò: Essentia divina quatenus præcindit à personis, existit per se completè, & independenter ab ullo extrinseco, nec-non, & à personis. Ergo reverà subsistit. Consequentia patet: Siquidem per subsistentiam absolutam nihil aliud intelligimus, quàm substantiam completam per se existentem, & incommunicabilem ulli extrinseco complemento à se realiter distincto. Antecedens verò probatur: Essentia divina nullam perfectionem accipit à Personis, sed tribuit eis plurimas perfectiones, imò omnes; siquidem omnes perfectiones divinarum Personarum ab essentia profluunt. Ergo independenter ab eis subsistit. Multò magis independenter ab omni extrinseco realiter distincto, adeoque per se subsistit.

Tertiò: Quod est principium sufficienter activum per se, est etiam per se subsistens; Sed Deus, ut præintelligitur personis est principium sufficienter activum, & productivum. Ergo est per se subsistens. Major constat: Cum enim subsistentia sit complementum naturæ, cùmque natura prius debeat esse completa in esse, quàm operans, quia prius est esse, quàm operari; ideo prius debet esse subsistens, quàm agere. Minor etiam constat: Tum quia opera Trinitatis ad extra sunt indivisa, ratione scilicet individue Deitatis, quidquid enim convenit omnibus omnino personis, id eis convenit ratione essentiae illis communis; atqui creare, v.g. illis indivisim convenit. Ergo ratione essentiae communis, sive Deitatis. Ergo prius Deo convenit producere, quàm personis; & producere non potest competere essentiae, nisi sit subsistens; quoniam actiones sunt subsistentium; & consequenter Deus qua-

tenus præcindit à personis est subsistens.

Confirmatur autoritate sanctorum Patrum, qui affirmant creaturas à Deo subsistente produci. Sic S. Dionysius cap. 1. de Divinis nominibus dicit, *Bonitatis, subsistentiam per suum esse, causam esse omnium subsistentium*; Et Nyssenus libro de vita Moïsis, *Nihil, inquit, præter supremam essentiam, quæ omnium causa est, & à qua omnia dependent, verè subsistunt*.

Dices 1. Si divina Essentia subsisteret quatenus præcindit à personis, illa esset persona: Sed hoc est absurdum; alioquin in Deo daretur personarum quaternitas, quod damnatum fuit in Concilio Lateranensi: Ergo Deus quatenus præcindit à personis, non subsistit. Probatur sequela majoris: Persona nihil aliud dicit, quàm subsistentiam naturæ intellectualis: Sed Essentia divina quatenus præcindit à personis est natura intellectualis; Ergo si per se subsistat, reverà erit persona.

Confirmatur, nam juxta sanctos Patres laudatos initio hujus Articuli; idem significat *Subsistentia*, quod *Hypostasis*; Sed hypostasis in Deo, idem est, ac persona. Ergo si Essentia divina subsistit, reverà erit persona.

Distinguo majorem; Si subsistat subsistentiâ personali, & incommunicabili alteri, ut supposito, erit persona, concedo: Si subsistat subsistentiâ absolutâ, & incommunicabili quidem alteri extraneo, ac distincto realiter ab ipsa essentia subsistente, sed communicabili supposito divinis realiter ab ipsa essentia indistinctis, erit persona, nego: De ratione enim personæ est, quod subsistens sit natura intellectualis incommunicabilis alteri, tum extraneo, tum supposito.

Ad confirmationem distingo majorem: Subsistentia idem significat Latine, quod

quod Græcè hypostasis, secundum aliquam sui acceptionem, eamque frequentiore, concedo: Secundum omnimodam sui acceptionem, nego. Etenim, ut observavimus nomen *Subsistentia* dupliciter accipitur à Patribus: Primò quidem pro perfectitate excludente dependentiam à substantiante: Secundò, pro perfectitate excludente comunicabilitatem supposito. Priori modo non idem significat, ac hypostasis, sed tantum posteriori, juxta priorem acceptionem, dicimus unicam esse substantiam absolutam in Deo; juxta posteriorem, reverà sunt tres substantiæ relativæ.

Dices 2. Subsistentia est ultimus terminus naturæ, quam afficit; Sed Essentia divina antecederet ad personalitates, non habet aliquid, quod sit ejus ultimus terminus. Ergo non habet substantiam. Probatum minor: Ultimus terminus terminum posteriorem excludit; at essentia divina non excludit terminum posteriorem; siquidem adhuc terminatur substantiis relativis: Ergo, &c.

Distinguo majorem: Subsistentia personalis, & incommunicabilis alteri supposito est ultimus naturæ terminus, qui nullum posteriorem agnoscit, concedo; Subsistentia absoluta, & naturalis, quæ naturam per se existentem efficit, & nihilominus comunicabilem alteri, ut supposito, debet esse ejus ultimus terminus, nego: Ut sic enim natura divina cum sit infinitè secunda, ex ratione sua postulat divinis Personis communicari, & ab eis ultimo terminari, & ultra in comunicabilis fieri.

Dices 3. Subsistere est per se existere, non solum independentem ab alio, sed etiam cum repugnantia ad essendum in alio; sicut *inherere*, est esse in alio cum repugnantia ad existendum per se; at natura divina quatenus præ-

scindit à Personis, hoc modo per se existendi non gaudet; imò potius postulat in Personis existere: Ergo, ut sic non verè subsistit.

Distinguo majorem: Est per se existere, & non in alio, tanquam in substantiante, concedo; tanquam in ultimo terminante, nego. Et similiter distincta minore; nego consequentiam. Natura namque divina, etsi postulet esse in Personis, tanquam in terminis suæ fecunditatis; non tamen in eis est tanquam in substantiante, & eam complente; Essentia enim divina nullam perfectionem accipit à Personis, imò omnis Personarum perfectio ab ipsa profuit; neque ab eis completur in ratione naturæ divinæ, sed tantum in eis ejus infinita fecunditas derivatur, & ab eis terminatur.

ARTICULUS SECUNDUS.

De Relationibus divinarum Personarum Constitutivis.

DUPLEX maxime relationum genus in Deo distinguunt Theologi, quarum aliquæ *ad extra*, alias *ad intra* nominant. Relationes *ad extra* sunt, quibus Deus ad Creaturas refertur, vel ab æterno, ut sunt relationes Omnipotentis, & Notitiæ simplicis ad res possibiles, necnon, & Prædestinantis, Reprobantis, &c. ad Creaturas rationales futuras; vel in tempore, ut sunt relationes Creatoris, gubernatoris, Redemptoris, &c. Relationes *ad intra* sunt, quibus divinæ Personæ ad invicem mutuo refertur. Quæ iterum duplicis sunt generis, aliquæ enim sunt *proprie* singulis divinis Personis; aliæ sunt tribus communis. Proprie alio nomine dicuntur relationes originis, quibus maxime constituuntur divinæ Personæ; quæque sunt Paternitas, Filiatio, Spiratio ad-

va,

va, & Spiratio passiva, quæ omnes, si Spirationem activam excipias, sunt in singulis personis alterius, & alterius rationis, invicemque distinguuntur realiter. Communes sunt, quæ in singulis personis reperiuntur, fundanturque super unitatem, & metaphoricam quantitatem, & qualitatem divinam, & dicuntur æqualitas, identitas, & similitudo.

De Relationibus *ad extra* non est præsentī loco disputandum; sed de relationibus *ad intra*. De quibus maxime Triā veniunt resolvenda: 1. An omnes relationes ad intra, tam communes, quam propriæ, sint reales. 2. Quænam ex propriis sint reverà divinarum Personarum constitutivæ. 3. An relationes Personarum constitutivæ aliquam perfectionem importent, & continent.

QUAESTIO PRIMA.

An omnes Relationes divina ad intra sint reales?

NOTANDUM 1. Nomine relationis nos intelligere illam veluti formam, quā una res aliam respicit, & cum ea comparatur. Unde fit, ut in qualibet relatione duplex distinguatur esse, nimirum esse *in*, & esse *ad*. Cū enim relatio sit habitudo unius ad aliud, necessariò est in subiecto, quod refert, & ad terminum, quem respicit. An autem relatio secundum illud duplex esse sit realis, non conveniunt Auctores; quidam enim cum Guillelmo Parisensi laudato à Carthusiano in 1. dist. 26. q. 2. affirmant, tam in Deo, quàm in Creaturis omnibus relationes non esse reales entitates, sed tantum entia rationis; aut saltem solum denominationes extrinsecas, ut docuit Ochamus in 1. dist. 30. quæst. 4. Nonnulli contendunt rela-

tiones non esse reales quatenus sunt *ad aliquid*, sed tantum, prout sunt in aliquo, ita plerique Thomistæ cum S. Thoma de potentia, quæst. 4. art. 5. & in dist. 26. quæst. art. 2. ad 3. Ceteri denique cum Doctore Subtili conveniunt relationes divinas ad intra esse reales secundum illud esse duplex, nempe in aliquo, & ad aliquid.

Notandum 2. Ex Doctore quodlibeto 6. n. 33. ad realitatem relationis tria maxime desiderari. *Primum*, fundamentum reale, quod sit in re, & ex natura rei. *Secundum*, extrema realia, & realiter distincta. *Tertium*, quod ipsum ex natura rei insit extremis, absque scilicet omni consideratione intellectus, vel absque operatione potentie extrinsecæ. Advertendum insuper relationum realium, maxime earum, quæ appellantur mutue, tres esse proprietates, quarum *Prima* est, quod sint simul naturæ; *Secunda*, quod sint simul cognitione, seu definitione; *Tertia*, quod dicantur ad convertentiam; quas omnes ex Aristotele, sic expendit S. Cyrillus lib. 2. Thesauri c. 3. *Quæ ad aliquid sunt*, inquit, & *natura*, & *ratione simul sunt*, & *alterum ex altero inferitur*. Consequens est ergo relationes eas esse dicendas reales, quibus tres præfatæ conditiones, tresque designatæ proprietates competunt: An autem hæ omnes divinis relationibus *ad intra* quadrent, hic erit determinandum.

Notandum 3. Relationes divinas in tribus maxime à creatis discrepare. *Primo* namque creata relatio nullius ferè est entitatis, & existentie, nullius activitatis, ac efficacie, nullius denique soliditatis, ac permanentie; imò propriæ fragilitatis, & tenuitatis defectu, eodem penè momento, quo nascitur evanescit: Divina verò relatio tantæ est, tamque sublimis entitatis, ut augustissimam Trinitatem instituat, di-

vinaſque Perſonas in eſſe perſonali conſtituat. *Secundò*, Creaturarum relationes ſunt accidentales, adeoque egent ſubjecto, tum, ut exiſtant, tum, ut conſerventur: Divinæ verò relationes ſubſtantiales ſunt, ac per ſe ſubſiſtentes, & licet ab Eſſentia divina, tanquam ab omniſ entitatis, & perfectionis pelago profluant, ipſamque ad conſtitutionem Perſonarum determinent; tamen ipſi divinæ eſſentiz, non inſunt, tanquam ſubjecto, ſed ei realiter identificantur. *Tertiò*, relationes intrinſecùs advenientes in Creaturis ſupponunt ſua extrema, hoc eſt, fundamentum, & terminum, realiter exiſtentia, & diſtincta, qui oriuntur tantùm ex poſitione fundamenti, & termini: At divinæ relationes non ſupponunt, ſed conſtituunt divinas Perſonas, eaſque realiter diſtinctas eſſiciunt.

His prælibatis etia ſuperſunt ſtatuenda. *Primum*, an divinæ relationes perſonales, & propriæ ſint verè reales: *Secundum*, an ſint reales, tam ſecundùm eſſe ad aliquid, quàm ſecundùm eſſe in aliquod. *Tertium*, an relationes communes identitatis, æqualitatis, & ſimilitudinis ſint etiam verè reales.

CONCLUSIO PRIMA.

RELATIONES divinis Perſonis propria ſunt ſimpliciter reales. Hæc ſufficiens conſtat, ex iis, quæ diximus probando divinas Perſonas conſtitui per relationes reduplicativè, ut relationes ſunt.

Probatur inſuper authoritate Conciliorum, maximè Toletani 11: cap. 1. dicentis, *In relativis perſonarum nominibus Pater ad Filium, & Filius ad Patrem, & Spiritus ſanctus ad utroque reſertur. Quæ cum relativè tres perſona dicantur, una tamen natura per ſubſtantiam creditur.* Pater id ipſum ex Concilio Florentino ſeſſione 18. ubi Joan-

nes Theologus, ex communi ſententia Græcorum Patrum, & Latinorum ait, *Sola relatio apud omnes Græcos, & Latinos Doctores, divina proceſſione perſonas multiplicat, ita ut non alia ratione, quàm vi relationis una perſona ab alia differat.* Ex quibus ſic argumentor: Divinæ Perſonæ realiter conſtituuntur, & diſtinguuntur: Ergo per aliquid reale conſtitutivum, & diſtinctivum: Sed illud, ex Conciliis, non eſt aliud quàm relatio: Ergo illa verè eſt realis.

Probatur 2. Illæ relationes reverè ſunt dicendæ reales, quibus competunt tres ad realem relationem proprietates deſiderandæ; Sed illæ conveniunt relationibus notionalibus: Ergo hæ ſunt reales. Major conſtat: Proprietas enim ſequitur entitatem; adeoque ſi illa ſit realis hæc pariter realis erit. Proba ut minor: Tres cõditiones ſunt, quod relationes mutuz ſint ſimul naturà, ſimul cognitione, & reciproca illatione, ut dictum eſt in ſecundo Notabili: At illæ quadrat in relationes divinarum Perſonarum conſtitutivas quidem Pater, & Filius divinus, Verbi gratià, ſimul ſunt naturà, & ex unus exiſtentia, inferitur exiſtentia alterius, ut diſerte probat ſanctus Cyrillus Dialogo de Trinit. lib. 4. *Si non eſt Filius exiſtens genitus*, inquit, neque Pater eſſet juxta rationem congruam; Pater ſiquidem eſt quia genuit: igitur, & ſimul ſubſiſtere, & ſimul tolli utrumque verum. Sunt etiam ſimul cognitione; nam inquit Baſilius libro 2. contra Eunomium, *Ex quo Pater eſt, & Filius eſt, & illico cum quis Patris cogitationem capit, Filii etiam incurrit, nam Pater, Filii videlicet Pater: Cui concinit Cyrillus Jerofolymitanus Catecheſi 7. Patris nomen, ait, ſimul cum ipſius nomen appellacione exhibet intelligendum, & Filium; quemadmodum ſimiliter Filium quis nominans etiam, & Patrem intelligit; nam, ut ſubjicit*

jiçit Gregorius Nissenus Epist. contra Apollinarem; *Ubi Quis Patrem nominaverit, certum est eum Filii cuiuspiam significationem intulisse; quomodo enim Pater appellabitur nisi Filius etiam intelligatur?* Favet sanctus Hilarius libro 7. de Trinitate, *Nomen Patris, inquit, habet in se Filii nomen, non enim nisi per Filium Pater est; & significatio Filii demonstratio Patris est, quia nonnisi ex Patre sit Filius.* Ergo si realis relationis proprietas personalibus relationibus competat, illæ reverà dicendæ erunt reales.

Probatur 3. Illæ relationes reverà sunt dicendæ reales, quibus competent tres conditiones ad relationem realem requisitæ, nempe quod ejus fundamentum sit reale, quod sit inter extrema realia, quodque fundamento insit ex natura rei; & citra considerationem intellectus: Sed hæ tres conditiones conveniunt relationibus personalibus: Prima quidem; quia origo activa, & passiva in quibus fundantur relationes producentis, & producti, est reverà tunc fundamentum reale: Secundò relationes illæ sunt inter extrema realiter distincta; produciens enim, & productum distinguuntur realiter invicem.

Denique relationes illæ, & habitudines unius Personæ ad aliam ipsis competunt citra quamlibet intellectus operationem; etsi enim nullus unquam fuisset intellectus creatus, non minùs reverà Pater divinus esset Filii Pater, & Filius Patris Filius: Ergo non minùs reverà habuissent relationem invicem.

Dices 1. Relatio realis exigit extrema realiter distincta; Sed relationes divinæ non habent extrema realiter distincta. Probatur, nam relationes illæ sunt inter Essentiâ, quæ ab una Persona communicatur alteri: Sed Essentia divina in Persona eam communi-

cante, non distinguitur à seipsa quatenus est in Persona cui communicatur; imò est omnino eadem: Ergo, &c.

Nego minorem, & ad ejus probationem dico: Essentiam ipsam divinam, non esse extremum, seu fundamentum proximum relationis quæ intercedit inter divinas Personas; sed illæ divinæ Personæ sunt ipsa relationum extrema; non enim Essentia, sed ipsæ divinæ Personæ realiter referuntur ad invicem; adeoque cùm Personæ sint realiter distinctæ, etiam earum relationes sunt inter extrema realiter distincta.

Instabis: Non solum relatio exigit, sed etiam præexigit realitatem, & distinctionem extremorum: At relationes divinæ, non supponunt extrema realia, & realiter distincta: Ergo non sunt reales.

Distinguo majorem: Relatio creata præexigit realitatem, & distinctionem realem extremorum, quia non oritur nisi ex positis fundamento, & termino, concedo: Relatio increata, & divina ita exigit extrema realiter distincta, nego. Cùm enim hæc sit constitutiva, & distinctiva divinæ Personæ, quia est terminativa communicationis divinæ Essentiæ; idcirco non supponit, sed efficit distinctionem extremorum.

Dices 2. Idcirco affirmantur esse in Deo relationes reales, quia Personæ divinæ denominantur nominibus relativis: Sed exinde non licet colligere in eis esse aliquas relationes reales: Ergo, &c. Major constat ex probationibus Conclusionis. minor probatur: Tam enim reverà Deus realiter dicitur Dominus, Creator, &c. quàm prima persona dicitur Pater: Sed ex eò quòd Deus appellatur nomine relativo *Domini*, non sequitur in eo esse relationem realem, quæ intercedit inter Dominum, & Servum in creatis: Ergo ex-

eo quod prima persona appelletur Pater, concludere non licet eandem esse relationem, quæ est inter Patrem, & Filium in creatis.

Nego minorem, & ad ejus probationem distinguo majorem: Tam realiter Deus dicitur Dominus quàm prima persona dicitur Pater, realitate terminationis, quia nempe relatio Domini terminatur ad Creaturas realiter existentes, sicut proportionè servata relatio Paternitatis terminatur ad Filium realiter existentem, concedo: Tam realiter intrinsecè, seu per formam relativam intrinsecam, nego. Relatio enim Domini tantùm oritur ab extrinsecò, & Deo covenit jam constitutio undequaque in suo esse rum essentiali, rum personali; idcirco dicitur relatio ipsi adveniens ab extrinsecò, nempe ex productione creaturæ; relatio, verò Paternitatis ipsi ab intrinsecò competit, non solum quia fluit ab essentia cum qua est eadem realiter, & à qua solum formaliter distinguitur, sed etiam quia cū Essentia divina concurrat ad intrinsecam constitutionem personæ divinæ in suo esse personali.

Dices 3. Boetius libro 1. de Trinitate circa medium enumeratis omnibus prædicamentis ait, *Hæc cum quis in divinam verterit prædicationem cuncta mutantur quæ prædicari possunt: ad aliquid verò omnino non potest prædicari.* Ergo ex eo sequitur relationem, quæ est prædicamentum ad aliud, non Deo realiter competere; sicut convenit substantiæ, & quæ ultra substantiam significantur per modum vel quantitatatis; vel qualitatatis. vel actionis, &c.

Respondet Boetium velle quod relationes non eodem modo prædicentur de Divinitate, quomodo enunciantur cætera prædicamenta, sed modo omnino diverso: Cum enim inquisivisset libro proxime sequenti, *Utrum Pater, & Filius, & Spiritus sanctus de Divini-*

tate substantialiter prædicentur: post medium libri ita concludit, *Ex his igitur intelligimus Patrem, Filium, & Spiritum sanctum non de ipsa Divinitate substantialiter dici, sed aliò quodam modo: Si enim substantialiter prædicaretur de singulis, & de omnibus singulariter diceretur: Nunc verò ad aliquid dici manifestum est; nam, & Pater altius Pater est.* Faretur ergo Boetius relationes prædicari, & dici de Deo tanquam ad aliquid; qui est alius quidam modus prædicationis distinctus à prædicatione substantiæ, & cæterorum prædicamentorum, quæ de singulis personis verificatur. Singulæ namque dicuntur pet se existentes, æquales, similes, &c. non autem singulæ dicuntur Pater, &c.

CONCLUSIO SECUNDA

RELATIONES originis Personarum divinarum constitutivæ reverè sunt reales secundum esse ad aliquid.

Probatur ex illis omnibus quibus jam insinuatum est relationes divinas esse personarum constitutivas, quatenus relationes sunt, etenim relationes originis sunt personarum divinarum constitutivæ quatenus reales sunt; & secundum propriam rationem, quæ sunt relationes: sed sunt relationes propriæ secundum esse ad aliud: Ergo sunt etiam relationes, & constitutivæ secundum esse earum ad aliquid. Major constat ex dictis. Probatur minor: Secluso esse ad aliquid à relatione, nihil amplius remanet per quod unum intelligatur referri ad aliud: Sed ablata à relatione ratione referendi nnum ad aliud, non remanet amplius relatio: Ergo secluso esse ad aliquid non erit amplius vera relatio.

Confirmatur: Eo modo divinæ relationes personas constituunt, quomodo eas distinguunt: Sed eas distinguunt tantum secundum esse ad. Probatur. Non distinguunt nisi quatenus opponuntur: sed opponuntur invicem tan-

tum

tum secundum esse ad non verò secundum esse in quod est ipsis commune cum formis absolutis: Ergo, &c.

Secundò: Paternitas secundum formalissimam rationem Paternitatis, est relatio ad Filium: Ergo relatio secundum formalissimam rationem relationis, seu secundum esse ad aliud est entitas realis. Major patet: Si enim Paternitas secundum formalissimam rationem non esset entitas realis, Deus non esset verè, & propriè Pater, sed tantum per quandam comparisonem intellectus humani; ideoque minus propriè esset Pater, & Filius quàm homo generans, & genitus. qui realiter sunt Pater, & Filius. Minor autem constat ex dictis, quibus probavimus plurimis sanctorum Patrum auctoritatibus rationem propriam Paternitatis totam esse ad Filium, sicut tota ratio Filii est ad Patrem. Et probatur insuper ex Concilio Uuormantiensi in professione fidei, ubi repetens verba Concilii Toletani 11. dicentis, *In relativis personarum nominibus Pater ad Filium, & Filius ad Patrem, & Spiritus sanctus ad utroque refertur* &c. Subdit, *Quòd Pater est non ad se sed ad Filium; & quòd Filius est, non ad se sed ad Patrem est.* Cui concinit sanctus Bernardus Epist. 192. ad Innocentium ubi ait, *Non quòd ad se, sed quòd ad Filium est, Patris nomine designatur.* Ergo vera ratio relationis est ad aliud.

Tertiò denique: Si relatio secundum esse ad aliud, non esset ex se propriè realis, sed ex eo solum quòd realis est substantia Dei, vel ejus amor, & intellectio; sequeretur relationes divinas æternas non esse reales perfectiori, & veriori modò, quàm sint reales relationes ex tempore convenientes Deo, à quibus realiter denominatur Dominus, & Creator; etenim istæ similiter fundantur in operationibus intellectus, & voluntatis divinæ, Deus enim

in tempore realiter, & propriè Dominus appellatur à reali subjectione Creaturarum supposito fundamento volitionis, & imperii, quò Deus ab æterno prædefiniit Creaturas producere, & gubernare: Sed hoc consequens est absurdum, aliàs relationes originis essent tantum denominationes extrinsecæ; adeoque non essent realia, & intrinseca principia constitutiva divinarum Personarum Ergo, &c.

Obijcies 1. Esse ad aliquid, formaliter tantum respicit terminum: Sed respicere formaliter terminum, non est aliqua ratio realis: Ergo esse ad aliquid non est reale. Major patet. Probatur minor: illud per se non est reale, quòd commune est enti reali, & rationis: Sed respicere terminum, est quid commune relationi reali, & rationis: utraque enim refert fundamentum ad terminum: Ergo, &c.

Nego minorem, & ad probationem ejus, nego minorem: Relatio enim rationis reverà non respicit terminum, sed concipitur ad modum earum relationum, quæ terminum respiciunt, sicut quodlibet ens rationis non est ens, sed concipitur ad modum entis.

Deinde tam esse in aliquo dicitur de relatione reali, & rationis, quàm esse ad aliud, etenim relationes rationis tam concipiuntur ad modum accidentium inherenentium subjectis quàm concipiuntur esse ad aliud: Ergo si ex eo quòd esse ad terminum dicatur de relatione reali, & rationis, sequeretur relationem non esse realem quatenus est ad aliquid, etiam non esset dicenda realis quatenus est in aliquo, sicque relatio secundum nullam sui rationem esset realis, quòd est absurdum.

Dices 2. Tota realitas cujuslibet entis in ipso est: Ergo realiter tantum potest esse realis secundum esse in, non verò secundum aliud esse oppositum huic, quale est esse ad.

Di.

Distinguo majorem: Tota realitas entis absoluti est esse in se, & ad se, concedo: Entis relativi, nego. Imò ex relati-
vorum definitione totum eorum esse est ad aliud; nam inquit Aristoteles definiendo relationem, *Sunt ad aliquid quibus hoc ipsum esse, est ad ali-
quid se habere*, id est habitudinem habere ad alterum. Cætera quæ possent obijci depromuntur ex Philosophia, & jam solvimus in nostra Philosophia Academica probando relationes esse entia realia, idcirco sit.

CONCLUSIO TERTIA.

REVERA in Deo sunt relationes identitatis, æqualitatis, & similitudinis: *Æque sunt reales*. Hæc Conclusio duas habet partes. Quarum Probatur prima: In eis sunt relationes identitatis, æqualitatis, & similitudinis; in quibus est perfecta identitas, æqualitas, & similitudo: Sed illa perfectissimè intercedit inter divinas Personas.

Primo namque inter eas est summa Identitas essentialis: Tum quia eadem est essentia numerò in tribus personis: Tum quia Essentia divina, ratione suæ infinitatis, identificat sibi relationes divinarum Personarum constitutivas, quò sit, ut licet tres sint personæ, tamen est unicus Deus; Ergo inter illas est summa, & perfecta identitas.

Secundò est etiam omnimoda Æqualitas inter divinas Personas, ut colligitur ex illo ad Philippens 2. ubi de Verbo divino Paulus ait: *Non rapinam arbitratus est esse se æqualem Deo*, id est non tyrannicè, nec per rapinam usurpavit æqualitatem Deis: sed ei fuit conaturalis. Hæc autem divina æqualitas in tribus potissimum attenditur, nimirum in perfectionum infinita magnitudine, in existentiz æterna immutabilitate, & in potestatis inexhausta fecunditate, ut expendit sanctus Fulgentius libro de fide ad Petrum cap. 1. dicens, *Quòd nullus horum scilicet*

Patris, & Filii, & Spiritus sancti, Extra quemlibet ipsorum est, quia nemo alium, aut precedit aternitate, aut excedit magnitudine, aut superat potestate: quia nec Filio, nec Spiritu sancto, aut anterior, aut major Pater est, nec Filiis aternitas, atque immensitas veluti anterior, aut major Spiritus sancti immensitatem, aternitatemque aut precedere, aut excedere naturaliter potest. Concinit, & Concilium Toletanum 6. in professione fidei ante medium, *In hac*, inquit, *Trinitate tanta est unitas substantiæ ut pluralitate careat, & æqualitatem teneat, nec minor in singulis quàm in omnibus: nec major in omnibus quàm in singulis personis manet*: Firmatur pariter ex Symbolo sancti Athanasii dicentis, *In hac Trinitate nihil prius aut posterius, nihil majus aut minus, sed totæ tres personæ cogerent sibi sunt, & cœquales*.

Tertio denique hoc ipsum patet de Similitudine: Est enim inter divinas Personas perfecta assimilatio, ratione attributorum, & perfectionum divinarum, in quibus illæ divinæ Personæ dicuntur omnino similes: Unde Athanasius in Symbolo, *Qualis Pater, talis Filius, talis Spiritus sanctus*: Hinc oratione prima contra Arianos ait, *Filius quatenus est Verbum, & Sapientia Patris omnia habet quæ sunt Patris, quænitatem, immutabilitatem, & per omnia, & in omnibus eandem similitudinem*. Quam etiam similitudinem habet Spiritus Sanctus, non quidem vi formalissima suæ processionis sicut Filius, sed ratione sibi communicatæ naturæ divinæ; quomobrem nonnulli Patres eò processerunt, ut Spiritum sanctum appellerent formam, & imaginem, & Verbum Filii, ut patebit Disputatione sequenti.

Hanc divinam similitudinem probat S. Hilarius lib. 3. de Trinit. ex illo Genes. *FACTAMUS HOMINEM*, &c. *Qui dicit*, inquit, *FACTAMUS HOMINEM AD IMAGINEM, ET SIMILITUDINEM NOSTRAM*; in-

vicinèssè suis similes in eo quòd similitudinè nostram dicat, ostendit. Probat verò Richardus Victorinus libro 3. de Trinitate cap. 7. ex perfectà Charitate, quæ est inter divinas Personas. Plenitudo Charitatis exigit, inquit, ut uterque ab altero sit summè dilectus, & consequenter secundum prædictam discretionis normam, uterque sit summè diligendus. Ubi autem uterque est æquè diligendus, oportet, ut uterque sit æquè perfectus: oportet itaque utrumque esse æquè potentem, æquè sapientem, æquè bonum, æquè beatum, &c. Quæ hanc adversus veritatem possent objici, jam soluta sunt ex dictis de consubstantialitate, & æqualitate divinarum Personarum.

PROBATUR ITAQVE SECUNDA PARS:
Nempe, quod illæ relationes identitatis, æqualitatis, & similitudinis reverà sint reales. Ut affirmat Doctor in 1. dist. 31. & alibi.

Probat 1. Relatio realis est, quæ competit extremis secluso opere intellectus: Sed talis sunt præfatæ relationes: Ergo sunt reales. Major patet. Minor, probatur ex sanctis Patribus, & Conciliis, maximè Nicæno, Toletano 1. Constantinopolitano 1. in quibus Filius divinus dicitur esse ejusdem essentia cum Patre, & illi in omnibus æqualis, & perfectè similis.

Confirmatur: A parte rei Filius divinus habet omnia requisita ex parte fundamenti ad relationes, identitatis, æqualitatis, & similitudinis cum Patre. Ergo reverà etiam à parte rei habet illas rationes. Patet consequentia; Nam in istis relationibus intrinsicè advenientibus posito sufficienti fundamento, & termino, necessariò resultat relatio. Probat antecedens, nam ex Aristotele lib. 5. metaphysicorum cap. 15. Eadem sunt, quorum substantia est una; similia verò, quorum qualitas una; æqualia autem, quorum quantitas una; Sed à parte rei in Patre,

& Filio est una substantia, nempe natura divina; una pariter qualitas, nempe perfectiones attributales, & modales; una denique quantitas, non molis, sed moris, nempe Divinitas, Majestas, & celsitudo; Ergo pariter in eis sunt à parte rei relationes identitatis, æqualitatis, & similitudinis.

Secundò æqualitas, & similitudo sunt relationes reales in creaturis: Ergo multò magis in Deo. Patet antecedens: Probatur consequentia. Æqualitas, & similitudo multò perfectiùs sunt in divinis, quàm in Creaturis: Ergo multò fortius constabit eas esse reales in Deo. Antecedens est ipsius S. Augustini lib. 3. de Trinitate cap. 4. & 5. ubi summam æqualitatem personarum probat ex summa simplicitate illarum, & capite 10. de Filio quatenus imagine loquens ait, Ubi jam est tanta congruentia, & prima æqualitas, & prima similitudo nulla in re dissidens, & nullo modo inæqualis, & nulla ex parte dissimilis, sed ad identidem respondens ei cujus imago est.

Tertiò probat Doctor laudatus numero 2. Illæ relationes sunt reales, quibus competunt omnes conditiones ad relationem realem desiderandæ, nempe: Primò, ut extrema sint realia: Secundò, ut realiter distinguantur: Tertiò, ut relatio resultat ex natura rei, seu extemorum, adeoque absque ulla comparatione intellectus: Sed tres illæ conditiones reverà præfatis relationibus congruunt. Primò namque essentia, & perfectiones divinæ, quæ sunt fundamenta identitatis, æqualitatis, & similitudinis Personarum, reverà sunt reales: Secundò, Personæ ipsæ, inter quas intercedunt illæ relationes, sunt realiter existentes, invicem realiter distinctæ: Tertiò denique, nulla opus est intellectus comparatione, ut illæ divinæ Personæ sint eadem, æquales, & similes: Ergo re-

ve-

verâ tres illæ conditiones ad relationem realem necessariæ prædictis relationibus conveniunt.

Replicant Thomistæ præter tres assignatas conditiones, quartam desiderari, nempe, quòd fundamentum quo realiter distinguatur in utroque extremo: Hoc autem in divinis non occurrit; nam eadem est essentia, eademque numero perfectiones in tribus adorandis Personis; adeoque propter defectum hujus conditionis præfatæ relationes in Deo non possunt esse reales.

Contra 1. Paternitas, & Filiatio in Creaturis sunt relationes reales: Sed fundamentum Paternitatis non distinguitur realiter à fundamento Filiationis; fundamentum enim Paternitatis est generatio activa, & fundamentum generationis, generatio passiva: Sed actio, & passio realiter non distinguuntur ex Philosopho 3. *Physicæ* ut etiam ultro fateatur Thomistæ: Ergo fundamentum Paternitatis creatæ non distinguitur realiter à fundamento Filiationis; Adeoque, ut relationes sint reales, non est necessaria distinctio realis fundamentorum.

Secundò; Si eadem numero quantitas, aut qualitas constitueretur in diversis subjectis, intercederet inter illa subjecta, relatio æqualitatis, & similitudinis: Sed in tali casu fundamentum non esset distinctum realiter in illis extremis; Ergo unitas, & identitas essentiarum, & perfectionum divinarum in Personis divinis, non obstat quin in eis sint realis identitas, æqualitas & similitudo.

Replicant 2. quòd in eo casu non exurgeret æqualitas, & similitudo inter illa subjecta, quia inveniuntur forma posita in duobus subjectis non reddit illa duo talia; etenim ad dualitatem opus est multiplicari formas. At replica falsa ostenditur duabus instan-

tiis: Primò enim in Patre æterno; & in Filio est unica spiratio activa; & tamen Pater, & Filius sunt duo spirantes: Item in tribus Personis ejusdem sanctissimæ Trinitatis est unica æternitas; & tamen S. Athanasius in Symbolo docet, quòd illi tres sunt coeterni; ergo albedo v.g. posita in duobus subjectis verè faciet duo alba, adeoque duo similia, quamquam tamen unica sit numero forma, & consequenter ad realitatem relationis non est necessaria realis distinctio fundamenti in extremis, sed satis est, quòd ipsa extrema sint realiter distincta.

Replicant 3. Si non multiplicaretur fundamentum, sequeretur, quòd idem referretur ad seipsum; fundamentum enim est id, quod refertur.

Nego sequelam: Fundamentum enim est quidem ratio referendi, non verò id, quod refertur; extrema enim sunt ea, quæ referuntur, hæc autem sunt divinæ personæ realiter invicem distinctæ.

Confirmantur supradictæ rationes: Præfatæ relationes fundantur in unitate: Ergo quantò major erit unitas essentiarum, perfectionis, & magnitudinis, tantò præstantior erit identitas, æqualitas, & similitudo, & per consequens si exurgat relatio identitatis inter duas substantias numero, vel specie distinctas, multò magis exurgit inter extremas, in quibus erit unica numero substantia. Insuper

Dicit 1. Si æqualitas, & aliæ relationes essent reales in divinis, sequeretur in Deo dari plures relationes reales, quàm quatuor: Sed consequens videtur falsum, & contra communem Theologorum Sententiam: Ergo, & antecedens. Sequela majoris est evidens, nam relationes identitatis, æqualitatis, & similitudinis distinguuntur formaliter à relationibus originis; Ergo verè essent in Deo plures relationes;

tionem, quàm quatuor . Imò ipsemet Doctor duas relationes similitudinis, duas æqualitatis, & duas identitatis in qualibet Persona divina constituit, quarum una ad unam, & altera ad alteram Personam refertur ; Ex quibus resultant 18. Relationes reales, quibus si quatuor relationes originis adjungas, erunt in Deo viginti duæ relationes reales . *Rursus*, cum omnes perfectiones divinæ distinguantur ex natura rei, sintque omnes infinitæ intensivè : Consequens erit tot esse relationes æqualitatis, & similitudinis, quot attributa, quæ certè ingentem relationum numerum in divinis efficient .

Negat minorem Doctor ibidem nu. 7. *Potesse concedi*, inquit, quòd quot sunt perfectiones in Deo simpliciter, tot sunt etiam habitudines, & tot æqualitates ; sicut tamen illæ omnes sunt simpliciter una res : ita, & æqualitates secundum eas sunt simpliciter una res . Itaque non implicat in Deo plures esse formalitates relativas, sicut plures sunt absolutæ .

Dices 2. Non sunt multiplicandæ formalitates, nec entitates in Divinis absque ulla urgente necessitate : At nulla videtur esse necessitas multiplicandi tot entitates relativas ; etenim, Personæ divinæ seipsum possunt dici invicem æquales, eædem, & similes ; per hoc enim dici potest nihil aliud significari, quàm quòd habeant eandem essentiam, & perfectionem, seu quod una non habeat aliam essentiam, nec majorem, aut minorem perfectionem, quàm altera : Ergo ad id entitates illæ positivæ superfluent .

Nego minorem, & ad ejus probationem dico, quòd cum æqualitas, identitas, & similitudo divina sint positivæ, etiam illæ denominationes fieri debent per aliquid positivum ; adeoque per aliquam formalitatem positivam : At habere eandem essentiam, & perfectionem, seu non habere aliam ef-

sentiam, & perfectionem non est formaliter aliquid positivum, sed purè negativum ; ideoque hoc non sufficit ad illam denominationem identitatis, æqualitatis, & similitudinis ; sed ad id requiritur entitas aliqua, seu formalitas relativa, cum ab essentia, & attributis, cum ab ipsis relationibus originis formaliter, aut saltem modaliter distincta .

Dices 3. Æqualitas est relatio simpliciter simplex : Sed relatio in divinis non est talis : Ergo æqualitas non est relatio .

Distinguit majorem Doctor in 1. distinctione 19. quæst. 1. n. 8. Æqualitas fundamentaliter sumpta est perfectio simpliciter simplex, quia præexigit naturam perfectam, & omnimodè infinitam in Personis, concedo : æqualitas sumpta formaliter, quatenus nimirum est formalitas relativa, quæ Personæ divinæ referuntur ad invicem est perfectio simpliciter, nego ; Seu, ut loquitur Doctor ibidem, *Dico*, quòd perfectio simpliciter, id est, quæ formaliter posset esse incommensurata, non dicit, nisi aliquid, quod potest esse essentiale in divinis, & ad se, & tale aliquo modo præintelligitur relationibus originis ejusmodi, sicut sapientia bonitas, &c. æqualitas autem non præintelligitur relationibus originis, nec potest esse ad se : Pater enim non est æqualis sibi, sed Filio, & ideo æqualitas hoc modo non dicit perfectionem simpliciter, dicit tamen perfectionem, quæ in omni natura comparando ad aliquid ejusdem naturæ, melior est suo opposito ; quia oppositum ejus de necessitate dicit imperfectionem, non enim est in æqualitas in eadem natura, nisi alterum individuum imperfectè habeat illam naturam .

Nec obstat, quòd distinct. 26. affirmet æqualitatem pro formali dicere perfectionem, id enim non dicit ex propria sententia, sed ex mente aliorum, qui ex eo, quòd personæ dicerentur

con-

constitui absoluti; inferebant inde sequi, quod esset aliqua perfectio in una persona, quæ non esset in alia; quam illationem nullam esse ostendit Doctor dicens, quod melius concluderent, quod relatio non constitueret personam, *Nam probabilis videtur*, inquit, *quod relatio possit esse perfectio, quam quod sit proprietas hypostatica, &c.* Supple in sententia argumentis.

QUÆSTIO SECUNDA.

Quam relationes sint divinarum Personarum constitutivæ.

NOTANDUM 1. Communem esse Theologorum sententiam, quatuor admittendas esse relationes personales, & originis, nimirum *Paternitatem, Filiationem, Spirationem passivam, & Spirationem activam*. Hæ namque solæ sunt relationes, quæ fundantur in processionibus divinis consideratis per modum actionis, & passionis: Dux namque tantum sunt reales processionēs, ut supra probavimus, nempe generatio Verbi, & processio Spiritus sancti. Quæ possunt considerari bifariam, nimirum activè, vel passivè; generatio *activè* sumpta dicitur Paternitas: *passivè* autem Filiatio nominatur. Similiter processio Spiritus sancti spectari potest activè, vel passivè: Priori modo, dicitur spiratio activa, quæ est in Patre, & Filio, & per quam à Spiritu sancto distinguuntur: Posteriori verò appellatur spiratio passiva.

Notandum 2. Omnes etiam penè Theologos convenire Paternitatem esse reverà constitutivam primæ personæ divinæ, Filiationem secundæ, & Spirationem passivam tertię; ac non levis difficultas de spiratione activa, num videlicet etiam distinet aliquam Personam divinam constituat: etenim si non sit alicujus personæ con-

stitutiva, cur cum relationibus personalibus constitutivis locum obtinet? Si verò sit, jam non solum tres, sed reverà quatuor erunt divinæ Personæ; adeoque ruit omniò divinæ Trinitatis mysterium. Hos erroris scopulos, ut declinent Theologi, censent aliqui cum Gregorio in 1. dist. 26. spirationem activam à relationibus originis esse ablegandam; quibus partim subscribit *Baro* noster Apologia 3. actione 3. Tomistæ eam quidem non respuunt, sed contendunt eam à Paternitate, & Filiatione solum virtualiter esse distinctam: Durandus verò contendit eam à Paternitate, & Filiatione realiter distingui: Doctor verò Subtilis *quodlibeto* 5. affirmat spirationem esse quidem realem, non tamen realiter, sed solum formaliter, & actu a Paternitate, & Filiatione esse diversam.

Notandum 3. Cerrò certius esse Patrem, & Filium distingui realiter à Spiritu sancto, & Spiritum sanctum similiter ab eis esse distinctum: At qua virtute fiat hæc distinctio non conveniunt omnes. Volunt enim aliqui hanc distinctionem à Paternitate, & Filiatione esse reperendam, ita quod ad id superflua sit spiratio activa. B contra cæteri affirmant hanc realem distinctionem non aliunde, quam à spiratione activa esse colligendam. Inde duo maxime veniunt in præsentī Quæstione statuenda: *Primum*, quod spiratio activa sit relatio realis ad personarum distinctionem necessaria: *Secundum*, quod à Paternitate, & Filiatione non realiter, nec solum virtualiter, sed formaliter distinguatur.

CONCLUSIO PRIMA.

SPIRATIO activa est relatio realis, & ad Personarum divinarum completam distinctionem colligendam necessaria.

PROBATUR CONCLUSIO. Inter principium, & terminum realiter à principio procedentem, realis relatio in-

ter

recedit, maximè, quando terminus procedens est ejusdem naturæ cum suo principio; Sed Pater, & Filius sunt unum principium, à quo realiter procedit Spiritus sanctus, qui est ejusdem naturæ cum Patre, & Filio: Ergo Pater, & Filius reali, & mutua relatione respiciunt Spiritum sanctum. *Subsumo*: Sed eum ita non respiciunt per Paternitatem, & Filiationem; Ergo respicere debent per aliam relationem; adeoque per Spiritationem activam. Major syllogismi constat; non enim est potior ratio, cur inter primam, & secundam Personam intercedat mutua relatio realis principii, & termini procedentis, videlicet Paternitas, & Filio, quàm inter Spiritum sanctum, & Patrem, & Filium, à quibus procedit tanquam terminus à principio. Illatio autem probatur à S. Augustino Serm. 38. de Tempore, ubi ait, *Ipsa relatio Spiritus sancti non ita reciproca ratione conversi poterit sicut Pater, & Filius, nam Pater Filii Pater dicitur, & Filius, Patris Filius dicitur. Spiritus vero sanctus uniformiter dicitur ad Patrem, & Filium, quia Patris, & Filii Spiritus, est, dicimus enim Spiritum sanctum Spiritum Patris. . . Sed non vicissim dicimus Patrem Spiritus sancti, ne Filius ejus intelligatur Spiritus sanctus; Item dicimus Spiritum sanctum Spiritum Filii, sed non dicimus Filium Spiritus sancti, ne Pater ejus intelligatur Spiritus sanctus*: Ergo illa relatio mutua non est ratione Paternitatis, & Filiationis, adeoque alia relatio est admittenda.

Confirmatur ex eodem libro 5. de Trinitate cap. 11. ubi probat inter Patrem, & Filium, & Spiritum sanctum esse mutuam relationem, non sub ratione Spiritus, sed sub ratione Doni: Ait enim, *Ipsa relatio non apparet ex hoc nomine videlicet SPIRITUS SANCTUS, apparet autem cum dicitur DONUM DEI, Donum enim est Patris, & Filii, quia,*

& à Patre procedit, & Apostolus ait. QUI SPIRITUM CHRISTI NON HABET, HIC NON EST EIUS. . . Donum ergo donatoris, & donator doni cum dicimus, relatio utrumque ad invicem dicitur. Ergo censet inter Patrem, Filium, & Spiritum sanctum esse relationem mutuam. Sed Pater, & Filius non mutuò referuntur ad Spiritum sanctum per relationem Paternitatis, & Filiationis; sed sub ratione doni, ut ipsemet docet cap. 12. ubi probat relationij Spiritus sancti non esse correlativam relationem Patris, nec relationem Filii. Cùm dicimus, inquit, donum Patris, & Filii, non quidem dicere possumus Patrem doni, aut Filium doni, sed ut hac sibi vicissim respondeant, dicimus donum donatoris, & donatorem doni, quia hic potius inveniri usitatum vocabulum, illic non potuit. Dicimus ergo relative Pater, idemque relative dicitur principium, & si quid forte aliud, sed Pater ad Filium dicitur principium, verò ad omnia, quæ ab ipso sunt; Ergo censet S. Augustinus Patrem, & Filium reverà referri ad Spiritum sanctum, non per relationem Paternitatis, & Filiationis, sed per relationem principii; At hæc relatio dicitur Spiratio activa; Ergo hæc reverà est realis.

Hoc ipsum luculenter ex sanctis Patribus probavit Bessiorius in Concilio Florentino oratione pro unione cap. 6. ubi cum suavisset inter Filium, & Spiritum sanctum esse relationem mutuam, ut causæ ad causatum, & causati ad causam, more Græcorum usurpando nomen causa pro principio, probat inde illam relationem non fieri per Filiationem: Unde concludit, quod: Cùm Filius prout Filius non referatur ad Spiritum, non enim dicitur Filius Spiritus, restat ut referatur ad Spiritum tanquam spirans; cum Spiritus etiam referatur ad Filium tanquam Spiritus; Spiritus enim spirans, & passiva spiratio

gio activa spirationi correspondet, Spiritus verb, & Spiritus Filii multis locis sacra Scriptura dicitur, & Spiratio ejus; hic enim Spiritus (ut sacer Athanasius Spiratio est Filii; Cum igitur ad Filium Spiritus, & tanquam spiratio, & tanquam Spiritus referatur, Filius quoque tanquam spirans referatur ad Spiritum. In quibus duo concludit, primum, quod inter Filium, & Spiritum sit relatio mutua. Secundum, quod hæc relatio ex parte Filii non sit Filiatio, sed spiratio activa, & consequenter, quod cum realiter Filius referatur ad Spiritum S. spiratio activa necessariò debet esse realis.

Dices 1. Nihil est asserendum in mysterio Trinitatis, nisi, vel Scripturæ, vel Conciliorum, aut sanctorum Patrum oraculis fulciatur: At Spirationis activæ nulla mentio apud sanctos Patres, imò Albinus Flavius lib. 1. de Trinit. cap. 5. dicit, *Relationem Spiritus sancti ad Patrem, & Filium non esse reciprocam*, id est, mutuam; Ergo hæc spiratio activa non est asserenda.

Nego minorem: Quamquam enim sancti Patres relationem inter Patrem, & Filium non appellaverint *Spirationem activam*; eam tamen sufficienter designarunt statuendo relationem mutuam inter omnes Personas ut nedom supra asseruimus ex S. Augustino; sed etiam, ut constat ex Concilio Toletano 11. dicente, *Hoc solo nummum insinuant, quod ad invicem sunt*; Et Nazianzeno Orat. 37. *Manifestationis*, inquit, *ut ita dicam, mutuaque eorum relationis differentia; diversa quoque ipsi nomina procreavit*. Est igitur inter illas divinas Personas mutua relatio realis; at hæc ex parte Patris, & Filii non est Paternitas, & Filiatio respectu Spiritus sancti; Ergo sufficienter affirmant sancti Patres aliam esse admitrendam, nempe Spirationem activam, quam tacitè approbavit Concilium Floren-

tinum, ut supra diximus; imò, & indicaverat Concilium Lugdunense sub Gregorio X. c. unico de summa Trinitate, non solum dicens, *Una spiratione Patrem, & Filium producere*, Spiritum S. sed etiam esse *Unam principium* Spiritus sancti; adeoque eadem ratione habent relationem ad Spiritum sanctum, quæ sunt ejus principium: At ex Concilio sunt ejus principium per Spirationem activam, & consequenter ex mente Concilii ad eum referuntur per Spirationem activam.

Ad Albinum Flavius, Respondeo ipsum velle quidem Patrem, & Filium non referri ad Spiritum sanctum relatione mutua sub ratione Patris, & Filii, sed tantum sub ratione principii, ut supra diximus ex S. Augustino.

Dices 2. Sancti Patres solummodò assignant tres relationes personales: *Insuper Concilium Lateranense capite Damnamus* excludit quaternitatem, realem in divinis: Sed si Spiratio activa esset realis, reverà esset quaternitas relationum realium in divinis: Ergo, &c.

Denique sanctus Damascenus lib. 1. de fide cap. 10. & 11. copiosè de relationibus divinis disserit: At nullatenus meminit Spirationis activæ: Ergo censet eam non esse admitendam.

Responder 1. Sanctos Patres idcirco assignasse tantum tres proprietates personales realiter distinctas, quia tantum agebant de relationibus personarum constitutivis, & distinctis realiter; unde cum activa Spiratio Personam non constituat, nec realiter distinguatur à Paternitate, & Filiatione, idcirco de ipsa eis non fuit sermo.

Ad Concilium Lateranense dico, illud eatenus excludere quaternitatem in divinis, quatenus ex ea inferretur quaternitas Personarum, at ex admissa spi-

spiratione activa illud non infertur, hæc enim non est Personæ divinæ constitutio: Ergo Concilium illam non excludit.

Adde, quod excludat Concilium, quaternitatem distinctorum realiter, tanquam res à re: At Spiratio activa non ita distinguitur à Paternitate, & Filiatione, ut ita item probabimus: Ergo in nos non pugnat.

Ad sanctum Damascenum Respondeo ab autoritate negativa nihil certo colligi, maxime quando contrarium inferre licet: At S. Damasc. sufficiens subministrat fundamentum in eodem cap. 11. asserendi realem relationem Spirationis activæ dum circa medium ait, *In suis proprietatibus Paternitatis, Filiationis, & Processionis secundum causam, & causale Deum intelligi: Quibus denotat mutuam esse reciprocationem principii producentis, & termini producti inter Spiritum sanctum, & Patrem, ac Filium: At hæc non potest esse Paternitas, & Filiatio: Ergo Spiratio activa.*

Dices 3. Relatio principii in Deo non est semper realis, nam reverà Deus est principium Creaturarum, nec tamen ad eas habet relationem realem; Ergo licet Pater, & Filius sint principium Spiritus sancti, non inde sequitur, quod habeant relationem realem Spirationis activæ.

Distinguo antecedens: Quando principium producat, & terminus productus sunt diversi ordinis, & diversæ naturæ, concedo: Quando sunt ejusdem, nego. Relatio autem Creatoris ad res creatas, est ad res alterius ordinis, & naturæ, & Deo solum advenit in tempore: At vero Spiratio activa est ad terminum ejusdem ordinis, & naturæ, illaque Deo convenit ab æterno, & idcirco est realis.

Dices 4. Spiratio activa supponit Patrem, & Filium constitutos: Ergo

si sit realis, ipsis advenit tantum ex resultantia, & per modum accidentis; Sed hoc Deum dedecet: Ergo, &c.

Nego minorem: Hæc enim resultantia non fit secundum rem, sed secundum formalitatem, nec advenit ab aliqua actione extrinseca, ut relationes creatæ, sed ab intrinseco, & ex fecunditate divinæ voluntatis: Sicut ergo non repugnat, quod ab essentia resultant attributa, ab ea non realiter, sed tantum formaliter distincta; sic etiam non repugnat, quod à Patre, & Filio resultet illa Spiratio activa.

CONCLUSIO SECUNDA.

SPIRATIO activa non distinguitur realiter, sed formaliter actu à Paternitate, & Filiatione. Hæc est omnium penè Theologorum quantum ad primam partem, &

PROBATUR 1. Ex Concilio Lateranensi cap. *Damnamus*, ubi proscribitur sententia Abbatis Joachim, dicentis quaternitatem esse admittendam in Deo, eo quod essentia realiter esset distincta à Personis realiter etiam ab invicem distinctis; statuitque Concilium, quod ideo solummodo Trinitas est non quaternitas, quia quælibet trium Personarum est illa res, videlicet substantia, essentia, seu natura, ex quo sic licet argumentari. Statuit Concilium non esse quaternitatem rerum in divinis: At si Spiratio activa distingueretur realiter à Paternitate, & Filiatione, esset in divinis rerum quaternitas; Ergo ex mente Concilii, ita non distinguitur.

Confirmatur, nam Concilium ibidem maxime, proscribe quaternitatem Personarum; at si Spiratio distingueretur realiter, esset Personarum quaternitas, esset enim illa relatio per se subsistens, adeoque esset suppositum, & consequenter foret Persona, quia quodlibet suppositum intellectualis naturæ est persona.

Secundò: Ex ſanctis Patribus, & plurimis Conciliis jam à nobis ſæpe laudatis, maximè verò ex S. Anſelmo libro de Spiritu ſancto, *In divinit omnia ſunt unum, niſi ubi obviat relationis oppoſitio*, ſive ſit oppoſitio relativa, ut volunt Thomiſtæ, ſive diſparata, ut patebit infra, agendo de diſtinctione Spiritus ſancti à Filio; Sed inter Paternitatem, & Spirationem activam, non eſt oppoſitio relativa, quia una non producit ab alia; nec eſt inter principium producentis, & terminum productum; Nec etiam eſt diſparata, quia ad hanc requiritur, quod ſit conſtitutiva Perſonæ, Spiratio autem activa non conſtituit Perſonam: Ergo nullam dicit oppoſitionem cum Paternitate, & Filiatione, adeoque ab illis realiter non diſtinguitur.

Tertiò denique, in divinis, quod non procedit ab alio, non diſtinguitur realiter ab illo: Sed Spiratio activa, non procedit à Paternitate, & Filiatione: Ergo non diſtinguitur realiter ab illis. Minor conſtat, duz namque tantum ſunt divinz proceſſiones. Major etiam eſt evidens; tria enim ſunt tantum diſtinctionis realis iniſta, nimirum quorum unum eſt producentis, & aliud productum, quorum unum exiſtere poteſt alio non exiſtente, & quæ inexiſtere poſſunt in ſubjectis realiter diſtinctis; duo autem poſteriora nequeunt eſſe in divinis: Ergo ſolum primum diſtinctionis indicium ibi admittitur: Unde meritò Joannes Theologus in Concilio Florentino ſeſſ. 18. *Sola, inquit, relatio, quam principalem habitudinem ſuperius nominamus, apud omnes, tam Græcos, quam Latinos Doctores divina proceſſione perſonas multiplicat.*

SECUNDA PARS ſufficienter colligitur ex dictis, etenim Spiratio activa eſt relatio realis: Sed non eſt eadem formaliter cum Paternitate, & Filiatione,

neque ab ea diſtinguitur realiter: Ergo ſaltem formaliter diſtinguitur. Major patet ex prima conſuſione: Patet etiam minor, quantum ad ſecundam partem ex mox dictis.

Probatur itaque illius prima pars: Illæ relationes diſtinguuntur ſaltem formaliter, quæ habent per ſe diſtinctos terminos, ſuntque rationes, ex quibus colligitur perſonarum diſtinctio, & diverſitas; Sed talis eſt Spiratio activa reſpectu Paternitatis, & Filiationis, ſiquidem Paternitas per ſe reſpicit Filium, & Filiatio Patrem, Spiratio autem activa Spiritum ſanctum, eſtque ratio cur Pater, & Filius diſtinguantur à Spiritu ſancto.

Inſuper ipſamet efficit mutuum relationem inter Patrem, Filium, & Spiritum S. quam ita non efficit Paternitas, nec Filatio, ut probarum eſt in præcedenti conſuſione: Ergo ad minus Spiratio activa formaliter diſtinguetur à Paternitate, & Filiatione. Inſuper relatio diſparata non eſt eadem formaliter cum relatione directè oppoſita: Sed Paternitas, & Filiatio ſunt relationes diſparatæ tantum reſpectu Spirationis paſſivæ, Spiratio verò activa eſt ipſi directè oppoſita: Ergo hæc à Paternitate, & Filiatione ſaltem formaliter diſtinguitur.

Denique ſi Spiratio activa idem eſſet formaliter cum Paternitate, tam verum eſſet dicere, quod Pater produceret Filium per ſpirare, quam per generare; & ſic Verbum, tam poſſet dici Spiritus, quam Filius: Sed conſequens eſt abſurdum: Ergo, &c. Patet ſequela; Ubi enim nulla eſt in re diſtinctio, non poteſt etiam eſſe prædicatorum realium ipſius rei diverſitas; adeoque ſi Paternitas, & Spiratio activa nullatenus diſtinguantur à parte rei, quidquid affirmatur de una, etiam affirmari poteſt de altera.

Dices: Sicut datur oppoſitio diſparata.

ratâ inter Filiationem, & Spirationem passivam; ita pariter datur inter Filiationem, & Spirationem activam; Sed prior oppositio sufficit ad distinguendam realiter Filiationem à Spiratione passiva; Ergo posterior etiam sufficit ad eam distinguendam à Spiratione activa; adeoque non solum formaliter, sed etiam realiter distinguuntur.

Respondet ad majorem, non idcirco solum Filium à Spiritu sancto distinguere realiter sub formali ratione Filii, quia Filiatio est relatio opposita disparatè cum Spiratione passiva, sed maxime, quia Spiratio passiva est omnino impossibilis cum Filiatione in eodem supposito; si enim Filiatio, & Spiratio passiva essent in eodem supposito Filii, sequeretur, quod bis esset productus, scilicet per generationem ab intellectu, & per spirationem à voluntate: At verò id ipsum non sequitur ex spiratione activa, & Filiatione; licet enim Filius spiret, & producat Spiritum S. non propterea definit esse Filius.

Dices 2. Sicut se habent generari & spirari, sic se habent generare, & spirare; Sed generari, & spirari distinguuntur realiter, efficiuntque relationes realiter distinctas: Ergo etiam generare, & spirare realiter distinguuntur, & distinctas realiter relationes efficiunt.

Nego majorem: Nam generari, & spirari opponuntur saltem mediante spiratione activa; constituuntque diversas Personas; generare autem, & spirare non opponuntur propriè; ideo generari, & spirari distinguuntur realiter, non ita generare, & spirare.

Instabis: Sicut se habet generare ad generari, ita se habet spirare ad spirari; Ergo à permutata proportionem, sicut se habet generare ad spirare, ita se habet generari ad spirari; Sed generari, & spirari realiter distinguun-

tur: Ergo generare, & spirare etiam distinguuntur realiter. Consequentia patet; quia non est major ratio distinctionis in uno binario extremorum, quàm in altero.

Nego consequentiam: Licet enim permutata proportio in quantitate vim habeat inferendi, ceteris tamen in rebus nihil probat, imò falsa apparet multis exemplis. Verbi gratiâ, sicut se habet ignis ad calorem, ita se habet aqua ad frigus; Ergo permutata proportionem, sicut se habet calor ad frigus, ita se habet ignis ad aquam: Sed calor, & frigus possunt esse simul in eodem subiecto in gradibus remissis; Ergo etiam aqua, & ignis poterunt esse simul in eadem materia secundum aliquos sui gradus; quæ consequentia omnino falsa est.

Ratio itaque disparitatis est, quoniam spirari passivum, hoc est Spiritus sanctus, realiter procedit à generari activo, quod est ipsemet Filius productus; ideoque necessariò distinguitur ab illo, tanquam à principio producente: at verò spirativum non procedit à generatione activa, tanquam à principio producente, adeoque non servant eandem proportionem permutatam.

QUAESTIO TERTIA.

An relationes originis sint formaliter infinitae, & perfectae?

NOTANDUM 1. Ex Doctore quæst. 5. quodlibet. quod Relationes originis considerari possunt bifariam; nimirum, vel realiter, & identicè; quatenus nempe idem sunt realiter cum essentia divina, nec-non, & cum Personis, quas cum illa essentia constituunt: Vel formaliter, & secundum propriam suam entitatem relativam, seu quatenus formaliter ab essentia di-

divina distinguuntur, suntque veluti formæ hypostatice eam determinantes ad constitutionem divinarum Personarum. Priori modo certum est eas esse realiter infinitè perfectas, ut sic enim sunt una eademque res cum ipsa Divinitate, cujus infinitam perfectionem in se imbibunt: At difficultas est, an ipsæ relationes posteriori modo considerari aliquam perfectionem, & infinitatem importent; ita quòd quemadmodum Attributa addunt essentia divinx aliquam perfectionem absolutam formaliter distinctam à perfectione ipsius essentia, ita pariter relationes originis præter absolutam perfectionem essentia, quam realiter includunt, adjiciant ei aliquam perfectionem relativam etiam formaliter ab ejus essentiali perfectione distinctam.

Notandum 2. Ex eodem ibidem numero 27. quod ens reale, ut sic, primò dividitur in ens quantum, & in ens non quantum: Deinde ens quantum in ens finitum, & infinitum: Postea ens finitum in decem Pradicamenta. Per ens quantum intelligit ens perfectum, seu quantum quantitate perfectionis: Per ens verò non quantum intelligit ens non habens hanc perfectionem. *Insuper* advertendum quod triplex distinguui possit perfectio: Prima est *Moralis*, quæ in Deo est absoluta, & unica, nempe divina Sanctitas, de qua hic non est sermo. Secunda est *Transcendentalis*, seu entitativa, quæ est integritas rei conitantis omnibus, quæ desiderantur ad ejus constitutionem, in ratione talis entis; & hæc convenit omni prorsus enti. Tertia est perfectio *Virtutis*, seu *qualificativa*, quæ est perfectio gradualis uniuscujusque naturæ, secundum quam natura dicitur magis, aut minus, vel aequè perfecta. Conveniunt omnes, divinas relationes esse perfectas perfectione illa

transcendentali, siquidem habet quid quid desiderari potest ad complementum divinx relationis hypostatice: Verum non ita consentiunt eas esse perfectas perfectione qualificativa, quæ dici possunt perficere essentiam divinam relativè, sicut attributa eam absolute perficiunt.

Notandum 3. Ex eodem ibidem duplex esse infinitum, scilicet intensivè, & extensivè. *Infinitum extensivè* est, quod ad plura numero in infinitum extenditur, qualis est numerus infinitus creaturarum possibilem. *Infinitum intensivè* duobus modis ab eodem describitur: Primò quidem *Absolute*, ita quod infinitum sit illud, cui nihil entitatis, & perfectionis deest eo modo, quo possibile est illud habere in aliquo uno, scilicet, vel formaliter, vel realiter, & identicè, vel eminenter, qualiter infinitas describi potest, *Omnis entitatis, & cujuslibet excogitanda perfectionis simplicissima, & eminentissima complexio*: Comparativè autem infinitum describi potest, *Id quod excedit quodcumque ens finitum ultra omnem determinatam, vel determinabilem proportionem entis*: Sic inquit Doctor infinitum distinguitur à quodlibet ente finito quantumcumque perfectio; nullum enim est ens finitum, quod ab alio non excedatur; albedo enim, verbi gratia exceditur à scientia in triplo; scientia ab anima intellectiva in decuplo, hæc ab Angelis centuplo, Deus autem, qui est infinitus, excedit omne finitum ultra omnem proportionem assignabilem entitatis, & perfectionis. Per priorem descriptionem, infinitas exigit, ut ab ente infinito removeatur carentia entitatis, & perfectionis qualiscumque; quippe cum ens sic infinitum nulla omnino perfectione carere debeat: Per posteriorem removeretur ab infinito quodcumque superius, à quo possit excedi. His ita præ;

prælibatis resolvendum est, an relationes divina Personarum constitutivæ, & distinctivæ sint formaliter perfectiones infinitæ.

CONCLUSIO UNICA.

RELATIONES originis nullam formaliter dicunt perfectionem, neque finitam sunt, nec infinita. Ita Doctor Subtilis pluribi, sed maxime in 1. dist. 8. quæst. 3. num. 16. ait, *Quidquid communiter dicitur de Deo, & creatura est indifferens ad finitum, & infinitum, loquendo de essentialibus; vel saltem ad finitum, & non finitum, loquendo de quibuscumque; quia relatio divina, nec est finita, nec infinita.* Idem habet qu. 4. num. 23. ubi dicit, quod si Paternitas, & Deitas concipiuntur in abstracto, hanc prædicationem *Deitas est Paternitas*, non potest esse vera, *Quia*, inquit, *unum eorum non est formaliter infinitum, sed tantum Deitas est formaliter infinita.* At ex professo hanc conclusionem amplectitur, & probat quæst. 5. quodlibetica, *De secundo articulo*, inquit, *tenet hanc conclusionem Paternitas non est formaliter infinita, & ad hoc sunt tres rationes: Prima ratio sumitur ex entis infiniti unitate; Secunda ex ejus communicabilitate; Tertia ex ejus simplicitate, & impossibilitate, siquidem ens infinitum intensivè est unicum implurificabile, & non æstatum, sed communicabile, & tuncumque incompatible.*

PRIMAM RATIONEM SIC FORMAT. Non possunt esse plura realiter distincta, formaliter intensivè infinita; Sed plures sunt relationes originis realiter distinctæ: Ergo non sunt formaliter infinitæ intensivè. Minor constat ex dictis: Majorem probat tribus mediis, nimirum ex comparatione illorum infinitorum inter se: Secundò, ex comparatione inter finitum, & infinitum: Tertiò, ex comparatione illorum plurium infinitorum ad intellectum, & voluntatem. *Primo* quidem infinitum

intensivè realiter sibi vendicat omnem perfectionem simpliciter; Sed non vendicat sibi realiter perfectionem illam, quam habet aliud ens, à quo distinguitur realiter; Ergo non possunt esse duo infinita simpliciter invicem realiter distincta. *Ex secundo medio* sic probat majorem: In entibus essentialiter subordinatis tandem devenitur ad aliud quod ens, quod sufficienter terminat dependentiam omnium entium finitorum, quodque necessariò debet esse infinitum & unicum; infinitum quidem, quia debet à se habere omnem perfectionem, aliàs rursus dependere ab alio, nec in ipso esset entium subordinatorum status. Unicum verò quia nō possunt esse ejusdem effectus, plures causæ totales ejusdem ordinis. *Denique ex tertio medio eandem majorem sic probat*: Ens infinitum est objectum adæquatum intellectus infiniti, & voluntatis infinitæ; Sed non possunt esse plura objecta adæquata ejusdem intellectus, & voluntatis: Ergo non possunt esse plura entia infinita realiter distincta.

SECUNDAM RATIONEM SIC FORMAT. Omnis perfectio simpliciter est communicabilis; Sed omne infinitum intensivè est perfectio simpliciter. Ergo omne infinitum infinitum est communicabile. *Subsumit*: At nulla proprietas Personalis est communicabilis, quia ipsa est formalis ratio existendi incommunicabiliter; Ergo nulla proprietas Personalis est perfectio simpliciter; adeoque relatio originis, quæ est proprietas Personalis in divinis, non est perfectio simpliciter. Majorem primi syllogismi probat ex descriptione perfectionis simpliciter, *Quæ*, ex S. Anselmo, *est in quolibet melior ipsa, quam non ipsa*, (hoc est, ut exponit Doctor) quæ in quolibet, quatenus entis suppositum est, melior est ipsa, quam alia secum incompatible in eodem:

B b

Sed

perfectiones simpliciter simplices, Pater, & Filius perfectiones erunt Spiritu S. quidem habent unam perfectionem simpliciter simplicem, cui nullam correspondentem habet Spiritus sanctus; hoc autem est absurdissimum: Ergo, & illud unde sequitur.

Obijci Doctor ibidem quatuor difficultates adversus præfatam suam doctrinam. *Primò*, quod non est comprehensibile ab intellectu creato, & finito est infinitum; Sed relatio divinæ originis non est comprehensibilis ab intellectu finito juxta illud Isaïæ 43. *Generationem ejus, quis enarrabit?* Ergo est formaliter infinita; omne enim finitum est comprehensibile. *Secundò*, omnis actio adæquata principio, & termino infinito, est formaliter infinita: Sed generatio divina est actio adæquata principio formali infinito, nimirum memoriz infinite fecundæ, & termino infinito qui, nempe Filio, & termino quo, nimirum essentiz communicæ, quorum uterque terminus est infinitus: Ergo generatio divina est formaliter infinita. *Tertiò*, ratio subsistendi per se est perfectissimus modus essendi: Sed relationes originis sunt rationes subsistendi per se: Ergo sunt perfectissimæ. *Quartò*, quod est idem essentiz infinitæ, non potest non esse infinitum; at relationes originis identificantur Essentiz divinæ: Ergo non possunt non esse infinitæ.

Respondet Doctor ad 1. negando majorem, ad rationem enim incomprehensibilitatis alicujus, sufficit identificatio ejus cum infinito; non enim potest aliquid comprehendere, nisi perfectè cognoscatur illius esse; neque hoc potest ita cognosci, nisi apprehendantur omnes illius modi, omnesque ejus perfectiones, infinitæ autem perfectiones comprehendere nequeunt ab intellectu finito; adeoque, ut aliquid sit incomprehensibile sufficit, quod iden-

tificetur infinito: At relationes originis identificantur essentiz infinitæ: Ergo licet ex se non sint formaliter infinitæ, non propterea sunt comprehensibiles ab intellectu creato, & finito.

Ad secundum Respondet duplicem esse adæquationem, nimirum proportionalem, & quantitativam: & proportionalem rursus duplicem, videlicet intensivam, & extensivam; Unde in forma distinguit minorem, generatio divina est adæquata suo principio, & termino adæquatione proportionali extensiva, quæ tantum requirit, ut origo, seu actio, ita sit à tali principio, & ad talem terminum, ut ab alio, & ad alium esse nequeat; neque tale principium possit sese extendere ad aliam actionem eliciendam, nec talis terminus ab alia actione produci, concedit: Est adæquata adæquatione quantitativa, aut proportionali intensiva, quæ nempe requirit eandem perfectionem in origine, & termino, qualis est in principio, negat; nam, neque etiam origo creata sic adæquatur suo principio, quod semper est perfectius sua actione, & termino producto, quia minus dependet. Ex adæquatione autem proportionali extensiva non sequitur, quod si unum sit infinitum formaliter, alterum quoque similiter infinitum esse debeat, quia infinitas formalis intensiva quantitatem, & graduum intensionem respicit, non verò extensionem.

Ad tertium Respondet per se subsistere esse æquivocum, & accipi dupliciter: Primò quidem pro modo existendi per se, & independentem à quolibet alio; & sic est quid absolutum in divinis; adeoque est perfectio simpliciter simplex, estque existentia absoluta, de qua superius. Secundò, pro modo existendi incommunicabiliter alteri, tanquam supposito, sicque, nec est perfectio simpliciter simplex, neque

secundum quid ; hoc autem tantum , posteriori modo relationes divinæ dicuntur rationes per se subsistendi , adeoque , nec sunt perfectæ , nec imperfectæ .

Ad quantum distinguit majorem . Quidquid identificatur infinito , est infinitum , si sit capax infinitatis , concedit ; secus negat : Relationes autem originis non sunt capaces infinitatis ratione suæ incommunicabilitatis , & propter jam assignatas rationes , adeoque neganda est consequentia .

Obijciēs 2. Relationes divinæ tam à Conciliis , quam à Patribus dicuntur perfectiones : Ergo reverà tales sunt . Probatur antecedens ex Concilio Constantinopolitano Epistola ad Damascum , *Credimus* , inquit , *aqualem honorem ac dignitatem , & imperium coeternum in tribus perfectissimis subsistentiis , seu tribus perfectis personis* : Similiter Justinus in expositione fidei de Trinitate , *Maluimus* , inquit , *unius Deitatis in tribus perfectis subsistentiis , notitiam exponere* . Item Cyrillus Alexandrinus libro 1. Theauri cap. 6. *Perfectus* , inquit , *est* , non solum quia Deus , sed etiam quia Pater : Subscribit Damascenus 1. fidei cap. 11. dicens , *In proprietatibus Paternitatis , Filialitatis , & Processionis , secundum causam , & causalem (seu causatum) & Personalem perfectionem , id est existentiam modum differentiam intelligimus* : Idem lib. de decretis primæ institutionis , *Hypostases* , inquit , *& persona Pater , Filius , & Spiritus sanctus , unusquisque enim eorum perfecta est hypostasis , & perfecta persona* . Ergo reverà relationes personales sunt perfectiones , & perfectæ .

Nego antecedens , & ad ejus probationem dico sanctos Patres , & Concilia laudatis textibus , & aliis similibus accipere divinam hypostasim , & personam , non in abstracto pro formali subsistentia , & personalitate , quatenus

formaliter distinguitur ab essentia divina , & cum ea concurrat ad constituendam divinam personam : Sed in concreto pro ipsamet divina Persona , quatenus nempe simul importat essentiam , & personalitatem , qualiter reverà Personæ divinæ sunt perfectissimæ . Quod autem aliter non sint accipienda dicta sanctorum Patrum , sufficienter colligitur ex eorum verbis laudatis .

Ad sanctum Damascenum maxime , *Respondeo* eum nolle proprietates personales formaliter esse perfectiones : contrarium enim docet cap. 9. dicens , *Omnia quæ Pater habet sunt Filii ; hoc uno excepto quod ingentus non est ; quæ quidem vox nec natura discrimen , nec dignitatem atque auctoritatem , sed existentiam modum indicat* . Solum itaque eas proprietates in concreto , & pro personis acceptas , perfectiones nominat .

Obijciēs 3. Mysterium Trinitatis quatenus Trinitas est , est summè adorandum , adeoque infinitè perfectum : Sed Trinitas , quatenus Trinitas , divinas relationes connotat , & importat : Ergo verum , est quod relationes dicant summam , & infinitam perfectionem .

Distinguo majorem : Mysterium Trinitatis dicit summam perfectionem se tenentem ex parte naturæ divinæ , quæ tribus Personis communicatur , unà cum suis attributis , & perfectionibus , concedo : Provenientem à relationibus divinis , quæ sunt termini divinæ communicationis , & foecunditatis , nego : Tota namque perfectio , quæ in adorando Trinitatis mysterio relucet , repetenda est ex parte naturæ divinæ , quæ summè , & infinitè divinas Personas constituit , & perficit ; non verò ex parte relationum , quæ sunt puri termini divinæ foecunditatis , & naturæ , nullam ipsi addentes perfectionem , sed tantum dantes illi modum subsistendi incommunicabiliter .

Obji-

Obijciat 4. Subsistētia Verbi divini quatenus formaliter ab essentia distincta, terminat naturam humanam assumptam, eique nec-non, & ejus actionibus summam perfectionem, & dignitatem confert: Ergo ipsamet illam perfectionem habet formaliter. Patet consequentia: Quod enim præstat Verbi divini personalitas naturæ humanæ, non confert in ratione causæ efficientis, sed formalis; adeoque seipsa tanquam formā dignificat actiones, & perficit naturam hominis assumpti, & consequenter ipsamet aut est perfectio aut formaliter continet summam perfectionem. Probat̃r antecedens: Nam homo assumptus ratione personalitatis ei communicarē, est adorabilis, idque adoratione latrē: Ergo continet bonum, non qualecumque, sed infinitum, & summum, quia summum cultum meretur.

Nego antecedens Quantum ad secundam partem, nempe quod subsistētia Verbi quatenus formaliter ab Essentia divina distinguitur, conferat summam perfectionem humanitati Christi; & ejus probationem distinguor: Homo assumptus, est adorabilis, & summè perfectus ratione solius personalitatis Verbi, nego: Ratione Deitatis sibi conjunctæ hypostaticè, concedo: Christus enim idcirco dicitur summè perfectus, & dignus summo cultu, non præcisè tantum quia subsistit subsistētiā Verbi, sed quia ratione hujus subsistētiæ unitur hypostaticè Deitati, estque Homo Deus.

ARTICULUS TERTIUS.

De Notionibus Divinis.

NOTIONIS nomine nil aliud prætendunt Theologi quàm propriam rationem cognoscendi unam personam. Quæ ratio sumitur vel pro

conceptu formali, quò illam divinam Personam specialiter cognoscimus, & discernimus ab alia, de qua sanctus Augustinus lib. 5. de Trinitate cap. 6. *Alia notio est, qua intelligitur genitor, alia quæ ingenuus.* Vel pro conceptu objectivo, seu aliqua nota speciali, & veluti caractere se tenente ex parte ejusdem personæ, ratione cujus ipsam cognoscimus, urab alia distinctam, de qua sanctus Basilius lib. 2. contra Eunomium, *Proprietates*, inquit, *ac notæ quasi characteres quidam, & forma in substantia inspecta, distinguunt.* De notionibus secundum hanc posteriorem acceptionem duo veniunt resolvenda 1. An sint admittendi aliqui characteres in divinis Personis, quibus invicem distinctæ appareant. 2. Quod illi characteres solito quinque numerentur. Quoniam autem præcipuè difficultates, quæ hanc materiam spectant superius enodatz sunt ex iis, quæ diximus de proprietatibus, & relationibus personalibus; idcirco tres præfatas inquisitiones involvet, & resolveret.

QUÆSTIO UNICA.

An, quot, & quales sint divinarum Personarum Notiones.

NOTANDUM I. Quod etsi una eademque realis formalitas simul sit proprietas, relatio, & notio: Hæc tamen invicem juxta variam habitudinem discrepant; Paternitas enim v. g. dicitur *Relatio*, quatenus respicit terminum, & Personam generantem refert ad genitam: Dicitur autem *Proprietas*, quatenus convenit tantum primo divino supposito, primamque Personam aspicit; Nominatur autem *Notio* comparative ad intellectum, quoniam est ipsa ratio cognoscendi primam Personam ab aliis distinctam, quæ omnia licet unam eandemque formalitatem significent,

ficient, hunc tamen servant ordinem, ut prius illa formalitas dicatur relatio; Deinde proprietas; ac tandem notio; Nihil enim potest esse ratio manifestandi aliud, nisi sit illi proprium, nec potest esse proprium, nisi ab aliis distinguatur. Distinctio autem divinarum Personarum petitur ab earum principio constitutivo, quod est ipsa relatio personalis.

Notandum 2. Tres maxime ad notionem conditiones desiderari. *Prima*, ut sit proprietas alicujus, vel aliquarum personarum, non tamen tribus sit communis, quâ ratione nec divina essentia, nec quid essentiale habet rationem notionis. *Secunda*, ut significetur, & exprimitur in abstracto; Notiones enim sunt veluti formæ, quibus divinæ Personæ cognoscuntur, inde fit, quod nomina *Pater*, *Filius*, & *Spiritus sanctus* non sint, nec dici possint notiones, quia personas ipsasmet directè significant in concreto, non autem denotant per se illas formas quibus personæ possint innotescere, quales sunt *Paternitas*, &c. *Tertia*, quod significet illam formam non veluti in fieri, sed quasi in facto esse, cujus defectu *generare*, & *generari*, item *spirare*, & *spirari* dici nequeunt notiones, quia significantur ut in fieri. Aliqui etiam Scotistæ quartam addunt, nempe quod notio significet, & importet dignitatem Personæ: at hoc repugnat Doctori, & veritati; Siquidem, ut supra diximus, relationes personales nullam formaliter perfectionem connotant.

Notandum 3. Notionem sic describi à Theologis, *Notio est propria ratio seu nota cognoscendi personam divinam ut distinctam ab alia*. Hæc satis superque patet ex mox dictis; dicitur namque ratio seu nota, quia est veluti character seu sigillum, quo designatur, & notatur una persona ab alia distincta, unde Justinus in expositione fidei de Trinitate

Dum geniti vocabulum, inquit, *quasi notam quandam audimus, mox cogitamus Filium quemadmodum, & per procedentis notam Spiritus propriam personam dicimus*; Additur secundo, propria ratio cognoscendi personam; Nam, inquit, S. Basilii lib. 2. contra Eunomium, cum una Deitas; *si impossibile est propriam notionem Patris vel Filii capere, nisi proprietatem acceptione cogitatio nostra confirmata sit*; Subditur denique, ut distinctam ab alia: *Nec enim*, inquit S. Basilii lib. unico de Spiritu sancto cap. 5. explicans illud Apostoli ad Ephel. 4. *Unus Deus, & Pater, &c.* In hoc adhibentur notiones, non ut natura diversitatem inducant, sed ut impermixtam Patris ac Filii notionem approbaret: Sic eas adhibuit Apostolus.

CONCLUSIO PRIMA.

ADMITTENDÆ sunt notiones, veluti quidam characteres, quibus divina Persona nobis facilius innotescunt. Hæc est communis inter Theologos nedum, sed, & SS. PP. Patet hæc veritas ex 3. Notabilis & probatur insuper maxime ex S. Gregorio Nysseno Epist. 43. *Necessarium est*, inquit, *ut per proprias quasdam notiones inconfusa habeatur in Trinitate comparatio*; Et infra de Spiritu sancto, *Cause Patris insertam habet essentialitatem*; unde, & progreditur, hanc notionem ac cognoscibile signum ejus, quæ secundum hypostasim est, proprietatis habet, quo cum Filio simul, & ipse se facit internosci: Et post pauca de Filio dicit, *Nullam prorsus notionum communicativam secundum proprietatem suam tam cum Patre, quam cum Spiritu sancto habet, sed ex distinctam signi solus agnoscitur*. Tandem de Patre subjungit, *Pater verò qui super omnia Deus est, peculiarem hypostasios suæ notionem solus habet, quod Pater est, & quod ex nulla omnino causa subsistit atque ipso iterum indicio, & ipse propriè, ac separatim agnoscitur*. Quibus aperte fatetur divinas Personas suis notis,

tis, & characteribus invicem distinctas agnosci, ubi quamquam notionis vocabulum usurpet in concreto, quod, & faciunt plerique Patres; rectius tamen in abstracto accipi constat: Siquidem quærentibus quomodo tres divinæ Personæ invicem conveniant, & differant, facilius, & rectius responderetur, dicendo, Patrem distingui à Filio per Paternitatem, quàm si utendo nomine concreto *Patris*, diceretur Patrem idcirco differre à Filio, quia generat illum; hæc namque circumlocutio est, non verò ratio formalis.

Confirmatur ex aliis SS. Patribus, qui notiones in abstracto usurpant; Primò quidem ex S. Basilio lib. 2. contra Eunomium dicente; Proprietates, ac nota quasi characteres quidam, ac forma in substantia inspecta distinguunt quidem, quod commune est appropriatis characteribus. Consentit Tertullianus lib. contra Praxeam cap. 2. ubi docet, quod Pater, Filius, & Spiritus sanctus tres sunt non substantiæ, sed formæ, nec potestate, sed specie: Cujus rationem reddit, quia unus Deus ex quo, & gradus isti, & formæ, & species in nomine Patris, & Filii, & Spiritus sancti deputantur. Quasi diceret tres divinas Personas invicem distinctas agnosci, non per concreta earum nomina, sed per relationes ac veluti formas earum constitutivas, & distinctivas; quas idcirco S. Damascenus lib. 3. de Fide cap. 6. Proprietates charactericas signalesque appellat: Unde cap. 7. ait; Dei Verbi filiationis characteristicam, & discretivam proprietatem, secundam quam discreta est à Patre, & Spiritu sancto.

Probatum eadem Conclusio ratione: illud admittendum est in divinis, quod maximè conducit ad facilius percipiendam, & explicandam divinarum Personarum distinctionem: Sed ad id mirum in modum conferunt notiones divinx; Ergo sunt admittendæ. Major

constat, Siquidem usurpanda sunt à Theologis ipsa vocabula, quæ magis conferunt ad explanationem, & relevationem tam abstrusi, tamque ineffabilis Mysterii. Minor probatur. Duobus modis innoscere potest, & exprimi divinarum Personarum proprietates, & distinctio, nimirum per nomina concreta, & abstracta: Sed convenientiora sunt abstracta vocabula ad significandam non modo simplicitatem, sed etiam distinctionem Personarum, quam concreta, quoniam abstracta concipiuntur, ut simplicissimæ formæ, proptereaque sunt magis apta divinæ simplicitati concipiendæ, atque significandæ: Unde Nazianzenus oratione 39. *Spiritus sanctus; inquit, procedens à Patre, non tamen Filiationis modo, ut nec generationis, verum processions: Licet enim perspicuitatis gratiâ nomina fingere; Confer ergo abstracta nomina perspicuitatem, & claritatem conferre distinctioni personarum: Ergo, &c.*

Confirmatur: Tres notiones conveniunt Patri, dux Filio, & unica Spiritui sancto: Patri namque convenit Innoscibilitas, Paternitas, & Spiratio activa; Filio convenit Filiatio, & Spiratio passiva; sed Spiritui sancto sola Processio, sive Spiratio passiva congruit: Ergo per proprium uniuscujusque Personæ nomen concretum sufficienter ab alia non intelligitur distingui; adeoque conveniens fuit notiones in abstracto significari per peculiare proprietates uniuscujusque Personæ, quibus facilius innoscerent omnes modi per quos ab alia Persona distinguitur. Pater consequentia, Facile namque per hæc abstracta nomina explicamus Patrem, & Filium distingui à Spiritu sancto, non per Paternitatem, & Filiationem, sed per Spirationem activam; quâ tamen invicem inter se conveniunt, sed differunt per Paternitatem, & Filiationem: Ergo, &c.

Obj.

Obijciat 1. Quæ sunt simplicia, cognoscuntur, & distinguuntur seipsis, nec formis, seu notis indigent, quibus distincta appareant: Sed Personæ divinæ sunt simplicissimæ: Ergo non indigent notionibus, ut distincte cognoscantur.

Distinguo maj. Quæ sunt simplicia tam formaliter, quàm realiter notis, & characteribus non egent, concedo: Quæ sunt simplicia tantùm realiter, non verò formaliter, nego. *Minorem* similiter distinguo: Personæ divinæ sūt simplicissimæ realiter, hoc est non constituuntur ex partibus realiter distinctis, concedo. Sunt simplicissimæ formaliter, nego; Plures enim complectuntur entitates formaliter invicem, distinctas; constant namque divina essentia, nec non, & relationibus, quibus constituuntur in ratione personæ, unde sicut concreta realiter simplicia melius cognoscuntur per aliquam formam in abstracto significatam, quàm per ipsum nomen concretum; sic etiam divinæ Personæ facilius innotescent per divinas notiones, quàm per nomina concreta Patris, Filii, &c.

Insuper. Nihil significatur nomine Patris, quod itidem non significetur nomine Paternitatis, tamen enim Paternitas denotat generationem, quàm nomen Pater; Ergo vel neutrum sufficit, vel alterutrum superfluit.

Distinguo antecedens; Idem significatur realiter, & diverso modo, concedo; Formaliter, & eodem modo, nego. Etenim vocabulum Pater, non solum importat formam Paternitatis, sed insuper Deitatem connotat, vel in recto, vel saltem in obliquo; Paternitas autem, neque in recto, neque in obliquo formaliter significat Deitatem, sed in recto dicit proprietatem, atque in obliquo connotat personam Patris, cujus est proprietas; Licet autem in Paternitate imbibatur, & con-

tinetur realiter Divinitas: Hæc tamen inclusio provenit tantùm ex re, significata, non verò ex modo significandi vocis.

CONCLUSIO SECUNDA.

Rece solitè numerantur à Theologis quinque notiones, quibus Persona divina nobis innotescent, nimirum Innascibilitas, Paternitas, Filiatio, Spiratio Activa, & Passiva.

*Probat*ur: Tot sunt admittendæ notiones, quot sunt modi, quibus divinæ Personæ cognosci possunt invicem distinctæ; Sed ille modus est quatuorplex; Ergo, &c. *Major* patet. Notiones enim tantùm admittuntur ad facilius detegendam, & percipiendam distinctionem Personarum. Probat *minorem* S. Bonaventura in 1. dist. 26. art. unico, quæst. 4. *Ratio distinguendi* inquit, accipitur à parte originis, aut igitur positivè, aut negativè: Si negativè, aut privatè originem per modum producti. & hoc vel specialiter, vel generaliter: Si specialiter, non dicit nobilitatem; si generaliter, sic dicit nobilitatem; & ideo notio negativè est una sola, scilicet Innascibilitas. Si autem accipitur à parte originis positivè cum duplex sit origo, & cuilibet respondeat de necessitate duplex habitudo, & Spiratio Activa, & Passiva, & in universo quinque.

Simili penè modo probat S. Thomas prima parte, quæst. 32. artic. 3. Cùm notio pertineat ad ordinem originis, tot debent admitti notiones, quot sunt ordines originum: Sed isti sunt quinque: Ergo totidem sunt divinæ notiones. Probat *ur minor*, In divinis duæ tantùm sunt processiones, ex quibus quælibet importat duplicem ordinem positivum originis, nempe à quo est alius, & qui est ab alio: Primò namque processio per intellectum importat ordinem ejus, à quo est alius, qui ordo vocatur Paternitas, & est notio Patris: Similiter importat ordinem ejus, qui est

est ab aliis diciturque *Filiatio*, quæ est notio Filii. Similiter processio per voluntatem etiam hunc duplicem importat ordinem, nempe ejus, à quo est alius, qui ordo est *Spiratio activa*, per quem producitur Spiritus sanctus, & hæc notio distinguit Patrem, & Filium à Spiritu sancto, & ejus, qui est ab alio, & hic ordo dicitur *Spiratio passiva*, quæ est notio Spiritus sancti. Præter autem illos ordines originis positivos, est adhuc alius ad originem spectans negativè, nempe ordo ejus, à quo est alius, & qui non est ab alio, & sic est *Innascibilitas*, quæ est alia notio Patris; Præter hos autem quinque non apparet alius modus originis. Ergo sunt tantum quinque notiones.

Dices: Tot, & non plures debent esse notiones, quot sunt proprietates constituentes, & distinguentes personas divinas: Notiones enim statuuntur in ordine ad cognitionem Personarum, prout in se constituuntur, & distinguuntur: Atqui proprietates illæ sunt tantum quatuor, nempe Paternitas, Filiatio, & Spiratio tam activa, quam passiva: Ergo totidem sunt notiones; adeoque cum Innascibilitas non constituat personam, etiam non potest habere rationem notionis.

Distinguo majorem: Tot debent esse notiones positivæ quot proprietates, concedo: Tot debent esse tam positivæ, quam negativæ, nego. Quatuor enim illæ proprietates possunt fundare plures, quam quatuor conceptus positivos, vel negativos: etenim Personæ divinæ cognosci possunt à nobis, vel *positivè* penes habitudinem, & oppositionem relativam, quam habent ad seipsas, vel *negativè* penes exclusionem principii externi, vel interni: Iude fit, quod quamvis Persona Patris sufficienter innoteat positivè distincta ab aliis personis per Paternitatem, & Spirationem activam; nihilo-

minus quoniam remaneret dubitandi locus, an Pater sit productus ab alio nec-ne; ut intelligatur persona omnino improducta, necessarium opus est tribuatur ipsi Innascibilitas, quæ est negatio generationis, & productionis ab alio.

Dices 2. Spiratio activa est communis Patri, & Filio: Ergo non est propria notio alicujus divinæ Personæ: Patet antecedens ex dictis, & patebit amplius ex dicendis: Consequentia etiam certa fit ex conditionibus ad notiones desiderandis, quas assignavimus.

Respondet: Proprietates esse duplicis rationis: Aliquæ enim sunt singulares, & uni soli Personæ convenientes, ut Paternitas, Filiatio, & Spiratio passiva: Alia verò est non singularis, nec tamen omnibus communis, sed tantum duabus personis propria, nempe Spiratio activa, quæ Patri, & Filio convenit, non autem Spiritui sancto. Unde fit, ut sub ea ratione, qua non convenit Spiritui sancto, sufficienter eum distinguat à Patre, & Filio, cumque sit Patri, & Filio propria, etiam dicenda est notio Patris, & Filii.

Dices 3. Innascibilitas in Patre, vel sumitur pro materiali, vel pro formali: Si primum, non est quid distinctum à Paternitate, ut sic enim pro formali significat Paternitatem: Si secundum, non potest dici notio, cum sit pura negatio principii productivi, & consequenter dignitatem non explicet, quæ videretur desiderari ad rationem notionis.

Respondet Divus Thomas Innascibilitatem pro formali dicere negationem, & nihilominus inferre dignitatem: Negatio enim, inquit, dignitatem importat, quando affirmatio ipsi opposita dicit imperfectionem; etenim in Rege, v.g. est dignitas, quod non sit artifex, mercator: Innascibilitas

autem negat processionem ab alio, quæ licet in Filio, & Spiritu sancto non dicat imperfectionem, sed perfectionem, tamen in Patre imperfectionem importaret: Significaret enim, eum non esse primum principium, fontem, & originem totius Trinitatis.

Resp. Doctor in 1. qu. 2. n. 7. *Quod ingenuum suo propria ratione sua, ut significat non habere genitorem, est proprietas Patris, & sufficienter importat dignitatem; id est, non indignitatem; hoc enim sufficit ad personalem proprietatem, quod non fit indignitas: sicut, & personalia in divinis non dicuntur esse imperfectiones; Non tamen perfectiones simpliciter, id est, universaliter in quolibet melius ipsum, quam non ipsum.*

Deinde ad mentem S. Thomæ repetit, *Quod ingenuum in quantum negat habere genitorem, dicit dignitatem personalem primæ persone in divinis, quia, sicut dignitas est in secunda persona habere principium originis: Ita est dignitas in prima persona non habere, & tamen non oportet, quod illa dignitas sit dignitas formaliter alicujus positivi proprii connotati per hoc, quod est ingenuum. Unde negatio potest dici esse dignitatis in aliquo pro quanto indignitatis esset, si opposita affirmatio poneretur in eo, sicut dignitas est in Rege non esse ignavum, & impudicum.*

Dices 4. Quia ratione Innaſcibilitatis statuitur notio propria Patri, eadem & Inſpirabilitas tribuenda erit Filio, nec-non, & Ingenerativitas, seu negatio virtutis generativæ alterius Filii: Similiter Spiritui sancto tribuenda erit Ingenerabilitas, nec-non, & Inſpirativitas, seu negatio virtutis ſpirandi, & generandi; nam, & Filius potest intelligi generare alium Filium, si enim sit simul Filius, & Spirator, quidni simul erit genitus, & generans. Spiratus quoque intelligi potest generativus; nam in rebus creatis amor potest applicare intellectum ad concipi-

endum Verbum, atque ita potest esse principium Verbi, si non elicitivum; saltem imperativum: Ergo ut appareat hæc Filio, & Spiritui sancto non convenire, oportet, ut eis præfatz notiones tribuantur, adeoque multo plures, quam quinque possunt esse notiones.

Respondet Doctor in 1. dist. 28. qu. 1. num. 9. non esse inconveniens, quod plures admittantur notiones, quam quinque: sicut enim tempore S. Ambrosii notio Innaſcibilitatis, & Ingeniti erat ignota, ab ipso S. Ambrosio, & aliis Patribus rejecta: Postea verò à S. Augustino, & aliis Patribus accepta fuit, vel ut addit ipse Doctor, si à principio fuerunt tantum nota tres proprietates notionales, scilicet Paternitas, Filiatio, & Spiratio, hoc ex verbo Salvatoris in Evangelio, & Joannis in Canonica sua cap. 1. tamen postea per investigationem innotuerunt alie notiones, & proprietates, quæ prius erant in se: licet non prius nota, & ita sicut posteriores concesserunt plures notiones, quam priores, non tamen priores eas negaverunt licet non eas dixerint: Ita non videtur inconveniens de posterioribus ad illas Doctores ponere tales notiones, dum tamen possint concludere illas ex distis priorum. Censeo itaque Doctor reverà admitti posse plures notiones, quam quinque: Attamen, ut communiori Theologorum sententiæ morem geramus.

Respondeo 2. Præfatz notiones, vel ad priores reduci, vel ab aliis excludi: Etenim cum Spiratio activa tribuatur Filio, per eam sufficienter intelligitur, quod ipse non possit per Spiracionem produci, alias produceret seipsum. Adde, quod spiratio activa, & passiva relative opponuntur, adeoque requirunt terminos realiter distinctos, & sic esse nequeunt in eadem Persona, & consequenter ad positionem Spiracionis activæ in Filio sufficienter intelligi.

gitur ab eo excludi ratio Spirationis passivæ, sicque alia ratione nempe *Inspirabilitate* non eget ad eam exclusionem significandam. Similiter cum, ut supra probatum est, non possint esse plures processionis, pluresque Personæ ejusdem rationis in Deo; nec una Persona procedens per intellectum, possit procedere per voluntatem, & vice-versa; Consequens, quod cum sit unus Filius in divinis procedens per intellectum, & unus Spiritus sanctus procedens per voluntatem, sufficienter cognoscitur, quod non possit alius Filius, aut Spiritus sanctus produci: adeoque ad id significandum, non est opus notionibus *Inspirativitatis* in Spiritu sancto, aut *Generativitatis* in Filio, & Spiritu sancto: Hæc negatio virtutis generativæ, aut spirativæ, aliunde sufficienter cognoscitur excludenda.

Dices 5. Ratio VERBI, & IMAGINIS est propria Filio, sicut, & ratio amoris,

& doni Spiritui sancto; at utraque ratio divinas illas Personas, ut distinctas significat: Ergo habet utraque vim notionis; adeoque plures sunt notionem, quam quinque.

Respondeo: Quod hæc nomina non tam significant proprietates, quàm appropriationes, significant enim modum processionis Filii per intellectum, & Spiritus sancti per voluntatem, qui modi procedendi satis, superque diversi apparent per origines, & relationes divinarum Personarum constitutivas, adeoque ad id exprimendum non est necessaria notionum divinarum ultra quinarium multiplicatio.

Adde quod etiam si huic veritati aperta ratio non suffragaretur; non ramen idcirco à communi Theologorum sententia recedere congrueret; sapientum enim, & loquendum, ut multi, maxime circa hoc abstrusum Trinitatis mysterium.

DISPUTATIO TERTIA.

De Divinis Personis in Particulari.

NARRAT sacer Textus *Exodi* 19. & 20. quod cum Moyses divino urgente mandato per duos dies integros seipsum parasset ad Dei conspectum, & consortium, tandem die tertio montis Synai cacumen subiens, accessit ad caliginem, in qua erat Deus. Ex duabus jam absolutis Disputationibus liquet, nos dies veluti duos myticos implevisse, ut divinæ Trinitatis montem, & celsitudinem, circumiremus, quatenus exploratis illius existentia, ac principiis pararior, ac vegerior esset noster animus ad intimum illarum divinarum Personarum intuitum. Jam itaque cujusque

divinæ Personæ conspectum, & thronum subire licet, & proprios, ac singulares earum characteres inspicere, & sigillatim referare; quod uique præstabitur tribus in sequentibus Articulis.

ARTICULUS PRIMUS,

De præcellentiss prima divina Persona.

TRIBUS maxime gloriæ titulus illustratur prima in divinis Persona, juxta triplicem illius considerationem; Spectari namque potest, vel secundum

C c 2

cundum suam prinitatem, & quatenus à nulla alia ducit originem, diciturque *Innascibilis*, seu *Ingenita*; Vel per respectum ad Filium, quem sola producit, & *Pater* nominatur; Vel denique per habitudinem ad duas simul Personas productas, quibus Deitatem ex infinita sua fecunditate communicat, & earum *principium* appellatur; De quibus quædam sunt tribus sequentibus Quæstionibus delibanda.

QUAESTIO PRIMA.

An, & quomodo nomen Patris prima in divinis Persona conveniat?

NOTANDUM 1. Nomen *Patris* Deo attributum in sacris litteris summi tripliciter. *Primo* quidem generaliter pro principio productivo Creaturarum, juxta illud Deuteronomii 32. *Numquid non ipse est Pater tuus, qui posedit te, & fecit, & creavit te?* Qualiter nomen Patris tribus divinis Personis est commune non minus, quam potentia creandi, & ejus exercitium. *Secundo*, specialius pro Deo justificante, & sibi adoptante Creaturam rationalem in Filium beneficio gratiæ sanctificantis, de quo Paulus ad Romanos 8. *Accepistis Spiritum adoptionis Filiorum, in quo clamamus Abba Pater, &c.* Ex hoc modo etiam tribus Personis est commune, sicut, & voluntas, ac potentia creandi, ac justificandi; appropriatur tamen Spiritui sancto, quia hæc gratia sanctificans conceditur, & justificatio fit per amorem; Spiritus autem sanctus est amor vi suæ processionis. *Tertio* tandem sumitur notionaliter pro principio generativo Filii consubstantialis, & ejusdem naturæ cum suo principio, qualiter Patris nomen soli primæ Personæ propriè convenire dicitur, aliis autem divinis Personis tantum analogicè.

Notandum 2. Adverbium *propriè* maxime trifariam usurpari; *Primo* quidem ad idem significandum, quod *verè*, & non *fictè*, qualiter Christus Joan. 15, ait: *Ego sum vitis vera, & Pater meus agricola est.* *Secundo* ad designandam propriam, & non metaphoricam loquutionem, qualiter Christus dicitur Salvator, &c. *Tertio* denique, quatenus proprium dicitur, quod non est commune pluribus, sed uni soli convenit; Sic Paternitas dicitur propria primæ Personæ, Filiatio secundæ, & Spiratio passiva tertiæ. Hoc autem ultimo modo vocabulum *propriè* usurj patamus in præsentī Quæstione.

Notandum 3. Quod etsi hac in mortali vita non possimus nomen aliquod ita proprium Deo tribuere, ut eum significet, & notificet, qualis est in se; tamen ex rebus creatis aliqua mutuari licet nomina, quibus res divinas significemus secundum quandam similitudinem, & proportionem, quam habent cum ipsis Creaturis, quibus significandis prius imposita fuerunt hæc vocabula; *Ipinitas enim nostra intelligentia*, inquit Hilarius lib. 1. de Trinit. *Cogit species quasdam ex inferioribus tanquam superiorum indices querere, ut rerum familiarium consuetudine ad insuliti sensus opinionem educeremur.* Unde provenit, ut modus significandi eorum vocabulorum, quatenus Deo tribuuntur, semper sit improprius, nisi prius resecaverimus ab ejusmodi vocabulis omnes passionem sensuum, & reliquas imperfectiones, quæ comitantur Creaturarum entitatem, vel operationem per illa vocabula significatam. His prænotatis duo restant statuenda. *Primum*, quod res significata nomine Patris propriè conveniat soli primæ divinæ Personæ; *Secundo*, quod longè præstantius hoc augustum nomen ipsi quadret, quam ulli Creaturæ.

CON:

CONCLUSIO PRIMA.

PRIMA in divinis Personâ propriè Pater appellatur. Hæc est de fide, & colligitur ex innumeris Scripturæ textibus, quibus Verbum incarnatum Personam; à quâ suam æternam ducit originem, & vitam, ac esse divinum accipit, Patrem suum appellat, ut pluribus insinuatum est supra, maxime ex illo Math. 28. *Baptizantes eos in nomine Patris, &c.* Unde S. Cyrillus, Dialogo de Trinitate cap. 2. *Baptizare iussit in nomine Patris, & Filii, & Spiritus sancti, nimirum, quia collegit, & præ aliis proposuit nomina distinctissima nobis consuetudine uniuscujusque significati propriam existentiam.* Constat pariter ex iis, quæ diximus probando divinas Personas constitui per veras relationes originis: At hæc alix non sunt, quàm Paternitas, Filiatio, & Spiratio passiva; Ergo verè, ac propriè Deo convenit relatio Paternitatis; Adeoque prima Persona verè dicitur Pater.

*Probat*ur insuper. Nomen Patris verè, ac propriè primæ Personæ congruit, si significatum per hoc nomen ipsi verè, ac propriè competat; At ita est; Probat, quod propriè significatur nominæ Patris, est quod Persona, cui tribuitur producat aliam per veram generationem, quæ sit origo viventis à vivente in similitudinem naturæ; At prima Persona divina secundam ita producit, ut probatum est; Ergo, &c. *Confirmatur* ex eo, quod Christus ipsemet profiteatur se in mandatis & commissis habere, ut proprium nomen sui principii hominibus notum faceret, sic enim circa vicæ finem Patrem alloquitur Joann. 17. *Manifestavi nomen tuum hominibus, &c.* Videlicet nomen Patris, ut intelligunt SS. Patres, Augustinus tract. 106. in Joannem, Chrysostomus Homil. 80. & merito quidem, prius namque Christus Joann. 16. dixerat: *Veni hora cum jam*

non in proverbialibus loquar vobis, sed palam de Patre meo annuntiabo vobis: Unde Cyrillus libro 10. Theauri cap. 6. *Manifestavi nomen tuum hominibus, quia videlicet venit Pater ei; & Filium verum habet.* Joannes etiam ait 1. cap. 5. *Ut scimus in vere Filio ejus.*

Probat. 2. S. Athanasius Orat. 1. nomen Patris primariò competere Deo, ab eoque in hominum genus proprietatem ejus transisse; adeoque magis propriè Deo, quàm hominibus tribuendum, eò quod nullus hominum simpliciter sit Pater dicendus, quia nullus est, qui non sit alterius parentis Filius, nullusque qui Filio, adeoque sua Paternitate carere non possit: Verum, inquit, in Divinitate non sic accidit... nam, neque Pater ex Patre est altero... neque Filius ex fluxione Patris, aut ab ignito Patre genitur. Inde concludit, unde sola in Divinitate Pater propriè est Pater, & Filius propriè Filius est; in iisque solis hoc consistit, ut, & Pater semper Pater sit, & Filius sit semper Filius. Ipsi concinit Augustinus lib. 2. contra Arrianos; Solus, inquit, propriè verus est Pater, qui sine initio, & sine Pater est; non enim aliquando cepit esse, quod Pater; sed semper Pater est, semper habens Filium ex se genitum.

Dices. Sancti Patres negant Patris, ac Filii nomen Deo convenire. Ergo nulla conclusio. Probat, antecedens: Primò quidem ex S. Dionysio, qui libro de Theologia mystica cap. 3. circa medium ait; *Deum, nec Spiritum esse, ut nos sciamus, nec Filii, nec Patris rationem esse, nec aliquid eorum, quæ nobis, aut cuiuspiam naturæ sunt cognita.* Similiter S. Basilii tractatu de vera, & pia fide circa medium, ait, *Vocabulum Patris, si cum integra significatione, sicut apud nos est in usu, accipiamus in Deo, impiè facimus; Ergo, &c.*

Neque antecedens, & ad ejus probationem dico, Non eam esse laudato-
rum

rum Patrum sententiam, ut nomen, & rationem Patris censeant esse à Deo removendam, sed tantum, quod Deo non conveniant eo modo, quò Creaturis tribuitur: quod, ut pateat evidentiùs ad præfatas authoritates sigillatim respondeat. Sanctum Dionysium eo modo negare Deum esse Patrem, quomodo ibidem antea dixerat eum non esse *Scientiam, nec Veritatem, nec Regnum, nec Sapientiam; neque Unum, neque Unitatem, neque Divinitatem, aut Bonitatem*; eò scilicet modò, quò hæc concipere solet imbecillis, & infirma nostræ mentis tenuitas: Sed hæc sit omnia, modo quodam superexcellenti; quippe cum inquit in fine capitis, *Et omnem affirmationem superet perfecta illa, & singularis causa omnium, & omni negatione superior sit præstantia ejus, qui, & ab omnibus omnino secretus est, & universa multum superat.*

Ad S. Basilium similiter dico eum non excludere rationem Patris à Deo; siquidem in lib. 5. contra Eunomium affirmant, quod verè generat Deus, & edit Verbum verè: & lib. 2. dixerat loquens de vocibus, *Generatio, Pater, & Filius*, quod qui hæc negligere voces audit, universam Evangelii simul delet virtutem; itaque vult tantum esse referendam passionis significationem, quæ in generationibus creatis invenitur; ac retinendam solummodo productionem similis in natura, ubi sermo est de Generatione divina: Unde post verba in objectione laudata subdit, *Quandoquidem una cum eo necessariò suavit, & affectio, & defluxio seminis genitivi, & ignorantia, & infirmitas, & talia quæcumque in ipso nomine Patris evulgantur in Creaturis.*

CONCLUSIO SECUNDA.

NOMEN, & ratio Patris longè præstantius Deo convenit, quàm Creaturis: Hæc est certissima apud sanctos Patres, eamque variis rationibus confirmant,

Primò quidem, quod quæcumque Creatura: Paternitas à divina Paternitate ducit originem: Unde Cyrillus Alexandrinus lib. 1. in Joannem c. 8. ita scribit, *Paternitatis nomen non habet Deus ex nobis; sed nos potius ab illo videmur accepisse; fidelis est quippe sermo Pauli clamantis ad Ephesios 3. Ex ipsa omnis Paternitas in Cælis, & in terra nominatur.* Ipsi subscribit S. Hieronymus in eadem Apostoli verba, dicens, *Quomodo Deus essentia sue nomen, atque substantia ceteris imperiit, ut ipsa quoque dicantur, &c.* Sic, & Paternitatis nomen ex semetipso largitus est omnibus; sicut ergo solus bonus bonos facit, & solus immortalis immortalitatem tribuit, & solus verus veritatis nomen imperiit; ita solus Pater, qui Creator est omnium, & universorum causa, substantiis præstat ceteris, ut Patres esse dicantur.

Secundò, Excellentiam divinæ Paternitatis supra creatam deducunt, ex eo quòd Pater divinus nullum aliū Patrem agnoscat, nec Filius alterum Filium gignat; sic S. Athanasius Episc. ad Serapionem, *Quia, inquit, unus, & unus Pater solus, & unus est Pater est, atque in sola Deitate istius Patrem esse, ac Filium constituit, & verè est: Nam inter homines, si quis Pater dicitur, ille alterius fuit: Et si quis hujus Filius, ille vicissim alterius Pater appellatur, adeo ut in hominibus propriè non servetur Patris, & Filii appellatio.*

Tertiò, quod Paternitas quiddam invè, & substantialiter Deo competat, non autem accidentariò tantum, ut Creaturis; quocirca S. Cyrillus lib. 22. Theodori cap. 5. proficitur ex Patre essentialiter prodire Filium.

Quartò denique hanc præcellentiam inferunt, ex eo quod Pater æternus respiciat perfectissimum Filium, præstantissima generatione productum, & sibi perfectissime assimilatum: Unde has omnes, & alias præcellentias di-

vi-

vinæ Paternitatis, ita perstringit S. Nazianz. Orat. 23. *Patrem esse credamus, Patrem multò verius, quàm qui apud nos id nomen obtinet; Tum quia proprio, & singulari modo Pater est; Tum quia solus, non enim cum mulieris conjunctione, atque congressu; Tum quia solius nempe Unigeniti; Tum quia solus, nec enim ipse priusquam Pater esset fuit Filius; Tum quia in totum, & totius Pater, quod de nobis certò affirmari nequit; Tum quia, a principio, nec enim posterius Pater esse cepit.*

Ex his collige: Longè præstantius Deum dici Patrem sui Filii, quàm dicatur Pater Creaturarum. *Primo*, quia Deus dicitur Pater Creaturarum non naturaliter, & necessariò, sed contingenter, & liberè. *Secundò*, non per principium conjunctum, & actionem immanentem, ac generativam ad intra, sed per actionem factivam, & creativam ad extra. *Tertiò*, non ab æterno, sed in tempore. *Quartò*, Paternitas in Deo nihil est reale, sed mera denominatio extrinseca. *Quintò* denique in Creaturas non influit similitudinem in natura, nec eas perfectè sibi assimilat in substantia, sed tantùm, vel in similitudine vestigi, quæ convenit rebus irrationalibus respectu quarum dicitur interdum Pater; sic Job 38. *Quis est pluvie Pater?* Vel in similitudine Imaginis; quæ reperitur in qualibet Creatura rationali, juxta quam omnes homines dicere possunt *Pater noster, qui es in Cælis*; Vel denique in similitudine gratiæ, quæ ratione frequens est Patris appellatio, tam in Veteri, quàm in Novo Testamento.

Nec refert, quod S. Basiliius lib. 2. contra Eunomium circa medium, dicat, *Pater noster est Deus non abusione, aut translatione, sed propriè primò, & verè dignus*; His verbis nihil aliud indicare voluit Basiliius, quàm quod

Deus præstantiori modo sit nostrum principium, quàm parentes, à quibus ortum ducimus: Tum quia ipse, solus animam creat, & corporis format patres, & organa. Tum quia omnibus nobis ad vitam necessaria subministrat. Tum denique quia ex suavi sua providentia omnia disponit, tuetur, ac conservat: Unde meritò Christus Math. 23. monebat Discipulos, *Patrem nolite vocare vobis super terram, unus est enim Pater vester, qui in Cælis est.*

QUAESTIO SECUNDA.

An, & quomodo prima Persona conveniat nomen, & ratio Ingeniti?

NOTANDUM 1. Ingeniti vocabulum primò excogitatum fuisse ab Aetio Eunomii Magistro, ut refert sanctus Athanasius Dialogo 2. de Trinitate. Hoc ipsum usurpârunt Arriani, quò faciliùs Verbi divini confubstantialitatem impugnarent, & Catholicos impeterent, interrogando utrum sint plures Ingeniti, vel unus tantùm? ut si responderent esse unicum ingenitum: illicò inferrent Arriani Filium non esse Ingenitum, sed solum Patrem; ac subinde Filium connumerarent inter Creaturas factas, & creatas: Si verò reponerent Catholici esse duos, aut tres Ingenitos, videlicet Patrem, Filium, & Spiritum sanctum, inde colligerent Arriani tres Deos à Catholicis affirmari: Arriani namque pro certo habebant naturam Dei in eo consistere, quod sit Ingenitus. Hinc observat S. Epiphanius heret. 76. amplius quadraginta argumenta ex nomine *Ingeniti* deprompta, ab ipso Aetio adversus Catholicos fuisse vibrata. Quapropter Gregorius Nazianzenus Oratione 37. vocabulum *Ingeniti* appellat, *arcem, ac murum persequi Hæ-*

re-

reisorum istorum : Nyssenus verò lib. 1. contra Eunomium, *Propugnaculum unde in Catholicam Dogma impressionem faciebat Eunomius*. Inde nonnulli sancti Patres *Ingeniti* nomen exosum habuerunt, & putaverunt rejiciendum à Theologicis Disputationibus; sic sanctus Athanasius Oratione 2. contra Arrianos circa medium, ait; *Vanam esse institutionem hujus vocis, cum nihil aliud in se contineat nisi meram prestigiationem*.

Notandum 2. Hoc ipsum Ingeniti vocabulum plures, sed maximè quatuor habere significationes, ut observat S. Athanasius Oratione 2. contra Arrianos. Primò, quatenus opponitur infecto, seu non existenti, sed quod potest existere: Sic, inquit, *Ingenitum dicitur, quod nondum factum est, ut lignum, quod nondum abiit in formam scapulae*. Secundò, pro eo quod opponitur rei, quæ nec existit, nec potest existere: Sicut, ait, *triangulus nulla ratione fieri potest quadrangulus*. Tertiò, quatenus opponitur improducto, & sic dicit Ingenitum esse, *Quod jam est, sed natum ab aliquo non est, nec aliqua ratione sua originis Patrem habet*: & in hac acceptione notat unicum, & solum Patrem esse Ingenitum. Quartò denique dicitur Ingenitum, *quod factum non est, sed est sempiternum, & incorruptum*: Sic fit tam Filius, & Spiritus sanctus, quam Pater dici possunt Ingeniti; imò hac acceptione Maximus Taurinensis in homilia de Symbolo, Deitatem Ingenitam, & Innascibilem pronuntiat, dicens; *In Deo natura Innascibilis, in Patre Unigeniti veritas, in Omnipotente plenitudo virtutis ostenditur; est namque per ingenitam Deitatem Omnipotens, & per Omnipotentiam Pater*. Hic autem Ingeniti vocabulum in tertiâ acceptione usurpamus, quæ acceptio, ut pateat evidentiùs.

Notandum 3. Ingeniti nomen quate-

nus æterno Patri tribuitur; accipi debere *privativè*, quatenus nempe negat omnem productionem, & idem, quod *improductum, & improducibile* significat. Si enim hac voce negetur tantum generatio, vel nativitas propriè sumpta, æquè Spiritus sanctus dicitur Ingenitus, ac Pater; quoniam uterque incapax est nativitatis, & generationis: Si verò negetur quæcumque productio; sed negativè tantum, non autem privativè, hoc est, significando puram negationem producibilitatis; Ingeniti ratio Deitati æquè conveniet, ac Patri; Deitas enim omnino incapax est realis productionis; quocirca, ut ingenitum esse, seu improducibile soli æterno Patri proprium sit, debet *ingeniti* nomen sumi privativè: Non quidem quatenus privatio dicit carentiam alicujus positivi, quod possit, aut debeat inesse Patri, sed quod *ingenitum* neget productionem, quæ non repugnat illi convenire, non quatenus Pater, sed quatenus Persona divina est: Ita quod hæc privatio dicatur similis ei, quæ à Philosophis appellatur privatio secundum genus, non secundum speciem; qua ratione talpa dicitur privari visu, quia in quantum est animal, non repugnat ei videre, licet repugnet ei, ut talpa est: Sic (si ita à villioribus ad divina explicationis gratiâ argumentari liceat) cum Pater divinus sit Persona divina, cumque in genere Personarum divinarum non repugnet produci, quia reipsa Filius, & Spiritus sanctus producuntur; inde fit, quod productio non repugnet Patri, ut Persona divina est: sed tantum quatenus Pater est; adeoque *ingeniti* ratio sumi debet in eo privativè. An autem hæc ratio ipsi tanquam proprietatis Personalis tribuenda sit, aperiet

CONCLUSIO UNICA.

NOMEN, & ratio INGENITI quatenus omnem productionem privativè exclu-

cludit, revera est proprietas Patris divini. Probatur primò ex Concilio Antiocheno 1. in professione fidei, ubi decernitur esse unum Deum ingenitum, sine principio, ubi nomen Dei supponit pro persona Patris, juxta morem Scripturæ sacræ. Insuper Nicæni Patres lib. 2. Disputatori hæc credenda, & non scrutanda proponunt, *Unus ingenuitus Deus, & Pater: unus ex eo genitus, unigenitus Filius Deus Verbum*. Sicut non est alter Deus cum Deo, & Patre ingenuitus; ita neque congenitus neque prior, neque posterior Filius: Unde S. Athanasius Epist. ad Serapionem, ut refert S. Thomas Opusculo primo contra errores Græcorum cap. 8. ait: *In principium esse, & ingenuitum soli Deo Patri Catholica Ecclesia congregata apud Nicæam fideliter attribuit, & toti mundo, sic esse credendum sub anathemate mandavit*.

Id ipsum probant sancti Patres; in primis enim Athanasius in Quæstionibus de natura Dei quæst. 5. ait, *Proprium Patris ingenuitum esse, Filii verò genitum, Spiritus sancti procedere*: Hoc ipsum pluries inculcat Nazianzenus, maxime verò Orat. 23. ubi ait, *Patris proprietas hæc est, quod ingenuitus sit*: Similiter Nyssenus lib. de differentiâ essentiarum, & hypostasis, ait, *Exonium insigne, notamque solius Patris esse, quod à nulla causa subsistit*: Subscribit, & Augustinus lib. 15. de Trinit. cap. 2. ubi ait, *Pater solus non est de alio, ideo solus appellatur ingenuitus; non quidem in Scripturis, sed in consuetudine disputantium*: Idem proferunt cæteri Patres, quorquod de adoranda Trinitate scripserunt.

Probatur eadem ipsa veritas ratione Theologica. Pater divinus non tantum id habet proprium, & singulare, ut per fecunditatem generativam sit principium Filii, & per Spirativam unâ cum Filio sit principium Spiritus

sancti, sed etiam, ut inter Personas divinas ipse solus exultat sine alio principio, à quo realiter producatur, quemadmodum producantur aliz duæ Personæ: At hæc improductionis ratio appellatur nomine *ingenuiti*: Ergo revera, tanquam proprietas æterno Patri convenit: Deinde unica est in divina Trinitate Persona improducta, nimirum Pater: Ergo ratio improducti ipsi soli propria est. Patet antecedens ex dictis in tertia quæstione primæ Disputationis, ubi probavimus impossibile esse plures divinas Personas esse ingenuitas, seu improductas.

Dices 1. Sancti Patres censuerunt proscribendum esse vocabulum *ingenuiti*, eò quod in Scripturis sacris non exprimitur, & hæreticis fallendi, ac blasphemandi ansam præbeat: Insuper quod vocabulum *Patris* sufficienter significet quidquid exprimere potest nomen *Ingeniti*: Ergo nomen hoc æterno Patri pro singulari proprietate non est adscribendum. Probatur antecedens, quantum ad omnes partes ex S. Basilio lib. 1. contra Eunomium; Ego, inquit, *ingenuiti, sive innascibilis appellationem quamvis summo opere cogitationibus nostris congruat, tamen quoniam nullo loco in Scripturis ipsam invenio, & quoniam primum est elementum blasphemiarum istorum, silentio tradendam meritis dixerim; præsertim cum Patris vox, & id possit, quod ingenuiti*.

Respondet: Equidem vocabulum *ingenuiti* ab aliquibus sanctis Patribus his de causis fuisse explosum, nihilominus ritè interpretatum, & acceptum, usurparunt ad significandum discrimen Patris æterni à duabus aliis divinis Personis, ut ipsemet etiam usurpat S. Basilius lib. 2. contra Eunomium, ubi docet *Genitum, atque Ingenitum, esse specificas quasdam proprietates Filii, & Patris divini*: Nec refert, quod verbum istud in divinis litteris non ex-

D d

pri-

Tom. III.

primatur, in ipsis enim etiam non legitur vocabulum *Trinitatis*; Nec tamen idcirco deneganda est divina Personarum Trinitas: Unde Sixtus I. Epist. 1. Decretali post medium ait; *Patrem in divinis litteris ingenitum propriè positum, nec legere possunt, neque probare; sed quia id ipsum fides exigit Christiana, absque ulla dubitatione ingenitus creditur*; Cui concinit Fulgentius ad objectionem septimæ Arrianorum, *Ingenitus, inquit, Pater nusquam in Scripturis Canoniciis legitur, & tamen secundum fidei veritatem ingenitus prædicatur*.

Dicit 2. Ingenitum secundum vocis genuinam significationem idem significat: ac increatum: ac non solum Pater, sed etiam Filius, & Spiritus sanctus verè sunt increati: Ergo etiam ingeni.

Respondet ad majorem S. Cyrillus lib. 1. Thesauri cap. unico: Quod ingenitum unico N. Græcè scriptum, non factum, neque creatum significat, & de Deo universaliter prædicatur, id est de singulis personis divinis, gemino autem N. N. scriptum, non natum, nec ex alio esse significat, & Patri accommodatur; Videlicet, ut principium solius Patris: Cui concinit Hugo Eterianus lib. 2. contra Græcos cap. 5. Ingenitum, inquit, quoniam per unum N. apud Græcos scribitur quantum hoc nomen increatum significat, & non solum divina natura, si sic dicitur, verum tribus competit Personis, etenim natura pariter cum Personis incausata est; cum autem per duo N. N. ἀπαρτος scribitur, soli propriè Patri, non Filio, non Spiritui, neque alicui Creatura convenit.

QUAESTIO TERTIA.

An, & quomodo Pater dicatur Principium, Causa, Author, & Fons in divinis.

NOTANDUM 1. Principii nomen tripliciter in divinis usurpari posse, nimirum *Essentialiter, Notionaliter, & Principaliter*. Primò modò significat fecunditatem Divinitatis ad extra convenientem tribus Personis, quâ per Omnipotentiam Creaturas omnes producant. Secundò modò designat ejusdem Divinitatis fecunditatem ad intra, quâ Pater Filium, & Pater unâ cum Filio, Spiritum sanctum producant: Tertiò modò significat dignitatem illam, quâ prima in divinis Persona à nulla producta cæteras producit. Principium essentialiter acceptum convenit tribus Personis indivisum, opera enim divinarum Trinitatis ad extra sunt indivisa; quia divinarum illarum Personarum per unicam voluntatem, & potentiam Creaturas producant: Principium notionaliter sumptum, commune est Patri, & Filio, siquidem Pater, & Filius unicum sunt principium Spiritus sancti: Unde sanctus Augustinus libro contra Maximinum capite 17. *Pater, inquit, principium non de principio, Filius principium de principio, sed utrumque simul, non duos sed unum principium*: Tandem principium principaliter usurpatum soli Patri proprium esse dicitur.

Notandum 2. Quod quamvis Aristoteles 5. Metaph. textu 1. enumeratis omnibus modis, quibus *Principium* dicitur, affirmet etiam tot modis causam dici; quasi vellet idem esse causam, quod principium; nihilominus, ut notat Asclepius in commentario ad illum locum, id non dicit Philosophus ex rei veritate, neque ex opinione sua,



sua, sed ex vulgi sensu. Nam, inquit, amplior est principii significatio, quam causa: ideo priori loco, & ante causam commemoravi principium; etenim quidquid est causa, id ipsum, & principium est, non tamen vicissim quidquid est principium, id causa esse debet. Hoc autem maximè discrimen est inter causam, & principium, quod principium sit, id ex quo aliud, vel aliud, causa verò, quæ inquit esse in aliud antea non existens: Inde causa significat superioritatem, & perfectionem maiorem in producente, quàm in producto; adeoque in effectu dependentiam, contingentiam, & imperfectionem quandam denotat. Neque enim, inquit sanctus Dionysius de divinis Nominibus c. 2. perfecta est inter effectus, & causas similitudo, sed effectus quidem causarum, quas possunt præferunt imagines; cause autem secreta sunt ab effectis, suntque principii sui ratione superiores. Hinc causa propriè sumpta longè à principio discrepat.

Notandum 3. Nomen *Authoris* interdum apud Latinos idem perinde, ac principium significare; dixi apud Latinos; nam Græci, vel nullum habent, quod illi respondeat; vel si quod propriè ad illud accommodârunt, eò minime in divinis utuntur, ut observat S. Thomas in opusculo cap. 1. quare soli quidem Latini Patres hanc appellationem à Creaturis ad divinam transferunt. In qua tamen usurpanda, cautione aliqua opus est; siquidem *Author* interdum dicitur is pænes, quem in alterum est potestas, seu qui iure, ac dignitate antecedit, sic Terullianus lib. de fuga cap. 1. Primores, ac Magistros Ecclesiæ, Authores, id est, duces, & anseignanos, quibus sunt alii inferiores, appellat, Sed quàm, inquit, ipsi *Authores*; id est, ipsi *Diaconi*, *Presbyteri*, & *Episcopi* fugiunt, quomodo *Laici* intelligere poterit, qua ratione di-

sum, FUGITE DE CIVITATE IN CIVITATEM? Itaque quum duces fugiunt, quis de gregario numero subsinebit ad gradum in acie figendum suadentes: Itaque nomen *Authoris* non aliter alicui divinæ Personæ tribuendum est respectu alterius, quàm ad idem, quod principium, significandum.

CONCLUSIO PRIMA.

PATRI divino proprium est, quod sit principaliter principium, & fons divinitatis communicatæ duabus divinis Personis productis; Hæc Conclusio duas partes complectitur, quarum

Probatur prima autoritate sanctorum Patrum, qui divinum Patrem principium esse sine principio prædicant. Sic Gregorius Nazianzenus Orat. 32. Nomen porro ejus, qui principium caret est *Pater*, principii *Filius*, ei qui est cum principio *Spiritus sanctus*. Sic Phæbadius libro contra Arrianos, Hic est, ait de Patre, principium sine principio: Sic Cyrillus Alexandrinus lib. 2. Theodori cap. 1. Alius, inquit, est *Pater*, alius *Filius*, & alius est principium, alius ex principio; Sic Augustinus de Trinitate cap. 14. Si gignens, inquit, ad id, quod gignitur principium est, *Pater* ad *Filium* principium est, quia gignit eum; Unde meritò Magister Sententiarum in 1. dist. 29. cap. 1. ait, *Pater* principium sine principio, *Filius* principium de principio, *Spiritus sanctus* principium de utroque. Cui concinit S. Thomas Opusc. 1. contra errores Græcorum cap. 32. *Necessarium*, inquit, est credere sanctam Trinitatem, Patrem scilicet sine principio, Filium verò principium à Patre principio: Spiritum autem sanctum cum principio Filio unum Deum esse.

Probatur secunda pars: Primò quidem ex Concilio Tolerano 6. cap. 1. *Constat*, inquit, *Patrem ingenitum, increatum, fontem, & originem totius divinitatis*. Idem repetit Vvormaciense in professione Fidei. Confirmatur Te-

stimonio sanctorum Patrum, maxime Dionysii lib. de divinis Nominibus cap. 2. *A divinis Scripturis accepimus*, inquit, *Patrem quidem esse ut ita dicam, fontanam Divinitatis; Jesum autem, & Spiritum secundæ Divinitatis, si ita fas est loqui gemma, seu germina*. Concinit Athanasius contra Gregales Sabellii, ubi de Patre ait, *Solus fons Deitatis*, & circa finem, *Pater radix, & fons Filii, & Spiritus S. Subscribit, & Augustinus quarto de Trinit. cap. 26. ubi ita declarat Joann. 15. SPIRITUS VERITATIS, QUEM EGO MITTAM VOBIS A PATRE, Videlicet*, inquit, *ostendens, quod totius Divinitatis, vel si melius dicitur Deitatis principium Pater est. Quam loquendi formulam servavit etiam Eugenius quartus in Literis unionis dicens, Pater fons, & principium totius Deitatis*.

Dices 1. Non solus Pater, sed etiam Filius, imò, & Spiritus sanctus dicuntur esse sine principio: Ergo nomen, & ratio principii principaliter aeterno Patri non competit. Probatur antecedens ex Zacharia Mitylenæo lib. de Mundi opificio, Pater, inquit, expertus principii, & ingente: Filii sine principio genite; Spiritus Dei sine principio à Patre procedens: Similiter Athanasius in questionibus quæst. 13. asserit, Esse principio carentes, & principii expertes simul tres Patrem, Filium, & Spiritum sanctum. Et Hippolitus martyr homil. de consummatione mundi, sic Filium alloquitur, Tu und cum Patre cares principio. Eandem appellationem Principio carentis, ipsi tribuit Athanasius ad Liberium.

Respondeo sanctos Patres, ita esse intelligendos, quod velint divinas Personas esse expertes principii durationis, creationis, & affectionis: non autem principii emanationis unitis ab alia, ut luculenter explicat S. Gregorius Nyssenus lib. 1. contra Eunomium. *Quando, inquit, in voce αὐτῶν* (hoc

est principii expertis,) *Nihil intelligitur aliud, nisi id, quod ex nulla penitus principio habet, ut subsistat; hoc ipsum solius esse Patris proprium confitemur. Cum autem de reliquis principii significationibus inquisitio sit; quoniam, & creationis principium esset, & temporis, & ordinis; etiam in iis unigenitum Filium omni principio superiorem esse testamur, ut supra omne creationis principium, & temporis motionem, & ordinis consecutionem illum esse credamus, per quem omnia facta sunt; itaque quem ratione substantia non expertem esse principii putamus, in reliquis omnibus cavere principio fatemur: & Patrem quidem principio carentem, & ingentum; Filium verò principio quidem eo, quem diximus modo carentem, non tamen ingentum esse dicimus. Quibus nihil magis ad rem.*

Dices 2. Principium est, à quo aliquid procedit, aut produciuntur: Sed Deitas non procedit, neque produciuntur à Patre: Ergo, nec est illius fons, nec principium.

Distinguo minorem: Deitas in abstracto, & quatenus præscindit à Personis non procedit à Patre, neque Pater est ejus principium, concedo. Deitas in concreto, & accepta pro Personis divinis, quæ à Patre ducunt originem, & produciuntur, nego: Unde signanter in conclusione dixi, Patrem esse principium Divinitatis communicatæ, hoc est principium, ex quo communicatur Divinitas duabus Personis productis. Quod si per Filium etiam communicetur Divinitas Spiritui sancto; non tamen propterea dici potest Filius principium totius Divinitatis communicatæ, prout communicata est per productionem, quoniam non est ratio communicandi divinam naturam sibi ipsi, sed eam accipit à Patre.

CONCLUSIO SECUNDA.

PATER reverè dicitur *Causa*, & *Autor Filii*, sed non in propria utriusque nominis significatione.

Probatur prima pars: *Authoritate* Patrum Græcorum, maximè Basilii lib. 1. contra Eunomium: *Vox ipsa Patris*, inquit, quid aliud significat, nisi hoc, quod *causa* est, & *principium* ejus, qui ex ipso *genitus* est? Sic etiam Gregorius Nyssenus lib. ad Ablavium, *Eam*, inquit, quæ circa *causam*, & *causatum* consideratur differentiam non negamus, per quod solum discerni alterum ab altero deprehendimus; nimirum, ex eo quod credimus aliud quidem *causam* esse, aliud verò ex *causa*.

Item Chrysostomus in cap. 1. Epist. ad Hebræos homil. 2. *Si enim*, inquit, *causa Filii Pater est*, multò amplius eorum *causa* est, quæ per Filium facta declarantur: Subscribit etiam Damasce-nus lib. 1. de Fide cap. 11. *Unus*, inquit, *Pater sine principio, hoc est sine causa; non enim ex aliquo. Unus Filius, & qui Filius est, & non sine principio, hoc est, sine causa, ex Patre enim est*.

Idipsum colligitur ex Patribus Latinis; nam Hilarius lib. 12. de Trinit. *Ejus qui est*, inquit, ad id, quod est *causa Pater est*. Similiter Augustinus lib. 7. de Trinit. ait, *Quæ causa illi est, ut sapiens sit, ipsa illi causa est, ut sit*: Proinde si *Sapientia*, quam genuit *causa* illi est, ut sapiens sit, etiam, ut sit ipsa illi *causa* est.

Hoc ipsum probatur de nomine *Autoris*; nam S. Gregorius Nazianzenus Orat. 29. affirmat Patrem, *Esse causam, & Autorem Divinitatis, quæ in Filio, & Spiritu sancto consideratur*. Similiter sanctus Athanasius Dialogo 2. contra Anconzum; cum dixisset, *Patrem esse causam, & autorem Filii*: Subiungit, *Deus est fons Spiritus sancti, & autor ejusdem, non extrinsecus eum recipiens, sed ex se fons scaturire*.

Idipsum affirmant Patres Latini; maximè Augustinus lib. 3. contra Maximinum cap. 14. ubi sic eum carpit; *Sed habet, inquit, Dei Filius autorem Patrem, si propterea Deum Patrem Deo Filio dicis autorem, quia ille genuit, genitus est iste, quia iste de illo est, non ille de isto, fateor, & concedo, si autem per nomen Autoris minorem vis facere Filium, Patremque majorem, nec ejusdem substantia Filium, cujus est Pater, detestabor, & respuam*. Ipsi concinit S. Hilarius 9. de Trinitate: *Cum enim*, inquit, *innascibilis Deus ad perfectam divinam beatitudinis Nativitatem unigenito Deo Autor sit, autorem nativitatis esse Sacramentum Paternum est*.

Quod autem hæc *Autoris, & Causæ* appellatio omnino sit impropria, quatenus Personis divinis producentibus tribuitur, satis liquet cum ex ratione ipsius causæ, & Authoris, quæ inferioribus in producto sonat, rum ex S. Augustino mox laudato; Unde S. Cyrillus libro 2. Dialogorum de Trinitate, ait, *Causa, & causatum, neque nominare fas est, decet item de Deo potius dicere Patrem, ac genitum Filium*: Quod luculenter explicat Bessarion in Oratione, quam habuit in Concilio Florentino, *Notandum*, inquit, *quod sancti Doctores Orientales etiam in divinis utantur nomine causa, & causati largo modo; non quidem, ut limitationem, & dependentiam importat, sed prout productionem, & emanationem à principio ejus, quod est à principio significat*. Itaque eatenus Persona divina producens dicitur causa productæ, quatenus solum est ejus principium.



ARTICULUS SECUNDUS.

*De propriis Secundæ diuina Personæ
characteribus.*

QUAMADMODUM Theologi, inquit S. Dionysius 1. de Diuinis nominibus, Multis nominibus appellatam Deitatem laudant, velut cum rursus eam inducunt dicentem, EGO SUM QUI EST, VITA, LUX, DEUS, VERITAS: Et eodem Theologi omnium causam, & Ausorem multis nominibus ex effectis omnibus laudant, ut bonum, ut pulchrum, ut sapientem, ut diligendum, ut Deum Verum, ut Dominum Dominorum, ut Sanctum Sanctorum, &c. Sic inquit S. Thomas 1. p. q. 15. art. 2. ad 3. Ad exprimendas diuersas Filii Dei perfectiones, diuersa ei attribuantur nomina: nam ut ostendatur connaturalis Patri, dicitur Filius; ut ostendatur coæternus, dicitur splendor; ut ostendatur omnino similis, dicitur Imago; ut ostendatur immaterialiter genitus, dicitur Verbum, &c.

Omnia autem nomina, quæ Filio Dei Scriptura sacra attribuit, sub duodenario complectitur S. Ambrosius libro 2. de Trinitate. vocatur enim Filius Dei, Verbum, Imago, Idea, Principium, Sapientia, Lux, Candor lucis æternæ, Figura Substantiæ, Character, Speculum, Veritas. *Hi sunt* (inquit ibidem Ambrosius) *pretiosi illi lapides, sardius, iaspis, smaragdus, chrysolitus, & alii, quibus sancti aaronis, qui Christi figuram gessit, vestimentum intexitur: Hic veri amictus est sacerdotis, hac vestis nuptialis, hoc pretiosum rationale . . .* FILIUS DEI dicitur, quia ex Deo Patre nascitur: VERBUM, quia ex ore Altissimi, cum perfecta ejus notitia prodit, IMAGO, SPLENDOR GLORIÆ, ET SPECULUM, quia nihil ei deest, quominus perfectè Patrem exprimere possit: VAPOR VIRTUTIS DEI, quia ejusdem cum Patre nature: CANDOR

LUCIS ÆTERNÆ, quia ei coæternus: CHARACTER, quia à Patre: Personali differentia non essentiali perfectione discretus.

Ex his autem omnibus nominibus aliqua sunt communia tribus Personis, & Filio solum appropriata, ut *lux, Virtus, Idea, &c.* Alia verò notionalia, & propria: ut *Filius, Verbum, Imago, Character, Figura Substantiæ.* Nomen Filii proprium esse secundæ diuinæ Personæ satis liquet ex dictis Quæst. 5. primæ Disput. & Quæst. 3. secundæ. Superest itaque expendamus alia nomina propria, & appropriata tribus in sequentibus Quæstionibus.

QUÆSTIO PRIMA.

An nomen, & ratio Verbi soli Filio diuino conueniat?

NOTANDUM I. Circa Dei Verbum varios hæreticos hallucinatos fuisse. Primò namque *Valentinus* somniavit Verbum non esse Filium Dei, nec à Deo immediatè processisse, sed conjugio inenarrabilis tanquam Patris, & silentii tanquam Matris partam fuisse mentem, quæ cum unigenito Filio peperit veritatem, Deinde post multa sæcula processisse Verbum ex mente simul, & veritate, ut refert *Irenæus* lib. 1. cap. 1. Secundò *Paulus Samosatensis* assererat Verbum diuinum, non esse subsistens, sed prolatitum, & transitorium, ut narrat *Epiphanius* hæresi 65. ait: *Quidam ex Discipulis Samosatensis, inquit Athanasius Orat. 5. contra Arianos, diuidentes Verbum à Filio, dicunt Filium quidem esse Christum, Verbum tamen alium: Quorum rationem obijciemus, & solvemus infra.* Tertiò *Alogii*, hoc est sine Verbo, respuebant appellationem Verbi, eo, quod inquebant Filius Dei, nec ore, nec mente sit pronuntiatus, quocirca rejiciebant omnia scripta S. Joannis, quod in eis Ver-

Verbi divini fieret mentio, ita August. Hæres. 30. Hoc ipsum asseruisse videntur Arius, & Eunomius existimantes omne Verbum esse prolationem vocis, ut narrat S. Athanasius libro de Decretis Nicænæ Synodi. At magis non consentientes Discipuli quidam Ariani dicebant Verbum semper fuisse, sed non semper fuisse Filium: Aliqui hominem assumptum à Verbo volebant esse Filium: Coeteri, duo cum Arrio variante sententiam distinguebant Verba; alterum existens in Deo, quod est ejus Sapientia ab eadem Persona Patris distincta: Alium extraneum à Patris substantia, de quo dicebat Arrius locutum fuisse S. Joannem, quando dixit, IN PRINCIPIO ERAT VERBUM. Tandem Michael Servetus anno 1540. præcedentes jam pridem sepultos errores ad inferos evocans, asseruit Verbum Dei nil aliud esse, quàm dispositionem, qua placitum est ei arcanum voluntatis, sup nobis revelare. Quos omnes errores, ut in inferos unde emergerunt retrudamus.

Notandum 2. Ex S. Augustino libro de Fide, & Symbolo cap. 3. Filium Dei Verbum Patris, ideo dictum esse, quia per ipsum innotescit Pater. Sicut ergo verbis nostris id agimus, quum verum loquimur, ut noster animus innotescat audienti, & quidquid secretum in corde gerimus per signa hujusmodi ad alterius cognitionem proferatur: Sic illa Sapientia quam Deus Pater genuit, quoniam per ipsam innotescit animus secretissimus Patris, Verbum ejus convenientissimè nominatur. Inde Richardus Victorinus libro 6. de Trinit. cap. 12. colligit solum Filium esse Verbum, non ita Spiritum sanctum, Quia, inquit, Verbum nascitur de corde solo, & ipso propalatur proferentis intentio: Fure igitur solius Patris sola genitura Verbum nominatur, per quod ipse, qui principalis est Sapientia, manifestatur. Subjicit nihilominus

aliam, & quidem genuinam rationem, cur Filius dicatur Verbum, nemp quod dictione producatur, nam ut ibidem observat, idem est Verbum, quod corde concipitur, & quod voce proferitur: *Quid enim, inquit, est vox nisi verbi vehiculum, vel si magis placet verbi indumentum? nunquid est alius aliquis homo indutus, & alius aliquis cum fuerit exutus? Unde inferit, Quod si aurem haberet aliquis ad locutionem cordis, quemadmodum habet ad locutionem oris, non omnino opus haberet, ut ei exterior locutio fieret, Ratum iraque, ac constans est Filium Dei rectè Verbum appellari, vel quia Patrem representat, & manifestat, vel quia dictione producitur.*

Notandum 3. Quod et si S. Athanasius Orat. 3. contra Arrianos dixerit, *Non tale esse quærendum Dei Verbum, quale nostrum est, quia non talis est Deus, quales nos sumus:* Nihilominus Verbum increatum, & creatum in tribus maxime conveniunt. Primò namque utrumque spirituale est, ac mentis fixus permanens, & non transitorius: nam ut loquitur quisquis est Author libri de cognitione veræ vitæ apud Augustinum tom. 9. Summus Pater Verbum suum, seipsum cogitando genuit, quod in Patris, & Spiritus sancti essentia simul coessentialia subsistit. Secundò utrumque est immanens intra ipsum dicentem, sic enim Verbum divinum exit à Patre, ut numquam extra ejus sinum exeat; Proceffit à Patre, inquit S. Chrysologus, sed à Patre penitus non abscessit: Vel ut ait Tertullianus libro contra Praxeam: *Protulit Deus sermonem quemadmodum radix fruticem, fons fluviom, & Sol radium.* - Nec tamen frutex à radice, nec flumen à fonte, nec radius à sole discernitur, nam ut ait Joannes, VERBUM ERAT APUD DEUM. Unde Zeno Veronensis serm. 3. de æterna Verbi generat. Filium Dei appellat, Nobi-

lem

lem cordis Patris inquitinim. Tertiò utrumque repræsentat, & exprimit obiectum, ad cuius inieitum formatur, *Quamcumque enim rem, inquit Anselmus in Monol. cap. 31. Mens, seu per corporis imaginationem, seu per rationem cupit veraciter cogitare, ejus utique similitudinem, quantum valet in ipsa sua cogitatione conatur exprimere.*

Differunt pariter Verbum creatum, & increatum maxime in tribus. 1. Quia illud est accidens; hoc substantia. 2. Illud est forma contrituens intelligentem in actu secundo, unde producit ex indigentia intelligentis, nempe ut fiat intelligens hoc verò producit ex fecunditate, non autem ex ulla indigentia, quia Pater prius est essentialiter intelligens, quam Verbum dicat. 3. Illud non est ejusdem naturæ cum dicente; hoc verò est ejusdem, omnino naturæ cum Patre, à quo dicitur, & producitur.

CONCLUSIO UNICA.

RATIO & appellatio Verbi soli Filio divino propriè convenit: Hæc est omnium pæno Theologorum contra Durandum in 1. dist. 27. qu. 2. ubi docet Verbum propriè sumptum esse prædicatum essentialiter, & commune tribus Personis.

Probatur primò ex omnibus Scripturæ sacre textibus, quibus Filius Verbum signanter appellatur, maxime ex 1. cap. Joannis, ubi pluries Verbi nomen exprimitur, *Ut hoc nomen, inquit Cyrillus lib. 7. Thesauri cap. 1. Quasi proprium Filii elegisse videatur, in principio, inquit, erat Verbum, et Verbum erat, &c. Vides quomodo ipsum esse Filii secundam naturam hoc nomen significat: Et infra Frustra miramur Evangelistam, & quasi magnum quid proprium tonasset, tonitruum Filium appellamus, nisi Verbum, quasi proprium, mirabile, & inauditum pronuntiasset.*

Hanc eandem veritatem suis Testi-

moniis probant alii Patres in primis verò S. Augustinus libro 7. de Trinit. cap. 2. *Pater igitur, inquit, & Filius simul una essentia, & una magnitudo, & una veritas, & una sapientia; sed non Pater, & Filius simul ambo unum Verbum, quia non simul ambo unus Filius: sicut enim Filius ad Patrem refertur, non ad seipsum dicitur: Ita, & Verbum ad eum, cujus Verbum est refertur, cum dicitur Verbum. Ed quippe Filius, quo Verbum, & Verbum, quo Filius. Itaque ratio Verbi non est proprietas distincta, sed formaliter eadem cum Filiatione: Unde concludit, Quoniam igitur Pater, & Filius, simul non utique unus Filius, consequens est, ut Pater, & Filius simul, non ambo unum Verbum.*

At ratio Verbi, quæ est propria Filio distinguitur à Sapientia, quæ est tantum appropriata, unde subdit: *Et propterea non eo Verbum, quo Sapientia, quia Verbum non ad se dicitur, sed tantum relativè ad eum, cujus est Verbum: sicut Filius ad Patrem, Sapientia vero ed, quo Essentia, & ideo quia una Essentia, una Sapientia. Quoniam verò, & Verbum Sapientia est, sed non eo Verbum, quo Sapientia; Verbum enim relativè, Sapientia verò essentialiter intelligitur id dicti accipimus, cum dicitur Verbum, ac si dicatur nata sapientia, ut sit Filius, & imago.*

Probatur 3. ratione Theologica. Illa appellatio censenda est propria Filio Dei, quæ ordinariè Scriptura sacra utitur ad designandam secundam in Deitate Personam: Sed hæc ad id usurpat nomen Verbi, ut patet, tum ex dictis, tum ex primæ Joann. 1. cap. 5. *Tres sunt, qui Testimonium dant in Cælo, Pater, Verbum, & Spiritus sanctus: Nam ea dictione tres, significatur Personarum numerus, & distinctio, quapropter oportuit singulis tribuere proprium nomen, quo distinguitur quilibet persona ab alia: Ergo sicut nomen Patris non*

non est metaphoricum, sed proprium; ita tale debet esse nomen *Verbi*.

Deinde ratio formalis Verbi consistit in eo, quod sit terminus productus per dictionem repræsentans objectum; Sed Filius Dei, ut probatum est disp. 2. est terminus productus per dictionem, & objectum suum perfectissimè repræsentat; Ergo solus Filius est propriè, & reverà Verbum.

Dices 1. Ubi vulgata Joan. 1. exprimit *Verbum*, plures è sanctis Patribus, maximè Cyprianus, Hieronymus, &c. legunt, *Sermonem*, & *Rationem*, atqui sermo, & ratio non est proprietas Filii divini: Ergo neque Verbum.

Respondet S. Augustinus lib. 83. questionum qu. 63. *Quod Græcè λόγος dicitur, Latine, & rationem, & Verbum significat, sed hoc loco Joannis 1. melius Verbum interpretamur, ut non significetur solum ad Patrem respectus, sed ad illa etiam, quæ per Verbum facta sunt operativa potentia*. Ratio autem, etsi nihil per illam fiat, rectè ratio dicitur; quamvis enim Filius ab æterno foret Verbum, etiam si nihil faciendum esset in tempore, nihilominus illa vis, & quidditativa proprietas, ut per Verbum fiant, quæcumque facienda sunt, aprius significantur nomine *Verbi*, quàm nomine *Rationis*, aut *Sermonis*.

Dices 2. Verbum in divinis commune est tribus Personis: Ergo non est proprietas solius Filii. Probatur antecedens: Primò quidem à S. Irenæo lib. 2. cap. 48. *Deus totus, inquit, existens mens, & totus existens logos, id est, Verbum*; Similiter S. Ambrosius libro unico de Filii Divinitate cap. 5. *Sive, inquit, lumen de lumine dicat, sive Verbum de Verbo, sive Spiritum de Spiritu, sive Dominum de Domino, quodcumque de eo dixeris, unius tamen essentia Patrem, & Filium credes*. Insuper S. Athanasius, *Adversus eos, qui dicant passus est Deus sermo carne*, ait, qui dicit Deum *logon*,

Tom. III.

essentiam simplicem significat; Hoc ipsum proferitur S. Dionysius lib. de Divinis nominibus c. 1. ubi nomina Deo convenientia referens inter ea hæc commemorat, ut nempe dicatur, *Vita largitor Sapientia, Mens, Verbum, &c.* Ergo reverà nomen Verbi censet esse prædicatum non notionale, sed essentialiale.

Nego antecedens: Nec enim ea fuit mens SS. Patrum, in primis enim Irenæus ibidem affirmat, *Ex cogitatione, & sensu Verbum emitti*; adeoque censet solum illud esse dicendum Verbum, quod producitur per dictionem, sive internam, sive externam; solus autem Filius, ut constat, sic producitur, & consequenter solus est Verbum appellandus: Quod si *Totum Deum esse logon* dicat; non aliud vult significare, quàm quod Verbum non est pars Dei, sed est totus Deus insuper.

Ad Ambrosium dico, eum ibi non asserere ex propria mente, quod Filius sit *Verbum de Verbo*, quod si quis hæc diceret; non propterea derogaret fidei consubstantialitatis.

Ad Athanasium repono ibi non negare *Sermonem*, seu *Verbo* significari Personam, sed negat significari duas naturas in una Persona; sicut significatur nomine Christi: Unde subdit, *Qui verò dicit Christum, is duarum conjunctionem naturarum declarat*.

Denique ad S. Dionysium dico eum ibi completi adunatim omnia nomina, sive Personalalia, sive essentialia; quæ Deo tribuuntur à Theologis; adeoque nomen *Verbi* cum aliis Personalibus recenset.

Dices 3. Nomen *Verbi* metaphoricè tantummodo Deo tribuitur. Ergo non designat peculiarem Filii proprietatem. Probatur antecedens ex Theophrasto ad illud Joannis 1. *Hoc erat in principio apud Deum*, ubi ait: *Neque ullum aliud proprium nomen, quis inve-*

E c

ac;

neris dignum Deo: Verbum ipsum substantiatiter, & propriè non est nomen Unigeniti, sed tantum manifestat absque affectione, natum de Patre Filium, &c. Similiter Chrysostomus homil. 1. in Joannem dicit, *Precipuum causam ob quam Joannes Filium appellavit Verbum fuisse, quoniam Patrem nobis annuntiaturus erat; omnia enim, inquit, quaecumque audivi a Patre nota feci vobis.*

Respondet: Præfatos Patres nihil aliud velle, quam quod nullum à nobis excogitari possit nomen proprium, & dignum Deo, & illius verè significativum, & expressivum: Unde Chrysostomus paulò superius dixerat, *Deum, neque dicere, neque intelligere proprius magnitudine quisquam potest, & cum dici nequeat quam sit Dei substantia, eam nobis ex operibus manifestat:* Unde nomen Verbi Deo tribuitur ad significandum; quod procedat ab intellectu divino tanquam terminus expressivus sui objecti, quia nullum nomen aptius à nobis est usitatum ad id ipsum exprimendum.

Dices 4. Nomen & ratio Verbi etiam Spiritui sancto convenit: Ergo non est peculiaris Filii divini proprietas. Probatur antecedens ex S. Basilio lib. 5. contra Eunomium cap. 11. dicens; *Dei quidem Verbum Filius est: Filii autem Verbum Spiritus, quod probat ex illo ad Hebræos 1. Portans omnia Verbo virtutis sua, addit, & quoniam Verbum Filii per Deum, inquit idem Apostolus Ephel. 6. Gladium Spiritus, quod est Verbum Dei: Ergo, &c.*

Distinguo antecedens: Tribuitur propriè, & ex natura rei, nego: figuratè, & metaphoricè, concedo: Metaphora autem consistit in eo, quod sicut Verbi proprium est ab aliqua Persona procedere, & emitti ad exprimendum ejus sensum, & voluntatem; qua ratione Christus se Patris æterni Verbum esse probat dicens, *Mea doctrina non-*

est mea, sed ejus, qui misit me Patris: Ita Spiritus sanctus dici potest Verbum Filii, quia à Filio emittitur, ad ejus sensum, & voluntatem fidelibus intimandam, juxta illud Joani. 16. *Ille me clarificabit, quia de me accipiet, & annuntiabit vobis.*

Addet quod etiam dici possit Verbum Filii, ab effectu, quem operatur in cordibus Evangelizantium veritates à Christo Propalatas; Non enim, inquit Christus Apostolos alloquens Matth. 10. Vos estis, qui loquimini, sed Spiritus Patris vestri, qui loquitur in vobis.

Ad S. Paulum dico: Primò quod Filius divinus, *Portet omnia Verbo virtutis sue:* Hoc est potentissimo suo imperio omnia conservat eadem facilitate, qua producit, juxta illud Psalmi 148. *Ipsè dixit, & facta sunt, &c.* Ita exponit S. Chrysostomus homil. 2. Vel quod omnia contineat, & servet seipso, quod est Verbum omnipotens, quemadmodum Joan. 12. ait, *Sermo, quem locutus sum, ille judicabit eum;* Hoc est, ipse Ego qui sum sermo Patris, ut interpretatur S. Augustinus lib. 1. de Trinit. cap. 12.

Ad secundum repono, quod per *Gladium Spiritus;* non intelligendus sit Spiritus sanctus qui sit Verbum Filii, sed gladius Spiritus, qui est ipsa divina doctrina, qua ubique nos pugnare oportet adversus omnes tum visibiles cum invisibiles salutis adversarios.

Dices 5. Verbum Divinum distinguitur à Filio Dei. Ergo ratio Verbi non est Filii divini proprietas. Probabant antecedens Samaritanenses ex illo Act. 10. *Verbum misit Deus Filiis Israel pacem annuntiatis per Christum, &c.*

Nego antecedens, & ad ejus probationem dico, Primò, quod Verbum ibi non accipitur pro Persona divina, sed pro nuntio, quod extra Deum dicitur, & annuntiatur hominibus. Secundò, di-

dico, quod per hæc possit etiam intelligi divinus Filius, quem Deus Pater mittit in mundum; Evangelium pacis prædicaturus in assumpta humanitate: nec enim novum est in scripturis eandem Personam in eadem sententia repeti, non adhibito ejus nomine, aut pronomine relativo, ut patet ex illo 1. ad Corinth. 1. *Expectantibus revelationem Jesu Christi, qui, & confirmabit vos sine crimine in die adventus Domini Nostri Jesu Christi*: Ita respondet S. Athanasius Oratione 5. contra Arrianos circa finem.

Dices ultimò: Unius, & ejusdem Personæ non sunt duæ proprietates hypostaticæ, sed unica; sed ratio Verbi distinguitur à Filiatione: Ergo non est Filius divini proprietatis.

Respondeo 1. negando majorem, etiam in Patre, & Filio est Spiratio activa formaliter à Paternitate, & Filiatione distincta, ex qua etiam arguitur eorum realis distinctio à Persona Spiritus sancti; adeoque uni, & eidem Personæ non repugnant duæ formalitates, seu relationes, aut proprietates hypostaticæ.

Respondeo 2. rationem Verbi non esse distinctam formaliter à ratione Filii, neque duas esse relationes, sed unicam diversimodè conceptam; ut constat, tum ex S. Augustino supra laudato: Tum ex S. Athanasio Oratione 1. contra Arrianos, dicente, *Eo ipso, quo Verbum Patris sui est Filius, est Verbum Patris, &c.* Ipsi concinit Nazianzenus Orat. 36. circa finem, *Filius, inquit, mihi dici videtur, quia essentia idem est cum Patre, tum etiam, quia ex illo est. Verbum porro, quia ita se habet ad Patrem, ut sermo ad mentem, &c.* Unde una, eademque est ratio Verbi, & Filii, sed tantum diversimodè considerata; adeoque neganda est minor.

QUESTIO SECUNDA.

An, & quomodo Verbo divino competat ratio Imaginis?

NOTANDUM 1. Imaginem esse similitudinem alicujus ab ipso procedente, ita ut ad rationem imaginis duo necessarîo concurrat, nimirum, *Similitudo, & Processio*. Similitudo inquam, vel in specie, seu in natura specifica, aut saltem in signo speciei, id est in aliquo specialiter representativo naturæ specificæ, sicut se habet imago picta respectu prototypi; nam, ut loquitur S. Aug. de Genesi ad litteram cap. 16. *Omnis imago similis est ei cujus imago est*. Secundo, ad propriam rationem imaginis requiritur Processio ejus ab eo cujus dicitur imago: Nam inquit S. Augustinus, *imago tunc est cum de aliquo exprimitur*. Cujus processionis defectu Pater non est imago Filii licet ei perfectè similis, neque pictura censetur imago objecti, quo velut exemplari non est usus pictor, licet alloqui pictura sit illi objecto similis; nec denique inter homines, licet duo sint inter se simillimi, si tamen unus ab altero non procedit, non dicitur illius imago. Duo ergo illa ad imaginem necessaria sunt, nempe Similitudo, & Processio.

Notandum 2. Quod quemadmodum triplex potest reperiri similitudo ab alio expressa, scilicet, vel in re artificiali; vel in intentionali, vel in naturali; ita triplex dari potest imago; nimirum *Artificialis*, ut statua, vel tabella ad alicujus expressionem formata; *Intentionalis*, ut species impressa, & expressa ab objecto; & *Naturalis*, ut Filius respectu Patris, cujus similitudinem specificam refert. Inde sequitur, quod tantò perfectior est imago, quantò major est similitudo procedentis

ab alio : Hinc imago artificialis omnium est imperfectissima, quia tantum refert similitudinem in qualitate, nempe in figura illius rei, quam imago representat : Imago intentionalis perfectior est, quia importat similitudinem non solum in signo speciei, sed etiam in ipsa specie, seu natura, sub modo essendi, non quidem naturali, sed intelligibili, vel intentionali : At omnium præstantissima est imago naturalis, quia importat similitudinem in specie, seu natura sub modo essendi naturali, & entitativo.

Notandum 3. Ex S. Augustino lib. 83. quæstionum quæst. 74. quod imago, æqualitas, & similitudo invicem distinguantur, *Quia*, inquit, *ubi imago continuè similitudo, non continuè æqualitas : ubi æqualitas continuè similitudo, non continuè imago : ubi similitudo non continuè imago, nec continuè æqualitas : ut in speculo est imago hominis, quia de illo expressa est ; est etiam necessariò similitudo, non tamen æqualitas, quia multa defunt imagini, quæ tamen insunt illi rei, de qua expressa est. Ubi æqualitas continuè similitudo, non continuè imago, velut in duobus ovib; paribus, quia inest æqualitas, inest similitudo, quæcumque enim adsunt uni, adsunt, & alteri, imago tamen non est, quia neutrum de altero expressum est. Vbi similitudo non continuè imago, non continuè æqualitas, omne quippe ovum, omni ovo in quantum ovum est simile est, sed ovum perditur, quamvis in quantum ovum est, simile est ovo gallinæ, nec imago tamen ejus est, quia de illo expressum non est, nec æquale, quia brevius est, & alterius generis animalium. Ubi ergo in aliquo alium representante non solum est similitudo, sed etiam perfectæ æqualitas representantis ad representatum ; tunc pariter in eo ratio imaginis perfectissimè inexistit. Quibus præmissis duo sunt resolvenda. Primum, an vera, & perfectæ*

ratio imaginis competat Filio. Secundum, an ipsi soli quadret. Quæ duo, ut simul definiantur, sit

CONCLUSIO UNICA.

Ratio imaginis perfectæ, & propriæ soli Filio convenit in divinis. Patet hujusce conclusionis veritas ex dictis de generatione Filii : Et colligitur insuper ex variis Scripturæ textibus, quibus Filius divinus vocatur Imago Patris ; sic ad Colossenses 1. *Qui est imago Dei invisibilis* : Ad Hebræos 1. *Qui cum sit Splendor gloria, & Figura substantiæ ejus*, seu ut vertit S. Chrysostomus ibidem homil. 3. *character substantiæ ejus*, utpote inquit, *quemadmodum ipse Pater in seipso subsistit, nullius indigens, ita, & Filius*.

Probatur etiam à sanctis Patribus : in primis namque Athanasius Epistolâ de decretis Nicænæ Synodi, ait, *Quod si eum imaginem nominem, Filium hoc esse eo ipso indicaveris, quid enim est simile Deo, nisi sua ipsius progenies ?* Subscribit Nazianzenus Oratione 4. de Theologia : *Brevi, & compendiosa, facillimæ Paterna natura declaratio est Filius : omnis enim, quod genitum est genitorem suum tacita quadam voce definit.* Concinit Nysenus libro de differentia essentiarum, & hypostasens, *Filii hypostasis*, inquit, *quasi forma, ac facies est, qua Pater cognoscitur, & Patri hypostasis in forma Filii cognoscitur manente ea, qua in his consideratur proprietate ad discretionem Personarum.*

Probatur insuper ratione Theologica. Soli divino Filio conveniunt duæ præfatæ conditiones, nempe similitudo, & processio ab eo, cujus similitudinem refert : Ergo solus Filius est imago. Patet antecedens ex iis, quæ diximus ad evincendum processionem Verbi esse veram generationem, quia procedit, ut simile principio producenti.

Con-

Confirmatur insuper ex sanctis Patribus, qui ex hac duplici conditione colligunt Filium esse imaginem Patris, sic S. Cyrillus Alexandrinus libro 3. Theaurici cap. 1. Propter hoc, inquit, Filius Verbum, & Imago Dei est, quia ex ipso Patre verè, ac propriè genitus est. Et Athanasius Orat. 4. contra Arrianos, Licet, inquit, ille solus sit imago vera, & genuinus Pater sui factus, nihil inde obflaculi nascitur, quod, & nos ad imaginem Dei creati recitemur, & quod gloria, & imago Dei nuncupati sumus; cum id non ex nostra indole fiat, sed ob imaginem Dei, & veram ejus gloriam in nobis habitantem, qua quidem ipsa est ratio, sive Verbum Dei, quod nostri gratia postmodum caro factum est.

Confirmatur iterum Filium esse veram imaginem Patris, ex aliis nominibus, quæ solè modò significandi ab imagine differunt, sed in re significata idem omnino, quod imago expriment, quorum primum est nomen faciei, quæ interdum usurpatur à Scriptura ad significandum Filium divinum, sic Psalm. 138. Quo ibo à Spiritu tuo, & quo à facie tua fugiam? nam inquit Nyssenus laudatus: Filii hypostasi quæsi forma, ac facies est, qua Pater cognoscitur: Unde antiqui Patriarchæ Verbi divini incarnationem exorantes, dicebant Psalm. 79. Ostende nobis faciem tuam, & salvi erimus. Cui nomini etiam quadrat appellatio Vultus. Unde Cyrillus libro 3. in Joannem capite 29. Hoc modo, inquit, illud etiam intelligimus. SIGNATUS EST SUPER NOS LUMEN VULTUS TUI DOMINE: Vultum enim Dei Patris Filium appellat, id est, Patris Characterem.

Secundum nomen est Species: Unde Christus ipsemet Joannis 5. Pater testimonium perhibet de me, neque vocem ejus unquam audistis, neque speciem ejus vidistis, & Verbum ejus non habetis in vobis manens, quia quem misit ille huic

vos non creditis: Quod expendens Athanasius Oratione 4. laudata, ait, Pulchre sic Verbum conjunxit forma, ut patet faceret se esse Verbum Dei, & Imaginem, Characterem, & speciem sui Patris: Hinc Danielis capite 3. dicitur, quod, Species quartæ erat similis Filio Dei: Ex quo idem sanctus, Athanasius sermone contra omnes hæreses insert Arrianos Deteriores esse Nabucodonosore, quia Filium Deo, neque similem, neque consubstantialiorem esse volunt.

Tertiò appellatur Sigillum, & Character: Colligiturque ex Verbis Joannis 6. Hunc Pater signavit Deus. Quæ sic ponderat Basilius libro unico de Spiritu sancto capite 6. dicens, Christus splendor gloria hunc Pater signavit Deus, seque totum in eo expressit. Cui concinit Nazianzenus supra laudatus, ubi docet Filium appellari Characterem, ut purum Patris sigillum, minimè, quæ mendax: Cujus hanc rationem, reddit S. Ambrosius libro in Proemio libri 2. de fide: Imago, inquit, & splendor, & character dicitur Dei Filius, quia hæc incomprehensibilem, & investigabilem Paternam Divinitatem majestatis in Filio; & expressam similitudinem revelarunt. Alias hujusmodi appellationes legere poteris apud Ruiz disp. 64. sectione 8.

Dices 1. Homo dicitur factus ad imaginem, & similitudinem divinæ Trinitatis, juxta illud Genesis 1. Faciamus hominem ad imaginem, & similitudinem nostram: Unde Chrysostomus sermone de Trinitate, Significans, inquit, Scriptura esse unam imaginem, & Trinitatis dicit, ET RECIT DEUS NOMINAM SECUNDUM IMAGINEM DEI FACTUM: Et Hilarius libro 5. de Trinitate ad Patris, inquit, & Filii imaginem homo conditur, nomen non discrepat, natura non differt, una enim est imaginis, ad quam homo creatus est species: Et Fulgentius libro de fide ad Petrum, Una est,

est, inquit, *san&te Trinitatis Divinitas*, & *imago*, ad quam factus est homo: Ergo ratio imaginis non competit Verbo divino personaliter, sed etiam ipsi Divinitati immo, & Trinitati.

Respondeo nomen *Imaginis* sumi dupliciter, nimirum, vel pro exemplari, & prototypo ad cuius similitudinem aliquid formatur, vel pro similitudine producta ad alterius imitationem. Priori modo sumitur nomen imaginis, tum à Scriptura, tum à Patribus laudatis in objectione; Divinitas enim, est quidem exemplar, ad cuius imitationem factus est homo, non autem est imago propriè dicta.

Dices 2. Spiritus sanctus reverà etiam appellatur imago: Ergo hæc ratio soli Filio non convenit. Probatur antecedens ex illo ad Romanos 8. *Quos præscivit, & prædestinavit conformes fieri imaginis Filii sui*: Unde Cyrillus Dialogo de Trinitate libro 7. *Quod autem similitudo vera Filii Spiritus sancti*, inquit, *scribentem audiat Beatus Paulus, quia quos prænovit, hos prædestinavit conformes imaginis Filii ejus*: Unde Damascenus libro 1. de fide capite 18. ait, *Imago Patris est Filius, & Filius Spiritus sanctus, per quem Christus homini inhabitans dat ei, secundum quod est imaginem*: Ergo, &c.

Respondeo: Cum nostro de Bassoli in 1. distinct. 17. quæst. 3. art. 3. prædictos Patres usurpare impropriè nomen imaginis, & ampliasse latitudinem tantæ, quæ comprehenderet quæcumque similitudinem perfectam in natura Personæ procedentis cum principio, à quo procedit; licet non procedat ab eo tanquam ab exemplari; nec consequenter procedat, ut similis ex vi processionis formaliter: Quod idcirco fecerunt, ut evidentius probarent Spiritum sanctum esse Patri consubstantialem non minùs, quàm Filium; quoniam Spiritus sanctus reipsa

non est minùs similis, & æqualis Patri, nec minùs potest in cognitionem Patris deducere, quàm ipse Filius.

Instituit Spiritus sanctus est infinitè similior Patri, & Filio, quàm creaturæ Deo: Sed creaturæ spirituales putà homines, & Angeli, sunt reverà perfectæ imagines Dei: Ergo multò magis Spiritus sanctus est perfectæ Patris, & Filii imago.

Respondeo primò negando minorem: Creaturæ enim non sunt imagines Dei nisi valdè imperfectæ, quia non habent eandem speciem, aut numero naturam, nec aliquod perfectum naturæ divinæ signum; quamquam habeant aliquam imperfectam, cum ea similitudinem, nimirum secundum spiritualitatem substantiæ, & operationem intellectus, & voluntatis.

Respondeo secundò: Quod et si illæ creaturæ, imperfectæ sint imagines Dei, nihilominus ratio imaginis divinæ magis propriè ipsis convenit, quàm Spiritui sancto, quia habent illam imperfectam similitudinem cum Deo formaliter ex vi suæ productionis: Siquidem ab eo formantur tanquam artefacta ab artifice, atque ita sicut artifex opus efformat ad similitudinem ideæ, quam mente præconcepit; ita Deus Creaturas condidit respiciendo ad seipsum, ut ad earum exemplar: At Spiritus sanctus non habet similitudinem cum principio producente formaliter, vi suæ processionis; sed solum ideatice, & ratione infinitatis; adeoque ratio imaginis non æquè propriè ipsi convenit, ac Spiritui sancto.

Ex his collige Filium divinum, duobus modis esse Patris imaginem: Primò, *Naturalem*, quatenus ab ipso procedit realiter in omnimodam similitudinem naturæ divinæ. Secundò, *Intentionalem*, quatenus vi suæ productionis procedit, ut Verbum, & notitia;

tia; sicque procedit, ut exprimens intentionaliter Patrem: Atque ita ejus imago est, non solum quatenus est ejusdem naturæ, & substantiæ cum illo; sed etiam quatenus est notitia productæ ejusdem Patris; quæ postrema imaginis ratio, maxime propria, est Filio divino; solus enim procedit, ut Verbum, & ut notitia perfectè exprimens suum principium.

QUESTIO TERTIA.

An, & quomodo ratio Sapientiæ Filio Divino conveniat?

TERTIUM nominum genus, quibus Dei Filius in Scripturis sacris designatur, est *Sapientia*. Hoc enim vocabulum, plerumque supponitur pro Persona Verbi, ut constabit infra. Quapropter tria maxime hic sunt resolvenda: 1. An reverà Sapientiæ nomen ita conveniat Verbo, ut pro ejus Persona supponere possit. 2. Qualiter hæc appellatio Verbo divino quadret, an videlicet propriè, vel appropriatè? 3. An Pater divinus sit sapiens eà sapentiâ, quæ est Verbum? Quocirca.

Notandum 1. Hoc esse discrimen inter essentialia, propria, & appropriata in divinis, quod *Essentialia* sint illa prædicata, vel quidditativa, vel modificativa, vel attributiva communia tribus divinis Personis, quales sunt natura divina immensitas, bonitas, &c. *Propria* autem sunt illæ proprietates, seu formalitates relativæ, quibus unaquæque Persona constituitur, & ab alia distinguitur. *Appropriata* verò sunt illa prædicata essentialia, & absoluta, reverà quidem communia tribus Personis, nihilominus propter singularem quandam rationem, & assignatam uni potius Personæ, quàm alteri accommodata: Sic. ad extrin-

guendam hæresim eorum, qui dicerent Patrem divinum esse impotentem ob senectutem, attribuitur ei Omnipotentia, quæ ramen tribus divinis Personis indivisim convenit: Sic pariter, quia Verbum divinum procedit per intellectum cujus est nosse, & sapere, & quia Spiritus sanctus procedit per voluntatem, quæ est sacrarium amoris, bonitatis, & sanctitatis: Idcirco Filio appropriatur notitia, sapientia, &c. Spiritui verò sanctitas, bonitas, & amor specialiter attribuitur.

Notandum 2. Conveniens fuisse, quod uni Personæ, vel alteri specialiter appropriarentur aliqua attributa essentialia, & aliquæ operationes ad extra, quamvis hæc essent reverà tribus divinis Personis communia; cujus assertionis veritas colligitur nedum ex Scriptura sacra, in qua plures tales appropriationes conspiciamus, sed etiam ex sanctis Patribus, qui varias appropriatas perfectiones uni potius divinæ Personæ, quàm alteri accommodarunt; *Ut per proprietatem vocis, aut operis, insinuat nobis veritas Trinitatis; & non dividat intellectus, quod distinguit auditus, inquit sanctus Leo serm. 2. de Pentec. cap. 2. Nunquam enim, ut subdit, intelligitur Trinitas, si semper inseparabiliter diceretur.* Favet etiam ratio, conveniens namque fuit obscuriora, & difficiliora manifestari per ea, quæ facilius percipiuntur: Ac attributa, & operationes Dei ad extra clarius intelliguntur à nobis, quàm proprietates, ac distinctiones; siquidem per evidentem demonstrationem ex cognitis Creaturis possumus assurgere ad notitiam divinorum attributorum; non ita ad cognitionem personalium proprietatum; adeoque conveniens fuit uni divinæ Personæ accommodare aliquod speciale attributum naturaliter notum, quod illius ab alia distinctio facilius innotesceret.

Un-

Unde Richardus Victorinus Opusculo de tribus appropriatis c. 2. loquens de Potentia, Sapientia, & Bonitate divina, ait, *In his tribus forma, & imago summa Trinitatis exprimitur; ut invisibilia Dei, per ea, quae facta sunt intelligenda conspiciantur. Quae igitur sunt in Trinitate illa, tres tribus, similia similibus, propria propriis, &c.*

Notandum 2. Ad perfectam appropriationem duo desiderari. Primum, quod sit cognitio, & quaedam affinitas attributi cum proprietate Personae, sicut mox dictum est, quoniam Filius procedit per intellectionem, ei appropriatur Sapientia, ut audito hoc nomine moveantur audientes adprehendendum aliquid peculiare in secunda Persona, quod non sit commune ceteris, nempe rationem Verbi, Imaginis, &c. Secundam, quod per appropriationem perfectionem removeatur imperfectio, quam rudiores possent in divina Persona suspicari; sic inquit Alensis 1. parte quæst. 67. membro 3. attic. 1. tribuitur Patri Potentia, ne crederetur infirmior ob vetustatem; Filio Sapientia, ne imbecillior ob juventutem; & Spiritui Bonitas, ne crudelis audiretur: Inde fit, quod appropriationem S. Thomas appellet, *Viam similitudinis, & dissimilitudinis*: Albertus 1. par. quæst. 48. *Accessum, & recessum*: Henricus 2. part. art. 72. quæst. 1. *Correspondentiam secundum similitudinem*: Sed omnium optimè hanc utramque appropriationis conditionem colligit Alensis laudatus ex fine, nempe, *Ut instruat veritas, & occurrat errori*. His ita præmissis tria jam prælibata probare incumbit, itaque fit

CONCLUSIO PRIMA.

REVERA Sapientia tribuitur Filio, & interdum pro eius nomine supponitur.

PROBATUR EX Scriptura sacra. Primò quidem, quia plerumque Sapien-

tia appellatur genita: Sed nullum attributum essentialia quatenus tale, potest dici genitum: Ergo tunc sapientiae nomen supponitur pro Persona Verbi. Minor constat: Quia essentia, nec generat, nec generatur. Probatur maior; nam Proverb. 8. divina illa Sapientia ait, *Nondum erant Abyssi, & ego jam concepta eram*: Et iterum, *Ante omnes colles ego parturiebari*: Et Eccl. 24. *Ego ex ore Altissimi prodivi primogenita ante omnem creaturam*. Hinc S. Paulus 1. ad Corinth. 1. Christum Dominum appellat, *Dei virtutem, & Dei sapientiam*. Unde S. Basilus libro 4. contra Eunomium meritò colligit, quod, *Si est Christus Dei virtus, & Dei sapientia, hac autem increata, & coeterna sunt Deo, (non enim fuit aliquando sapientia, aut virtutis expertus;) increatus, & coeternus est Deo Christus*.

Confirmatur ex sanctis Patribus, qui simili modo probant Filium Dei esse æternum, adeoque cœvum, & consubstantialiæ Patri: Sic S. Ambrosius libro de Symbolo cap. 11. Arianos dicentes: *Erat aliquando tempus, quando non erat; & antequam nasceretur non erat*: Ita refellit, *Numquid potuit esse tempus quando Pater sine vita, sine Sapientia, sine Virtute, sine Verbo, quod Christus est, fuerit? Ipsi concinit S. Augustinus Oratione contra hæreses c. 6. Vides ergo, quia semper erat, de quo tu audes dicere, non erat. Aut si dicis Deum aliquando sine Verbo, aut sine ratione fuisse, jam non Filio tantum, sed, & Patri adversarius eris*. Unde libro 7. de Trinit. cap. 1. ait; *Impium est dicere Deum non esse Patrem Sapientia sua*: Hinc Theophilactus in 1. Joannis: *Impossibile est, inquit, Deum esse absque sermone; & sapientia, & virtute*: Idcirco, quia Verbum, Sapientia, & Virtus Patris esset Filius, credimus ipsam semper esse apud Deum, hoc est, cum Patre.

Hæc omnia luculenter explicat Eu-

le.

sebius ille quisquis sit Author homiliz primæ de Symbolo: *Sic*, inquit, *esse non potest Sol sine splendore, vel ignis sine calore, vel immortalitas sine aternitate, vel aternitas sine immortalitate, vel virtus sine fortitudine; sicut inquam esse non potest, vel ratio sine Sapientia; vel veritas sine iustitia; vel bonitas sine misericordia; ita nunquam potuit esse Pater sine Filio: Omnes enim virtutes continentur in Filio. Quibus omnibus patet, reverà nedum in Scriptura sacra, sed etiam apud SS. Patres Sapientiam, supponi pro Filio.*

CONCLUSIO SECUNDA.

SAPIENTIA tribuitur Filio divino non propriè, sed appropriatè. Hæc est communis, & eam probat S. Augustinus libro 7. de Trinit. cap. 2. ubi cum dixisset; *Quia in illa simplicitate non est aliud sapere, quam esse, eadem ibi sapientia est, quæ essentia.* Concludit, *Pater igitur, & Filius simul una essentia, & una magnitudo, & una veritas, & una sapientia; sed non Pater, & Filius simul ambo unum Verbum, quia non simul ambo unus Filius; Cujus rationem ibidem reddit, quod Filius Imago, & Verbum non ad se, sed ad Patrem, ac relativè dicitur.* Exinde infert, quod Filius non eo sit Verbum, quo Sapientia, quia Sapientia eo est, quo essentia. *Propterea, inquit, non eo Verbum, quod Sapientia quia Verbum non ad se dicitur, sed tantum relativè ad eum cujus est Verbum, sicut Filius ad Patrem; Sapientia verò, quo essentia: & ideo, quia una Essentia, una Sapientia.* Quibus apertè constat, quod Sapientia sit attributum essentiale, adeoque tribus Personis divinis commune, non autem soli Filio proprium.

Hinc S. Augustinus ibidem infert, quod quando Sapientia nomen supponitur pro Persona Filii, non Sapientia simpliciter dici debet, sed Sapientia nata, seu genita, *Quoniam ve-*

Tom. III.

ro, inquit, & Verbum Sapientia est, sed non eo Verbum, quo Sapientia; Verbum enim relativè, Sapientia verò essentialiter intelligitur: Id dici accipiamus cum dicitur Verbum, ac si dicatur nata Sapientia, ut sit Filius, & Imago: Et hæc duo cum dicuntur, id est nata Sapientia in uno eorum, eo quod nata est, & Verbum, & Imago, & Filius intelligitur, & in his omnibus nominibus non intelligatur essentia, quia relativè dicuntur.

Ex his apertè constat Sapientia nomen non simpliciter esse Filio proprium, sed tantum cum addito, nempe cum dicitur nata, vel genita Sapientia; Hæc enim ratione soli Filio non solum appropriatè, sed etiam propriè congruit, nec aliud, quod nomen Verbi, & Filii exprimit.

CONCLUSIO TERTIA.

PATER divinus non est Sapiens Sapientia genita: Hæc est communis, & eam sic probat Doctor in 1. dist. 32. q. 2. num. 9. Si Pater divinus esset Sapiens sapientiâ genitâ, vel Sapientia genita esset forma, quâ Pater fieret formaliter Sapiens, sicut Paternitas est Pater; vel Sapientia genita esset principium Sapientia, quæ est in Patre, quo sensu Magister sententiarum concedit Filium esse Sapientem Sapientia ingenita principiativè, nimirum quia Sapientia ingenita Patris est principium Sapientia genitæ, quæ est Filius: vel denique sensus esset, quod Filius esset principium subauthoritativum respectu actus Sapiendi, qui est in Patre, sicut Verbum est principium subauthoritativum respectu actus creandi, Pater enim dicitur creare, Verbo: at neutrum horum licitè, & verè dici potest.

Non quidem primum, nec secundum, aliàs Pater divinus reciperet Sapientiam à Filio, quod est absurdum: Si enim, inquit S. Augustinus libro 15. de Trinit. cap. 7. *solus sibi Filius intelligit,*

FF

ligi,

Hic, ut intelligentia sit, & sibi, & Patri, & Spiritui sancto, ad illam reditur absurditatem, ut Pater non sit sapiens de seipso, sed de Filio, nec Sapiencia Sapienciam genuerit, sed ea Sapiencia Pater dicitur Sapiens esse, quam genuit. . . . Est hoc est Deo esse, quod Sapere, & ea illi essentia est, qua Sapiencia, non Filius a Patre, quod verum est; sed a Filio potius habet Pater essentiam, quod absurdissimum, atque falsissimum est.

Nec etiam tertium, quia principium subauthoritativum habet veram actionem respectu cuius dicitur tale principium; Filius enim, v.g. verè insuit in Creaturas, quas per eum, & cum eo Pater producit: sed Sapiencia genita nullum habet influxum respectu actus sapiendi in Patre. Unde concludit S. Augustinus ibidem; *Est ergo Deus Pater sapiens, ea quæ ipsa sua est Sapiencia, & Filius Sapiencia Patris de Sapiencia, quod est Pater, de quo genitur est Filius.* Unde meritò revocavit libro primò retractationum cap. 26. quod docuerat in lib. 83. questionum quest. 23. *Deum dici Sapiencem, quod ipse eam genuerit, quæ Sapiens dicitur, Sapienciam.* Quam utriusque sententiam retractavit, & ibidem asserit se accuratius in libris de Trinitate illam expendisse.

Dices 1. Pater divinus dicit Verbo, secundum S. Augustinum 7. de Trinitate cap. 1. sed ex S. Anselmo in Monologio cap. 63. Nihil aliud est summo Spiritui dicere, quam quasi cogitando intueri. Ergo Pater intuetur Verbo, adeoque etiam sapit Verbo.

Distinguit minorem Doctor nu. 10. Si dicere accipitur essentialiter quatenus idem significat, ac intelligere uti accipit sanctus Anselmus, concedit: Si usurpetur notionaliter, & quatenus idem importat, ac producere Verbum: Negat minorem similiter, & consequentiam, ut sic enim dictio ab intel-

lectione essentiali distinguitur. Itaque eatenus tantum Pater dicit Verbo, quatenus nempe est principium Verbi, quod ex sua ratione est formaliter declarativum, & expressivum, omnis declarabilis, & manifestabilis; Sicque Pater tantum est causa activa, non verò formalis illius representationis, & expressionis: Non secus, ac si Petrus efficere speculum, in quo omnes species, & rerum Imagines exciperentur; Speculum istud esset quidem causa formalis illius representationis, Petrus verò tantum causa effectiva. Hinc est, quod quamvis Pater hoc modo dicat Verbo; non tamen dici potest Sapere Verbo, quia Sapere accipitur essentialiter, non verò notionaliter.

Dices 2. Fatetur Doctor ibidem quest. 1. num. 7. quod Pater divinus rectè dicatur diligere se Spiritu sancto. Ergo à pari etiam non incongruè dicitur, quod sit Sapiens Sapiencia genita. Probatur sequela. Ideo Pater dicitur diligere se Spiritu sancto, quia producit Spiritum sanctum, qui est amor Patris per appropriationem: sed etiam producit Verbum, quod appropriatè dicitur Sapiencia Patris: Ergo &c.

Nego sequelam, & ad ejus probationem dico hoc esse discrimen inter diligere, & Sapere in divinis, quod diligere potest accipi notionaliter, quatenus significat productionem Spiritus sancti, qui dicitur amor productus, quare ratione diligere nihil aliud est, quam spirare amorem productum: Sapere autem non ordinatur ad significandam productionem Sapiencie, sed tantum attingentiam, & perceptionem objecti, quod fit, ut tantum accipiat essentialiter pro tota intellectione, non autem notionaliter, pro dictione productiva Verbi divini; adeoque inter utrumque non est paritas.

AR-

ARTICULUS TERTIUS.

De Persona Spiritus sancti .

TERTIAM in divina Trinitate Personam Spiritum sanctum peculiari vocabulo nominari omnibus Fidelibus ulterò compertum est; Licet enim, inquit S. Ambrosius in Symbolo c. 1. *Pater sit Spiritus, & Filius sit Spiritus, & Pater sit sanctus, & Filius sit sanctus, sola tamen tertia Persona Spiritus sanctus nuncupatur.* Cujus appellationis proprietatem colligit S. Hieronymus in 4. cap. ad Galatas ex Psal. 50. ubi Psalteres Regius tres divinas Personas Spiritus nominans, tribus eas peculiaribus titulis designat; etenim inquit ille S. Doctor. PRINCIPALEM Spiritum Patrem appellat, quia Filius ex Patre, & non ex Filio, Spiritum autem rectum, veritatis, atque justitiæ Christum Dominum significat, quia Pater omne judicium dedit Filio, ut David ait; DEUS JUVGICUM TUUM REGIDA. Porro Spiritum sanctum aperto nomine vocat. At hanc appellationem sextæ divinæ Personæ propriam clariùs edicit novum Testamentum, in quo quoties de divinis Personis expressa sit mentio, toties tertia Spiritus sanctus appellatur: sic Matthæi ultimo, *Baptizantes eos in nomine Patris, & Filii, & Spiritus sancti.* 1. Joannis 5. *Tres sunt, qui testimonium dant in Cælo Pater, Verbum, & Spiritus sanctus:* Unde S. Chrysostomus homilia 3. de Spiritu sancto, ait, *Dicitur Spiritus; ista enim est prima, & propria appellatio; & ut evidentior habens intelligentiam Spiritus sancti naturam demonstrat.*

Porro hanc appellationem Spiritus potius à respiratione, seu halitu spirativo, quàm à spiritualitate, & immortalitate deductam volunt Theologi: & quidem congruè ob singularem analogiam, & similitudinem, quam

habet illius processio cum halitus, & vitalis Spiritus emissionem, sicut enim (ut omittam cætera) ipse halitus ex corde, & ore ducit originem, ita inquit S. Cyrillus lib. 13. Theauri c. 3. Spiritus sanctus ex ipsa Dei substantia prodit, sicut, & Spiritus, qui ex humano prodit ore: Id apertè docet Job dicens cap. 33. *Spiritus Domini facit me, & spiraculum Omnipotentis vivificabit me.* Idcirco Christus Dominus Joann. 20. *Inspiravit in Discipulos, & dixit, accipite Spiritum sanctum:* Quod ita ponderat idem Cyrillus lib. 9. cap. 44. *Propterea corporaliter Christus inspiravit; ostendens hoc signo, quod quemadmodum ab ore humano corporaliter humanus Spiritus procedit; sic ex divina substantia, Deitati congruenter, Spiritus, qui ab ea est, profunditur.* Hæc autem deductio, & appropriatio nominis Spiritus, etsi propria sit; non ideo tamen omnimodà, sed valde imperfectà analogià cum halitu convenit; etenim, ut doctè observat S. Basilius libro unico de Spiritu sancto cap. 16. *Nec Verbum est significativus aeris idus, per vocis instrumenta prolatus; nec Spiritus oris halitus à partibus respiratoriis efflatur; sed Spiritus oris Dei Spiritus est veritatis, qui à Patre procedit.* De quo tria maximè hic supersunt resolvenda: 1. An à Patre, & Filio reverà procedat: 2. An si ex hypothesi, quod à Filio non procederet ab eo realiter distingueretur. 3. Quæ sint ejus proprietates, & peculiare dotes.

QUÆSTIO PRIMA.

An reverà Spiritus sanctus à Patre, Filioque procedat?

SPIRITUM sanctum à Patre procedere in confesso habent quicumque ejus Divinitatem fatentur: Eunomius enim, qui asserbat eum à solo Filio

originem ducere, non Deum, sed facturam Verbi, sicut, & Verbum ipsum facturam Patris esse somniabat, ut refert, & refellit S. Basilii lib. 2. contra Eunomium, dicentem, *Si è creaturis subvebatur aliquis ad substantia comprehensionem, intelligit Filium Ingeniti (id est Patris) esse facturam; Vnigeniti verò Paracletum.* At celebris adhuc remanet controversia Græcos inter, & Latinos de processione ipsius Spiritus sancti à Filio, quæ contentio, ut solvatur evidentiùs, primum ejus origo est detegenda. Itaque

Notandum 1. Nondum exploratum esse quisnam primus asseruerit Spiritum sanctum à solo Patre procedere, uti deviantes Græci contendunt. Nam quod existimant aliqui primum hujus erroris assertorem fuisse Macedonium Spiritus sancti Divinitatis impugnatorem, vix habet speciem veritatis, neque huic assertioni quidquam suffragatur illa Epistola Justiniani Episcopi Siciliæ ad Perrum Episcopum Antiochenum, quæ habetur in quinto Concilio Generali, in qua legitur *Macedonius spirat a Patre solo Spiritum sanctum*, quidam enim viri doctissimi pro verbo *spirat*, legendum putant *separat*, idque valde congruit hæresi, & sententiæ Macedonii, qui cum Spiritus sancti Divinitatem negaret, negabat pariter ejus cum Patre consubstantialitatem; adeoque illum à Patre delibebat, & separabat.

Notandum 2. Nihilominus communiori Historicorum Ecclesiasticorum calculo hujus erroris primus Assertor creditur Theodoretus dum adhuc Nestorianus esset, is enim scribens pro Nestorianis adversus Anathematismos Cyrilli Alexandrini, quibus damnabatur error Nestorii; Et impugnans nonum anathematismum, quo Cyrillus dixerat, *Spiritum sanctum proprium esse Filii*, sic reponit Theodoretus: *Proprium Spi-*

ritum Filii, siquidem, ut ejusdem natura à Patre procedentem dixit Cyrillus, simul, & nos confitemur; si verò tanquam ex Filio, vel per Filium suam habere existentiam, & essentiam dicit, id esse blasphemum, & impium dicimus. Quam utique futilem, ac interpositam erroneam sententiam Theodoretum in responsione sua consultò omisit Cyrillus, ut intentam disputationem prosegueretur, ostendendo nempe Spiritum sanctum esse Filio proprium, hoc est, non adventitium, & ex accidente illi indicium, cujus contrarium cum Nestorianis docebat Theodoretus, quæ de causa à Concilio Ephelino fuit anathematizatus: Verùm paulò post resipiscens ejurata priori sententiâ summo omnium applausu Catholicis exceptus, & proclamatus fuit in Concilio Chalcedonensi. Quocirca hic error de processione Filii à solo Patre, hoc ipso tempore videtur fuisse expunctus, & fopitus.

Notandum 3. Hunc errorem rursus innovatum fuisse circa annum 766. nam circa hoc tempus Annales nostri referunt celebratum fuisse Concilium *Gentiliacense*, juxta Patissos, in quo præter quæstionem de cultu sacris imaginibus exhibendo, etiam hæc agitata fuit, *Utrum Spiritus sanctus sicut procedit à Patre, ita procedat à Filio*, ut tradit Ado Viennensis in Chronico: Cujus convocandæ Synodi causa hæc fuit, nempe quòd cum Imperator *Constantinus Copronymus* Iconoclasta legatos misisset ad *Pipinum* Regem Galliæ pro ipsius confederatione impetranda, contigit, quod dum Galli Græcos arguerent ob suarum imaginum despectum; Græci è contra Gallis, & Ecclesiæ Latinæ exprobrabant, quod ad *Symbolum* vocem, *Filiusque* adjeccissent, quocirca ne hæc impietatis seminata zizania longius serperent, Concilium utrumque statuit, & sacras ima-

Imagines colendas, & verè Spiritum sanctum à Patre, & Filio procedere.

Verum non ita extirpari potuerunt hæc erroris semina, quin brevi regerminarent: Etenim ipsomet Ado refert sub annum 809. celebratam fuisse Synodum Aquisgranensem ex mandato Caroli Magni, in qua actum est, *De processione Spiritus sancti à Patre, & Filio. Quam questionem Joannes quidam Monachus Jerusalemis primò concitavit, cujus definienda causa Bernharicus Episcopus Vormaciensis, atque Gessæ Episcopus Ambianensis, & Adelbaldus Abbas Monasterii Corbeja Romam ad Leonem Papam missi sunt, &c.* Ut referunt Annales Francorum ad annum 809. hunc porro Joannem illius erroris innovatorem Joannes Pithæus suspicatur fuisse Damascenum illum sanctissimum, & eruditissimum monachum, qui Jerusalemis degerat circa annum 730. Nec abs re, si quippe Spiritum sanctum non procedere à Filio videtur pronuntiare libro 1. de fide cap. 11. ubi cum pluries dixisset eum à Patre procedere, circa finem capituli addit, *Ex Filio autem Spiritum sanctum non dicimus, sed Spiritum Filii nominamus*: At quàm facile excusari possit Damascenus infra patebit. Advertendum nihilominus obiter in Synodo Aquisgranensi, non tam de processione ipsa à Filio videri actum fuisse, quàm de additione illa quatuor Syllabarum *Filiusque* ad Symbolum. Ut colligitur ex collatione Leonis Papæ cum Legatis hujus Synodi, ut infra dicemus.

Notandum 3. Hunc tandem errorem apertam in hæresim erupisse auctore Photio, qui ejectione S. Ignatio Constantinopolitano Patriarcha, in ejus sedem, & locum intrusus anno 858. qui hac de causa à Nicolao I. summo Pontifice damnatus, exinde furens in Romanam Ecclesiam varias in eam calumnias commentus est, ac multa illi

capita hæresum objecit, maximè, quod Latini Spiritum sanctum à Patre, Filioque procedere assererent. *Hoc enim est*, inquit Hugo Echerianus libro 2. contra Græcos capite 15. *qui post Theodoretum in aquorea puteum fodienti arena, non semina, sed venena sepeliendo dñi valdè languioris fidei Christianorum causa factus est.* Ex tunc enim omnes penè Græci in eam erroneam opinionem conspirarunt, eamque velut publicam tesseram habuerunt, quâ inconfutilem Christi tunicam scinderent nefario nedum Schismate, sed, & variis Hæresibus ab Ecclesia Latina Catholicæ veritatis firmissima columna recedendo. Exinde pluries tentatum est eos ad fidem, & unitatem Ecclesiæ revocare: At, inquit Cardinalis Osius lib. de Communionem sub utraque specie, *Toties doctrinis variis, & peregrinis abducti sunt à fide, ut decies, & quater ad Ecclesiæ gremium redierint, toties se abdicaverint.* Quocirca entendum est questionem hanc exactissimè discutere, ut quàm vecors, quàmque terra Græcorum infansia sit, clariùs innotescat. Idcirco fit

CONCLUSIO UNICA.

REVERA Spiritus sanctus à Patre, Filioque procedit. Hæc est de fide determinata in variis Conciliis, & propugnata à sanctis Patribus utriusque Ecclesiæ Orientalis, & Occidentalis infra proferendis.

Colligitur, & probatur 1. ex Scriptura sacra.

Primò quidem ex Joann. cap. 16. vers. 14. ubi Christus promittens Apostolis se missurum Paracletum, Spiritum veritatis, qui eos doceret omnem veritatem, ait, *Ille me clarificabit, quia de meo accipiet, & annuntiabit vobis.* Quem textum sic ponderat S. Ignatius Epistola ad Ephesos, ubi refert

Fi.

Filium ad Patrem dixisse, *Ego te clarificavi super terram, opus perfecti, quod dedisti mihi, ut facerem; de Spiritu sancto ait, ille me clarificabit super terram, quia de meo accipiet, & annuntiabit vobis: Ergo uterque eorum ipsum glorificat, à quo, & accipit, quod faceret.* Quibus verbis infert Ignatius, quod sicut Filius Patrem glorificavit; quia recipit à Patre ab eo procedendo; Ita Spiritus sanctus Filium glorificat, quia accipit ab eo procedendo, nam Verbum accipiet, non aliud, quàm processionem significat: quoniam in Evangelio nunquam dicitur unam Personam divinam dare alteri, & hanc ab illa accipere, nisi hæc ab illa procedat; quocirca nunquam legitimus, quod Pater divinus accipiat aliquid à Filio, aut Spiritu sancto, nec Filium à Spiritu sancto, quia nec Filius à Spiritu sancto, nec Pater ab eo, & Filio procedit. Quod clarè probat S. Epiphanius in Ancorato, ubi cum initio dixisset, *Spiritus sanctus in medio Patris, & Filii ex Patre, & Filio, circa medium, ait, Si verò Christus ex Patre creditur Deus ex Deo, & Spiritus ex Christo, aut ab utroque, sicut Christus dicit, qui à Patre procedit, & hic de meo accipiet, &c.*

Confirmatur ex verbis sequentibus versu 15. *Omnia, quæ Pater habet mea sunt, propterea dixi, quia de meo accipiet:* Ergo Filius habet à Patre non solum essentiam, sed virtutem spirandi, seu fecunditatem producendi Spiritum sanctum; Omnes enim perfectiones substantiales Patris sunt ipsi Filio communes hoc uno excepto, quod Filius non est Pater. Insuper ideo Christus dicit, quod ab eo Spiritus sanctus accipiet, quia ipse habet omnia, quæ Pater; particula enim *propterea*, causam refert, cur dixerit de meo accipiet, nempe quia, *Omnia, quæ habet, &c.* Unde S. Augustinus, *A quo habet Filius, ut sit Deus, ab illo habet*

utique, ut etiam de illo procedat Spiritus sanctus. Et libro 3. contra Maximum cap. 14. *Qui talem Filium genuit, gignendo dedit, ut etiam de ipso procederet Spiritus sanctus.* Quæ omnia luculenter explicat Eugenius IV. In Litteris unionis, *Quoniam, inquit, omnia, quæ Patris sunt, ipse Pater unigenito Filio suo gignendo dedit, prater esse Patrem; hoc ipsum, quod Spiritus sanctus procedit ex Filio, ipse Filius æternaliter habet, à quo etiam æternaliter genitus est.*

His autem subscribit ipsemet S. Damascenus, quem pro suo tuendo errore Græci nobis obijciunt, nam libro 1. de Fide cap. 9. ait; *Omnia, quæ habet Pater Filii sunt, hoc uno excepto, quod ingenus non est.* Et cap. 11. *Unum denique omnino sunt Pater Filius, & Spiritus sanctus, nisi quod Pater genitus non est, Filius genitus est, & Spiritus S. processit.* At si Spiritus sanctus non procederet à Filio, nec hic illum spiraret, non sola generatione, sed etiam spirandi virtute à Patre distingueretur: Ergo cum S. Damascenus affirmet Patrem, & Filium omnia habere communia, prater Paternitatem, & Filiationem, haud dubiè sentit eos habere vim spirandi communem, adeoque Spiritum sanctum ab utroque procedere.

Secundò, Probatur ex iis Scripturæ sacre textibus, quibus Filius divinus spondet Apostolis se missurum eis Spiritum sanctum: Sic eodem cap. 16. v. 7. *Si non habiero, Paracletus non veniet ad vos; si autem habiero mittam eum ad vos.* Et priùs cap. 15. dixerat, *Cum venerit Paracletus, quem ego mittam vobis à Patre:* At missio unius Personæ ab alia intelligi nequit, nisi substantialiter ab illa procedat, à qua mittitur, maxime, quando Personæ sunt ejusdem nature, & substantiæ, sicut ipsimet Græci de Filio, & Spiritu sancto affirmant: Ergo revera Spiritus sanctus à Filio procedit, siquidem ab eo mittitur. Unde Gre-

Gregorius magnus Homilia 26. in Evangelia, Spiritus ait, sancti Missio est ipsa processio, quia de Patre procedit, & Filio. Cui concinit Athanasius Epistola ad Serapionem, ubi ait, Filius in nomine Patris venit, Spiritum verò sanctum, quem mittet Pater in nomine meo, quem ipsius modi ordinem, & naturam habeat Spiritus ad Filium qualem Filius habet ad Patrem, &c. Quasi diceret, quia Filius à Patre procedit, etiam à Patre mittitur, ita etiam Spiritus sanctus mittitur à Filio, quia ab illo procedit.

Reponunt Græci, quod Filius ipse mittatur à Spiritu sancto, à quo tamen non procedit: Ergo ex eo, quod Spiritus sanctus mittatur à Filio, non sequitur, quod ab eo procedat. Probatur antecedens ex illo Isaïæ 48. Et nunc Dominus misit me Spiritus ejus: Et Lucæ 4. Spiritus Domini super me propter quod unxit me, & evangelizare pauperibus misit me. Verum.

• Respondens Christum Dominum equidem mitti à Spiritu sancto, in quantum est, ratione humanitatis assumptæ, inferior Spiritu sancto, adeoque ab eo mitti potest missione autoritativa; cuius quidem missionis denominatio per communicationem idiomatum licet tribui possit Verbo; severà tamen Christus immediatè, & præcisè non mittitur à Spiritu sancto, quatenus est Verbum increatum, adeoque ex hoc nihil contra præsentem assertionem evincitur.

• Tertiò, Probatur ex illis omnibus textibus, quibus Spiritus sanctus dicitur Spiritus Christi, & Filii; Sic ad Romanos 8. Si quis Spiritum Christi non habet, hic non est ejus. Et ad Galatas 4. Misit Deus Spiritum Filii sui in corda vestra; Sed nulla ratione posset dici Spiritus Filii, nisi ad Filium referretur; nec ad eum referri, nisi ab eo procederet. Si enim, aut naturæ identitas,

& potentiz, aut alia causa sufficeret; ut diceretur Spiritus Filii, posset eadem ratione dici Filius Spiritus sancti. Confirmatur: Nam sicut Filius quidditativè respicit Patrem generantem, sic etiam Spiritus respicit spirantem; unde sicut Verbum non potest vocari Filius Personæ, quæ non est Pater; ita Spiritus sanctus non potuisset vocari Spiritus Personæ, quæ non esset spirator.

Probatur 2. ex definitionibus, & doctrina Conciliorum.

PRIMò quidem hæc veritas definita est in Epistola, quam misit Cyrillus cum Concilio Alexandrino ad Nestorium, quæque recepta fuit, ac probata à toto Concilio Ephesino, quod est Generale tertium, & decima est inter Epistolæ Cyrilli, ubi dicitur, Spiritus veritatis nominatur, & est Christus veritas, & effunditur ab eo sicut, & ex Deo Patre; seu ut in antiqua Conciliorum compilatione habebatur procedit ab eo sicut à Patre. Atque in universum approbatæ sunt omnes Epistolæ Synodales Cyrilli à Concilio Chalcedonensis, quod est Generale tertium actione quinta, & à sexta Synodo, quæ est Constantinopolitana tertia actione decima septima, & Concilium Generale septimum, nempe Nicænum 2. actione 7. referens, & approbans Symbolum Nicænum conscriptum in primo generali Concilio addit, Qui ex Patre, Filioque procedit: Cum tamen illud Concilium maxima ex parte fuerit Græcorum Patrum. Nec refert, quod in Concilio Florentino sess. 6. & 7. Græci recentiores dixerint in suis codicibus hujus Concilii non legi particulam Filioque; Doctè namque, & apprimè reposuit Andreas Theologus Ecclesiæ Latinæ, & in illa sess. 7. testificatus est se habuisse codicem veterrimum manuscriptum, in quo particula

illa continebatur. Præterea citatus est ibidem Historicus antiquus ejusdem particulæ testis.

Nec pariter refert, quod S. Damasce-nus, qui tempore prædicti Concilii septimi floruit scripserit. *Ex Filio Spi-ritum sanctum non dicimus*, ut relatum est in tertio Notabili. Etenim proba-bile est, vel illum prius objisse ante celebrationem prædicti Concilii, aut prius illum librum de fide scripsisse; cujus indicium est, quod in suis ope-ribus non citat Concilia, nisi usque ad sextum.

Hæc pariter veritas definita est in pluribus Conciliis Latinis. primò nam-que Agatho Papa in Epistola 2. Quæ est etiam Romanæ Synodi, habeturque in 6. Synodo Generali, dicit; *Ex Pa-tre, Filioque procedit*, quem locum de-pravatum fuisse à Græcis conquestus est Julianus Cardinalis in ea Disputa-tione, quam habuit contra eos in Con-cilio Florentino; Nec mirum ita de-crevisse hunc Pontificem cum suo Ro-mano Concilio; siquidem multis an-nis ipso antiquior Leo magnus; Epi-stola ad Turribium Austeriensem Epi-scopum cap. 1. dicit; *Ex utroque pro-cedit*.

Insuper sub Athanasio Papa Christi 400. anno celebratum est Concilium Toletanum tertium, in quo pariter hæc veritas definitur his verbis, *Credimus Spiritum quoque esse Paracletum, qui nec Pater sit ipse, nec Filius, sed à Patre, Filioque procedens*: Nec non, & in To-letano tertio sub Pelagio 2. anno 189. ubi in confessione fidei à 150. Patribus exposita Can. 3. dicitur *Quicumque Spi-ritum sanctum non credit à Patre, & Fi-lio procedere, Anathema sit*. Idem de-finitur in Concilio Toletano 4. cap. 1. & in 8. circa tempora Martini primi, & in 11. sub Adeodaro summo Pontifice, quæ omnia Concilia celebrata sunt ante sextam Synodum generalem.

Eandem etiam veritatem legimus in Concilio *Gosfeldensi*, anno 650. apud Bedam libro. 4. Hicoriz Anglicanæ cap. 17. ubi apertè profitentur Patres Spiritum sanctum à *Patre, & Filio*. Demum celebrata sunt Concilia Gen-tiliacense, anno 766. *Aquis-granense*, circa annum 809. *Vuormatiense* sub an-num 860. & circa annum millesimum nonagesimum tempore Urbani secun-di apud *Barum* celebratum est Con-cilium ex Græcis, & Latinis, ut author est S. Anselmus, cui ipse interfuit, & fusius rem totam narrat, ut testis ocu-latus, scriptor vitæ ejusdem S. Ansel-mi lib. 1.

Similiter hanc ipsam veritatem def-inierunt Concilia generalia *Latera-nense* sub Innocentio III. cap. 1. præ-sentibus etiam Græcis, & eisdem con-sentientibus, ut constat ex illius cap. 4. *Lugdunense* sub Gregorio X. in quo præsentibus, & consentientibus Græ-cis hæc veritas definita est, terque can-ratum est Symbolum Nicænum Græcè, & Latine cum explicatione illa *ex Pa-tre, Filioque procedit*; Denique Con-cilium *Florentinum* anno millesimo quadringentesimo trigésimo octavo, post diuturnas, & exactas hac de re disputationes inter Patres Græcos, & Latinos, tandem definitum est *Spi-ritum sanctum à Patre, Filioque procedere*, ut constat in Literis unionis, quibus Patres tam Latini, quàm Græci sub-scripserunt.

Verum, ut levia, & mobilia sunt Græcorum ingenia, non diu in fide, ac concordia manserunt; sed subinde pristinum in schisma, & errores suos relapsi sunt, suumque vomitum resor-buerunt, quo adhuc inquinantur. Nec mirum siquidem in primitiis ipsis Ec-clesiæ, *Factum est murmur Græcorum, adversus Hebræos*, quibus solis Ecclesia tunc constabat, ut inde fatale præfa-gium esset Græcos ad divisionem, & con-

contentionem propensos, lugendo suo schismate Ecclesiam, Christi unitam inconsultilem, divisuros.

Præbatur 3. ex Patribus Græcis.

Primò quidem ex Symbolo S. Athanasii, in quo legimus *Spiritus sanctus à Patre, & Filio non factus, nec creatus, nec genitus, sed procedens.*

Reponunt 1. Græci hoc Symbolum non esse Athanasii. At contra primò Gregorius Nazianzenus oratione de laudibus S. Athanasii testatur eum edidisse perfectam fidei confessionem, quam obtulit Imperatori, quamque totus Oriens, & Occidens veneratur, Imperatori, inquit, donum verè regium, & magnificum offert, scriptam nimirum confessionem adversus novum dogma (scilicet Arrianorum) & post pauca Hujus confessionis, ut mihi videtur auctoritate permoti tum Occidentales, tum quidquid in Oriente vitale est, &c. Deinde S. Augustinus in Psalmum 120. nomine Athanasii præcedentem versiculum recitat, De hoc sole, inquit, Pater Athanasius Alexandrinus Episcopus ita pulchrè locutus est; Filius à Patre solo est, &c. Aliis quoque locis ejusdem Symboli meminit, sed suppresso Athanasii nomine, putà 5. de Trinit. cap. 8. & in enchiridio cap. 35. &c. Quibus constat tempore S. Augustini nemine dubium fuisse hoc Symbolum à S. Athanasio fuisse editum. Denique affirmant Genebrardus lib. 3. de Trinit. Et Nauclerus in Chronologia extare pervetustum codicem in Cænobio S. Germani Parisiensis, in quo asseritur Athanasium prædictum Symbolum edidisse Treviris, dum propter ingruentes Arrianorum persecutiones in quodam puteo latitaret.

Reponunt 2. Particulam, & Filio additam fuisse à Latinis: At contra 1. In Græco etiam Athanasii Symbolo hæc

Tom. III.

particula legitur. Deinde in Concilio Toletano 4. anno 633. celebrato, ac proinde ante schisma Græcorum, refertur idem Symbolum Athanasii cum illa particula, & *Filio*, quæ autem tunc fuisset ratio hanc additionem faciendi; cum nulla adhuc publica inter utramque Ecclesiam lis moveretur. Denique, quod caput est hanc eandem veritatem pluribus docet ipsemet Athanasius maximè oratione 4. contra Arrianos, *Non enim, ait, tria principia, aut tres Patres introducimus, quemadmodum Marcionista; cum non tres Soles ad comparisonem adducamus; sed unicum Solem, ejusque splendorem, unicamque ex ambabus lucem. Quibus comparat Patrem Soli, Filium splendori, & Spiritum sanctum luci, non à Sole tantum, sed à splendore orientem. Et in Epist. ad Serapionem de Spiritu sancto sic loquitur: Mandat Apostolus, HAERETICUM HOMINEM POST UNAM, AUT ALTERAM CORREPTIONEM DE VITA, etiam si quos videas cum Helia volantes per aera, & cum Petro, & Moyse sicco pede calcantes maria, nisi Spiritum sanctum profiteantur Deum essentialiter ex Deo Filio existentem, sicut, & Filium naturaliter Deum genitum essentialiter ex Deo Patre existentem, ut nos profiteamur, eos non recipias.*

Secundò S. Basilii lib. 3. contra Eunomium, ait, Cur necesse est si dignitate, & ordine tertius est Spiritus, natura quoque ipsum tertium esse, dignitate namque ipsum secundum à Filio, cum ab ipso esse habeat, & omnino ab illa causa dependeat, pietatis ratio tradit: Natura verò tertium, uti neque ex sanctis Scripturis didicimus, neque ex prædictis colligere possibile est. Similiter Epiphanius hæresi 62. Ex eadem, inquit, essentia, ex eadem veritate, ex Patre, & Filio cum Patre, & Filio semper in substantia Spiritus sanctus: Et hæresi 69. Quo, inquit, ostendat Christus Dominus lumen Patrem, & lumen Filium, & lumen Spi-

G g

ri-

ritum sanctum, & fontem ex fonte, ex Patre, & Unigenito Spiritum sanctum, flumina enim ex alve ejus fluent. Subscribit, & Cyrillus Alexandrinus nendum anathematismo nonno, sed, & pluribi, maxime lib. de recta fide ad Reginam, ubi concludit circa finem, Ex Patre procedit Filius per omnia illi æqualis, & similis. Procedit autem per utroque vivificans quoque Spiritus. Et lib. 11. in Joannem cap. 27. Ex ipsa, inquit, substantia Dei Patris prodians (Spiritus sanctus) profusus autem ad sanctos per consubstantiale Verbum, à quo est secundum emissionem ad esse, atque subsistere. Quæ clarius lib. 13. Theauri c. 1. declarat, dicens: Necessè est omnino confiteri Spiritum sanctum ex substantia Patris, & Filii esse: Et cap. 2. Ex Filio autem naturaliter, ac essentialiter Spiritum sanctum sicut ex Patre provenire credimus. Hanc ipsam veritatem egregie explicat Nazianzenus Oratione 37. ubi divinam Trinitatem comparat tribus Personis generis humani, scilicet Patrem Adæ, quia Pater à nulla Persona, ut Adam à nullo homine originem duxit: Filium verò Evæ, quia Eva ex solius Adami substantia processit, ut Filius à solo Patre; Spiritum verò Seth, quia ab Adamo, & Eva ortus est, ut Spiritus sanctus à Patre, & Filio procedit. Missas facio aliorum Patrum Græcorum sententias, quas abundè legere poteris in Concilio Florentino, nec non, & apud S. Thomam Opusculo 1. contra Græcorum errores, cap. 32. Hugonem Ezerianum, Petavium, & innumeros alios tum Recentiores, tum Antiquiores, qui Patres Græcos huic veritati ad stipulari demonstrarunt.

Probatur quartò ex Patribus Latinis.

Primò quidem S. Martialis Epist. 1. ad Burdegalenses cap. 10. ait, *Spiritus sanctus in divina æqualitate glorio-*

sus processit ineffabiliter ab eo, qui genitus & ab eo, qui genitus est: itaque Spiritus Dominus Domini procedens est à Patre, & Verbo. Faver Tertullianus lib. contra Praxeam cap. 8. Tertius, inquit, est Spiritus à Deo, & Filio, sicut tertius à radice, fructus ex fructu, & tertius ex fonte rivus, & flumine, & tertius à Sole apex ex radio.

Similiter Hilarius lib. 8. de Trinitate asserit Spiritum à Filio accipere, idem esse, quod procedere à Filio, sicut accipit, & procedit Filius à Patre. Subscribit Ambrosius lib. de Symbolo c. 3. Spiritus autem sanctus, inquit, verè Spiritus est, procedens quidem à Patre, & Filio, sed non est ipse Filius, quia non generatur, neque Pater, quia procedit ab utroque, non genitus, non ingenus, non factus. At omnium optime, & subtilissimè hanc veritatem edocuit S. Augustinus pluribi, maxime in 4. de Trinitate. Nec possumus, inquit, dicere, quod Spiritus sanctus à Filio non procedat, neque enim frustra idem Spiritus, & Patris, & Filii Spiritus dicitur. Et libro 15. cap. 25. hanc veritatem sæpius inculcat; De utroque autem splendore, inquit, sic docetur, quia ipse Filius ait de Patre procedit: & cum resurrexisset à mortuis, & apparuisset Discipulis suis insufflavit, & ait, ACCIPITE SPIRITUM SANCTUM, ut etiam de se procedere ostenderet. Frustraneum esset alios sanctos Patres Latinos ad hujus veritatem contestandam advocare, sunt enim innumeri, & ad unum omnes in idem dogma conspirant. Quo circa maxime culpandi sunt omnes Græci, quod tot, tantisque divinz veritatis fidissimis Testibus fidem non faciant, quos tamen præ cæteris audiendos clamant Patres quintæ Synodi generalis proficentes ita apertè: Sequimur per omnia sanctos Patres, & Doctores Ecclesiæ, Athanasium, Hilarium, Basilium, Gregorium, Augustinum, Theophilum, Joannem Constanti-

tinopolitanum, Cyrillum, Leonem, Probum; & suscipimus omnia, qua de recta fide, & damnatione haereticorum scripserunt.

Hæc omnia probavit lugenda Ecclesie Orientalis iactura, qui scilicet Deus ipse videtur suum suffragium tulisse pro Latinis: nam à tempore, quo Græci ab eorum communione sese subduxerunt propter similitudines hæc de Processione Spiritus sancti; Græci semper ruerunt in pejus, & illa natio olim, doctrina ad invidiam conspicua, sanctitate ad miraculum celebris, imperio Gentium Domina; hodiè sub dira Turcarum captivitate luget, & sine Rege, sine Principe, sine Achademiiis, & Scholis Barbaricum Saracenorum jugum sustinet, & quod mirum Constantinopolis expugnata, & Græcorum Imperium disturbatum fuit anno 1452. die 28. Maji, juxta celebriores Auctores, in quo die incurrerat Festum Pentecostes Spiritui sancto sacrum, ut verificetur illud, quod Christus dixit Matth. 12. *Qui blasphemiam dixerit in Spiritum sanctum, non remittetur ei, neque in hoc seculo, neque in futuro.*

Probatur ratione Theologica.

A Doctore Subtili in 1. diff. 11. qu. 1. Habens principium perfectum, productivum priusquam intelligatur habere productum, potest illo principio producere, quando scilicet Principium est ita perfectum, quod non dependeat à passivo, nec potest per aliquid impediri: Sed Filius habet voluntatem, quæ est principium productivum amoris adæquati, & habet etiam, ut præintelligatur productio actui voluntatis: Ergo potest ea producere, igitur ea producit. Probat minorem; Generatio, & Spiratio habent aliquem ordinem inter se, ita,

quod aliquo modo generatio est prior spiratione, & in illo priori communicatur genito omnis perfectio divina, quæ sibi non repugnat, & ita voluntas: Ergo habet nunc voluntatem, ut priorem productio per actum voluntatis, quia adhuc non intelligitur productio aliqua facta per modum, vel actum voluntatis.

Confirmatur ex eo, quod si dubitandum esset de influxu Patris, & Filii in productionem Spiritus sancti, potius videretur ambigendum de Patre, quàm de Filio, utpote cum Pater in productione sui Filii jam habeat actionem sibi adæquatam, si rationem naturalem spectes, ipse enim actio productiva Filii est infinita, & consequenter adæquat principium, idcirco videtur non posse cum illa aliam ullam habere saltem adæquatam; propterea videtur, quod non possit amplius per novam actionem infinitam occupari ad novam productionem alterius Personæ: Filius autem nullam productivam actionem habet antecederet ad productionem Spiritus sancti, neque aliam habere potest ad intra, nisi solam spirationem; adeoque si ratio naturalis spectetur, hæc actio spirativa potius ipsi, quàm Patri videretur esse concedenda, si uni tantum divinæ Personæ tribueretur.

Obijciunt Græci primò quidem Scripturam sacram, quæ quoties Spiritus sancti processionem commemorat, toties solius Patris meminit, sic Joan. 15. Cum venerit Paracletus, quem ego mittam vobis à Patre Spiritum veritatis, qui à Patre procedit. Ergo censet à solo Patre ipsum procedere.

Nego consequentiam: Nam ut advertit S. Augustinus lib. 3. contra Maximinum his verbis, non excluditur Filius, sed exprimitur Pater, ut author principalis, quia nempe est principium sine principio, ad quod totum refert, & quod

quod ipsemet habet. Qua ratione dicebat Joannis 7. *Mea doctrina non est mea, sed ejus, qui misit me Patris; Quæ scilicet ponderat August. tractatu 29. in Joannem; Quia, inquit, Verbum non potest esse nullius, sed alicujus, & suam Doctrinam dicit seipsum, & non suam, quia Patris est Verbum. Quid enim tam suum, quam tu, & quid non tam tuum, quam tu si alicujus es, quod es? Itaque Filius divinitus totum, quod est refundit in Patrem, adeoque illam fecunditatem productivam Spiritus sancti, quam à Patre accepit ipsi attribuit. Quod S. Augustinus lib. 15. de Trinit. cap. 17. egregiè explicat, dicens, *Non frustra, inquit, in hac Trinit. non dicitur, de quo procedat principaliter Spiritus sanctus, nisi Deus Pater, ideo autem addidi principaliter, quia, & de Filio Spiritus sanctus procedere reperitur, sed hoc quoque illi Pater dedit.**

*Respondet 2. S. Anselmus lib. de Processione Spiritus sancti, quod asserendo Patrem esse productivum Spiritus sancti, non propterea excludatur Filius, quia affirmatio unius, non est negatio alterius: Imò, inquit, etiamsi diceretur apertè, Nullus producit Spiritum sanctum, nisi Pater; Illa dictio non ideo excluderet Filium; siquidem dictiones exclusivæ additæ uni Personæ divinæ non excludunt alias Personas, nisi prædicatum illis opponatur relativè, ut patet his verbis Matth. 11. *Nemo novit Filium, nisi Pater, neque Patrem quis novit, nisi Filius: Quibus tamen non excluditur Filius à cognitione sui, neque Spiritus sanctus à cognitione utriusque.**

Obijciunt 2. In Concilio Ephesino coram Patribus lectum est Symbolum Nestorianorum, in quo expressè continebatur, quod Spiritus sanctus non procederet à Filio, neque tamen ullus Patrum reclamavit, adeoque videntur huic propositioni omnes consensisse.

Respondeo 1. Argumentum ab auctoritate negativa, quod nullibi mulcè, hic nihil concludere, utpote cum taciurnitas Judicum ad aliud, quam ad istam propositionem detinebatur; De hac enim quæstione processione Spiritus sancti à Filio, tunc noluit Concilium ex professo disputare, quoniam propter aliam convenerat, scilicet de unica Persona Christi Domini, & de Divinitate ejus, quem peperit Virgo Maria. Cæterum satis apertè Concilium suam sententiam significavit, quando probavit Doctrinam Cyrilli, damnavitque contrariam Nestorianorum, & Theodoret.

Obijciunt 3. Varias sanctorum Patrum auctoritates; Primò quidem sancti Dionysii, lib. de divinis nominibus cap. 2. ubi ait, Solus fons substantialis Deitatis est Pater: Secundò Nazianzenus Orat. 14 ubi ait, Omnia, quæ habet Pater, habet etiam Filius excepta causa: Vel ut vertunt alii, Excepta causalitate: Ergo Filius non habet à Patre, ut sit causa, seu principium Spiritus sancti. Tertiò Basilii Epist. 43. ad Gregorium Nyssenum, ubi ait, Nulla secundum propriam notionem communionem habet Filius cum Patre: At si Filius spiraret, haberet spirationem activam tanquam notionem communem cum Patre: Ergo &c. Denique proferunt Damascenum lib. 1. de fide cap. 7. & 8. ubi ait, Spiritus sanctus à Patre procedit, & in Filio quiescit: Et paulo infra, Spiritum sanctum dicimus ex Patre, ex Filio non dicimus: Et iterum: Spiritus sanctus ex Patre quidem est, non autem ex Filio: Ergo revera Spiritus sanctus non procedit à Filio.

Nego consequentiam, & ad S. Dionysium dico; Idcirco eum appellare Patrem fontem super substantiallem; quia solus est principium sine principio; Filius verò est, veluti fluvius ab ipso fonte emanans, à quo sicut, & à fonte deri-

vatur stagnum, nempe Spiritus sanctus. Quo sensu etiam Epiphanius hæresi 69. appellat Filium *fontem ex fonte*. Ad *Naxianenum* dico ipsum loqui de causalitate, quæ Pater, & Filius mutuo referuntur, non vetò, quæ Spiritum sanctum respiciunt. Ad *Basilium*, respondeo ipsum ibi loqui non de omni notione harum duarum Personarum, sed de propria uniuscujusque, scilicet de Paternitate, & Filiatione secundum quas nullam omnino communionem habent; Patri enim soli convenit Paternitas, & Innascibilitas, sicut soli Filio propria est Filiatio. Denique ad *Damascenum* dico, quod quamvis S. Thomas 1. p. qu. 36. art. 2. ad 3. respondeat, *Plures ex Græcis in hoc fuisse sequutos Theodoretum Nestorianum, inter quos fuit etiam Damascenus*: Nihilominus benignè interpretari potest, ut eum Bessarion exposuit oratio pro unione cap. 6. nempe quod Damascenus non negaverit absolutè Spiritum sanctum à Filio procedere: sed tantum dissentisse à Catholicis in modo loquendi, putans esse tutius dicere *per Filium*, quàm *ex Filio*, videbatur, enim ei propositio *ex*, denotare primam causam non procedentem ex alia causa, cujus contrarium denotabat propositio *per*, quæ haud dubiè vinctam causalem habet.

A P P E N D I X.

De additione particula Filioque ad Symbolum Nicanum.

CERTO certius est additionem particulæ *Filioque* ad Symbolum Nicanum istum fuisse, qui duo Mariæ nedom semi-orbes terræ, sed, & utramque Ecclesiam Orientalem, & Occidentalem divisit, & Græcis ansam præbuit sese ab unione, & obedientia Romanæ Ecclesiæ subducendi. Ita

enim Græcorum Orator Marcus Ephesinus in Concilio Florentino cum professus esset illam Symbolo factam additionem, neque veram, neque convenientem fuisse, subdidit. *Quam sanè constat nostrum schismatis, ac dissidii præcipuam causam fuisse*; Et infra, *Romana Ecclesiæ dogma sibi proprium sinxerat, idque propterea solvenda amicitia nostra causam, simultatumque nostrarum initium dubio procul fuisse constat*; Unde Photius, qui censetur Schisma incepisse in Epistola Encyclica ad Patriarchales sedes Orientis, suo à Romana Ecclesiâ discessui, hanc causam principem prætexuit, *Quæ est, inquit, malorum summa, & apex, sacrum etiam Symbolum, quod ab omnibus Synodicis, & Oecumenicis calculis vim habet irrefragabilem, & auctoritatem, spurium, & falsis quibusdam disputationibus . . . Adulterare non dubitarunt (Latini) Spiritum sanctum non ex Patre solo, sed ex Filio procedere non videri docentes*.

Orta autem est hac Tragædia, quòd in Conciliis Ephesino, & Chalcedonensi Patres statuerint nulli licet tradere aliam fidem à Nicæna, contrarium audentes anathemate videntur præstringit; at verò in Symbolo Nicæno non habetur hæc particula *Filioque*, nec quidquam æquivalens; adeoque jam videbantur Latini incurrisse censuram ab Ephesino Concilio vibratam. Itaque duo præcipuè hæc in Appendice sunt statuenda, nempe quod illa additio legitima fuerit, & inquirendum tempus, quò primò fuerit facta.

Primum, affirmat Patres tam Græci, quàm Latini in Florentino Concilio, omnes enim subscripserunt Litteris unionis omnium nomine ab Eugenio quarto editis, in quibus inter cætera hæc leguntur, *Definimus explanationem verborum illorum Filioque, veritatis declaranda gratiâ, & imminente*.

INNC

Iunc necessitate licitè, ac rationabiliter Symbolo fuisse additam. Unde jam non est hujus veritatis relictus ambigendi locus. Verùm ad ampliorem persuasionem, sic urgeo. Additio forer illicita, vel quia falsum enunniat, vel quia Symbolo Nicæno, præter leges sancitas à Conciliis Ephesino, & Chalcedonenſi facta est; vel denique quia fuit edita absque consensu utriusque Ecclesiæ Orientalis, & Occidentalis: At neutrum horum obstat.

Non quidem primum, ex dictis namque liquet Spiritum sanctum reverà à Patre, Filioque procedere; adeoque particula hanc Veritatem enuntians, nullam falsitatem reolet.

*Non etiam secundum; Aliàs in primis culpandi essent illimet Græci, qui toties sua Symbola post Nicænum editum mutaverunt; nam Marcus Ephesinus, qui Græcorum partes omnium obstinatissimè tuebatur in Concilio Florentino, fateretur circa finem illius, quod Inter primum Concilium, à quo divinum illud Nicænum Symbolum fuerat editum, ac secundum, non parum sanè temporis intercesserat, in quo quidem temporis intervallo ferè triginta alia Symbola à particularibus, ac privatis Conciliis prodita fuere. Deinde damnandi essent, & suo fulmine percutiendi Patres Ephesini, Constantinopolitani, & Chalcedonenſis Concilii; Nam si, ut volunt Græci, Symbolo Nicæno ne Verbum quidem addere licet, cur itaque ipsimet plura addiderunt? Etenim, ut objectum fuit Græcis in Concilio Florentino, particulæ *Cæli, & Terra* habentur in Symbolo Constantinopolitano, quæ in Ephesino, & Nicæno non legitur: Similiter *ex substantia*, habetur in Nicæno; in Ephesino verò, & Constantinopolitano non habetur: Item *ex Maria Virgine* est in Constantinopolitano, non autem in Ephesino, & Nicæno: Insuper constat in*

Symbolo Nicæno de Spiritu sancto non plura fuisse pronuntiata, quàm illud, & in *Spiritu sanctum*; Postea verò à Patribus Concilii Constantinopolitani addita fuerunt illa verba, *Dominum vivificantem, qui ex Patre procedit*; De quibus tamen Græci non conqueruntur: Ergo immeritò etiam queruntur de additione particulæ *Filioque*. Denique par non habet imperium in parem; neque potest quispiam ligare manus suo successoribus; adeoque non potuit prohibere Ephesinum, & Chalcedonenſe Concilium, ne futura Concilia, darà opportunitate, & urgente necessitate, novam Symboli explicationem, & additionem traderent; Liberum enim est successoribus utpote æqualibus alio modo, & aliis verbis fidem explicare, modò nihil contra rectam fidem addere velint, aut detrahere.

Non denique tertium: Siquidem, ut demonstrarunt Latini in Concilio Florentino, additio illa *Filioque* à Græcis priusquàm à Romana Ecclesia universaliter probata est, nempe in 7. Synodo generali, quæ tota ferè fuit Patrum Græcorum. Adde, quod sicut ipsimet Græci datis opportunitatibus, plura Concilia celebrarunt nullo præſente Patre Ecclesiæ Latinæ, in quibus nonnulla de fide determinarunt, hæresesque proscripserunt, & Symbola condiderunt; Quidni pariter Latini Patres hanc additionem *Filioque* explicandæ scilicet fidei gratiâ Symbolo potuerunt adicere? Insuper Romana Ecclesia ad convocandas cæteras nequaquam obstricta est, præsertim cum veteres multæ Synodi diverso Patrum numero celebratæ fuerint, & approbatæ absentibus, quandoque Latinis Patribus.

SECUNDUM DUUM, nempe quo tempore hæc additio facta fuerit, nondum est sufficienter exploratum; quidam enim

enim voluit illam additionem factam à Concilio Romano sub Damaso, quod hac ratione deducit Stanislaus Socolovius in cap. 1. annotationis censuræ Orientalis Ecclesiæ factæ per Hieremiam Patriarcham Constantinopolitanum, ubi ait, quod cum Patres Ecclesiæ Orientalis Constantinopoli congregatos Damascus evocasset Romam, ut ibi cum Latinis Concilium universale celebrarent, cumque propter varia incommoda illud procedere non liceret, suam fidem ad Concilium Romanum miserunt, quam probabit Damascus cum Concilio Romano addita solum particula illa *Filioque* Symbolo fidei in eo Concilio edito ad maiorem explicationem Symboli Nicæni; quod iterum Constantinopolitani Patres confirmarunt. Hoc autem probat ex Epistola Concilii ad Damascum, & ex Symbolo Damasi, quod habetur apud Hieronymum, ubi addita est prædicta particula.

Verum hæc sententia parum constat: Tum quia in præfata Epistola Concilii Constantinopolitani, ne verbum quidem de additione particulæ *Filioque*: Tum quia inter decreta illius Concilii Romani, quæ habentur in 9. libro Tripartitæ historiæ cap. 16. nihil de processione Spiritus sancti à Filio decernitur, sed Canone 16. tantum damnatur, qui negaverit Spiritum sanctum esse à Patre: Quod verò ex Symbolo Damasi profertur parum juvat: Tum quia non constat, an Symbolum illud sit reverà Damasi. Insuper longè diversum est à Nicæno, & Constantinopolitano: Hic autem non movetur quæstio, ubi hæc veritas primum fuerit definita, sed ubi primum addita fuerit particula *Filioque* Symbolo Nicæno, quod in Ecclesia decantatur.

Suspiciari quis posset sine fundamento factam fuisse hanc additionem

per Patres Concilii Toletani primi celebrati anno Christi 400. nam in Confessione fidei, quam Idatius Lemovicensis indicat in hac Synodo fuisse editam legimus, *Spiritum quoque esse Patrem, qui nec Pater sit ipse, nec Filius, sed à Patre, Filioque procedens*. Quod iterum constanter affirmatur in tertia Synodo Toletana. Verum cum illa fidei Confessio longè diversa sit à Symbolo Nicæno, quod in Ecclesia cantatur, inde concludere non licet ex tunc hanc particulam *Filioque* additam fuisse Symbolo, de quo conquerebantur Græci. Quocirca,

Satis dicendum arbitror hanc additionem factam fuisse à quibusdam Ecclesiis particularibus circa annum Christi 610. & inde ab aliis fuisse usurpatam approbante summo Pontifice. Quod inde colligo primò ex verbis Andreæ Theologi, nomine Latinorum in Florentino Concilio sessione 7. dicentis, *Maximo in Gallia, & in Hispaniis Schismate imminente, cum jam ex Filioque passim celebraretur, Romano Pontifici fuit necesse in multorum Occidentalium ampla dignitatis, magnæque Concilii Patrum conventu addito, ex Filioque, Symbolum magis illustrare*.

Deinde in Concilio Toletano 8. anno 653. recitatur idem Symbolum Nicænum cum hoc additamento, *Credimus, & in Spiritum sanctum vivificantem ex Patre, & Filio procedentem cum Patre, & Filio adorandum, & glorificandum*.

Denique huius veritatis indicium est, quod in Synodo Gentiliacensi agitata est quæstio inter Græcos, & Latinos de præsentì controverfia, & quod caput est, in 7. Synodo generali actione 7. Symbolum cum hac additione recitatur; adeoque rei licet hanc additionem priùs fuisse factam.

Dices: Magister sententiarum lib. 1. dist. 11.

dist. 11. cap. 2. asserit, *Leonem Tertium*, qui sedit circiter anno 796. dedisse repulsam Oratoribus Caroli Magni, pententibus ejus nomine, ætque etiam Conciliis Aquis-Grani additionem, ac celebrationem particulæ *Filioque* in Missa: Ergo signum est hanc additionem nondum ab Ecclesia Romana fuisse probatam; cur enim Leonem pigeret hoc concedere, si tot annis ante fuisset approbatum, & concessum à suis prædecessoribus? Renuit tamen, nam, ut refert Baronius tom. 9. ad annum 809. Præfatis Oratoribus respondit, *Si priusquam ita cantaretur interrogatus essem, ne inferretur utique respondissem*: Et statim suum Concilium, suamque sententiam confirmandi subdit, *Numquid magis salutare est credere, periculosumve non credere Spiritum sanctum à Filio, sicut à Patre procedere, quam Filium Sapientiam Deum à Sapientia Deo; veritatem Deum à veritate Deo genitum esse; & tamen utrumque unam sapientiam, unam veritatem essentialiter Deum esse; quum tamen id à sanctis Patribus eidem Symbolo constet non additum esse*.

Insuper affirmat idem Magister sententiarum, quod Pontifex statim à recessu prædictorum Oratorum, curaverit Symbolum Constantinopolitanum exarari duabus tabulis argenteis, in una quidem Latine in altera Græcè, utroque sine additamento illo *Filioque*: Ergo consequens est, quod in illo ipso tempore hæc additio nondum erat legitime facta, nec ab Ecclesia Romana probata.

Respondeo: Merito quidem hæc præstis Leonem Tertium, quoniam fortè illo ipso tempore nondum hæc additio legebatur ab Ecclesia Romana in sacrificio Missæ, licet in aliquibus Ecclesiis particularibus mos invaluerit hanc particulam *Filioque* pridem Symbolo Constantinopolitano

additam inter Missarum solemnia recitandi: non tamen propterea additionem damnavit, sed quod in Missa cantaretur absque prævia ordinatione Romanæ Ecclesiæ non probavit.

Nec refert, quod iste curaverit Symbolum, ita exarari sine præfata particula: id enim fecit, ut salvaretur memoria integri Symboli Constantinopolitani, quæ poterat obliterari nova explicatione Symboli; utque constaret nihil contrarium antiquitati doceri; sed integram retineri fidem antiquam, solis explicationibus denuò positis.

QUÆSTIO SECUNDA.

Utrum Spiritus sanctus distingueretur realiter à Filio, si ab ipso non procederet?

NOTANDUM I. Ex Doctore in 1. distinct. 11. quæst. 2. num. 2. Godfredum quodlib. 7. quæst. 4. quæstionem hanc inutilem judicasse, & solutionis indignam, propterea quod supponat impossibile, nempe Filium non procedere à Spiritu sancto; talis autem suppositio non videtur admittenda à respondente, quia exinde redargui posset, & adigi ad concedenda, contradictoria, quod maxime respondentem urgeret, & in errorem induceret. Verum cæteri omnes Scholastici tanti fecerunt eam quæstionem, ut acuratas, & subtiles in ejus resolutione disputationes texuerint; nec fuit cassus eorum labor: Sicut enim utiliter similes aliæ quæstiones agitantur in Scholis, putà an si Deus non esset murabilis, foret æternus? An si homo non esset risibilis, esset distinctus ab equo? Prima quidem ad investigandum, an immutabilitas sit formalis ratio æternitatis; Secunda ad cognoscendum formale principium constituents

tuens hominem, & eum à brutis distinguens, tamen istæ suppositiones sunt impossibiles; ita pariter quamvis suppositio à nobis facta sit impossibilis; quia tamen maximè conducit ad percipiendam rationem formalem distinctionis Filii à Spiritu sancto, idcirco, nec superflua, nec implicans censeri debet. Adde quod S. August. lib. de Trinitate cap. 6. similem hypotheseos impossibilem admittit, docens, quod *Si Pater Filium non genuisset, nihil prohiberet eum dici ingenuitum*: Certum est enim, quod Patrem non genere Filium, sit omnino impossibile; attamen ex hac suppositione impossibili rectè concludit sanctus Augustinus, quod etiam in divinis Persona non esset generans, non minus foret ingenuita.

Notandum 2. Ex eodem Doctore ibidem: Propositiones illativas esse duplicis generis, alix namque inferuntur per prædicatum primò intrinsecum; alix verò per locum extrinsecum. Prioris generis sunt, ex quibus per locum intrinsecum, & consequentia essentiali unum sequitur ex alio; ut ex hac *homo est*, intrinsecè sequitur ista: Ergo *est rationalis*; quia rationale est prædicatum intrinsecum, & essentiali homini. Posterioris generis sunt, quæ consequentiâ tantum veluti accidentali inferuntur ex altero, necessario tamen; sic ex hac *homo est*, sequitur tantum extrinsecè licet necessario: Ergo *risibilis est*; quia risibilitas non est de primaria intrinseca, & essentiali ratione hominis, sed est quid extrinsecum constitutioni ejus essentiali. In prioribus suppositionibus hypotheticis, certum est, quod sublato posteriori, sequitur per locum intrinsecum ablatio prioris, v.g. *Si Petrus non esset rationalis, consequentiâ intrinsecè sequeretur ipsum non fore humanum*: In posterioribus verò quantumcumque

removeatur posterius, non sequitur per locum intrinsecum ablatio prioris, v.g. in hac hypothese, *Si homo non esset risibilis*, non sequitur per locum intrinsecum, *non fore humanum*, quia sublata risibilitate, adhuc remanent intrinseca, & essentialia principia constitutiva hominis, nempe animal, & rationale. Unde ad propositum, hæc propositio *Filius est Spirator*, dicitur esse posterioris generis respectu constitutionis Filii, & per consequens respectu distinctionis ejus à quovis alio, quia sublata Spirazione activa, adhuc remanet adæquatum principium constitutivum Filii, nempe essentia, & Filiatio.

Notandum 3. Huic quæstioni ansam præbuisse Angelicum Doctorem 1. p. quæst. 36. art. 2. Ut enim probaret adversus Græcos, Spiritum sanctum reverà à Filio procedere, hac præsertim ratione usus est, nimirum quia Spiritus sanctus non distingueretur realiter à Filio, si reverà ab ipso non procederet. Quam rationem expendens Doctor quæst. laudatâ, illam esse infirmam demonstrat, utpote cum Spiritus sanctus realiter à Filio non minus distingueretur etiam si reverà ab ipso non procederet: Dux namque in Filio distinguendæ sunt relationes, nempe *Filiatio*, & *Spiratio activa* formaliter, aut saltem modaliter invicem distinctæ, quarum prior Filius constituitur, nedum in ratione Filii divini, sed, & in ratione Personæ divinæ omnimodè completæ, & perfectæ: Posterior autem velut ex priora resultat, eamque supponit; adeoque supponit etiam Personam Filii omnimodè completam, & à qualibet alia Persona distinctam: quod ut pateat evidentiùs, sit

CONCLUSIO UNICA.

ET si per impossibile Spiritus sanctus non procederet à Filio, reverà tamen ab eo distingueretur realiter. Hæc est Doctoris, & omnium ejus Discipulorum, & colligitur

Primò quidem ex sanctis Patribus, docentibus Spiritum sanctum distinguì à Filio, non præcisè, quod ab eo procedat, sed quia ipsius emanatio est alterius rationis ab emanatione Filii, sic S. Augustinus lib. 5. de Trinitate cap. 14. proferens rationem, ob quam Spiritus sanctus non sit Filius, ait, *Exit enim non quomodo natus, sed quomodo datus, & ideo non dicitur Filius, quia nec natus est sicut Unigenitus*. Favet etiam Gregorius Nyssenus laudatus à Bessarione in Oratione pro unione ex lib. 1. in Evangelia, nondum Latine edito; ubi inter alia hæc habet, *Spiritus Patri conjunctus est, & secundum quod uterque increatus, & secundum quod uterque ex primo principio suam substantiam habet conjunctus; distinguitur sua proprietate, quæ est quod, nec Unigenitus, ex Patre productus est, & quod per ipsum Filius sit manifestus*. Quibus apertam assignat rationem distinctionis Patris à Spiritu sancto, non ex spiratione, sed ex proprietate eorum constitutiva. Idem dicendum de Filio; atque adeo non est vera eorum doctrina, qui distinctionem Spiritus sancti à Patre, & Filio ex sola spiratione activa, & passiva repetunt.

Subscribit apertè Anselmus Tractatu contra Græcos de processione Spiritus sancti capite 2. ubi ait: *Quoniam Filius existit de Deo nascendo, & Spiritus procedendo, ipsa diversitate natiuitatis, & processione referuntur ad invicem, ut diversi, & alii ab invicem*. Rursus ibidem, *Filius autem (ut interim aliam taceam causam, quoniam nondum constat, quod Spiritus sanctus de ipso sit, & procedat) ideo non est Spiritus sanctus; nec*

Spiritus sanctus est Filius, quia Filius nascendo habet esse de Patre, Spiritus sanctus autem non nascendo, sed procedendo. Quam rationem sic urget c. 3. Alii sunt ab invicem per hoc, quod dictum est, ut puta, quia alter nascitur, alter verò procedit; & ideo cum nascitur unus non potest cum eo nasci ille, qui per hoc est alius ab eo, quia non similiter nascitur, sed procedit; & cum unus procedit, nequit ille simul procedere, qui per hoc est alius ab illo, quia non similiter procedit, sed nascitur. Unde cap. 4. concludit, Si per aliud non essent plures Filii, & Spiritus sanctus, per hoc solum essent diversi, scilicet quia alter nascendo, alter existit procedendo. Quibus certè clarissimè, & subtilissimè nostram sententiam comprobatur. Unde Urbanus Pontifex, qui in Concilio Barensi sancti Anselmi doctrinam cum universo Patrum cœtu, & applausu probavit, nonne similiter Scoti doctrinam ex tunc definitivè videret?

Sed quod caput est, hanc ipsammet sententiam approbat Doctor Angelicus quodlib. 4. artic. 3. ubi docet rem distinguì per suam formam non solum ab opposita, sed à disparata, & exemplum ponit de saphiro, quem dicit per suam formam distinguì non solum ab aliis lapidibus, sed à plantis: Unde concludit: *Sic ergo dicendum, quod Filius sua Filiatione distinguitur quidem à Patre secundum oppositionem relativam Filiationis ad Paternitatem; sed à Spiritu sancto distinguitur Filiatione, per quod Spiritus sanctus non habet Filiationem, quàm Filius habet: Ergo reverà censet Filium per Filiationem, non verò præcisè per spirationem, activam distinguì à Spiritu sancto; adeoque etiam per impossibile sublatà spiratione activà à Filio, non minus ab eo realiter distingueretur per Filiationem.*

PROBAT DOCTOR CONCLUSIONEM PRIMAM

modò, Eodem principio, quo res constituitur etiam à quocumque alio distinguitur; quia, inquit, eodem est aliquid ens, & unum unitate conveniente tali entitati: quod autem in se unum est, etiam distinctum est à quolibet alio; adeoque principium rei constitutivum est etiam ejusdem distinctivum; unde homo distinguitur per animalitatem, per quam constituitur in esse animalis, à quocumque non habente animalitatem; & per rationalitatem, quā constituitur in esse hominis distinguitur ab eo omni, quod non est homo: sed Filius divinus constituitur in esse Personali per Filiationem: Ergo etiam per Filiationem distinguitur ab ea omni Persona, in qua non est illa divina Filiatio. At in hypothese, qua Spiritus S. non procederet à Filio, non propterea includeret realiter Filiationem: Ergo in eo casu non minùs realiter distingueretur à Filio. Probatur subsumptum, in quo solum videtur esse difficulas. Spiritus sanctus ex sua ratione intrinseca debet produci per voluntatem: sed quod producit per voluntatem non potest esse Filius; siquidem Filius divinus produci debet in ratione Filii per facultatem assimilativam ex ratione sua formali, qualis solus est intellectus: quod autem producit per intellectum produci nequit per voluntatem, & vice-versa: Ergo Spiritus sanctus productus per voluntatem produci nequit per intellectum, alias idem produceretur duplici productione totali, quod implicat; adeoque in nullo casu potest esse Filius, & consequenter in omni casu necessario distinguitur realiter à Filio.

Confirmatur: Distinctio Personalis est à forma, & proprietate Personali: sed sola Filiatio est proprietas Personalis in secunda Persona: Filius enim non constituitur in esse Personali à

spiratione activa, quia eam habet communem cum Patre: Ergo per solam Filiationem, non verò per Spirationem activam distinguitur personaliter à Spiritu sancto. *Deinde* Filiatio ratione sui est incommunicabilis realiter Spiritui sancto, aliàs non esset proprietas Personalis: Ergo ratione sui Filium distinguit realiter à Spiritu sancto. *Denique* Filius distinguitur realiter à Spiritu sancto, per id, quò formaliter constituitur in esse Filii: At non constituitur in esse, & ratione Filii per Spirationem activam; aliàs etiam Pater dicendus esset Filius, siquidem etiam Pater habet illam Spirationem activam; sed ita constituitur per Filiationem: Ergo etiam per eam à Spiritu sancto distinguitur.

PROBAT 2. Unum, & idem non potest accipere esse duabus productionibus totalibus, & adæquatis: Sed Generatio passiva, & Spiratio passiva si essent à solo Patre, fierent per duas productiones totales, & adæquatas: Ergo etiam in eo casu non essent unum, & idem realiter; adeoque essent realiter distinctæ. *Major* patet, Aliàs enim neutra earum productionum foret adæquata si alterius consortium admitteret ad producendū effectum. *Minor* probatur, Productio per intellectum in divinis, & productio per voluntatem sunt duæ productiones adæquatæ, qualibet enim earum facultatum cum essentia divina est potens ad producendum terminum infinitum: sed Generatio passiva, seu Filiatio etiam in eo casu fieret per intellectum, & Spiratio passiva per voluntatem: Ergo utraque fieret per productionem adæquatam, adeoque non potest esse unum, & idem.

Confirmatur: Filiatio, & Spiratio passiva ex ratione sua intrinseca distinguuntur realiter: Ergo quamquam à solo Patre procederent, non minùs

forent realiter distinctæ. Probatut antecedens: Si ita non distinguerentur, possent ex ratione sua formali in eandem Personam coincidere: at hoc falsum est. Probatut, Quia si coinciderent in eandem Personam, sequeretur, quod illa Persona haberet esse per duas productiones adæquatas, quarum quælibet ipsam adæquatè produceret. Probatut: Nam Filiatio producitur per intellectum, & Spiratio passiva per voluntatem: sed utraque facultas est infinitè productiva, adeoque productiva termini infiniti seorsum, quia utraque seorsum, & non tantum conjunctim est infinita: sed facultas ex se productiva termini infiniti, est productiva adæquatè, & totaliter; Ergo si Filiatio, & Spiratio passiva in eandem Personam coinciderent, sequeretur eam produci duabus productionibus totalibus, & adæquatis; quod cum implicet, etiam implicar unam, eandemque Personam fore simul Filium, & Spiritum sanctum: Ergo quamvis Spiritus sanctus non procederet à Filio, non idcirco sequeretur eum esse eundem realiter cum Filio.

PROBAT 3. Si per impossibile Pater non spiraret, nec produceret Spiritum sanctum, sed solus Filius, adhuc tamen à Filio, & Spiritu sancto distingueretur realiter per Paternitatem, quæ non esset in Filio, nec in Spiritu sancto: Ergo similiter si Filius non spiraret, adhuc distingueretur à Spiritu sancto per Filiationem, quæ constituitur in esse personæ, & quæ non reperitur in Patre, nec in Spiritu sancto: Patet consequentia à paritate rationis.

Confirmatur: Spiratio passiva nunc, & de facto non identificatur Paternitati: Ergo, nec tunc, & in præfata hypothese identificaretur Filiationi, sive generationi passivæ. Patet antecedens,

quia Paternitas, & Spiratio passiva constituunt duas Personas distinctas, nempe Patrem, & Spiritum sanctum. Consequentia probatur. Idcirco Paternitas non identificatur modò spirationi passivæ, quia sunt relationes disparatæ, & personales: At in casu proposito etiam Spiratio passiva, & Filiatio essent relationales personales, & disparatæ: Ergo, quæ ratio suadet non esse nunc identificationem prioris, eadem suadet, neque tunc fore identificationem posterioris. *Minor* patet à paritate rationis. Probatut *Major:* Idcirco Paternitas non identificatur modò spirationi passivæ, vel quia est ipsi opposita relativè, vel quia est ipsi relatio disparata: Non primum, Paternitas enim soli Filiationi relativè opponitur, quia soli Filiationi est correlativa, non verò spirationi passivæ: Prima namque Persona ad suum Filium, non autem ad Spiritum sanctum per Paternitatem refertur: Ergo non alia ratione Paternitas non identificatur realiter spirationi passivæ, quàm quia est relatio ipsi disparata.

Reponunt aliqui Thomistæ: Idcirco Paternitatem distingui à spiratione passiva, non quia est ipsi disparata; sed quia identificatur omnimodè cum spiratione activa, quæ correlativè opponitur spirationi passivæ. Verùm hujus replicæ falsitas apertè constat, etenim si hoc sufficiat, spiratio activa non poterit esse in Filio; at consequens est falsum, adeoque etiam id unde sequitur.

Reponunt alii idcirco Paternitatem distingui à spiratione passiva, quia est in Persona, quæ ratione spirationis activæ, seu Personæ spirantis, distinguitur à spiratione passiva, seu spirata Persona.

Contra 1. Si hæc replica subsisteret, sequeretur, quod quidquid est in Patre

tre spirante distingueretur realiter à Spiritu sancto: At hoc est falsum: siquidem eadem essentia, quæ est in Patre, est etiam in Spiritu sancto. Deinde, quod Spiratio activa distinguatur à passiva realiter, solum efficit, quod concretum *Spirans* à spirato realiter etiam distinguatur: At Paternitas non est formaliter aliquid hujus concreti; concretum enim *Spirans* duo tantum dicit, scilicet essentiam, & relationem spirationis activæ; Paternitas autem neutrum horum est: Siquidem Paternitas cum essentia facit, ut generans sit Pater, & ad solum Filium in ratione generantis, & Patris referatur: Ergo Paternitas nihil conducit ad rationem spirantis.

Denique principium spirativum idem est in Patre, & Filio; at verò Paternitas non est eadem in utroque: Ergo Paternitas non est aliquid hujus principii, adeoque formaliter nihil conducit ad formalem rationem spirantis.

Obijciunt 1. Thomistæ autoritatem Conciliorum: *Primo* quidem Concilii Toletani 1. in Confessione fidei, *Credimus in Spiritum sanctum, qui nec Pater, nec Filius, eo quod à Patre, Filioque procedat.* Sed in casu nostro non procederet à Filio: Ergo in eo casu non esset distinctus à Filio. *Secundo*, Toletani 11. *Hoc solo numerum insinuant, quod ad invicem sunt, & in hoc numero carent, quod ad se sunt:* Sed non sunt ad invicem, nisi secundum relationes originis: Ergo ubi non essent illæ relationes, (ut non forent in nostro casu) etiam non esset Personarum numerus, & distinctio. *Tertio* Concilii Florentini sess. ultima, *Nam credentes Spiritum sanctum ex Filio nequaquam procedere; necesse est, ut intelligant Spiritum sanctum ex solo Patre procedere, ac consequenter eum esse Filium.*

Confirmatur per verba sequentia,

Qui proferunt Spiritum sanctum distinguunt à Filio, & cum hoc procedere à solo Patre, substantiam ab hypostasi separant, & partitionem imaginantur divina substantia. Urgetur ex sess. 18. ubi legimus, *Secundum omnes Doctores, tam Græcos, quàm Latinos sola processionum differentia, quæ principaliter dicitur, multiplicat Personas in divinis, ad quam sola accommodantur, qui est ab alio, & à quo est alius, &c.* Quæ verba proferuntur à Latinorum Theologo, ut evinceret, quod cum Græci admittant Spiritum sanctum à Filio distinguui realiter; etiam debent admittere, quod ab eo procedat: Ergo casu, in quo ita non procederet ab eo non distingueretur.

Respondeo ad primum. Verba Concilii non fideliter referri, siquidem non habetur particula causalis *eo quod*, sed absolute dicitur, *Qui nec Pater sit ipse, nec Filius, sed à Patre, Filioque procedens*, quod ultro fatemur.

Ad secundum, dico Concilium nihil aliud velle, quàm quod Personæ divinae sint reverà plures ratione relationum, non verò ratione essentiae, & absolutorum, ita quod plures sint, quia relativæ sunt, sive interim relationes illæ sint oppositæ, sive tantum disparatæ: Unde illud *AD INVICEM* non debet intelligi determinatè, & formaliter de relatione opposita, sed de relatione, ut sic; & quatenus præscindit ab opposita, & disparata; Concilium enim ibi opponit *ESSE AD INVICEM*, seu relativum, modo essendi *AD SE*, seu absolute: At hæc divisio, & oppositio non foret adæquata, si sub priori membro comprehenderet solum relationes oppositas, non verò etiam disparatas; hæc namque non possunt sub posteriori membro comprehendi, quia non sunt ad se: Ergo hæc autoritas nobis non officit.

Ad Concilium Florentinum dico, duos priores textus mala fide referri, nam in

in priori Concilium non habet *eum esse Filium*, imò contradictorium, nempe *eum non esse Filium*. Ut patet in omnibus exemplaribus hætenus editis. Nec verum est, quod reponunt aliqui, nempe quod si ponatur particula *non*, nullus erit sermonis sensus: nam sensus clarus est Græcos dicentes Spiritum sanctum non procedere à Filio, sed à solo Patre; necessario nihilominus admittere, quod non sit Filius, ne contradicant mysterio Trinitatis: Unde illud *consequenter* non ibi habet vim illationis, quasi ex eo, quod Græci admittant Spiritum procedere à solo Patre, consequens esset secundum eos, quod Spiritus sanctus non sit Filius, hæc enim esset inepta illatio, sed hæc particula idem significat. ac *sequens* seu *ulterius*, aut *præterea*. Pariter in secundo textu, non legitur illud, *Distingui à Filio*: Sed, *qui proferunt Spiritum sanctum, ex sola Patris Persona procedere, hi procul dubio re substantiam ab hypostasi separant, &c.* Quæ verba nobis non adversantur.

Ad posteriorem textum dico, Concilium loqui de facto, nempe, quod nunc aperta magis ratio distinctionis unius Personæ ab alia sit, quia procedit, & refertur: Inde tamen non est inferendum, quod non suppetat alia ratio distinctionis, si talis non adesset unius ab alia processio.

Obijciunt 2. Ex Boëtio libro 1. de Trinitate cap. 22. *Essentia continet unitatem; relatio vero multiplicat Trinitatem*: Ergo nulla Persona distinguitur ab alia, nisi quæ refertur ad illam. Insuper ex S. Anselmo libro de Process. Spiritus sancti cap. 3. *Unitas non amittit suam consequentiam, ubi non obviat aliqua relationis oppositio*, ex quo vulgatum axioma, *Omnia in divinis sunt idem, ubi non obviat relationis oppositio*.

Denique S. Augustinus libro 2. de

de Civit. cap. 10. *Ideo simplex Deus; quoniam quod habet, hoc est, excepto eo, quod relativè quæque Persona ad alteram dicitur, sicut Pater habet Filium, & non est Filius*: Ergo si Spiritus sanctus non procederet à Filio esset Filius, quia tunc relativè non diceretur ad illum.

Respondeo ad 1. negando consequentiam, aliud enim est, quod Persona distinguitur solum ab illa, ad quam refertur; & aliud, quod nulla Persona distinguitur, nisi habeat relationem, per quam distinguitur: In eo autem casu Filius etiam haberet Filiationem, quā constitueretur, & distingueretur ab aliis Personis.

Adde, quid etiam per Filiationem in eo casu referretur ad Spiritum sanctum, non quidem per modum producentis, aut producti, sed per modum distincti realiter ad illud, à quo distinguitur.

Ad secundum dico, S. Anselmum admittere etiam oppositionem relationum inter relationes disparatas: Nam eodem capite paulò ante verba in objectione laudata dicit illam oppositionem relationis esse oppositionem *Nativitatis, & Processionis*, quæ ut constat, non est relativa, sed disparata: Unde etiam signanter non dixit omnia in divinis esse unum, ubi non obviat relativa, sed relationis oppositio; quæ scilicet opposito, tam relativam, quam disparatam complectitur: Adde, quod ipsemet nostram conclusionem aperte pugnet, ut dictum est.

Ad tertium Doctor negat consequentiam, non enim S. Augustinus vult, quod quælibet Persona esset alia, ad quam non haberet correlationem: Sed tantum, quod habeat quidquid habet alia præter relationem ejus Personalem. In casu autem nostro Spiritus sanctus non haberet Filiationem, nec Filius Spirationem passivam: Ergo non

non essent unica Persona, sed duz realiter invicem distinctæ .

Obijciunt 3. Si relatio Filiationis esset sufficiens ratio distinguendi Filium realiter à Spiritu sancto in casu proposito, aut hoc faceret secundum quidditatem, & formalitatem suam, aut secundum esse reale, & entitativum: Non secundum, quia ut sic idem est, quod Essentia divina: Ergo primum. Sed relatio, ut relatio est, formaliter tantum respicit oppositum: Ergo tantum distinguit, ut est correlatio: At in casu proposito non essent in Filio, & Spiritu sancto correlationes, seu relationes oppositæ: Ergo Filius non distingueretur à Spiritu S.

Distinguo minorem. Respicit oppositum relativè, nego: disparatè, concedo: Ad subsumptum, in illo casu non essent relationes oppositæ, hoc est, veræ correlationes, concedo: non essent relationes oppositæ, hoc est, distinctæ realiter, nego: Siquidem Spiratio passiva, & Filiatio sunt relationes disparatæ, & invicem distinctæ realiter, ut dictum est, quæ ratio disparata sufficit ad distinctionem illam Personalem. Itaque sicut Paternitas distingueret Patrem à Spiritu sancto in eo casu, quo à Patre non procederet; quamvis Spiritus sanctus non haberet correlationem ipsi oppositam, relativè, sed tantum disparatè; ita Filius distingueretur ab ipso, quia Spiritus sanctus habet relationem distinctam realiter à Filiatione, quamvis illa relatio in Spiritu sancto non esset correlatio Filiationis, hoc est, Paternitas.

Insuper Relatio eo modo distinguit, quo constituit; sed constituit tantum in ordine ad terminum: Ergo tantum à termino distinguit; Atqui terminus relationis, est id, quod habet correlationem: Ergo tantum distinguit ab eo, quod habet correlationem: sed

Spiritus sanctus in illo casu non haberet correlationem Filiationis, nec esset terminus ejus: Ergo Filius per Filiationem, quatenus relatio est, non potest distingui realiter à Spiritu sancto.

Respondeo 1. Distinguendo majorem: eo modo distinguit, quo constituit, hoc est, si constituat essentialiter distinguit essentialiter; si constituat accidentario, ita pariter distinguit, concedo majorem: Hoc est, si constituat relativè in ordine ad unum tantum, terminum, ab illo solo distinguit, nego majorem: Quamvis enim Paternitas constituat formaliter Patrem in ordine ad Filium; nihilominus etiam illum distinguit à Spiritu sancto.

Respondeo 2. Admissa majore distinguendo minorem: Constituit in ordine ad terminum, quem respicit tantum per modum correlativi proprii, sicut Pater habet pro correlativo Filium, nego: quem respicit per modum termini aliquo modo, concedo: Similiter distinguo subsumptum, in illo casu Spiritus sanctus non haberet Filiationem pro termino, quem respiceret per modum producentis, concedo: quem respiceret per modum Personæ à se realiter distinctæ, nego.

Obijciunt 2. Si ad distinctionem Personatum sufficerent relationes disparatæ, quæ non essent correlationes, sequeretur, quod Paternitas, & Spiratio activa deberent constituere duas Personas: sed hoc est falsum secundum omnes: Ergo ad Personalem distinctionem non sufficiunt relationes disparatæ.

Confirmatur, quia non magis debet Paternitas, & Spiratio passiva constituere duas Personas, quam Paternitas, & Spiratio activa: sed hæc non constituent: Ergo nec illæ, & consequenter in casu proposito non distingueretur realiter Filius à Spiritu sancto.

Negat Doctor sequelam objectionis, &

antecedens confirmationis ejus, & hanc aut disparē esse rationem duarum harum combinationum, scilicet *Generationis*, & *Spirationis* activæ cum *Generatione*, & *Spiratione* passivæ, quia duæ productiones activæ respectu diversorum terminorum non repugnant in eodem supposito; benè enim intelligi potest, quod quispiam habeat plures actiones plurium productivas, ut de facto contingit non solum in Patre æterno, qui est productivus Filii, & Spiritus sancti; sed etiam in Sole respectu plurium effectuum; duæ verò productiones totales passivæ repugnant in eodem supposito, quia sequeretur, quod simul, & semel unum bis produceretur productione totali, quod implicat: Ex eo autem, quod Paternitas, & Spiratio activa sint in eadem prima Persona, nihil aliud sequitur, quàm quod illa Persona duas habeat productiones totales respectu duorum diversorum terminorum; Si autem Filiatio, & Spiratio passiva essent in una, eademque Persona, sequeretur in ea esse duas productiones passivas eamque bis produci, quod implicat; adeoque si unum non repugnet, inde non sequitur, quod etiam aliud non pugnet.

Instabis. Duæ relationes ex se non sunt impossibiles, nisi invicem opponantur: sed Filiatio, & Spiratio passiva non opponuntur: Ergo ex se non sunt impossibiles.

Distinguo majorem: Nisi opponantur formaliter per modum duarum correlationum, nego majorem: Nam duæ productiones passivæ totales ejusdem effectus ab eadem, vel diversa causa non sunt correlationes, & tamen repugnant in eodem effectui, seu eadem re: nisi opponantur disparatè, ita ut una alterius exigat exclusionem, concedo majorem: & similiter distincta minore, neganda est consequentia.

Obijciunt 5. In divinis non est asserenda distinctio, nisi ubi eam, aut fides astruit, aut ratio probat: At in eo supposito, nec fides asserit, nec ratio probat fore distinctionem tealem inter Spiritum sanctum, & Filium: Ergo non est asserenda.

Respondeo primò in minore peti principium, de hoc enim queritur utrum id ratio probet, nec ne.

Deinde retorqueri potest argumentum hoc modo, in divinis non est asserenda identitas, nisi eam, aut fides doceat; aut ratio convincat: Sed in casu posito, nec fides, nec ratio evincit fore identitatem Filii cum Spiritu sancto. Ergo nec id est asserendum.

Obijciunt denique: Inter divinas relationes quatuor concipi possunt oppositiones disparatæ: Prima quidem inter *Generare*, & *Spirare*; Secunda inter *Generari*, & *Spirari*; Tertia inter *Generare*, & *Spirari*; Quarta denique inter *Generari*, & *Spirari*. Sed nulla istarum est sufficiens principium formale distinctivum Personarum; Non quidem prima, aut secunda, quia tunc sequeretur Genitum, & Spiritum, esse duas Personas, & similiter Genitorem, & Spiratorem duas alias, quod est falsum. Non etiam Tertia, aut Quarta; nam illæ oppositiones disparatæ, ita essent Personarum distinctivæ, vel quatenus sunt tales: Non primum, etenim si propositioni disparatæ relationum, quatenus disparatæ sunt; vel quatenus disparata est, convenit esse principium formale distinctivum Personarum jam omnis oppositio relativa disparata distinguet, & ita *Generare*, & *Spirare*, sicut, & *Generari*, ac *Spirari* constituerent duas Personas: Non etiam secundum, quia non videtur potior ratio, cur hæc sint personarum distinctivæ, quàm aliz: Ergo, &c.

Respondeo 1. Dici posse, quod sint Personarum distinctivæ præcisè, quate-

tenus sunt disparatæ, nec inde sequi, quod omnes, relationes disparatæ ita debeant esse Personarum distinctivæ: maximè cum non omnes, etiam relativè oppositæ relationes, sint Personarum distinctivæ; Etenim Spiratio activa, & passiva sunt correlationes, & relativè oppositæ, & tamen non distinguunt personaliter; Spiratio enim activa in Patre non est Personalis, cum ille ante ipsam jam concipiatur constitutus in esse Personæ per Paternitatem, & generationem activam; quæ instanti originis precedit Spirationem.

Secundò dico: Non omnes quidem relationes disparatas esse Personarum distinctivas, sed tantum eas, quæ Personales sunt, seu quibus divinæ Personæ constituuntur, quales sunt Paternitas, Spiratio passiva, & Filiatio cum ipsa Spiratione passiva comparata.

COROLLARIA.

EX his sequitur primò, quod etsi Spiritus sanctus procedat à Patre, & Filio, tamen absolute possit procedere ab unica Persona. Siquidem Pater, & Filius seorsim habent sufficiens principium productivum Spiritus sancti, nempe voluntatem infinitam ab objecto infinito, scilicet essentia divina, fecundatam: Ergo si de facto non procederet à duobus; nihilominus reverà procedere posset ab unica Persona æquè perfectus.

Collige 2. Quod Pater, & Filius sint unicum principium Spiritus sancti: Tum quia, ut inquit S. Augustinus, de Trinit. cap. 14. *Sicut Pater, & Filius unus Deus, & ad creaturam relatus; sic relativè ad Spiritum sanctum, unum principium.* Tum quia sicut Pater gignendo Filium communicat ei eandem essentiam, ita & eandem vim spirativam: Ergo ratione illius unius vis spirativæ, dicendi sunt unum principium Spiritus sancti. Consequentia patet; Sicut

Tom. III.

enim ex eo Pater, Filius, & Spiritus sanctus dicuntur unus Deus, quia habent unicam Divinitatem; & unus Creator, quia habent unicam vim creativam; licetiam Pater, & Filius dicendi sunt unus Spirator, seu unicum principium Spiritus sancti, quia habent unicam vim spirativam.

Collige 3. Quod Pater, & Filius non possint quidem dici duo Spiratores, bene verò duo Spirantes, ut docet Doctor in 1. dist. 12. qu. 1. quia, inquit, terminus pluralis duo junctus nominis Spirator significaret vim spirativam in Patre, & Filio esse distinctam, & duplicem, quoniam vocabulum Spirator formaliter designat vim spirandi: Secus est autem de participio Spirante, quod significat Personam habentem illam vim spirativam; ita ut sicut sunt duæ personæ producentes Spiritum sanctum, ita possunt dici duæ Spirantes, hoc est duæ Personæ habentes vim spirativam. Ratio autem disparitatis est, quod ad pluralitatem nominum substantivorum concretorum, non sufficit Pluralitas suppositorum, sed etiam requiritur pluralitas formarum: Ad pluralitatem verò adjectivorum, & participiorum, sufficit pluralitas suppositorum. Hinc veræ sunt istæ propositiones, Pater, Filius, & Spiritus sanctus sunt unus Creator, una Causa, unus Gubernator, &c. Quia habent unicam, eandemque vim creandi, causandi, &c. Similiter propter pluralitatem suppositorum, veræ sunt etiam istæ, Pater, Filius, & Spiritus sanctus sunt tres Creatores, Causantes, & Gubernantes,

QUAESTIO TERTIA.

Quinam sint proprii, & appropriati sancti Spiritus characteres?

JAM diximus in Præudio huius Disputationis, Spiritus nomen, quatenus Amorem spiritatum significat, esse

li

sq:

soli tertiz divinæ Personæ proprium; Remanet verò solvenda difficultas de tribus maximè vocabulis, quæ ipsi tum à Scriptura, tum à Patribus tribuuntur, dum videlicet appellatur *Sanctus*, *Donum Dei*, & *Charitas*, ac *Amor*: An autem hæc nomina sint ipsi propria, vel tantum appropriata, resolvendum est impræsentiarum. Quocirca.

Notandum 1. Sanctum tribus modis usurpari, *Primo* quidem pro eo, quod est purum, & omni immunditia defœcatum, & sic sanctificatio dicitur emundatio à peccato per gratiam. *Secundò*, Sanctum, idem est, quod cultui divino deputatum, & consecratum; & hoc modo dicitur Templum sanctificari, sicut, & vasa, quæ in ministerium Templi deserviunt; sed multò magis rationalis Creatura sancta dicitur, quando ad divinum obsequium applicatur. *Tertiò* Sanctum idem est, quod firmum, seu in bono confirmatum: Certum est autem his tribus modis sanctitatem effective Spiritui sancto appropriari, ille enim per infusionem Gratiz sanctificantis Creaturam rationalem emundat ab omni inquinamento carnis, & spiritus, & eam à terrenorum affectuum colluvione defœcans, in Deum totius puritatis centrum evehit, ex qua evectione secundus sanctitatis radius erumpit, videlicet consecratio, & divino cultui mancipatio; & applicatio: Amor enim est principium ordinationis in Deum, & per eum maximè Deo dedicamur, & consecramur; quò demum fit, ut anima in virtute firmetur, ac roboretur, & quandam immobilitatem in bono consequatur, quæ totius est sanctitatis character. An autem præter hanc sanctitatis effective appropriationem, etiam divina essentialis sanctitas Spiritui sancto peculiari titulo conveniat, hic determinandum est.

Notandum 2. Ex Aristotele lib. 4.

Topicorum cap. 4. quod *Donum alicuius, & alicui dicitur, & datio alicuius, & alicui dicitur: Est autem datio genus Doni: nam Donum datio est irredibilia* id est liberalis sine ulla spe retributionis: Ex qua definitione colligitur tria reperiri in Dono. *Primum* rem ipsam, quæ donatur. *Secundum* relationem rei datæ ad donantem: *Tertium* denique respectus tum dantis, quoniam dati ad ipsum, cui fit dario. Non est autem necesse distinctionem realem intercedere inter donans, & datum, namque unum, & idem cum alteri dat seipsum, simul donans, & datum est. Observandum insuper, quod quamquam ratio doni in divinis primario, & per se connote respectum rationis ad Creaturas, nihilominus etiam secundario connote processionem per modum libertatis: Ude in illo connotato duo reperiuntur, scilicet emanatio, & modus emanationis, ita quod donatum in divinis primò debeat emanare ab eo, qui donat; secundò ita emanare, ut producat libere, seu per voluntatem, in quibus duobus maximè fundatur relatio rationis doni, quæ tantum in tempore terminatur ad Creaturam, cui fit donatio.

Notandum 3. Dilectionem, seu Amorem in divinis usurpari trifariam: *Primo* quidem essentialiter, quatenus significat actum volitionis, & dilectionis, qui est communis tribus Personis, sicut enim Intelligere, & Intellectio est essentialis Deo, ita Diligere, & Amor est, quid essentialis ab solutum, & commune. *Secundò* sumitur interdum notionaliter, quatenus nempe significat actionem productivam termini producti per voluntatem, & sic Diligere idem est, ac Spirare, & terminus illius non est alius, quàm ipsa Persona spirata, quæ dicitur Spiritus sanctus. *Tertiò* denique usurpatur mixto quodam modo pro habitudine di-

ligentis ad res dilectas : Quod rursus duobus modis usurpari potest, nimirum principiativè, & formaliter ; quatenus nempe Pater, & Filius producant Spiritum sanctum, qui est Amativus (si ita loqui liceat) seu amor omnis amabilis; dicuntur etiam principiativè esse Amorem omnis amabilis; quatenus verò Spiritus sanctus per Amorem vi suæ processionis sibi communicatum respicit, quidquid est amabile, censetur esse amativus formaliter omnis amabilis : Qua ratione habet duplicem respectum; unum realem ad principium sui productivum, alterum rationis ad res amatas, vel amabiles. Qualiter autem Amoris nomen ipsi propriè conveniat, infra resolvendum est, interim sit.

CONCLUSIO PRIMA.

SANCTITAS maximè appropriatur *Tertiæ in divinis Persona*; Hæc est de fide, liquidem hæc adoranda Persona, nedum Scripturæ sacræ, sed & Conciliorum, & Sanctorum Patrum Oraculis constanter SPIRITUS SANCTUS appellatur, quocirca S. Augustinus lib. 10. de Civitate cap. 24. eum appellat sanctitatem Patris, & Filii, quam utique appellationem lib. 11. cap. 24. ita expendit : *Utrum boni Patris, & boni Filii Spiritus sanctus, quia communis Amobus est, recte BONITAS dici possit Amoborum, non audeo temerariam precipitare sententiam; Veruntamen Amoborum eum dicere SANCTITATEM, facilius ausus fuero, non Amoborum, quasi qualitatem, sed ipsum quoque substantiam, & tertiam in Trinitate Personam. Ad hoc enim me probabilius ducit, quod cum sit, & Pater spiritus, & Filius spiritus, & Pater sanctus, & Filius sanctus, propriè tamen ipse vocatur SPIRITUS SANCTUS, tanquam sanctitas substantialis, & consubstantialis Amoborum. Ipsi præcinit S. Cyrillus lib. Dialogo 7. de Trinitate; Sanctus est, inquit, Spiritus ipsius, non participatio-*

ne, neque externa ad Filium habitudo, sed natura, & veritate. Nam ut stupidum, & insensum est hominem appellari, revera quidem hominem, tamen aliud ab eo quiddam intelligi: ita stultum admodum est Spiritum quidem sanctum nominare Spiritum, & tamen ipsum excludere ab eo, ut natura sit sanctus, & absurdè aliam in naturam excludere: Non enim gloriæ, aut excellentiæ modum aliquem nomen illud illi significabit, quemadmodum hæc Principatus, & Thronus, & Dominatio, quæ illi tribuntur, quæ ab illis sunt condita: sed substantialem potius qualitatem exprimet, veluti nomen illud Pater Patri, & Filius Filio, &c. Quibus apertè dicere videtur sanctitatem nedum appropriatam, sed etiam veluti propriam esse Spiritui sancto, sicut Patri propria est Paternitas, & Filio Filicitio.

Quod utique etiam ratio suadet, si attendatur modus amoris, quo tertiæ illa divina persona procedit: Omnis enim sanctitas, aut malitia ab amore, & voluntate originem habet: Unde etiam peculiari ratione ad illam tertiam divinam Personam spectat homines, & Angelos sanctificare; quare S. Cyrillus Alexandrinus lib. 13. Theauri cap. 4. Sanctus, inquit; Spiritus dicitur, quia sanctus essentialiter dicitur, naturalis enim, & viva, & subsistens Dei operatio est, quæ Creaturas per suam participationem sanctificando perficit. Et paulo inferius, Ipsam sanctificandi virtutem, quæ ex Patre naturaliter prodit, & Creaturas sanctificat, atque perficit, Spiritum sanctum appellamus. Qualiter autem Creaturarum sanctificatio ipsi approprietur, jam sufficienter dictum est in secundo Notabili.

CONCLUSIO SECUNDA.

NOMEN, & ratio *Doni Spiritui sancto maximè appropriatur*: Hanc Conclusionem plurimis Scripturæ textibus probat S. Augustinus lib. 15. de Trinitate, capite 19. maximè verò ex

sequentibus Joannis 4. Christus Samaritanam alloquens, ait; *Uxor si sciret Donum Dei*, loquebatur autem Christus de aqua vivæ, quam capite 7. Joannes dicit esse Spiritum sanctum his verbis, *Flumina de ventre ejus fluent aqua viva*, hoc autem dicebat de Spiritu, quem accepturi erant credentes in eum: Item actuum 8. *Pecunia tua tecum sit in perditionem, quia Donum Dei existimasti pecunia possideri*: Hoc autem dixit S. Petrus, quando Simon Magus videns, quia per impositionem manuum Apostolorum daretur Spiritus sanctus obtulit eis pecuniam: Hoc ipsum probat S. Augustinus ex ratione ipsa originis sancti Spiritus, qui, inquit, lib. 5. de Trinitate cap. 14. *Exiit non quomodo natus, sed quomodo datus*, quia scilicet procedit, ut amor, qui prima radix est gratiæ donationis. Ideo namque donamus gratis, quia volumus bonum Personæ accipienti, quapropter Amor habet rationem primi doni, per quod omnia gratuita donantur; cum igitur Spiritus sanctus ex vi suæ processionis formaliter procedat, ut amor productus per voluntatem; consequens est ipsi ratione suæ proprietatis Personalis convenire peculiarem aliquam rationem doni, quoniam ex vi suæ originis formaliter procedit secundum primam radicem liberalitatis gratiæ.

Dices 1. Spiritus sanctus est ab æterno: Sed ab æterno non potest habere rationem doni: Ergo ratio doni ipsi non competit ratione proprietatis Personalis. Major constat. Probatur minor: Donum necessariò duplicem respectum importat, unum ad Personam à qua datur, & alium ad Personam, cui datur: Sed ab æterno nulla fuit creatura, cui Spiritus sanctus donari posset: Ergo nec potuit habere rationem doni.

Respondent aliqui Spiritum sanctum habere rationem *Dñi* non solum re-

spectu creaturarum, sed etiam respectu Patris, & Filii est enim veluti donum, quod Pater donat Filio, vicissimque Filius Patri, quatenus unus alteri suum amorem impendit, atque pendit.

Respondeo 2. Donum non dici ex eo, quod actu detur, sed ex eo, quod habeat aptitudinem, ut possit dari: Unde ab æterno divina Persona dicitur donum, licet in tempore tantum donetur, ut explicat S. Augustinus de Trinitate cap. 15. *Quia sic procedebat, ut donabile. jam donum erat, & antequam esset, cui daretur, aliter enim intelligitur cum dicitur donum, aliter cum dicitur donatum, nam donum potest esse, & antequam detur, donatum autem, nisi datum fuerit nullo modo dici potest*; Et paucis interpositis; *Sempiternè Spiritus donum, temporaliter autem donatur.*

Dices 2. Spiritus sanctus non solum à Deo, sed etiam à Creaturis datur, siquidem Actuum 8. legimus, quod per impositionem manuum Apostolorum daretur Spiritus sanctus: Ergo non solum est donum Dei.

Respondet S. Bonaventura in 1. distinct. 14. artic. 2. quest. 2. Spiritum sanctum dari posse quatuor modis, vel sicut à præparante, seu ministrante Sacramento: Vel sicut ab annuntiante salutaria documenta, vel sicut ab impetrante per operationem, sive per bona opera, vel sicut à producente. Primò, & secundò modo, tam confertur à bonis, quàm à malis: Secundò modo tantum confertur à bonis: Tertiò modo tantum donatur à Deo, siquidem à solo Patre, & Filio producit, & donatur Creaturis, tanquam donorum omnium maximum, & inexhausta bonorum omnium, quæ in nos à Deo fluunt origo. Nam inquit sanctus Basilii in libro de Spiritu sancto, *Per Spiritum sanctum datur in Paradiso restitutio, in Regno*
Cæ-

Cælorum reditus, in adoptionem Filiorum reuerſo: datur fiducia Deum appellandi Patrem, conſortem fieri gratia, Chriſtum Filium lucis appellari, æterna gloria participem eſſe, & ut ſemel omnia dicam, eſſe in omni benedictionis plenitudine: Si quidem, ut addit ſanctus Chryſoſtomus homil. 2. de Spiritu ſancto; Ille eſt noſtra imaginis reformatio, mentis perfectio ſpiritualis, mentalium oculorum, noſtrorum ſol, interni noſtri hominis lumen, copula unionis noſtræ cum Chriſto, Animarum exultatio, cordis tripudium, mentis requies, ſapientia communicatio: Hoc Prophetæ illuſtrantur, Reges inunguntur, Sacerdotes ordinantur, Doctores illuminantur, Eccleſia ſanctificatur, altaria fundantur, unguentum conſecratur, aqua purgantur, Demones abiguntur, morbi curantur, peccatores Deo reconciliantur.

CONCLUSIO TERTIA.

SPIRITUS ſancto maxime convenit nomen, & ratio diuini Amoris. Hæc pariter colligitur ex Scriptura ſacra illis maxime locis, quibus charitas, & amor appellatur, ſic ad Romanos 5. Charitas Dei diſſuſa eſt in cordibus noſtris per Spiritum ſanctum, qui datus eſt nobis. Quod ita expendit ſanctus Auguſtinus 15. de Trinitate cap. 18. Dilectio, quæ ex Deo eſt, & Deus eſt propriè Spiritus ſanctus eſt; per quem diſſunditur in cordibus noſtris Dei Charitas, per quam nos tota inhabitat Trinitas; Et cap. 19. appellat Spiritum S. Charitatem, & Amorem amorum, nempe Patris, & Filii: Et ſi Charitas, inquit, quæ Pater diligit Filium, & Patrem diligit Filius ineffabiliter communionem demonſtrat Amorum, quid convenientius, quàm ut ille Charitas dicatur propriè, qui Spiritus eſt communis Amorum.

Licet autem affirmet charitatem propriè conuenire Spiritui, non diffiteor illum, Propriè, pro appropriatè uſurpaſſe, nam ſubdit, Sicut non ſolus

eſt in illa Trinitate, vel Spiritus, vel Sanctus: ſed Pater eſt Spiritus, & Filius Spiritus; & Pater ſanctus, & Filius ſanctus, quod non ambigit pietas: & tamen iſte non fruſtra propriè dicitur Spiritus ſanctus: quia enim eſt communis Amobus, id vocatur ipſe propriè, quod Ambo communiter.

Nihilominus non ſolùm appropriatè, ſed etiam propriè Spiritus ſanctus nominari poteſt Amor, tum ratione proceſſionis, quia procedit per voluntatem, quæ propriè ſpiratur amor; tum ex additione alicujus prædicati, ſi nempe dicatur amor productus, vel ſpiratus. Primum, egregiè explicat S. Petrus Damianus in Opusculo primo cap. 2. dicens, Et hæc ſumma illa Charitas eſt, qui genitus à gignente diligitur, ſuamque diligit genitorem: ideoque non ampliùs, quàm tria ſunt, & eſſentialiter indiuiſa, & tripartita proprietate diſtincta; unus diligit illum, qui de illo eſt, unus diligens eum, à quo eſt; & ipſa dilectio, de qua dicitur, quia Deus Charitas eſt. Secundum verò pluribus inculcat ſanctus Auguſtinus locis laudatis.

Cæterum ita Charitas, vel amor, aut dilectio Patris, & Filii purandus eſt Spiritus ſanctus, ut tamen non ſic ipſa eſſentialis Charitas, qua diuinæ Perſonæ ſe inuicem diligunt, nam 1. Joan. 4. Deus Charitas eſt; Undequidam, uti refert S. Auguſtinus libro de Fide, & Symbolo cap. 9. ut Spiritum ſanctum diſtinctam à Patre, & Filio Perſonam negarent, auſi ſunt: à ipſam communionem Patris, & Filii, atque, ut ita dicam Deitatem... Spiritum ſanctum credere, &c.

Itaque Spiritus ſanctus eſt amor appropriatè, quia procedit per voluntatem, cujus eſt amare; & propriè, quia eſt terminus per amorem ſpiratus, ſeu amor productus; & eſſeſſiue, quia Charitas Dei diſſuſa eſt in cordibus noſtris

scit per Spiritum sanctum. Quod ita expendit S. Bernardus Epistola 107. O gemitum ipsum firmissimum erga nos amoris argumentum! Christus moritur; meretur amari: Spiritus afficit, & facit amari: Ille facit cur ametur; ille ut ametur: Ille multam dilectionem in nobis commendat, iste dat: In illo cernimus, quod amemus, ab isto sumimus, unde amemus: Charitas ergo ab illo occasio, ex isto affectio.

Insuper hic advertendum, quod cum Spiritus sanctus mutus sit amor Patris, & Filii, siue mutui amoris fructus, ac terminus, non solum Ambrosium unitas, & communio appellatur ab Augustino 6. de Trinit. cap. 5. sed, & osculum amplexus, vinculum utriusque à nonnullis dicitur: Sic S. Bernardus form. 8. in Cantica, Si inquit, rectè Pater osculans, Filius osculatus accipitur; non eris abs re osculum Spiritus sanctum intelligi, utpote Filii, qui imperturbabilis pax sit, gluten firmum indivisibilis amor, indivisibilis unitas. Ex ferm. 1. in Octava Pasche, Spiritus est indissolubile vinculum Trinitatis, per quem sicut Pater, & Filius unum sunt, sic & nos unum sumus in ipso. Similiter Laurentius Justinianus libro de Obedientia Spiritum sanctum vocat, Charitatis indissolubile vinculum, & pacis suavissimum osculum, mutuique amoris beatissimum amplexum.

*Aliæ sunt hujusce divini Spiritus appellationes, quarum aliquas ita expendit Seraphicus Bonaventura in compendio Theologico lib. 1. cap. 9. Dicitur enim 1. Fons vivus, quia septemplex rivo donorum (qua recenset Isaias 11.) in nos fluit. 2. Ignis, quia affectum nobis accendit. 3. Charitas, Non solum, quia est amor Patris, & Filii, sed quia nos amantes facit. 4. Spiritu-
alis unctio, quia omnes tribulationes mundanas suaves facit, & mundas, secundum illud prope in labore requies, in*

aslu temperiet, in festu solatium. 5. Dextera Dei digitus, quia sicut corporales res digito demonstrantur, ita per Spiritum sanctum ostenduntur res spirituales oculis spirituali. 6. Paracletus, quia consolationes celestes mentibus infundit. 7. Magistrorum optimus, quia intellectum ad Dei cognitionem, & sui ipsius illuminat.

Plures alios characteres ei tribuit divina Sapientia cap. 7. nam Spiritus intelligentia dicitur Rectus, quia (inquit Cornelius Musculus lib. 7. Historiæ sacræ) prava vertit in directas, & aspera in vias planas: Bonus, Quò omnia mala pelluntur, vel cooperantur in bonum: Principalis, quia principes nos facit, perturbationum Dominos, vitiorum triumphatores: Dulcis, Per quem amara omnia dulcescunt dum Charitas diffunditur in cordibus nostris: Sanctus, Quo peccata remittuntur, & peccatores sanctificantur: Mundus, Quò nihil mundius, qui facit mundos, cui non placent, nisi mundi: Simplex, Qui effugit fidos, & exit omnem dolum: Subtilis, Ad illabendum, & ad scrutanda, & examinanda judicia profunda Dei: Modestus, Sancti pudoris, & verecundia auctor: Disertus, Qui aperit ora mutorum, & linguas infantium facit esse disertas: Securus, Futuri, & presentis: Certus, quia nec fallitur, nec fallit: Mobilis, Abrumpens omnes injustas moras impietatis, negligentia, & tarditatis impatient: Humanus, Omnium hominum amanti animas.

APPENDIX

De Missione Divinarum Personarum.

DIVINARUM Personarum aliquas ab aliis ad Creaturas mitti fide constat pluribus Scripturæ textibus exarata, nam Joann. 3. Christus ait, *Missi Deus Filium suum in mundum, non ut judicet mundum, &c.* Et 15, *Quem*

Quem Pater sanctificavit, & misit in mundum. Et 16. *Exiui à Patre, & veni in mundum*, nam inquit August. 2. de Trinit. cap. 5. *À Patre exire, & venire in hunc mundum, hoc est mitti.* Similiter de Spiritu sancto idem Filius ait, *Cum assumptus fuero à vobis mittam eum ad vos*, Joann. 16. & ad Galatas 6. *Missi Deut Spiritum Filii sui.* 1. Pett. 1. *Spiritu sancto misso de Cælo.* Et Psalm. 103. *Emitte Spiritum tuum, & creabuntur, &c.*

Adde, quòd missionis definitio infra tradenda divinis Personis conveniat. Superest itaque determinandum, quid sit illa divina Missio, & quibus, ac qualiter divinis Personis quadret, quæ ut fiant evidentiore.

Observandum ex S. Bonaventura in 1. dist. 15. part. 1. quæst. 1. Missionem à Creaturis ad divina secundum aliquam Analogiam transferri. Missio autem in creatis, maximè triplicem dicit respectum; Primum quidem ad principium, sive ad mittentem; Secundum ad terminum, quò aliqua res mittitur; Tertium ad Missum, sive ad eum, qui mittitur. In ordine autem ad principium, sive ad mittentem, varia potest esse missionis comparatio, sive tanquam ad danrem alteri esse, sic radius mittitur à Sole, radix, aut flos ab arbore; sive tanquam ad danrem virtutem, & sic mittitur jaculum à projectore; Sive tanquam ad danrem jurisdictionem, seu auctoritatem, & sic mittitur nuntius à prætore, & legatus à Pontifice. Juxta autem hanc triplicem acceptionem reverà Missio est in divinis, nam Filius mittitur à Patre, & Spiritus sanctus à Patre, & Filio tanquam habens esse, & virtutem, adeoque etiam auctoritatem à mittente.

Juxta autem alias comparationes, quibus mittens se habet ad Missum, ut dans consilium, sicut Consiliarii

mittunt Regem ad bellum; vel ut imperans sicut Dominus mittit servum, manifestè non convenit missio divinis Personis, consilium enim accipere imperitiz indicium est; imperio autem subditi diminutæ est potestatis.

Similiter in ordine ad terminum Missio triplicem habere potest respectum; mittitur enim aliquis ad aliquid, vel tanquam ad locum, in quo quiescat, sic lapis mittitur deorsum; vel tanquam ad possessorem, sic mittitur donum alicui; vel tanquam ad operationem in aliquo, aut cum aliquo faciendam; sic autem Persona divina mittitur, ut nobiscum sit, seu in nobis per internam habitationem quiescat, ut à nobis possideatur, & ut nobiscum operetur bona; nam Spiritus sanctus dicitur: Primò, *Habitare in cordibus nostris*; Secundò *esse Deum in nobis*; Tertiò, *Operari in nobis omnia, prout vult.*

Insuper ad perfectiorem dicendorum intelligentiam removendæ sunt tres imperfectiones Missionis creatæ à Missione divina. Primò namque in Missione creatæ est separatio Missi à mittente; Secundò, subjectio Missi ad mittentem, & auctoritas mittentis in Missum; Tertio, mutatio in Missum unum locum deserit, alterum acquirit: Has autem imperfectiones removere à divinis Personis eorum essentia unitas, immensitas, & æqualitas; etenim unitas separationem; æqualitas submisionem, & immensitas mutationem localem excludit. His ita ex Seraphico Doctore prænotatis.

Dico 1. Non tantum dona creata, quæ appropriantur Filio, & Spiritui sancto, sed etiam ipsasmet Personas Filii, & Spiritus sancti reverà mitti; quod unque patet ex Scriptura sacra, quorum unum, aut alterum extum ponderare sufficit Joannis 14. *Pateras autem Spiritus sanctus, quem a* mit-

mittet Pater in nomine meo, ille vos docebit omnia, & suggeret vobis omnia; sed munus Consolatoris, docentis, & suggerentis non exercet, nisi Persona subsistens: Ergo, qui mittitur reverà est Persona Spiritus sancti: Similiter cap. 15. Cum venerit Paracletus, quem ego mittam vobis à Patre Spiritum veritatis, qui à Patre procedit, ille testimonium perhibebit de me; Idem itaque, qui procedit à Patre, quique per infallibilem auctoritatem testimonium perhibet de Filio, ille idem mittitur à Filio simul, & à Patre: Ergo missio non tantum intelligitur de ipsius donis; sed etiam de ipsamet Persona. Denique ad Romanos 5. Charitas Dei diffusa est in cordibus nostris per Spiritum sanctum, qui datus est nobis. Quibus patet nobis dari Spiritum ipsum, qui distinguitur à dono creato charitatis, tanquam auctor illius.

Confirmatur: Ex sanctis Patribus, maxime Augustino lib. 15. de Trinitate cap. 26. ubi probans Divinitatem Spiritus sancti ex eo, quod iussit Christus baptizari omnes gentes in nomine Patris, concludit, Ipse est igitur, qui de Cælo etiam datus est die Pentecostes: Quomodo ergo Deus non est, qui dat Spiritum S. imò quantus Deus est, qui dat Deum. Quibus apertè docet ipsum Spiritum, in cuius nomine baptizamus, & qui vere Deus est, fuisse datum die Pentecostes. Item serm. 43. de verbis Domini: Magna est, inquit, misericordia Dei, donum dat aequale sibi, quia donum Dei Spiritus sanctus est, & unus Deus tota Trinitas Pater, Filius, & Spiritus sanctus: Confirmat autem Apostoli verbis Charitas Christi diffusa est, &c. Probatur etiam ratione, si tantummodo mitteretur donum, & non ipsa Persona Spiritus sancti, sequeretur ipsum non posse diu ratione personalitatis donum. sed hoc falsum est ex dictis, quia Personalis notio Spi-

ritus sancti est esse donum, & amorem Spiratum: Ergo quemadmodum ei convenit esse amorem in seipso, & non tantum in effectu: Ergo etiam convenit donari. Deinde si tantum mitteretur penes dona, posset eludi mysterium Incarnationis, & dici, quod missio Filii facta sit in aliquibus donis: Cur enim hæc sic exponetur, illa verò non? Cum Scriptura sacra æqualiter utramque nomine missionis exprimat.

Dico 1. Missionem supponere processionem Personæ missæ à mittente. Colligitur pariter ex Scriptura sacra, nam Joannis 7. Christus ait, A me ipso non veni, sed est verus, qui misit me, quem vos nescitis: Ego scio eum, quia ab ipso sum, & ipse Me misit: Similiter cap. 16. Exivi à Patre, & veni in mundum, quem textum ita ponderat Cyrillus Alexandrinus libro 11. in cap. 9. Exivisse, inquit, à Deo, nihil aliud est, nisi natum esse, effusisseque ex substantia Patris eo processu, quo est, & in propria intelligitur substantia... Aut exivisse à Patre dicit, id est Homo factus sum, & ad vestram naturam descendit. Unde Augustinus Tract. 102. in Joann. Exiit à Patre, quia de Patre est, & in mundum venit, quia mundo suum corpus ostendit.

Probatur, & Colligitur Spiritus sancti processio à Filio, ex eo, quod ab ipso mittatur, ut supra diximus: Ergo processio præsupponitur ad missionem. Confirmat S. Anselmus Tractatu de processione Spiritus sancti dicens, Nimis difficile, imò impossibile est ostendere quomodo non procedat ab utroque; Unde enim Filio cum Patre dare simul, vel mittere Spiritum sanctum, & hunc esse utriusque, si simul non est de utroque? Cur enim magis de Filio Spiritum sanctum, quam Spiritus sanctus Filium? Aut cur magis Spiritus Filii, quam Filius Spiritus S. nisi quia Filius, non est ita de Patre simul, & de Spiritu sancto sicut.

sicut Spiritus sanctus est de Patre simul, & Filio. Eodemmodo processit Joannes Theologus in Concilio Florentino, sessione 24. ubi expendens illud Joannis 15. *Quem ego mittam vobis, ait, mittam, quid aliud obsecro significas quam quod, ex aliquo mittitur?* Qui vero quippiam mittit, is suum mittere videtur, id quod mittitur ex ipso dicitur esse, ut si Praefectus provinciae quidquam fecerit, is non ex se, verum Imperatoris jussu id fecisse videtur; ita etiam Filius, qui cum in generatione à consubstantiali Patre Spiritum sanctum accepisset, eandem, & Paternam facultatem, ac naturam habens, eundem Spiritum mittere creditur.

Confirmatur, Ex eo, quod sanctus Augustinus asserat missionem, non tantum includere apparitionem alicujus divinae Personae per Creaturam visibilem: Si enim inquit lib. 4. de Trinit. cap. 1. *Si voluisset etiam Deus Pater, per subjectam Creaturam visibiliter appareret; absurdissimè tamen aut à Filio quem genuit, aut à Spiritu sancto, qui de illo procedit missus diceretur, non alia certè ratione, nisi quia, ut dixerat cap. 20. Pater, cum ex tempore à quoquam cognoscitur, non dicitur missus; non enim habet de quo sit, aut ex quo procedat.* Sed insuper missio requirit processionem Personae missae à Persona mittente; etenim in missione servari debet auctoritas Personae mittentis, & subauctoritas Personae missae, seclusa tamen omni superioritate, & inferioritate; sed hæc auctoritas, & subauctoritas reperitur tantum inter Personam producentem, & productam: Ergo Persona ipsa arguit processionem ad intra. Denique missio includit egressum missi à mittente: sed inter divinas Personas non est egressus nisi secundum processionem: Ergo missio passiva includit processionem.

Dicitur Filius divinus mittitur à Spi-

ritu sancto, ut constet ex illo Isaya 48. DOMINUS DEUS MISIT ME, & SPIRITUS eius: Unde sanctus Augustinus 2. de Trinit. 5. Attribuit missionem Filii Spiritui sancto: MISIT, inquit, DEUS FILIUM SUUM FACTUM EX MULIERE; ubi satis ostendit eò ipsum missum Filium quod factum ex muliere. Proinde mitti à Patre sine Spiritu sancto non potuit, quia Pater intelligitur misisse cum eum fecit ex semina; quod utique non fecit sine Spiritu sancto. Item sanctus Ambrosius libro 2. de Spiritu sancto, *Quis est qui dicit, ME MISIT DOMINUS, ET SPIRITUS eius, nisi qui venit à Patre, ut salvos faceret peccatores, id est, Christus?* Ergo, & Pater Filium misit, & Spiritus sanctus. Item idem Ambrosius ibidem, *Rursus datus est à Patre, ut Isaias dicit: PUER NATUS EST NOBIS, ET FILIUS DATUS EST NOBIS. Datus est, audeo dicere, & à Spiritu sancto, quia, & à Spiritu sancto missus est. Dicit enim Filius Dei, SPIRITUS DOMINI SUPER ME PROPTER QUOD UNXIT ME EVANGELIZARE PAUPERIBUS MISIT ME.* Item Concilium Toleranum 11. in Confessione fidei: *Filius missus non solum à Patre, sed à Spiritu sancto credendus est in eos quod per Prophetam dicitur; ET NUNC DEUS MISIT ME, ET SPIRITUS eius: Sed Filius non procedit à Spiritu sancto: Ergo Missio processionem non supponit.*

Respondeo: Hanc Missionem intelligi de Filio secundum humanitatem quatenus nempe in natura assumpta missus fuit, idque non per naturam, sed per voluntatem, & imperium, ad prædicandum aliaque salutis nostræ opera exequenda; eatenus enim humanitas missa dicitur à tota Trinitate, atque à Deo, etiam à Verbo ipso, ut sequentia verba Concilii Toletani declarant, *A seipso quoque, inquit, missus accipitur, per eo quod inseparabilis non solum voluntas, sed operatio totius Trinitatis agnoscitur.*

Confirmat Doctor in 1. dist. 15. nu. 4. ex sancto Ambrosio in 3. libro de Spiritu sancto capite 2. ubi expendens illud Isajæ 16. *Spiritus Domini super me*, bene inquit, dicit Ambrosius, *Spiritus sanctus Domini misit me ad prædicandum*: Quia quasi Filius hominis est missus, & unctus, nam secundum Deitatem, non super Christum est Spiritus, sed in Christo: Ergo illa autoritas Isajæ, quæ dicit Christum missum à Spiritu sancto intelligitur de Christo homine, non autem de Missionem Verbi æterni incarnandi. Faterur tamen Doctor non esse improbabilem sententiam Magistri affirmantis Missionem non necessariò requirere processionem unius Personæ ab alia, sed sufficere manifestationem ejus per aliquem effectum visibilem.

Nec refert quod quælibet divina Persona possit donare seipsam; inde enim non sequitur, quod etiam possit seipsam mittere, quia plura ad missionem, quam ad donationem requiruntur; siquidem in mittente requiritur, velut autoritas, & in misso subauthoritas, quæ in divinis per producere, & produci explicatur.

Dico 3. Missionem necessariò importare manifestationem Personæ missæ per productionem alicujus doni creati invisibilis, aut visibilis. Probatur 1. ex Verbis Christi Ioann. 4. *Meus cibus esset faciam voluntatem ejus, qui misit me ut perficiam opus ejus*: Et cap. 6. *Descendi non ut faciam voluntatem meam, sed voluntatem ejus qui misit me Patris*. *Hec est autem voluntas ejus mi misit me Patris, ut omne quod dedit mihi non perdam ex eo* &c. Unde meritiò Sapiens cap. 9. Orabat Missionem Sapientiz divinæ his verbis, *Mitte illum de Cælis sanctis tuis, & à sede magnitudinis tue, ut mecum sis, & mecum laboret, ut sciam quid acceptum sit coram te omni tempore*.

Confirmatur ex eo quod sancti Patres

non aliter divinarum Personarum Missionem exponant, quam per productionem alicujus effectus in creatura; unde meritiò colligit Doctor quæstione laudata Missionem divinam semper connotare mutationem realem in creatura; quæ mutatio licet fiat à tota Trinitate, quoniam opera Trinitatis ad extra sunt indivisa, tamen peculiariter tribuitur Personæ missæ, propter novum personalem, aut moralem vel mysticum modum, quo ipsa Persona incipit esse de novo in creatura, ut disertè explicant sancti Patres maxime Athanasius Oratione 5. contra Arianos ubi expendens illa Christi verba, *Qui misit me Pater*, &c. ait, *unionem cum homine quo hominibus invisibilis natura Dei per visibilem innotescere posset Missionem nominavit: non enim Deus locum mutat more nostro. Sed quia se in carne præsentem fiebat, idcirco sancti viri vocabulo Missionis uti voluerunt*: Et August. 2. de Trinitate capite 5. *Pater invisibilis, inquit, unà cum Filio secum invisibili eundem Filium visibilem faciendo misisse eum dictus est*: Et in fine capitis intellet, jam in promptu est intelligere etiam de Spiritu sancto, cui *Missus, & ipse dicitur; facta est enim quadam creatura species ex tempore in qua visibiliter ostenderetur Spiritus sanctus*... Hac operatio visibiliter expressa, & oculis oblata mortalibus Missio Spiritus sancti dicta est. Quibus Verbis non excludunt sancti Patres rationem processionis æternæ Personæ missæ à mittente; sed eam cum operatione externa connectunt.

Hinc Missio divina rectè describi potest, *Processio alicujus Personæ divinæ à Persona mittente ad creaturam in qua incipit esse novo modo*. Ex quibus liquet solum Patrem non posse mitti, et si se ipsum det, & veniat cum aliis divinis Personis ad inhabitandum in anima per gratiam sanctificanrem juxta illud Joannis 14. *Si quis diligit me, Pater meus* diligit.

diliget eum, & ad eum veniemus, & mansionem apud eum faciemus. Nam inquit sanctus Augustinus lib. contra Ariannos cap. 4. *Solus Pater legitur non missus, quia solus non habet Authorem, de quo sit genitus vel de quo procedat.* Liqueat pariter Filium à Patre solo propriè mitti in mundum ad incarnationem, juxta illud Joan. 8. *Ego à Deo exivi, & veni in mundum:* Sicut enim à solo Patre procedit, ita ab eo solo mittitur: Spiritus sanctus verò à Patre simul, & Filio mittitur, utpotè abutroque procedens.

Dico 4. Missionem ex parte effectus esse duplicem, nimirum visibilem, & invisibilem. *Invisibilis est.* Quà Filius, & Spiritus sanctus mittuntur ad inhabitandam peculiari modo creaturam rationalem: per gratiam sanctificantem, ut communiter affirmant Doctores cum Seraphico Bonaventura *disp. 15. part. 2. articulo 1. quasi. 1.* Siquidem ad Missionem requiritur ut Persona missa existat in eo ad quem mittitur, & ab eo possideatur: divinæ autem illæ Personæ perfectè non possidentur à Creatura rationali nisi per gratiam gratum facientem, per quam nimirum est in facultate habentis, & rectè utentis, ut, per eam, divina illa Persona missa tanquam obiecto fruatur.

An autem Missio illa invisibilis fiat non solum ad illos qui primò innovantur per gratiam, seu primò iustificantur, sed etiam ad illos qui cresunt in gratia per augmentum justificationis non invicem conveniunt Authores; Quidam enim hoc affirmant, alii negant. Rectiustamen cum Seraphico Doctore *ibidem quasi. 3.* & accommodatius ad conceptum Missionis videntur opinari, qui novam Missionem fieri per gratiæ augmentum negant; catechismus enim præcisè non incipit in Iusto Persona missa esse novo modo, nisi

quatenus hujusmodi augmenti scèd profectus occasione operatur in iusto quædam pecuniaria dona, vel effectus, v. g. donum Prophetiæ vel simile: quæ ratione dum super Eliseum requievit, duplex Spiritus Eliæ, rectè dicitur ad eum missus Spiritus sanctus.

Missio visibilis, ut observat noster *Herinx Disp. 3. questione 4. numero 46.* Alia est substantialis in essendo, sive est ad subsistendum; uti est sola Incarnatio Verbi; Alia solum est ad representandum, sive ad apparendum in forma visibili; uti missus est Spiritus sanctus in Specie Columbæ in linguis igneis, in sono, in nube lucida, quæ non fuerunt à Spiritu sancto substantialiter assumpta, sed solum usurpata tanquam signa ex instituto significantia, non quidem omnes Personas sed specialiter Spiritum sanctum, ac representantia interiorum sanctificationem. Fuerunt autem hæc Symbola formata sive immediatè à Deo: sive (ut cenfer Augustinus 3. de Trinit. cap. 4. & 10. & seq.) ministeriò Angelorum: unde Columba erat quidè verum corpus, sed non vera, nec viva Columba, juxta veriorum sententiam quam tradit S. Bonaventura *Disp. 16. Art. 1. Quasi. 3. ad 4.* Ideoque statim desit; Hinc etiam apud Evangelistas Matth. 3. & Luc. 3. *Sicut Columba legitur Spiritus descendisse.* Similiter juxta S. Bonaventuram supra, ignis quidem fuit verum corpus, non tamen verus ignis, quia non comburebat; ideoque dicuntur apparuisse *Dispersa lingua tanquam ignis, Act. 1.*

Pluribus autem mysticis de causis divinus ille Spiritus apparuit in die Pentecostes sub specie ignis, Columbæ, & Venti, seu Spiritus vehementis. *Ignis* enim figuram assumpsit primò, ut suam Divinitatem testaretur: Ignis enim Divinitatis Symbolum est, juxta illud Deuteron. D e u s n o s t r a

IGNIS CONSUMENS est : Unde preclare sanctus Gregorius Homil. 30. in Evangelia, *Patris, & Filio cœternis Filius in igne monstratur, quia incorporeus invisibilis atque ineffabilis, Ignis Deus est.* Insuper hac ipsa ignis adumbratione seipsum notionalem Amorem Patris, & Filii testabatur : Amor namque ignis quidam est, & sub ignis specie effingi solet, ac semper à Poetis cum ignibus, & flammis describitur.

Secundò, ut divinam suam erga Creaturas fecunditatem exprimeret, sicut enim ignis in propria sphaera infœcundus videtur, nihilque producit, at in sublunaribus omnium prorsus productionum parens est, & causa : Sic etiam divinus ille Spiritus in ipso Deitatis sinu nihil equidem producit, at inquit Cornelius Mucius lib. 3. de sacra Historia, *Cœlos ille, Terram, Elementa, cunctaque animantia producit; produaque fovet conservat, vivificat, & renovat : Naturæ Conditor, gratiæ Autor, gloria Consummator, rerum omnium universale Principium :* Ab ipso namque omnia fluunt Charismata gratiarum, ipse enim est qui in Christo renascentes, in Dei filios adoptat in Baptismate, *Eodem Spiritu replente fontem, qui replevit, & Virginem,* inquit S. Leo, *quam utique mirandam fecunditate respiciens Sponsa, exorabat Cantorum primò, osculatur, ut osculo oris sui, quæ sic expendit Sanctus Bernardus Serm. 9. Tantæ, inquit, efficaciæ, & fecunditatis osculum sanctum est (nempe Spiritus sanctus, qui Patri & Filii suavisimum est osculum) ut ex ipso mox cum acceperit illud Sponsa concipiat, tumescens nimirum uberibus, & lacte quasi pinguescentibus : per charitatem enim anima sancta nectum Dei Filium concipit, sed ipsamet Dei Filia efficitur.*

Tertiò : Ignis tres præcipuos habet effectus, nimirum *urere, purgare, illu-*

minare, quos omnes Spiritus sanctus operatur in nobis, siquidem sui amoris igne corda nostra succendit; Unde sanctus Augustinus in Soliloquio : O ignis sancte quàm dulciter ardes, quàm desideranter aduris, uris, inquam, non quidem, ut destruat, & consumat, sicut ignis corporeus, sed potius, ut augeat, & perficiat. Unde meritò Christus dicebat Ignem veni mittere in terram, quid volo nisi ut ardeat ? Quod præclare expendit sanctus Ambrosius Serm. 18. in Psalmum 118. Ignem Dominus misit in terram, non ut eam Sodomizans rursus inflammaret incendio, nec ut eam donatæ munere fecunditatis, ausus, vel flore viriditatis excluderet. Opus enim suum probare magis, atque augere quàm vinuere, aut damnare consuevit. Divinumerge Dominus ignem in novo sparso Testamento, qui secretos mentium divinus cognitionis ardore inflammaret affectus, qui vaporem fidei & devotionis adoleret, qui cupiditatem virtutis accenderet. Similiter purgat, & illuminat, juxta illud Threnorum De excelsis misit ignem in ossibus meis, & erudit me : Unde sanctus Gregorius foelicissimam Spiritus sancti Scholam pronuntiat : In qua nulla est ad discendum mora mox enim, ut tetigerit mentem docet, solumque tetigisse docuisse est : Nam, ut addit Homil. 30. in Evangelicis : Ecce implet Citharistam puerum, & psalmistam facit, implet Pastorem armatarium, & Prophetam reddit; implet Piscatorem, & efficit Prædicatorem : Implet persecutorem, & Doctorem Gentium insinuat : Implet Publicanum, & Evangelistam facit. O qualis artifex esse iste Spiritus.

Inducit similiter speciem Columbe : Primò, ut testaretur puritatem, & mundiciam quam Spiritus sanctus specialiter efficit, & exquirat, cujusque egregium Symbolum est Columba : Unde pulchrè Basilii Columba Castissima tota caelestibus incumbit, nec unquam

unquam, vel minimum granum e terra, attollit quin statim in Cælum oculos attollat; non circa cadavera, & carnes volitat, sed refidet juxta fluentia aquarum, ubi Coeli imago relucet, semper ejus obtusibus obiciuntur caelestia, semper superna contemplatur. Secundò assumptis Columbae figuram, ut se mansuetudinis Authorem, & Amatorem ostendat: Unde Paschasius lib. 2. in Matthæum, Spiritus sanctus in specie Columbae apparuit, ut per eam exponeret quales futuri erant qui ad gratiam ejusdem Spiritus pervenirent; Columba enim fel non habet, & ex hoc insinuat, quod in felle amaritudinis esse non debet quisquis ad gratiam Spiritus sancti venire exoptat. Tertio denique hac specie Columbae se Patris Artificem pronuntiavit; nam, ut ait Tertullianus lib. de Baptismo cap. 8. *Quemadmodum post aquas diuini, quibus iniquitas purgata est, pacem caelestis ira proco Columba terris annuntiavit demissa ex Arca, & cum OLEA reversa, quod signum etiam apud nationes paci prestanditur: ita post vetera delicta Columba sancti Spiritus advolans, pacem Dei afferens emissa de Coelis.*

Denique suum in animas illapsum testatus est specie *Veni*, & Spiritus vehementis: Primò quidem, ut suam originem significaret, & proprietatem Personalem demonstraret, procedit enim ut amor; amor autem impulsus quemdam, significat quò voluntas amantis in amatum impellitur: Secundò quemadmodum ventorum origo nos latet, illique soli comperta, qui educit ventos de Thesauris suis, ita dicebat Christus Joannis 8. Spiritus ubi

vult spirat, & vocem ejus audis, & nescis unde veniat, aut quo vadat. Tertio tandem ventus, seu aer necessarius est ad vitam; sine enim halitu, & respiratione non vivitur: sic etià Spiritus sanctus omnino necessarius est ad vitam spiritualem: Unde sanctus Ambrosius expendens illa verba Genesis 2. *Formavit hominem de limo terræ, & inspiravit in faciem ejus spiraculum vitæ:* Necnon, & illa quæ Christus insufflans in Discipulos ait, *Accipite Spiritum sanctum:* Sic loquitur, *Insufflaverat tibi Deus ut inspirationis suæ donum haberes gratiam, quam culpa susculerat; factus eras in animam viventem, sed quia peccator signaculum tenere non potuit; propterea venit Jesus, & cum hac dixisset insufflavit.* ACCIPITE SPIRITUM SANCTUM.

Plura dicenda aggredider, nisi me deterteret Ecclesiastici capite 43. Oraculum, *Multas inquit, de Deo dicemus, & non pervenimus, & consummatio sermonum universa ipse est.* Quapropter finem dicendi faciam inclamando divini Spiritus illapsum hisce sancti Augustini verbis Tract. 74. in Joannem, *Veni Spiritus alme, veni divini amor Numinis, Patris omnipotentis, proliquo Beatissima sancta communicatio, Omnipotens Paraclete, merentium consolator, cordis mei penetratibus potenti illabere virtute, & tenebrosa quæque mentis mea coruscis Numinis fulgore pius habitator latifica? Veni fortitudo fragilium, humilium Doctor, superbiorum destructor! Veni Pater pauperum, veni dator manerum, veni lumen cordium. Da virtutis meritum, da salutis exitum, da perenne gaudium.*

Amen.

*Finit Tertius Tomus Teologiæ nostræ De Deo
Producente.*



THE HISTORY OF THE

REIGN OF KING CHARLES THE FIRST

BY SAMUEL JOHNSON

IN TEN VOLUMES

LONDON: Printed by A. MILLAR, in Pall-mall; and by J. DODD, in St. Dunstons Church-yard, 1765.

THE HISTORY OF THE

REIGN OF KING CHARLES THE FIRST

BY SAMUEL JOHNSON

IN TEN VOLUMES

LONDON: Printed by A. MILLAR, in Pall-mall; and by J. DODD, in St. Dunstons Church-yard, 1765.

THE HISTORY OF THE

REIGN OF KING CHARLES THE FIRST

BY SAMUEL JOHNSON

IN TEN VOLUMES

LONDON: Printed by A. MILLAR, in Pall-mall; and by J. DODD, in St. Dunstons Church-yard, 1765.

INDEX

RERUM, ET SENTENTIARUM,

Quæ in hoc Tertio Volumine continentur.

Prior numerus significat paginam, posterior verò columnam.

A

Actio productiva in Creaturis triplicem habet imperfectionem adjunctam. 71. 2
Actio secundum conceptum Communem nullam involvit imperfectionem. 97. 1

Activum.

Ratio activi non dependet per se à ratione passivi. 92. 1

Actus.

Actus essentiæles, & notionales non exigunt distinctas potentias. 87. 1

Duplex intellectus actus. 94. 2

Duplex differentia inter actum intellectus, & voluntatis. 108. 1

Adequatio.

Adequatio duplex, proportionata, & quantitativa. 195. 2

Adequatio quantitativa iterum duplex. ibid.

Æqualitas.

Æqualitas fundamentalis sumpta est perfectio simpliciter, non item æqualitas formaliter spectata. 195. 2

Anima.

Anima rationalis est terminus formalis generationis, tamen non est genita. 142. 2

Appropriatio.

Duo ad perfectam appropriationem desiderantur. 224. 1

Arrianus, Arriani.

Tertullianus faciem prætulit Arrianis. 52. 1

Qualiter Arrianus hæresim suam disseminaverit? ibid. 2

Quinam, & quot fuerint primi ejus Affectus? ibidem.

Qualiter Arriana hæresis post Concilium Nicaenum tres in factiones abierit? 63. 1

Quinam Patres ante Arrianam hæresim exortam filii Divinitatis meminerint? 67. 2

Autor.

Quid Authoris nomen significet apud Latinos? 217. 1

Axioma.

Illud Axioma propter quod unumquodque tale, etc. non est semper verum. 140. 2

B

Boetius.

Boetius censuit relationes non prædicari de Deo eodemmodo, quod cætera prædicamenta, sed diverso. 180. 1

C

Christus.

Christus est verus Dei Filius. 65. 1

Quomodo Christus dicatur unus esse cum Patre? ibid. 2

Quædam conveniant Christo secundum unam naturam, quæ non conveniunt ei secundum alteram. 68. 1

Christus non habet unicam visionem sibi adæquatam. 91. 2

Christus quatenus Deus, & homo dicitur primogenitus negativè, non positivè, nisi improprie, & Metaphoricè. 112. 2

Christus mortuus est liber, & necessario. 149. 1

Christus est adorandus non sub ratione Peronalitatis, sed sub ratione nature? 197. 1

Cognitio.

Cognitio intuitiva supponit objectum super existens in instanti reali nature, vel durationis, non originis, & emanationis. 124. 2

Communicari.

Quid sit Communicari ut quod, & ut quod? pag. 155. 2

Comprehensio.

Ad Comprehensionem potentie sufficit ut Cognoscatur secundum omnes gradus quos habet, non quos habere potest. 120. 2

Constitutio.

Constitutio rerum duplex, realis, & formalis. 161. 1

Deus

ET SENTENTIARUM:

D

Deus :

Deus non dicitur se solus per exclusionem personatum, sed plurium Deorum. 52. 2
In Deo est intellectus habens objectum præsens Cujus proinde gignit notitiam. 12. 1
Deus est in perpetuo actu generationis. 92. 1
Deus non dicitur hominum genitor, sive Pater nisi late, & improprie. 111. 2
Deus dicitur realiter Pater, & realiter Dominus, sed Pater intrinsece, & Dominus extrinsece. 179. 2
Non implicat in Deo esse plures formalitates relativas.
Deus est magis Pater filii sui, quam Creaturatum. 207. 2

Dicere.

Dicere opponitur relative dictio. 99. 2
Dicere præsupponit intelligere, & velle essentialia. 147. 1

Diffio.

Diffio non se habet per modum includentis, & intellectio per modum inclusi. 100. 1
Diffio, & Verbum spectari possunt vel in fieri vel in facto esse.
Diffio non est actus absolutus in ratione actionis. 102. 1
Diffio est constitutiva Patris, quæ varias fortiter appellationes propter diversos respectus. 104. 2
Nonnulli Scholasticæ asserunt dictionem in Patre priorem esse intellectione, sed alii rectius negant. 109. 2

Dilectio.

Dilectio, seu Amor in Divinis trifariam accipitur. 250. 2

Distinctio.

Inter dantem, & accipientem, est realis distinctio. 11. 1
In Deo nulla est distinctio specifica, nec numerica, sunt tamen quæ quasi plusquam numero distinguuntur. 84. 1
Distinctio rerum concipi potest vel quoad se, vel quoad nos. ibid. 2

E

Ens.

Ens à se non cognoscit Causam i 80. 2
Torum esse entis absoluti est in se, non verò entis relativi. 123. 1

Essentia.

Qui essentia Divinæ unitatem impugnaverint? 49. 1
Essentia Divina non mutatur per productionem Personarum. 82. 2

Essentia Divina est idem objectum materiale; non formale. 87. 2

Præsupponitur Essentia divina ad objectum infinitum, quam ad finitum. 127. 2

Essentia Divina necessario cognoscibilis est ut secunda. 123. 2

Essentia Divina in Diversis Personis est simul terminus formalis à quo, & ad quem. 141. 2

Filius recipit à Patre eandem numero essentialiam sicut, & Spiritus Sanctus à Patre, & filio. ibidem.

Talis Essentia Divina Communicatio sufficit ad veram, & perfectam generationem. ibid.

Essentia est principium sufficienter activum per se independentem à Personis. 171. 1

Essentiale.

Quod discrimen inter essentialia, propria, & appropriata? 223. 1

Cur uni Personæ approprietur aliqua essentialia? ibid. 2

Existere.

Per se existere duobus modis intelligitur. pag. 171. 1

Modus existendi per se duplex. ibid. 2

F

Filiatio.

Filiatio est impossibilis cum spiratione passiva. 191. 1

Filius.

Filius est Patri consubstantialis, & unus Deus? pag. 64. 1

Qualiter Filius dicatur minor Patre ab Hilario? 62. 2

Quomodo Filius dicatur ignorare diem Judicii? 69. 1

Filius, & Spiritus Sanctus procedunt ab unico principio. 77. 2

Quomodo Filius dicatur Antiocheus, idest, sine principio, & Ithova sicut, & Pater? pag. 82. 2

Filius exhaurit totam, & totaliter divini intellectus, non item voluntatis secunditatem. pag. 83. 2

Virtus *impensa* in productione Filii non est infinita in ratione virtutis divinæ simpliciter, sed tantum in ratione virtutis intellectivæ. 89. 1

Si Filius non produceretur per intellectiorem Pater non esset beatus ante generationem; vel saltem aliquid notionale prius esset aliquo essentiali. 100. 2

Filius rectius nominatur Verbum à dictione, quam ab intellectione. 102. 1

Ut Filius appellatur Patri non debet habere Paternitatem. 112. 1

Si Filius non haberet vim spirativam, non ideo

INDEX RERUM;

Idem defineret esse Filius . 116. 2
 Dei Filius in Scripturis Verbum dicitur
 non Metaphoricè , sed proprie . 121. 2
 Omnia , quæ habet Filius accipit à Patre , vel
 formaliter , vel identice . 131. 1
 Filius est tantum Imago illius à quo produci-
 tur , non objecti quod representat . 135. 1
 Qualiter Filius dicatur esse de substantia Pa-
 tris , non de propria , nec tamen Filius sub-
 stantiæ Patris nominetur ? 137. 2
 Filius accipit realitatem Personalem ex vi Fi-
 liationis , & essentialem ex vi essentiali sibi
 communicatæ . 141. 1

G

Generatio .

Generatio non importat semper mutationem ,
 nec dependentiam . 81. 2
 Generatio reperitur in Deo seclusa omni im-
 perfectione . 83. 1
 Fide constat esse in Deo generationem , qua-
 liter autem fiat , est explicatu difficilimum ,
 ut Sancti Patres constanter edocent , tam
 Greci , quam Latini . 106. 2
 Generatio vivendum triplex . 107. 2
 Quatuor ad Generationem desideranda . ibid.
 Major similitudo generica nihil confert ad
 generationem . 117. 2
 Productio Verbi creati est quædam Spiritua-
 lis generatio . 122. 1

Generari .

Generari , & spirari magis opponuntur , quàm
 generare , & spirare . 121. 1

H

Homousion .

Vox Homousion usurpata fuit in Concilio
 Nicæno contra Sabellinum , & Arrium quam
 longè ante hæretici quidam usurparant . 71. 1
 Quæ Causa Patres Nicænos impulit ut illa
 voce uterentur ? 72. 1
 Huius Vocabuli præbuit causam Eusebius Ni-
 comedienfis . ibidem .
 Quomodo Constantinus Imperator vocem
 Homousion reprehenderit ? 73. 2
 In Ariminensi Concilio nihil Decretum fuit
 contra vocem Homousion . 74. 1

Hypostasis .

Maxima olim controversia circa Hypostasis
 significationem , cui occasionem dedit usus
 Cordobensis Episcopus . 152. 2
 Hypostasis vocabulum personam significat ex
 usu Ecclesiæ , imò & antiquitatis . 174. 2

I

Jaçura .

Vade Lugenda Ecclesiæ orientalis Jaçura
 ortum habuerit ? 216. 2

Imago .

Quid sit Imago ? 218. 2
 Sicut triplex est similitudo , ita triplex est ima-
 go . ibidem .
 Imago , similitudo , æqualitas as invicem di-
 stinguuntur . 220. 1
 Ratio imaginis propriè soli filio tribuitur .
 ibidem 2

Duplex conditio ad rationem Imaginis ne-
 cessaria . ibidem .

Sigillum , & Character solo modo signifi-
 di ab imagine differunt . 221. 2

Nomen Imaginis vel pro exemplari , vel pro
 simili tudo producta usurpatur . 222. 1

Quomodo Spiritus Sanctus appelletur ima-
 go ? ibidem .

Creaturæ rationales non sunt perfectæ ima-
 gines Dei . ibidem . 2

Creaturæ magis propriè dicuntur Dei Imagi-
 nes , quàm Spiritus Sanctus . ibidem .

Non solum Filius est Imago Patris naturalis ,
 sed etiam intentionalis . ibidem .

Infinisum .

Infinisum aliud intensivè , aliud extensivè .
 pag. 192. 1

Ingenitum .

Ingeniti nomen duobus modis apud Sanctos
 Patres usurpatur . 113. 2

Ingenitum non constituit primam Personam .
 pag. 172. 1

Quomodo Ingenitum dicit dignitatem ?
 pag. 201. 2

Ingeniti nomen ab Arrio excogitatum ab Ar-
 rianis deinde usurpatum est adversus Catho-
 licos . 207. 2

Quatuor maximè habet significationes . 208. 1

Ingeniti Vocabulum si soli Patri tribuitur ac-
 cipi debet privativè . ibidem .

Ingenitum privativè sumptum est proprietas
 Patris divini . ibidem . 2

Ingeniti nomen ab aliquibus Patribus proscriptum
 quibus de causis . 209. 2

Ab iisdem tamen rite interpretatum , & ac-
 ceptum est ad dignoscendum Patrem ab aliis
 Personis . ibidem .

Ingenitum quid significet apud Græcos ? 210. 2

Instanti .

Sicut varia Instantia naturæ in eodem instan-
 ti temporis sic varia instantia originis di-
 stingui possunt in eodem instanti naturæ .
 pag. 125. 2

Vnum instanti Naturæ subdividi potest in
 alia

L

ET SENTENTIARUM.

alia minuitiora infantia . 126. 1
Intellectio
 Intellectio creata non est actio formaliter , &
 proprie dicta . 95. 1
 Intellectio à dictione formaliter distinguitur .
 pag. 98. 2
Intellectus
 Licet intellectus creatus non sit generativus
 in creatis , secus tamen in Divinis . 110. 2
 Nullus intellectus præter divinum producit
 aliquid simile producenti in Natura . 117. 1

L

Libertas .

Quotuplex Libertas ? 144. 1
 Optime itur libertas essentialis cum necessi-
 tate . 149. 1
 Libertas essentialis est potentia eligibiliter , &
 delectabiliter agens . ibidem .
 Potest esse libertas in actione producentis
 cum naturalitate termini . 150. 2

M

Missio .

Sicut Missio in creatis triplicem habet respo-
 sionem , sic in Divinis . 255. 1
 Missio necessario importat Manifestationem
 Personæ missæ per effectum aliquem exter-
 num . 258. 1
 Missio divina quid ? ibid. 2
 Missio ex parte effectus duplex est . 259. 1
 Missio visibilis alia est substantialis in essendo,
 alia in representando . ibid. 2

Mitti .

Filius , & Spiritus Sanctus à Patre mittuntur
 non solum quoad dona , quæ ipsi attribun-
 tur , sed etiam quoad ipsorum personas . 246. 1

Modus .

Modi principiandi per modum Naturæ , & vo-
 luntatis non possunt reduci ad unicum prin-
 cipium . 89. 1
 Quadruplex operandi modus . 143. 2
 Modus operandi libere simul , & necessario est
 cum nium Præstantissimus . 149. 2
 Quinque sunt modi quibus divinæ Personæ
 innascuntur . 200. 2

N

Natura .

Quare Natura divina sit immultiplicabilis ?
 pag. 53. 2
 Natura seorsim sumpta non est principium di-
 stinctum ab intellectu , & voluntate . 96. 1
 Natura divina est quidem principium produ-
 ctivum non seorsim , sed quatenus conjun-

cta est cum intellectu , & Voluntate . 96. 2
 Natura divina est remotum principium quo
 processionum divinarum . 123. 1
 Divinus intellectus , & divina Voluntas à
 sola Natura Divina tanquam ab objecto pri-
 mario , & adequato secundantur . 126. 2
 Natura est terminus formalis in productione
 Creaturarum . 129. 1
 Natura Divina præcisè secundum se conside-
 rata est perfecta in esse Naturæ Divinæ , &
 infinitæ , non verò in esse Personæ . 156. 1
 Natura singularis non est communicabilis , sed
 ut personata . 158. 1
 Natura Divina etiam personata in Patre adhuc
 Communicatur Filio , & Spiritui Sancto .
 ibidem .
 Natura Divina quatenus præcindit à personis
 est omnimodè completa in ratione Naturæ ,
 non Personæ . ibidem .
 Natura creata est Communicabilis tribus mo-
 dis . ibid. 2
 Natura Divina est incommunicabilis tribus
 modis . ibidem .
 Natura Divina ut præcindit à Personis habet
 subsistentiam absolutam . 174. 1
 Natura Divina ut præcindit à Personis existit
 per se . ibid. 2

O

Omnipotentia .

Omnipotentia formaliter à voluntate distincta
 est principium immediatè productivum Cre-
 aturarum . 151. 2

P

Particula .

Particula de , non significat semper consubstan-
 tialitatem . 143. 2
 Particula , & Filio , non fuit addita à Latinis .
 pag. 243. 1

Pater .

Non solum Pater , & Filius denotant diversa
 officia , sed etiam diversas Entitates . 49. 1
 Pater non est sapiens sapientia genita . 101. 1
 Quomodo Pater seipsum cognoscit in Ve-
 robo ? 104. 1
 Pater cum generat non concipitur cognoscere
 Creaturas . 131. 2
 Pater prius cognoscit , & diligit seipsum , quam
 generet Filium . 133. 1
 Patrem genuisse Filium voluntariè duobus
 modis potest intelligi . 144. 2
 Pater producit Verbum Voluntate anteceden-
 te , concomitante , & consequente . 147. 1
 Pater , & Filius sunt simul Natura , illatione ,
 & notitia . 175. 2
 Pa-

INDEX RERUM,

Pater refertur mutuo ad Spiritum Sanctum, sed non sub ratione Patris. 183. 1
Pater Deitatem, & relationem, Paternitas verò solum relationem connotat. 200. 1
Nomen Patris tripliciter usurpatur. 202. 1
Pater æternus perfectissimè sibi assimilatur Filium. 205. 2
Pater non est fons Divinitatis in abstracto, sed in concreto. 212. 1
Pater divinus non est sapiens sapientia genita. pag. 225. 2
Pater, & Filii diligunt se Spiritu Sancto. pag. 226. 2
Pater etiam si non spiraret, tamen à Spiritu Sancto distingueretur. 244. 1
Paternitas.
Paternitas divina est fons, & origo ejusdemque Paternitatis creatæ. 206. 1
Paternitas substantialiter Deo competit, accidentario tantum Creaturis. ibid. 2
Paternitas distinguit Patrem à Spiritu Sancto. pag. 247. 2
Paternitas, & spiratio activa non constituunt Personas distinctas. ibidem.
Perfectio.
Perfectio triplex. 192. 1
Tota Trinitatis perfectio repetenda est ex parte naturæ, non ex parte relationum. pag. 197. 1
Persona.
Persona divina beata esse possit, etiam unica. pag. 92. 1
Si plures essent Personæ, quam tres essent plures Dii. 54. 1
Quare possit tantum in Divinis esse una Persona improducta, & duæ productæ? ibid. 2
Gravis difficultas ex Verbis Sancti Augustini contra divinarum Personarum numerum proponitur, & solvitur. 18. 1
Tres Personæ Divinæ sunt unus Deus. 59. 1
Non censuerunt Patres Personas divinas convenire tantum specificè sicut duo homines conveniunt in natura humana. 61. 1
Sancti Patres non excludunt alias Personas cum solum Patrem Deum nominant. 69. 2
Non potest esse realis distinctio Personarum sine reali productione. 73. 1
Personæ Divinæ non procedunt per actus essentialia. 97. 1
Prius producantur Personæ Divinæ, quam Creaturæ habent ullum esse. 122. 1
Substanti Creaturis non minus Personæ divinæ subsisterent. ibid. 2
Personæ productæ eodem instanti cognoscuntur, quo Personæ producentes. 124. 1
Quomodo una Persona sit de essentia alterius, non consentiunt Theologi. 135. 2
Primaria Personæ significatio. 154. 2

Duplex Personæ divinæ definitio. 155. 2
Discrimen inrer Naturam, & Personam. ibid.
Nomen Personæ propriè Deo competit. 156. 2
Ratio Personæ in Divinis est aliquid positivum. 159. 1
Potest abstrahi à Divinis Personis aliquis conceptus Communis, qui sit ipis univocus. ibidem. 2
In qualibet Persona Divina est duplex Entitas. 161. 1
Personæ divinæ non constituuntur, nec distinguuntur se totis. ibid. 2
Personæ divinæ non sunt primò diversæ. 162. 1
Personæ divinæ constituuntur per relationes sub ratione formalis relationum. 167. 1
Rationes Personæ, & relationis sunt oppositæ in Creaturis, non in Divinis. 168. 1
Personæ divinæ non possunt dici seipsas æquales. pag. 173. 2
Duodecim nomina, quæ secundæ Personæ Scriptura tribuit, è quibus alia sunt Communia, alia propria. 214. 1
Eidem Personæ non repugnant diversæ proprietates. 219. 1
Aliquæ divinæ Personæ ab Aliis mittuntur. pag. 254. 2
Persona missa producitur à mittente. 255. 2
Præpositio.
Præpositionibus de, & ex indiscriminatum usi sunt Sancti Patres ad significandam consubstantialitatem Personæ productæ, & producentis. 124. 2
Præpositio de, est ad illam significandam aptior. ibid. 2
Præpositione ex usi sunt Ariani ad decipiendos Catholicos circa præsentem materiam. ibid.
Principium.
Duplex in Divinis Principium. 119. 1
Principium quò duplex. ibidem.
Nec essentia, nec intellectus, & Voluntas possunt esse Principium quod divinarum Personarum. ibid. 2
Solus intellectus, & Voluntas sunt principium quo divinarum Processionum. 120. 1
Idem principium non potest agere necessario, & contingenter circa eundem terminum, potest tamen agere necessariò circa terminum primarium, & contingenter circa terminum secundarium. 150. 2
Principii nomen in divinis essentialiter, notionaliter, & principaliter accipitur. 270. 2
Quòd discrimen inter principium, & Causam? 110. 2
Prioritas.
In divinis non est prioritas durationis, seu rei, sed tantum signi, & quidem à quò, non verò in quo. 125. 1
Prioritas duplex. 166. 1
Pro-

ET SENTENTIARUM.

Processio.

- Processio duplex.** 175. x
 In quo conveniunt, & differant Processio,
 productio, origo, & emanatio? *ibid.* 2
Processio in Deo sit in unitate Naturæ. 80. 2
Processiones sunt activæ, vel passivæ. 84. 1
 Divina Processio non potest determinari ad
 certam pluralitatem. 90. x
Processiones divinæ seipsis formaliter distin-
guuntur. 92. 1
 Licet processio communicet essentialia, non
 tamen ipsa est actus essentialis, sed tantum
 essentia est principium quo hujus produ-
 ctionis. 103. x
Ratio proxima cur Processio Verbi non item
Spiritus Sancti sit generatio, est quia Ver-
bum producit naturaliter, & Spiritus San-
ctus Voluntariè. 114. 1
Sanctus Augustinus aliud etiam discrimen
profert, sed planè coincidit cum priori sicut,
& omnia alia discrimina à diversis Authori-
bus afferri solita. 115. x
Validum durandi contra Thomistas de Pro-
cessionibus Verbi, & Spiritus Sancti argu-
mentum, sed pullatens in nos militat.
pag. 122. 2
Processiones divinæ sunt de aliquo. 136. 2
Verbi divini Processio est naturalis. 144. 2
Afferitur Sophisma Ariariorum contra Verbi
divini Processionem, & solvitur. 146. 2
Spiritus Sancti Processio est necessaria, libera
tamen. 148. x

Produci.

- Produci ab alio summe necessario non est infe-**
rioris, aut indigentis Naturæ. 81. x
Vnum, & idem non potest produci bina pro-
ductione totali. 243. 2
Productio.
Dux productiones activæ non repugnant ei-
dem supposito, bene verò dux productiones
passivæ. 249. 1

R

Ratio.

- Ratio Verbi, & Imaginis item ratio Amoris,**
& Dons non tam significant proprietates,
quam appropriationes. 203. 2
Raymundus.
Demonstratio Raymundi Lullii non sufficit
ad probandum evidentem Sanctissimæ Trini-
tatis Mysterium. 25. 2
Raymundus censuit omnes articulos fidei de-
monstrari posse. 39. 2

Relatio.

- Relationes divinæ possunt esse termini veræ &**
Relationis non creatæ. 95. x
Si Relatio esset terminus passionum non ef-

sent univocæ.

- Relatio est forma constituens in esse Personali,**
non verò in esse substantiali. 141. 2
In qualibet Relatione duo sunt distinguenda.
pag. 160. 2
Relatio creata præsupponit subiectum, non
divina. 164. 2
Relatio transcendentalis non præsupponit ex-
trema constituta & distincta. 166. 2
In Divinis una Relatio potest esse altera rela-
tione prior origine non natura. *ibid.* 2
Relationes extrinsecas constituentes non debent
terminari ad absolutum. 167. x
Relatio non habet aliam rationem formalem,
quam relativam. *ibid.* 2
Effectus formalis Relationis est referre unum
ad aliud. *ibidem.*
Relationes Personas constituunt quatenus si-
gnificant distinctionem realem unius ab alia.
pag. 168. 2
Relationes non constituunt personas quatenus
sunt formæ hypostatice. *ibidem.*
Quid Relationes ad intra? 176. 2
Quid Relationes ad extra? *ibidem.*
Relationes aliæ propriæ, aliæ Communes. *ibid.*
Relatio habet duplex esse. 177. x
Ad Relationem realem tria maximè decli-
nantur. *ibid.* 2
Relationes divinæ in tribus à creatis discrepant
ibidem.
Relationes propriæ in divinis sunt simpliciter
reales. 178. x
Relationes originis sunt reales secundum esse
ad. 180. 2
Relationes constituunt Personas secundum esse
ad. *ibidem.*
Relationes originis magis sunt reales, quam re-
lationes ex tempore Deo convenientes. 181. 1
Revera in Deo sunt relationes identitatis,
æqualitatis, & similitudinis quæ sunt reales.
pag. 182. 2
Ad relationem realem non est necesse ut fun-
damentum quo realiter distinguatur. 184. 1
Inter duo subiecta eadem numero quantitate
affecta Intercederet relatio æqualitatis. *ibid.*
Quò major est unitas essentiarum, eò perfectior
relatio identitatis. *ibidem.* 2
Quatuor sunt relationes originis. 186. 1
Relatio Principii in Deo non est semper realis,
& quando? 189. 1
Relationes originis nullam dicunt formaliter
perfectiorem. 193. x
Relationes originis non sunt e spaces infinitas.
pag. 196. 2
Relatio disparata est sufficiens ratio distinguen-
di Spiritum Sanctum à Patre, & Filio. 247. x
Dux Relationes disparatæ sunt interdum in-
compossibiles. 248. 2
 248. 2

INDEX RERUM;

S

Sapere Sapientia.

- Magnum discrimen inter diligere, & sapere, in Divinis. 226. 2
Sapientia interdum supponitur pro nomine Verbi. 224. 1
Sapientia tribuitur Filio divino, non propriè, sed appropriatè. 225. 2

Spiratio.

- Spiratio activa non constituit distinctam Personam. 58. 1
Spiratio, & generatio est quidem non res, non vero una actio. 88. 1
Licet spirationis activæ nulla sit mentio apud Sanctos Patres, eam tamen sufficienter designant per relationem mutuam inter omnes Personas. 138. 2
Spiratio activa non inserit quaternitatem. ibidem. 2
Spiratio activa refuscat à Patre, & Filio, non secundum rem, sed secundum formalitatem. 189. 2
Spiratio activa non distinguitur realiter à Paternitate, & filiatione. ibidem.
Spiratio activa producit à Paternitate, & Filiatione. 190. 1

Spiritus Sanctus.

- Spiritus Sanctus est verus Deus. 69. 2
Eximia Sancti fulgentiæ de Divinitate Spiritus Sancti sententia. 70. 2
Lepidum, sed ineptum Eunomianorum dilemma contra Divinitatem Spiritus Sancti. pag. 123. 2
Spiritus Sanctus, Charitas, amor, & Donum in scripturis appellatur propriè, non Metaphoricè. 120. 2
Spiritus Sanctus non est de essentia, ut de materia. 125. 2
Spiritus Sanctus procedit per modum voluntatis, qui est liber. 148. 2
Per quid Pater, & Filius distinguantur à Spiritu Sancto? 186. 2
Cur tertia Persona Trinitatis Spiritus Sanctus nuncupetur? 227. 1
Spiritus etymon traditur, & expenditur. ibid.
Quis Spiritum Sanctum à solo Patre procedere prius asseruit nondum compertum est. pag. 228. 2
Theodoretus videtur prius asseruisse Spiritum Sanctum à solo Patre procedere. ibidem.
Spiritus Sanctus à Patre, Filioque procedit. ibidem.
Spiritus Sanctus non exigit per se produci à duabus Personis. 229. 1
Pater, & Filius sunt unicum Spiritus Sancti principium. ibidem.

Spiritus Sanctus habet rationem doni non solum respectu Creaturarum, sed etiam respectu Patris, & Filii. 232. 1

Spiritus Sanctus donum dicitur ex eo quod dari possit. ibidem. 2

Spiritus Sanctus dari potest quatuor modis. ibidem.

Cur Spiritus Sanctus apparuerit sub specie ignis, columbæ, & ventus? 259. 2

Subsistentia.

- Multiplex substantiæ significatio. 154. 1
Subsistentia absoluta non est ultimus terminus Naturæ divinæ, sed relativa, quæ Naturam non subsistentat, aut perficit sed tantum terminat. 172. 2
Tres sunt substantiæ relativæ in Divinis. pag. 172. 2
Subsistentia incommunicabilis est ultimus terminus in ratione subsistenti, non verò communicabilis. 174. 1
Subsistentia dupliciter accipitur à Patribus. pag. 175. 2

T

Terminus.

- Repuant duos adequatos terminos ab infinita potentia produci. 57. 2
Intellectus, & voluntas habent terminum sibi adequatum cum intensivè, cum extensivè. 91. 2
In creatis duplex est terminus actionis productivæ, terminus scilicet à quod, & terminus ad quem. 125. 1
In Divinis nullus est terminus à quo propriè dictus. ibid. 2
Terminus totalis ad quem processionem divinarum est Persona producta, formalis verò est essentia Communicata. 139. 2
Terminus formalis in creatis efficit distinctionem realem quia producit, non autem in Divinis. 141. 2
Respicere terminum non est Commune enti reali, & rationis. 182. 2

Trinitas.

- Tria maxime docet fides de Mysterio Trinitatis. 27. 1
Trinitatis mysterium haud obscure deducitur ex veteri Testamento. ibid. 2
Quinam, ex Gentilibus, & Philosophis Trinitatem aliquatenus agnoverint? 33. 1
Vnde Philosophi notitiam Trinitatis habuerint? 38. 1
Intellectus creatus fide divina illustratus non potest demonstrare Mysterium Trinitatis. pag. 43. 2
Variæ ex rebus naturalibus similitudines, quibus Mysterium Trinitatis explicatur. 46. 1

Trig.

ET SENTENTIARUM.

Trinitatis Vestigium maximè consistit in unitate, specie, ac ordine Creaturarum. 47. 1
 Qui Trinitatem fuerint infectati? 48. 1
 Sectosa Trinitate, Deus non esset infinite perfectus. 53. 1

V

Verbum.

Verbum procedit ab intellectu, quatenus intellectus est saltem radicaliter. 103. 1
 Verbi productio intellectui potius, quam obiecto est tribuenda. 110. 1
 Verbum Divinum est expressivum omnium representabilium, sed pro illo instanti, quo representabilia sunt, non ante, nec id officit illius infinitati. 119. 1

Verbum nascitur ex cognitione comprehensiva essentiae divinae, adeoque, & Personarum. pag. 133. 2
 Verbum Divinum producitur per Communicationem indivisibilem Naturae divinae. 142. 1
 Quinam haeretici circa Dei Verbum erraverint? 214. 2
 Cur Filius Verbum Dei appelletur. 215. 1
 In tribus conveniunt Verbum creatum, & increatum. ibid. 2
 Spiritus Sanctus dicitur interdum Verbum ab effectu quem operatur in evangelizantibus. pag. 218. 2
 Verbum non est forma quâ Pater est formaliter sapiens, nec est principium Sapientiae Patris, nec est principium subanthoritativum respectu actus sapiendi, qui est in Patre. 226. 1

Finis Rerum Notabilium.



